

S T E N O G R A M,
33. RADNE SJEDNICE SKUPŠTINE KANTONA SARAJEVO, ODRŽANE U SRIJEDU,
03.03.2021. GODINE SA POČETKOM RADA U 10,00 SATI (ONLINE)

Predsjedavajući Elvedin Okerić (u daljem tekstu predsjedavajući):

Otvaram 33. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

ONLINE sjednici prisustvuje 29 zastupnika, što je dovoljan broj za punovažan rad i odlučivanje.

Izostanak sa današnje sjednice opravdali su zastupnica Segmedina Srna, te zastupnik Sead Milavica.

Prijedlog dnevnog reda 33. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 19.02.2021.godine.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, br: 41/12, 15/13, 47/13, 47/15, 48/16, 9/20 i 14/20), Kolegij Skupštine Kantona Sarajevo, dana 26.02.2021. godine, prihvatio je da se Prijedlog dnevnog reda 33. Radne sjednice, dopuni sa sljedećim tačkama:

1. Mišljenje Ministarstva za rad, socijalnu politiku, raseljena lica i izbjeglice Kanton Sarajevo na Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom (razmatraće se kao tačka 6.);
2. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatraće se kao tačka 7.);
3. Prijedlog odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo; (razmatraće se kao tačka 8.);
4. Prijedlog Odluke o izmjeni naziva ulice , odnosno preimenovanju ulice na području Općine Vogošća-MZ "Kobilja glava";(razmatraće se kao tačka 9.);
5. Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2021. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2021. godinu; (razmatraće se kao tačka 14.);
6. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu Lamela B, izgrađenom u naselju Buća Potok, općina Novi Grad Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Nihad); (razmatraće se kao tačka 41.);
7. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-36, izgrađenom u naselju Šip, općina Centar, Sarajevo, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Emin Bandić); (razmatraće se kao tačka 42.);
8. Prijedlog Odluke o davanju saglasnosti na nacrt ugovora o kupoprodaji nekretnine u stambeno – poslovnom objektu “O-2”, izgrađenom u naselju Rosulje, općina Vogošća,

Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Tulek Aziz); (razmatraće se kao tačka 43.);

9. Prijedlog Odluke o davanju saglasnosti na nacrt ugovora o kupoprodaji nekretnine u stambeno-poslovnom objektu Niz E, Lamela E4, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine (Pilić Alen); (razmatraće se kao tačka 44.);
10. Informacija o procesu reforme obrazovanja u Kantonu Sarajevo; (razmatraće se kao tačka 56.);

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 33. Radne sjednice, glasi:

1. Poslanička/Zastupnička pitanja i odgovori;
2. Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine-skraćeni postupak;
3. Prijedlog Zakona o izmjeni Zakona o šumama Kantona Sarajevo- skraćeni postupak;
4. Prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća-skraćeni postupak;
5. Prijedlog Zakona o izmjenama i dopunama Zakona o državnoj službi u Kantonu Sarajevo;
6. Mišljenje Ministarstva za rad, socijalnu politiku, raseljena lica i izbjeglice Kanton Sarajevo na Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom;
7. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
8. Prijedlog odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo;
9. Prijedlog Odluke o izmjeni naziva ulice , odnosno preimenovanju ulice na području Općine Vogošća-MZ "Kobilja glava"
10. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za zaključivanje Ugovora o zamjeni nekretnina između Kanton Sarajevo, Ministarstvo saobraćaja, Direkcije za puteve i Zavoda za izgradnju Kantona Sarajevo sa jedne strane i Beširević Saudina sa druge strane u svrhu izgradnje saobraćajnice I transverzale, dionica Kranjčevićeva-Bare-Hotonj, u skladu sa članom 23. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16);
11. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za zaključivanje Ugovora o kupoprodaji nekretnine između Kanton Sarajevo, Ministarstvo saobraćaja, Direkcije za puteve i Zavoda za izgradnju Kantona Sarajevo sa jedne strane i Jovičić Tatomira sa druge strane u svrhu izgradnje saobraćajnice I transverzale, dionica Kranjčevićeva-Bare-Hotonj, u skladu sa članom 23. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16);
12. Prijedlog Odluke o usvajanju okvira za otkup imovine i naknade radi realizacije Projekta izgradnja gradskih saobraćajnica u Kantonu Sarajevo;

13. Prijedlog Odluke kojom se daje saglasnost na Nacrt Ugovora o zakupu dijela prostora – južno krilo Doma mladih koji se zaključuje između KJP CENTAR “SKENDERIJA” d.o.o. Sarajevo i Turističke zajednice Kantona Sarajevo;
14. Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2021. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2021. godinu;
15. Prijedlog Odluke o davanju saglasnosti na nacrt ugovora o prodaji u stambenom objektu “3B”, izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Beširević Suad);
16. Prijedlog Odluke o davanju saglasnosti na nacrt ugovora o prodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Tuhčić Alma);
17. Prijedlog Odluke o davanju saglasnosti na nacrt ugovora o kupoprodaji u stambenom objektu “3D”, izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Raščić Enes);
18. Prijedlog Odluke o davanju saglasnosti na nacrt ugovora o kupoprodaji u stambenom objektu K-35, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Lojo Gracić Nerkeza i Lojo Džeamsdin);
19. Prijedlog Odluke o davanju saglasnosti na nacrt ugovora o kupoprodaji u stambenom objektu K-35, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Ljevo Admir i Eminović-Ljevo Anisa);
20. Prijedlog Odluke o davanju saglasnosti na nacrt ugovora o kupoprodaji u stambenom objektu K-35, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Čedić Kemal i Čedić Amila);
21. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-35, izgrađenom u naselju Šip, Općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Udruženje Kupujmo i koristimo domaće-kvalitetno i proizvedeno u Bosni i Hercegovini);
22. Prijedlog Odluke o davanju saglasnosti na nacrt ugovora o kupoprodaji u stambenom objektu 3D, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnina (Kovačević Elvedina i Kovačević Ismir);
23. Prijedlog Odluke o davanju saglasnosti na nacrt ugovora o kupoprodaji stana u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih

- boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Suljanović Edita);
24. Prijedlog Odluke o davanju saglasnosti na Nacrt ugovora o kupoprodaji stana u stambeno-poslovnom objektu Niz B, Lamela B 2, izgrađenog u naselju Dobrinja V, općina Novi Grad Sarajevo, koji će Kantonalni stambeni fond Sarajevo, kao Prodavac, zaključiti sa kupcem (Borančić Delva);
25. Prijedlog Odluke o davanju saglasnosti na nacrt ugovora o kupoprodaji nekretnine, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Karić Melina);
26. Prijedlog Odluke o davanju saglasnosti na nacrt ugovora o kupoprodaji u stambenom objektu K-34, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Zeherović Alisa);
27. Prijedlog Odluke o davanju saglasnosti na nacrt ugovora o kupoprodaji u stambeno-poslovnom objektu K-93, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Pazelja Ermin);
28. Prijedlog Odluke o davanju saglasnosti na nacrt ugovora o kupoprodaji stana u stambeno-poslovnom objektu Niz B, Lamela B 2, izgrađenog u naselju Dobrinja V, općina Novi Grad Sarajevo, koji će Kantonalni stambeni fond Sarajevo, kao Prodavac, zaključiti sa kupcem stana (Bilalović Emina);
29. Prijedlog Odluke o davanju saglasnosti na nacrt ugovora o kupoprodaji stana i garaže u stambeno-poslovnom objektu Niz B, Lamela B 2, izgrađenog u naselju Dobrinja V, općina Novi Grad Sarajevo, koji će Kantonalni stambeni fond Sarajevo, kao Prodavac, zaključiti sa kupcem (Kamenica Korjenić Amar);
30. Prijedlog Odluke o davanju saglasnosti na nacrt ugovora o kupoprodaji nekretnina u stambeno-poslovnom objektu Niz B, Lamela B 1 i 3, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine (Musić Sulejman);
31. Prijedlog Odluke o davanju saglasnosti na nacrt ugovora o kupoprodaji nekretnina u stambeno-poslovnom objektu Niz B, Lamela B1, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine (Čorbo Rušid);
32. Prijedlog Odluke o davanju saglasnosti na nacrt ugovora o kupoprodaji u stambenom objektu K-34, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Skender Esad);
33. Prijedlog Odluke o davanju saglasnosti na nacrt ugovora o kupoprodaji u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Aladžuz Nizama);
34. Prijedlog Odluke o davanju saglasnosti na nacrt ugovora o kupoprodaji nekretnine u stambeno-poslovnom objektu 3A, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnina (Smajlović Muhamed);

35. Prijedlog Odluke o davanju saglasnosti na nacrt ugovora o kupoprodaji stana i garaže u stambeno-poslovnom objektu Niz B, Lamela B 2, izgrađenog u naselju Dobrinja V, općina Novi Grad Sarajevo, koji će Kantonalni stambeni fond Sarajevo, kao Prodavac, zaključiti sa kupcem (Kadrić Džana);
36. Prijedlog Odluke o davanju saglasnosti na nacrt ugovora o kupoprodaji nekretnine u stambeno-poslovnom objektu Niz B, Lamela B1, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine „TI-TERMOENERGETSKI INŽINJERING“ d.o.o. Sarajevo;
37. Prijedlog Odluke o davanju saglasnosti na nacrt ugovora o kupoprodaji nekretnine u stambeno-poslovnom objektu Niz B, Lamela B3, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine (Hanjalić Sabina);
38. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao prodavac, zaključiti sa kupcem nekretnine (Bećirbašić Danijela);
39. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-34, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao prodavac, zaključiti sa kupcem nekretnine (Hodžić Zehra);
40. Prijedlog Odluke o davanju saglasnosti na nacrt ugovora o kupoprodaji nekretnina u stambenom objektu K-34, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao prodavac, zaključiti sa kupcem nekretnina (Hodžić Amila);
41. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu Lamela B, izgrađenom u naselju Buća Potok, općina Novi Grad Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Nihad)
42. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-36, izgrađenom u naselju Šip, općina Centar, Sarajevo, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Emin Bandić);
43. Prijedlog Odluke o davanju saglasnosti na nacrt ugovora o kupoprodaji nekretnine u stambeno – poslovnom objektu “O-2”, izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Tulek Aziz);
44. Prijedlog Odluke o davanju saglasnosti na nacrt ugovora o kupoprodaji nekretnine u stambeno-poslovnom objektu Niz E, Lamela E4, Dobrinja V, općina Novi Grad Sarajevo, koji će Kantonalni stambeni fond Sarajevo, kao prodavac, zaključiti sa kupcem nekretnine (Pilić Alen)
45. Prijedlog Odluke o davanju saglasnosti za zaključivanje Okvirnog sporazuma i Ugovora o zakupu zemljišta za odlaganje privremeno oduzetih motornih vozila za period 2021. – 2024. godina između ugovornih strana Ministarstva unutrašnjih poslova Kantona Sarajevo kao zakupca i „BOSMAN“ d.o.o. Sarajevo, kao zakupodavca, koji je

- izabran putem javnog poziva provedenog na osnovu člana 10. stav (1) tačka e) Zakona o javnim nabavkama BiH („Službeni glasnik BiH”, broj: 39/14);
46. Prijedlog odluke o davanju saglasnosti za zaključenje Ugovora o zakupu poslovnog prostora – bolnički kompleks bivše Klinike za kožno – venerične bolesti "Dr. Ernest Grin", za 2021. i 2022. godinu između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice, Ministarstva zdravstva i Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba") kao zakupca;
 47. Prijedlog Odluke o davanju saglasnosti na Statut o izmjeni i dopuni Statuta Javne ustanove Zavod za hitnu medicinsku pomoć Kantona Sarajevo;
 48. Izvještaj o radu i finansijskom poslovanju Javne ustanove za 2019. godinu:
 - a) Narodno pozorište;
 - b) Sarajevska filharmonija;
 - c) Pozorište mladih, Sarajevo;
 - d) Kamerni teatar 55, Sarajevo;
 - e) MES – Međunarodni teatarski festival – Scena MESS;
 - f) Muzej Sarajeva;
 - g) Historijski arhiv Sarajevo;
 - h) Biblioteka Sarajeva;
 - i) Bosanski kulturni centar Kantona Sarajevo;
 - j) Muzej "Alija Izetbegović", Sarajevo;
 49. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa, Sarajevo za 2018. godinu;
 50. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa, Sarajevo za 2019. godinu;
 51. Izvještaj o poslovanju KJKP „RAD“ d.o.o. Sarajevo za 2019. godinu;
 52. Izvještaj o poslovanju JP „Televizija Kantona Sarajevo“ d.o.o. Sarajevo za 2019. godinu;
 53. Izvještaj o radu sa finansijskim izvještajem Kantonalnog zavoda za pružanje besplatne pravne pomoći Kantona Sarajevo za 2019. godinu;
 54. Izvještaj o realizaciji Plana upravljanja otpadom Kantona Sarajevo za period 2015.-2020.godina, koji je pripremilo Ministarstvo prostornog uređenja, građenja i zaštite okoliša Kantona Sarajevo;
 55. Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo u 2020. godini;
 56. Informacija o procesu reforme obrazovanja u Kantonu Sarajevo;

Poslovnička intervencija, uvaženi zastupnik Mirza Čelik, izvolite.

Poslanik/zastupnik Mirza Čelik:

zahvaljujem predsjedavajući. Poštovani predsjedavajući, dopredsjedavajući, poštovani sekretaru, članovi Vlade, zastupnice i zastupnici u Skupštini Kantona Sarajevo kao i naši dragi gledaoci, mediji poštovani, sve želim da pozdravim prije samog obraćanja. Pa evo ja sam na prošloj sjednici i prethodnoj ukazivao na nekoliko Zakona koji su došli u skupštinsku proceduru kada sam bio predsjedavajući i zaista ću pokušati istrajati na tome do kraja, dokle god ti zakoni ne budu u prijedlogu dnevnog reda, a sve do tada ću glasati protiv dnevnog reda a naglasiti ću koji su to zakoni. Pa evo molim i članove Vlade i vas predsjedavajući da vidite šta je sa ovim zakonima. A to je : Prijedlog Zakona i izmjeni i dopunama Zakona o porezu na promet nekretninama i porezu na naslijeđe i poklonima Kantona Sarajevo-skraćeni postupak.

To je uvažena zastupnica Vildana Bešlija podnijela 10.09., 14.09. je to proslijeđeno Vladi kao i Zakonodavno-pravna komisija kao i Komisiji za budžet i finansije i ljudska prava i građanske slobode. Drugi Zakona je Prijedlog Zakona o izmjeni zakona o socijalnih zaštiti civilnih žrtava rata i zaštiti porodice sa djecom – skraćeni postupak. Također podnesen 14.09. uvažena zastupnica Jasna Duraković. 15.09. smo proslijedili, bar dok sam bio predsjedavajući Vladi Kantona, Zakonodavno-pravna komisija, Komisiji za rad i socijalnu politiku. Treći Zakon je Prijedlog Zakona o dopuni Zakona o porezu na promet nekretninama i porezu na naslijeđe i poklonima Kantona Sarajevo – skraćeni postupak. 17.09. je došlo u skupštinsku proceduru, uvaženi zastupnik Suljević Samir je taj Zakon podnio. 21.09. Vladi Kantona Sarajevo, Zakonodavno-pravna komisiji, i Komisiji za budžet i finansije proslijeđeno. I četvrti Zakon je Nacrt Zakona o zaštiti od svjetlosnog zagađenja u Kantonu Sarajevo, 01.10. je podnijela zastupnica kolegica Vildana Bešlija. Već smo taj Zakon.

Predsjedavajući:

kolega Čelik mislim da ste trebali ovo (*predsjedavajući i zastupnik Čelik govore istovremeno*) pitanja i inicijative. Jeste li završili?

Poslanik/zastupnik Mirza Čelik:

ovo nisu zastupnička pitanja i inicijative uvaženi predsjedavajući. Ovi su zakoni već ušli u proceduru i oni su se trebali da nađu na dnevnom redu. Prije pet mjeseci su podneseni i evo dokle god ti zakoni ne budu na dnevnom redu ja ću biti suzdržan za dnevni red. Hvala vam predsjedavajući.

Predsjedavajući:

dobro, to je vaše pravo. Hvala vam, prijatno. Zastupnik Zvonko Marić, također poslovnička intervencija.

Poslanik/zastupnik Zvonko Marić:

zahvaljujem poštovani predsjedavajući. Dakle, dame i gospodo, drugarice i drugovi, poštovani građani. Predsjedavajući ja sam imao jednu inicijativu koja se odnosi na nastavu odnosno na inkluziju u vrijeme pandemije i molio bih vas ukoliko je moguće da se zastupnici izjasne da li su za uvrštavanje ove tačke dnevnog reda budući da pretpostavljam da ova sjednica s obzirom na broj tačaka neće biti završena i imat će sasvim dovoljno vremena kolege zastupnici o ovoj tački dnevnog reda i da je uvrstimo za nastavak sjednice. Veoma je važno jer u vrijeme pandemije odvija se online nastava. Uglavnom mi znamo da se mnogi nastavnici a mnogi učenici također nisu snašli u tom okruženju online okruženju tako reći, i posebice djeca sa poteškoćama u razvoju. Moramo misliti i na tu kategoriju učenika. I volio bih, jer ja sam predložio, evo i molio tematsku sjednicu, ali svrsishodnije je i brže, operativnije bi nekako bilo ukoliko bi vi uvrstili tu tačku dnevnog reda za nastavak ove sjednice, ukoliko ne, onda ja ću ostati pri tome da zahtijevam hitnu sjednicu vezano za ovu temu, jer moramo voditi računa o razvoju i napretku te djece. Svaka minuta je dragocjena, to znamo. I ta djeca imaju zaista poteškoća sa praćenjem online nastave i moramo misliti na njih. Zbog toga, evo predlažem da se možda zastupnici izjasne da se ova tačka dnevnog reda uvrsti u dnevni red.

Predsjedavajući.

Zahvaljujem kolega Mariću. Dnevni red utvrđuje Kolegij Skupštine Kantona Sarajevo. Ovaj dnevni red je utvrđen. Mi se sada možemo izjasniti o dnevnom redu koji sam pročitao.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

A molim službu da objavi anketu za izjašnjavanje. Zaključujem glasanje. Molim službu da objavi rezultate.

ZA JE GLASAO 21 ZASTUPNIK, PROTIV 9 i SUZDRŽANO ništa. Ispravka, ZA JE GLASAO 21 ZASTUPNIK, PROTIV NIŠTA, SUZDRŽANIH 9.

KONSTATUJEM DA JE SKUPŠTINA ZA 33. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec decembar 2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec novembar 2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec oktobar 2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec septembar 2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar-septembar 2020. godine;
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli-septembar 2020. godine;
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2020. godine;
- Informacija o istraživanju tržišta rada na području Kantona Sarajevo za 2019. godinu;
- Izvještaj Ministarstva finansija Kantona Sarajevo o poduzetim aktivnostima budžetskih korisnika po preporukama Ureda za reviziju institucija FBiH iz Konačnog izvještaja o finansijskoj reviziji Budžeta Kantona Sarajevo za 2019. godinu;

Prije nego što pređemo na realizaciju prve tačke dnevnog reda obavezni smo da razmatramo zapisnike sa stenogramima sa 11., 12., 13., i 14. Hitne sjednice kao i zapisnici sa 29., 30. i 32. Radne sjednice Skupštine Kantona Sarajevo, koji su vam dostavljeni uz poziv za sjednicu.

Ima li primjedbi kada su u pitanju zapisnici? S obzirom da nema primjedbi, molim vas da se izjasnite o Zapisniku sa 11. Hitne sjednice Skupštine Kantona Sarajevo.

Zaključujem glasanje, molim službu da objavi rezultate. Zbog tehničkih problema služba neće moći objaviti ove rezultate.

ZA je glasalo 27 zastupnika, PROTIV ništa i SUZDRŽANO 1.

Konstatujem da je Skupština potvrdila Zapisnik sa 11. Hitne sjednice Skupštine Kantona Sarajevo održane 05.10.2020. godine.

b)

Molim vas da se izjasnite o Zapisniku sa 12. Hitne sjednice Skupštine Kantona Sarajevo.

Zaključujem glasanje, molim službu da objavi rezultate.

ZA je glasalo 24 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 12. Hitne sjednice Skupštine Kantona Sarajevo održane 30.11.2020. godine.

c)

Molim vas da se izjasnite o Zapisniku sa 13. Hitne sjednice Skupštine Kantona Sarajevo. Molim službu da formira anketu. Zaključujem glasanje. Molim službu da objavi rezultate. ZA je glasalo 26 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 13. Hitne sjednice Skupštine Kantona Sarajevo održane 17.12.2020. godine.

d)

Molim vas da se izjasnite o Zapisniku sa 14. Hitne sjednice Skupštine Kantona Sarajevo. Zaključujem glasanje. Molim službu da objavi rezultate.

ZA je glasalo 26 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 14. Hitne sjednice Skupštine Kantona Sarajevo održane 29.12.2020. godine.

e)

Molim vas da se izjasnite o Zapisniku sa 29. Radne sjednice Skupštine Kantona Sarajevo. Služba je pripremila anketu. Zaključujem glasanje. Molim službu da objavi rezultate.

ZA je glasalo 27 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 29. Radne sjednice Skupštine Kantona Sarajevo održane 28.09.2020. godine.

f)

Molim vas da se izjasnite o Zapisniku sa 30. Radne sjednice Skupštine Kantona Sarajevo.

Anketu imate. Zaključujem glasanje. Molim službu da objavi rezultate.

ZA je glasalo 27 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 30. Radne sjednice Skupštine Kantona Sarajevo održane 28.10., 03.11. i 17.11.2020. godine.

g)

Molim vas da se izjasnite o Zapisniku sa 32. Radne sjednice Skupštine Kantona Sarajevo.

Imate anketu. Zaključujem glasanje. Molim službu da objavi rezultate.

ZA je glasalo 25 zastupnika, PROTIV ništa i SUZDRŽANIH ništa.

Konstatujem da je Skupština potvrdila Zapisnik sa 32. Radne sjednice Skupštine Kantona Sarajevo održane 05.01.2021. godine.

Imamo uvaženog premijera Edina Fortu javlja se za riječ.

Premijer Edin Forto:

dobar dan svima. Evo mi smo pažljivo saslušali kako ste usvojili dnevni red, imamo intervenciju na dnevni red. Povlačimo sljedeće tačke:

tačka 5, 12, 13, 51, 54. Hvala.

Predsjedavajući:

premijeru, ja bih vas zamolio da pročitate tačke. Zbog stenograma ja bih vas zamolio da pročitate tačke.

Premijer Edin Forto:

tačka 5. je Zakon o državnoj službi

tačka 12. Prijedlog odluke o usvajanju okvira za otkup imovine i naknade za realizaciju projekta izgradnje gradske zaobilaznice

tačka 13 Prijedlog odluke kojom se daje saglasnost na nacrt ugovora o zakupu dijela prostora južno krilo Doma Mladih Centra Skenderija i Turističke zajednice

tačka 51. Izvještaj o poslovanju KJKP RAD za 2019 i

tačka 54. Izvještaj o realizaciji plana upravljanja otpadom.

Predsjedavajući:

Zahvaljujem se premijeru. Poslovnička intervencija, zastupnik Mirza Čelik.

Poslanik/zastupnik Mirza Čelik:

Zahvaljujem predsjedavajući. Vrlo kratko, podsjetit ću premijera kada vi pročitate tačku dnevnog reda, ove već koje je naglasio da će povući, tek tada može povući tu tačku dnevnog i da ne bi gubili vrijeme ja vas molim da u skladu sa Poslovnikom kako je to i Poslovnik naložio da radimo. Evo hvala vam, toliko.

Predsjedavajući:

Kolega Čelik Poslovnik kaže da prije pretresa se tačke mogu povući. Da li je to nakon samog pročitano dnevnog reda ili nakon dođemo do te tačke nije ni važno. Tako da ovo je sve u skladu sa Poslovnikom. Hvala vam.

Tačka jedan:

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Samo ću kratko sugerisati zastupnicima i zastupnicima da vode računa zbog obimnog dnevnog reda da ne čitaju sva pitanja i inicijative da u skladu sa Poslovnikom i predviđenim vremenom vode računa o podnošenju pitanja i inicijativa javno. A naravno sve ove ostale mogu dostaviti mailom skupštinskoj službi. Hvala vam. Evo prvi se javio zastupnik Mahir Dević. Izvolite.

Poslanik/zastupnik Mahir Dević:

zahvaljujem predsjedavajući, da li se čujemo? Hvala vam. Koristim priliku da toplo poselamim i pozdravim sve gledaoce TVSA, vas kolegice i kolege zastupnike u Skupštini Kantona Sarajevo i Vladu Kantona Sarajevo. Za današnju sjednicu imam jedno pitanje i dvije inicijative.

Prvo pitanje se odnosi na Ministarstvo privrede resorno. Molim ministra privrede Kantona Sarajevo gospodina Delića da mi dostavi za posljednjih pet godina taksativno nabrojano koja pravna lica su uplaćivala sredstva za OKFŠ u Kantonu Sarajevo? Znači po godinama, posljednjih pet godina koja su izvršila tu zakonsku obavezu prema Zakonu o šumama Kantona Sarajevo. Znači sa jasnim ciframa, naznakama, imenima, prezimenima firmi, preduzeća, javnih preduzeća koja su izvršavala tu vrstu obaveze. To je pitanje.

Za današnju sjednicu u skladu sa članom 213 Poslovnika o radu Skupštine Kantona Sarajevo podnosim dvije inicijative:

prva inicijativa pokrećem inicijativu prema Komisiji za izbor i imenovanja da zaustavi nezakonitu isplatu sredstva na privatne račune samostalnih zastupnika u Skupštini Kantona Sarajevo koji su formirali parlamentarne grupe nakon što su napustili matične stranke u Skupštini Kantona Sarajevo. Komisija za izbor i imenovanja je dužna u skladu sa članom 22 Poslovnika o radu Skupštine Kantona Sarajevo da naloži novoformiranim parlamentarnim grupama samostalnih zastupnika da otvore posebne račune za rad i stvaranje uslova za njihovo parlamentarno djelovanje. Također predstavnici tih parlamentarnih grupa su dužni imenovati predsjednika parlamentarne grupe ili nekog drugog ovlaštenog zastupnika kao nalagodavca za utrošak finansijskih sredstava te na kraju svake fiskalne godine, znači jednom

godišnje dostaviti izvještaj o utrošku tih finansijskih sredstava Komisiji za izbor i imenovanje i CIK. U skladu sa članom 213. Poslovnika o radu Skupštine Kantona Sarajevo tražim da se o navedenoj inicijativi, s obzirom da ona ne zahtjeva očitovanje Vlade, izjasni Skupština Kantona Sarajevo na kraju ove tačke dnevnog reda.

Druga inicijativa se pokreće prema Vladi Kantona Sarajevo i nadležnim ministarstvima, a koja iziskuju određena finansijska sredstva, tako da ne očekujem danas očitovanje Vlade po ovom pitanju, možda za neku od narednih sjednica. Znači upućujem inicijativu prema Vladi Kantona Sarajevo i nadležnim ministarstvima Vlade Kantona Sarajevo da se na sva službena vozila Vlade, Skupštine KS ugradi GPRS sistem za praćenje kretanja vozila, te da putem UO NO i direktora KJKP, JU, ustanova i svih institucija kojima je nadležna Vlada i Skupština Kantona Sarajevo uradi istu stvar. Također, tražim da se izradi registar službenih automobila na području Kantona Sarajevo i izradi jedinstven pravilnik o uslovima i načinu korištenja službenih vozila.

Obrazloženje navedene inicijative se ogleda u činjenici da najveći dio službenih automobila kojih su stotine u Kantonu Sarajevo vjerovatno se često puta zloupotrebljava u privatne svrhe ili političke svrhe i na takav način se stvaraju ogromni troškovi za građane Kantona Sarajevo. Tako da je potrebno da se ova oblast sistemski uredi od strane Vlade i premijera te ih ovom prilikom upućujem da naprave jedan dokument putem koga će ovo pitanje sistemski riješiti u potpunosti staviti pod kontrolu zloupotrebu službenih automobila u političke svrhe i za neke privatne svrhe. Toliko od mene za danas, zahvaljujem predsjedavajući.

Predsjedavajući.

Hvala zastupniče Dević. Sljedeći prijavljeni je zastupnik Marjanović. Izvolite, imate riječ.

Poslanik/zastupnik Damir Marjanović:

zahvaljujem se predsjedavajući. Pozdravljam sve prisutne kolege i kolegice koji učestvuju u radu ove Skupštine, kao i građane i građanke Kantona Sarajevo koji prate rad putem sredstava informisanja ili online. Za sada postavljam dva pitanja i najvjerovatnije proširenja inicijative gospodina Devića. Dakle što se tiče pitanja, upućujem pitanje prema Ministarstvu obrazovanja i odgoja, uvaženoj ministrici. Znam da danas imamo na redu negdje 56 tačka Informacija o reformi obrazovanja. Ali ono što me sada konkretno zanima da mi usmeno odgovori jeste da kaže tačno kada počinje javna rasprava o materijalu koje je dobila od radne grupe vezano za kurikularnu reformu. Koliko mi je poznato, taj materijal je predat Ministarstvu. Sljedeći korak je otvaranje široke javne rasprave. Zanima me tačan datum kada možemo očekivati tu javnu raspravu?

Drugo pitanje ide prema Ministarstvu zdravstva. Dovoljno je da pogledate današnje brojeve novozaraženih. Zanima me tačan broj slobodnih kreveta u Covid odjeljenjima u svim mogućim i na KC i Općoj bolnici koliko toga još imamo i da li imamo analizu koliko još pacijenata u ovim zvaničnim institucijama može biti primljeno i da li imamo neku pripremu šta uraditi ako i kada taj broj bude prevaziđen? Da li imamo pripremljene neke rezervne kapacitete?

Na kraju, sačekat ću da vidim zvanični dopis i zvaničnu inicijativu gospodinu Devića, koju u potpunosti podržavam, mislim da to treba definitivno uraditi i najvjerovatnije ću je proširiti, s obzirom da javnost mora da zna da svi zastupnici koji rade u Skupštini Kantona Sarajevo, pored onih koji su profesionalno plaćeni, za njihov rad, da li kroz parlamentarne grupe, ili pak kroz stranke se odvajaju određeni novac, pa ću proširiti tu inicijativu, bit ću slobodan predložiti kolegi Deviću kroz tačku proširiti tu inicijativu, a tragom diskusije koju smo imali prošli put vezano za položaj porodilja u Kantonu Sarajevo, itd. Predložiti ću da ta izdvajanja i po samostalnim zastupnicima i onima koji su u strankama, a čini mi se da se za one koji su u strankama čak izdvajaju malo više samo to ide na račune stranaka, da ipak se smanji ili u potpunosti ukine, da se usmjere za mnogo bolje svrhe, neke od njih smo spominjali prošli put

kada smo imali diskusiju na relaciji izdvajanja za nauku i za porodilje. U svakom slučaju sačekat ću zvaničnu inicijativu i rado ću je proširiti uz punu podršku ovo što je gospodin Dević zatražio.

Predsjedavajući:

zahvaljujemo se zastupniku Marjanoviću. Sljedeća prijavila se za pitanja zastupnica Hodžić Admela.

Poslanik Admela Hodžić:

da li me čujete predsjedavajući? Zahvaljujem. Pozdravljam sve prisutne kolege i kolegice, kao i naše drage sugrađane Kantona Sarajevo, i predstavnike medija. Upućujem pitanje Uredu za borbu protiv korupcije i upravljanje kvalitetom Kantona Sarajevo i ljubazno molim da mi dostave informaciju o provođenju postupka odnosno prijave podnesene dana 02.12.2020. godine zbog sumnje u

određene nepravilnosti prilikom dodjele sredstava Ministarstva privrede Kantona Sarajevo, a koja se odnose na Javni poziv za finansiranje dijela minimalne mjesečne neto plaće (u FBiH) za mjesec april i maj 2020. godine.

Sljedeće pitanje upućujem ministru za boračka pitanja. Kako je moguće da korisnici subvencije za grijanje drva dobiju u decembru mjesecu? Do kada je zakonski rok da se korisnicima isporuče drva? Zašto se tenderi za nabavku ogrjeva obaraju i ponavljaju po nekoliko puta? šta je razlog tome? Da li subvenciju za ogrjev koriste samo oni pripadnici boračke populacije koji koriste drva za ogrjev ili se ovom vrstom subvencije obuhvaćeni i oni pripadnici boračke populacije koji koriste druge energente za zagrijavanje? Po vašem mišljenju ministre šta je potrebno uraditi da svi pripadnici boračke populacije ostvare ista prava po pitanju subvencije za grijanje i to do početka grijne sezone?

Inicijativu podnosim Vladi Kantona Sarajevo:

- da se u 2021. godini, odnosno narednim rebalansom Budžeta Kantona Sarajevo, izdvoje novčana sredstva u iznosu od 1.000.000,00 KM za realizaciju projekta: subvencioniranje rješavanja stambenog pitanja mladih u iznosu od 10.000,00 KM.

- da se donese nova odluka o subvencioniranju stambenog rješavanja mladih koja će sadržavati bodovne kriterije, kao ona iz 2019. godine i ranijih godina, a ne samo eliminacione kriterije kao što je slučaj sa Odlukom Vlade iz 2020. godine, te da se ta Odluka stavi van snage,

- da se usvajanjem ove inicijative omogućiti pravo da subvenciju dobiju mladi ljudi KS koji su kupili stan od 01.01.2020. godine, te ga platili više od 100.000,00 KM, a zbog čega subvenciju u 2020. godini nisu mogli dobiti, te zbog toga bili kažnjeni i diskriminirani od strane Kantona.

Za ovu inicijativu tražim da se kolege zastupnici izjasne. Zahvaljujem.

Predsjedavajući:

hvala zastupnice Hodžić. Zastupnik Senad Hasanović. Izvolite, imate riječ.

Poslanik/zastupnik Senad Hasanović:

da li se čujemo? Zahvaljujem predsjedavajući. Pozdravljam sve prisutne kao i sve one koji prate rad na današnjoj sjednici. Pa evo za ovu sjednicu ja imam dva pitanja. Prvo pitanje upućujem Vladi Kantona Sarajevo i glasi: Zašto pojedini ministri počinju smjenu direktora javnih ustanova na osnovu nalaza inspekcija, te da li će ta praksa ubuduće vrijediti za sve direktore javnih ustanova i preduzeća u Kantonu Sarajevo? Da li je Vlada Kantona Sarajevo svjesna da se na ovaj način otvara prostor za potpunu političku kontrolu direktora javnih ustanova i preduzeća u Kantonu Sarajevo, da se odluka o njihovoj smjeni donosi na osnovu nalaza inspekcija koji mogu ali i ne moraju biti objektivan pokazatelj ukupnog poslovanja

ustanove ili preduzeća, te da se time u drugi plan stavlja važnost podnošenja Izvještaja o radu I finansijskom poslovanju? Molit ću pisani odgovor na ovo pitanje.

Drugo pitanje upućujem Vladi Kantona Sarajevo i Kantonalnoj upravi civilne zaštite.

Kada je posljednji put na teritoriji Kantona Sarajevo organizirana i održana vježba većih razmjera u cilju uvježbavanja specijalističkih timova za spašavanje nastradalih uslijed prirodnih i drugih nesreća a u koju su bili uključeni: Kantonalna uprava civilne zaštite, Profesionalna vatrogasna brigada, Policijska uprava, Zavod za hitnu medicinsku pomoć, Gorska služba spašavanja isl.? Da li su pomenute službe prema Vladi Kantona Sarajevo iskazale potrebu za nabavkom opreme i sredstava koji su nužni u uslovima zaštite i spašavanja stanovništva tokom stanja prirodne i druge nesreće ? Da li postoje ažurirani planovi za spašavanje i evakuaciju civilnog stanovništva u slučaju razornog zemljotresa na području Kantona Sarajevo, da li su definirani mehanizmi za brzo osiguranje funkcionisanja sistema zdravstvene zaštite u uslovima nužne evakuacije bolesnika i osoblja iz objekata namjenjenih za pružanje zdravstvenih usluga (zgrade bolnica i domova zdravlja), te da li su definisane lokacije za brzu izgradnju šatorskih i improviziranih naselja uz osiguranje minimalnih uslova za privremeni boravak ljudi?

Ja ću dati kratko obrazloženje ovog pitanja. Sistem zaštite i spašavanja civilnog stanovništva u uslovima prirodnih i drugih nesreća postaje bitan i dolazi u fokus javnosti gotovo isključivo u situacijama kada taj isti sistem zataji, pa se sjetimo nabavljati neophodnu opremu za spašavanje ljudi i materijalnih dobara od poplava tek kada se poplave dese, opremu za vatrogasce i druge službe nabavljamo tek onda kada nam ta oprema zatreba. O statusu Gorske službe spašavanja govorimo tek kada se dogode nesreće na našim planinama i vrlo brzo zaboravljamo na sve probleme sa kojima se susreću članovi i uposlenici pomenutih službi. Prirodne nesreće se dešavaju kontinuirano i vrlo često ostavljaju jako malo vremena za pripremu.

Predsjedavajući:

kolega Hasanoviću moram vas upozoriti vrijeme nam je isteklo. Imamo jako puno još pitanja i inicijativa.

Poslanik/zastupnik Senad Hasanović:

U redu, zahvaljujem.

Predsjedavajući:

hvala na razumijevanju. Sljedeća zastupnica koja se prijavila Hasagić Amra.

Poslanik/zastupnik Amra Hasagić:

jel se čujemo predsjedavajući? Čujemo se izvolite imate riječ. Hvala. Pozdravljam uvaženo rukovodstvo, koleginice i kolege zastupnike, premijera i članove Vlade i sve one koji na bilo koji način prate rad današnje sjednice. Ja ću jednu inicijativu pročitati a ostale ću dostaviti pisanoj formi i imam jedno pitanje. Upućujem inicijativu Ministarstvu privrede da u saradnji sa KJP „Sarajevo-šume“ d.o.o. da saglasnost za cijepanje parcele, a na osnovu zahtjeva upućenog od strane Općine Vogošća pomenutom KJP, na zemljištu na kome je izgrađen objekat osnovne škole „Budišići“, lokacija Tihovići-Budišići.

Obrazloženje neću čitati. I imam pitanje. Na 14. redovnoj sjednici pokrenula sam inicijativu prema Ministarstvu saobraćaja da izradi pravilnik kojim se definiše postupak i način uklanjanja oštećenih dotrajalih, napuštenih, i neregistrovanih vozila. Zanima me da li se pristupilo izradi istog. Ukoliko jeste u kojoj je fazi. Ja bih molila i usmeni i pisani odgovor-hvala vam.

Predsjedavajući:

hvala zastupnice Hasagić. Zastupnik Dževad Poturak se javio.

Poslanik/zastupnik Dževad Poturak:

sve vas selamim i pozdravljam. Za danas imam jednu inicijativu. Malo ću reći o toj inicijativi prije nego što je uputim a to je da se meni čini da ćemo mi za koju godinu potpuno zaboraviti šta nam se dešavalo na ovim prostorima Sarajeva a i BIH. Mnogo je stvari kroz školske udžbenike istorije koji su nebitne ovom napaćenom narodu. Ja ne kažem da ne treba učiti o svjetskoj historiji i događajima od prije više stotina hiljada godina ali već da se našoj djeci treba prezentirati bliža prošlost. Naša djeca najmanje uče o agresiji na BIH i najmanje uče o opsadi grada Sarajeva dok suprotno tome i dalje se uči pretjerano o Rimljanima, Turcima i drugima koji su vojskovali po ovim prostorima i susjednim zemljama. Mislim čak da se samo na kraju IX razreda OŠ uči nekoliko školskih časova tj posljedice agresije na BIH. Ja bih želio da se u našim osnovnim i srednjim školama u Kantonu Sarajevo, uči više o opsadi Sarajeva i agresiji na BIH jer kako gledamo današnje stanje jš malo pa će biti da smo mi sami sebe napali, da smo mi napali BIH, i da smo sami sebe klali, ubijali i silovali. Kolege zastupnici, premijeru i ministri hajde da uradimo nešto da ne izgubimo svoju istoriju. Hajde da djecu učimo o poznatim bitkama koje su se desile u gradu Sarajevo koje je bilo pod opsadom 1423 dana, kao što su Pofalička bitka, odbrana Huma, Žući, Sokolju, bitke u Azaćima, bitka na Saobraćajnom fakultetu, Zlatište, Špicasta stijena, Policijska škola Vraca, Otes, bitke za Igman, Bjelašnicu, Dujmovska brda itd. A također da ih učimo o Tunelu spasa tj jedinom putu za dolazak hrane, lijekova i drugih potreba. Stoga upućujem inicijativu a u skladu sa članom 213. Poslovnika skupštine Kantona Sarajevo Vladi Kantona Sarajevo odnosno Ministarstvu za odgoj i obrazovanje Kantona Sarajevo upućujem inicijativu da se u nastavni plan i program za osnovnu i srednju školu iz nastavnog predmeta istorija poveća obim nastavnog sadržaja već od VI razreda OŠ o agresiji na BIH, namjera agresora, genocidu u Srebrenici, Opsadi Sarajeva, ključnim bitkama za odbranu Sarajeva, etničkom čišćenju i komandantima ARBIH. Također da Ministarstvo za odgoj i obrazovanje Kantona Sarajevo pripremi posebnu literaturu koja će detaljno obuhvatiti hore navedeni nastavni sadržaj te da resorno Ministarstvo besplatno obezbijedi svakom učeniku u Kantonu Sarajevo. Zbog svega navedenog tražim da se Skupština na današnjoj sjednici izjasni o predloženoj inicijativi. Toliko za danas, oko inicijativa i pitanja. Zahvaljujem predsjedavajući.

Predsjedavajući:

Hvala zastupnice Poturak. Zastupnica Duraković Jasna se prijavila.

Poslanik/zastupnik Jasna Duraković:

da li se čujemo predsjedavajući? Zahvaljujem. Prije svega srdačno pozdravljam naravno sve kolegice i kolege, kao i vas i rukovodstvo I sve one koji prate rad današnje sjednice Skupštine Kantona Sarajevo. Dakle, za današnju sjednicu imam jedno zastupničko pitanje i dvije inicijative. Zbog ograničenog vremena još ću dva pitanja poslati u pismenoj formi. Ali evo da počnem s ovim. Ovo pitanje upućujem Ministarstvu za boračka pitanja.

Prošle godine 31.3.2020. posredstvom JU "Služba za zapošljavanje KS" odnosno putem Programa sufinansiranja zapošljavanja djece šehida i poginulih boraca u mnoge javne ustanove, ministarstva, institucije i fondove zaposlena su djeca šehida i poginulih boraca na godinu dana, dakle njihov Ugovor ističe 31.3.2021. godine tačno kad i ova Odluka o privremenom finansiranju. Mene zanima šta će se desiti s tom djecom koja su bila zaposlena preko Službe za zapošljavanje? Da li će se produžiti Ugovori ili će svi ti ljudi opet završiti na birou rada do nekog novog programa? I tražim usmeni odgovor od ministra ako može.

Zastupnička inicijativa za koju tražim izjašnjenje i Skupštine danas. Upućujem Vladi Kantona Sarajevo i Ministarstvu za predškolsko, osnovno i srednjoškolsko obrazovanje i odgoj. Dakle, podnosim inicijativu Vladi KS i Ministarstvu za predškolsko, osnovno i srednjoškolsko

obrazovanje i odgoj KS da se 6. Februar proglasi kantonalnim danom borbe protiv vršnjačkog nasilja u cilju sjećanja na Denisa Mrnjavca, koji je tragično preminuo 6.2.2008.godine zbog teških tjelesnih povreda koje je zadobio od svojih na žalost vršnjaka nasilnika. OBRAZLOŽENJE Cilj je u podizanju svijesti o sve većoj pojavi vršnjačkog nasilja među maloljetnicima u osnovnim i srednjim školama u KS, koje se svakako može prevenirati u godinama koje dolaze kroz adekvatne razgovore nastavnika s učenicima tog dana. Naime, tog dana, svake godine se u svim osnovnim i srednjim školama mogu organizirati tematski časovi i predavanja ili gledati filmovi koji govore o vršnjačkom nasilju. Uz to se mogu organizirati časovi ispovijesti o nasilju, kako bi se razbile sve predrasude koje imamo o ovoj temi i ohrabrila djeca, žrtve vršnjačkog nasilja da javno i glasno o tome govore bez straha od stigmatizacije i diskriminacije od svojih vršnjaka u istim školskim klupama. Jedino na ovakav način možemo ublažiti nesagledive pogubne posljedice koje vršnjačko nasilje ima na svako dijete i mladog čovjeka, koji je bio žrtva ili će tek postati žrtva vršnjačkog nasilja zbog činjenice da se o tome ne govori i da se ne radi gotovo ništa da se takvo ponašanje prevenira i/ili oštro sankcionira. Tražim izjašnjenje Skupštine na ovu inicijativu molim vas.

I sljedeća inicijativa upućujem Ministarstvu za obrazovanje i nauku. U cilju podcrtavanja važnosti i značaja nauke i doprinosa žena u nauci, o kojima nismo mnogo čuli jer im nikada nije ustupljen adekvatan udžbenički prostor, prije svega podnosim inicijativu za imenovanje Katedre/amfiteatra za matematiku na Prirodno-matematičkom fakultetu Univerziteta u Sarajevu, koji bi nosio naziv profesorice Naze Tanović Miller, akademkinje koja je izuzetno zaslužna za razvoj matematike, pokretanje časopisa u ovoj oblasti, ali i podsticanje razvoja žena u STEM naukama. OBRAZLOŽENJE ćete dobiti u pismenoj formi.

Predsjedavajući:

hvala zastupnice Duraković. Sljedeća zastupnica koja se javila za pitanja I inicijative zastupnica Dizdarević Neira, izvolite.

Poslanik/zastupnik Neira Dizdarević:

hvala predsjedavajući. Također pozdravljam sve građane koji prate naš današnji rad, kao i kolege i kolegice. Ja za danas imam naravno više pitanja i inicijativa, ali evo određene ću iznijeti usmeno i molim tu usmeni odgovor. Svjesni smo naravno da se epidemiološka situacija usložnjava i samim tim i mi zastupnici dobivamo veći broj naravno upita od naših sugrađana pa bih molila da mi neko iz Vlade, da li premijer ili ministar zdravstva odgovori na sljedeća pitanja.

Veliki broj pacijenata se žali ponovo na problem uspostavljanja telefonskih linija sa DZ gdje čak po 120 poziva ostaje bez odgovora. Šta Vlada radi po ovom pitanju? I na koji način pacijenti kojima doktor propiše lijek Faviru, da dođu do tog lijeka kada apsolutno nigdje prema informacijama kojima ja raspolazem, trenutno nije moguće kupiti taj lijek? Kako je moguće da se propisuje lijek kojeg jednostavno pacijenti ne mogu nabaviti?

Imam i zastupničku inicijativu, nju ću također uputiti prema Vladi. Radi se na inicijativi da se poduzmu hitne aktivnosti sa ciljem konačnog uspostavljanja registra oboljelih od dijabetesa. Skupština Kantona Sarajevo je 2018 godine donijela niz zaključaka koji su naravno imali za cilj sveobuhvatniji i kvalitetniji tretman prvenstveno djece ali i odraslih osoba oboljelih od dijabetesa. Vidjeli smo određene medijske natpise gdje čak povećan broj djece oboljele od dijabetesa tip 1 u mjesecu januaru što je vjerovatno još jedna od posljedica ove situacije, pandemija u kojoj se nalazimo. I kako bi smo imali sveobuhvatni tretman, uvid u stanje pacijenta, da bi se maksimalno unaprijedio kvalitet života, i na posljetku izbjegle određene malverzacije i da bi smo konačno radili na samoj prevenciji ove bolesti ja podnosim dakle predmetnu inicijativu. Mislim da je nadležno za realizaciju iste Zavod za javno zdravstvo Kantona Sarajevo. Da se u što u kraćem vremenskom periodu poduzmu sve potrebne aktivnosti da bi se konačno uspostavio registar oboljelih od dijabetesa. Toliko hvala.

Predsjedavajući:

zahvaljujemo se zastupnici Neiri Dizdarević. Sljedeći koji se prijavio, zastupnik Samir Suljević.

Poslanik/zastupnik Samir Suljević.

Hvala predsjedavajući. Da li se čujemo? Pozdravljam sve koji učestvuju u radu današnje Skupštine kao i gledaoce koji prate ovu Skupštinu pored malih ekrana. Imam jednu zastupničku inicijativu i jedno pitanje. Inicijativu upućujem Ministarstvu saobraćaja Kantona Sarajevo. Upućena je za ministra Adnana Štetu i ona glasi dajem zastupničku inicijativu se konačno uvede video-nadzor u vozila gradskog prevoza u Kantonu Sarajevo. Svjedoci smo da su se često znale dešavati situacije napada na službena lica GRASA, kao i na putnike. Neki slučajevi su rezultirale i smrtnim ishodom. Sjetimo se Denisa Mrnjavca. Uvođenjem videonadzora u vozila gradskog saobraćaja (naročito u tramvaje i trolejbuse) uveliko bi se poboljšala sigurnosna situacija, kako za radnike GRASA i same putnike, tako i za Kanton Sarajevo u cjelini. Podsjećam da je ovaj projekat je, u Kantonu Sarajevo, više puta započinjan (prvi put 2010. godine), ali stvarno nikada nije zaživio. Bilo je priča o postavljanju videonadzora u tramvajima, da će biti uspostavljen videonadzor i na tramvajskim stajalištima, ali da Saobraćajni centar nije u optimalnoj funkciji. Pretpostavljam da Ministarstvo saobraćaja, u svojim planovima ima spremnu prateću dokumentaciju, kao i sredstva za realizaciju ove inicijative, tako da ne bi trebalo da ima prepreka za realizaciju po ovom pitanju. U slučaju da se usvoji ova inicijativa, interesovalo bi me da se ministar izjasni, o krajnjem roku za početak realizacije ove inicijative, kao i o krajnjem roku kada će veći broj sredstava javnog prevoza u KS, imati funkcionalni video nadzor.

Što se tiče zastupničkog pitanja, ono upućujem bez obzira na tačku dnevnog reda, jer mi je vrlo vrlo važno Ministarstvu za odgoj i obrazovanje za ministricu Naidu Hota-Mumunović. U javnosti se pojavila informacija da su dokumenti predmetnih kurikuluma dostavljeni Ministarstvu za odgoj i obrazovanje. Zanima me koji su dalji koraci? Kada će predmetni kurikulumi biti objavljeni (konkretan datum, molim) i kako je planirana obrazovna reforma u Kantonu Sarajevo u narednom periodu? Imam i obrazloženje ovog ali ono će biti dostavljeno pismenih putem. Hvala vam.

Predsjedavajući:

hvala kolegi Suljeviću. Sljedeća zastupnica koja se pojavila Bišćević-Tokić. Izvolite, imate riječ.

Poslanik/zastupnik Jasmina Bišćević-Tokić:

hvala predsjedavajući. Pozdravljam sve svoje kolege zastupnike i članove Vlade kao i gledaoce koji prate rad današnje Skupštine Kantona Sarajevo. Za danas imam dvije inicijative i jedno zastupničko pitanje koje sam već dostavila sekretaru Skupštine. Molim ću izjašnjenje Skupštine o mojim inicijativama. Prva da upućujem inicijativu Vladi Kantona Sarajevo i Uredu za borbu protiv korupcije i upravljanje kvalitetom da objave bazu podataka sa imenima osoba sa kojima se sklapaju ugovori o djelu. OBRAZLOŽENJE Obzirom da je Vlada Kantona Sarajevo opredjeljenja za transparentan rad, kao i da je transparentnost navedena kao prioritet u radu, upućujem inicijativu Vladi Kantona Sarajevo da Stručna služba Vlade Kantona Sarajevo objavi bazu podataka sa imenima osoba sa kojima se sklapaju ugovori o djelu. Naime iz medija smo mogli pročitati izjavu premijera Kantona Sarajevo da Stručna služba Vlade Kantona Sarajevo ima bazu podataka sa imenima i biografijama nekadašnjih pripravnika i osoba koje su direktno kontaktirale Službu i poslale svoje biografije, tako da se osobe sa kojima se sklapaju ugovori o djelu najčešće pozivaju iz ove baze.

Druga inicijativa, također upućena Vladi Kantona Sarajevo i Uredu za borbu protiv korupcije

da objavi Registar zaključenih ugovora o djelu u javnom sektoru u Kantonu Sarajevo po uzoru na Registar zaposlenih u javnom sektoru Kantona Sarajevo, a u cilju osiguranja veće transparentnosti.

Sljedeće pitanje upućujem premijeru Forti da mi kaže koliko je do sada u ovih 60 dana Vlada Kantona Sarajevo izdala odobrenja vezano za ugovore o djelu kao i zapošljavanje na određeno vrijeme i zanima me decidno da mi kaže o kojim strukama se radi gdje su izdata odobrenja.

I imam još jednu inicijativu koju upućujem Vladi Kantona Sarajevo da se sjednice Vlade Kantona Sarajevo počnu prenositi uživo putem TVSA i online na način kako se prenose sjednice Skupštine Kantona Sarajevo a u cilju osiguranja veće transparentnosti. Obrazloženje: obzirom da je Vlada Kantona Sarajevo opredijeljena za javni transparentan rad upućujem inicijativu Vladi Kantona Sarajevo da se sjednice Vlade Kantona počnu prenositi uživo putem TVSA i online kako i do sada se prenosi Skupština Kantona Sarajevo. Zahvaljujem predsjedavajući.

Predsjedavajući:

zahvaljujem se zastupnici Bišćević-Tokić. Sljedeća zastupnica koja se prijavila Danijela Kristić.

Dopredsjedavajuća Danijela Kristić:

zahvaljujem predsjedavajući. Pozdravljam sve prisutne kao i gledaoce kraj malih ekrana. Ja imam jedan zaključak tj inicijativu koju iziskujete određena finansijska sredstva pa ću je sada uputiti prema Vladi a na sljedećoj sjednici Skupštine Kantona Sarajevo ću tražiti da se kolege izjasne.

Na osnovu člana 117. i 120. Poslovnika Skupštine Kantona Sarajevo predlažem da Skupština Kantona Sarajevo donese sljedeće zaključke

1. Zadužuje se Vlada Kantona Sarajevo da u cilju unaprijeđena i razvoja turizma u Kantonu Sarajevo obezbijedi finansijska sredstva u Budžetu Kantona Sarajevo za 2021. godinu za osvjetljenje skijaških staza na Olimpijskoj planini Bjelašnici.

2. Potrebno je osvijetliti vučne trase BY, osvjetljenje dijela spust staze od okretne BY do polazne Heliodroma, osvjetljenje Heliodrom do polazne BY, osvjetljenje od polazne Heliodroma do Kolijevke i osvijetljene Kolijevke do okretne K1, a najkasnije do otvaranja naredne zimske sezone

3. Zadužuje se Ministarstvo privrede Kantona Sarajevo i Ministarstvo komunalne privrede, infrastrukture, prostornog uređenja, građenja i zaštite okoliša Sarajevo, svako u okviru svoje nadležnosti, da u saradnji sa Općinom Trnovo poduzmu sve neophodne aktivnosti, obzirom da je izgradnja nove rasvjete u nadležnosti Općine, te iznađu sredstva za izradu projektne dokumentacije, pribave sve neophodne saglasnosti i u saradnji sa Općinom Trnovo izvrše postavljanje novih svjetiljki i time se omoguće osvjetljenje ski staza iz tačke 2. ovog zaključka.

4. Zadužuju se KJP "ZOI 84" d.o.o Sarajevo i KJKP "Park" d.o.o Sarajevo da svako u okviru svoje nadležnosti pruže punu podršku, materijalnu i ljudsku na realizaciji ovog Zaključka.

Ja imam još dva zaključka koja ću tražiti da se Skupština Kantona Sarajevo izjasni ali obzirom da predsjedavajući svakako treba pročitati a dostavila sam u skupštinske službe, neću evo trošiti vrijeme nego ćemo onda pričekati. Hvala.

Predsjedavajući:

zahvaljujem se zastupnici Kristić. Sljedeća zastupnica koja se prijavila Junuzović Kaljić Amra. Izvolite, imate riječ.

Poslanik/zastupnik Amra Junuzović-Kaljić:

hvala lijepo predsjedavajući. (smetnje) sjednice kao i građanima Kantona Sarajevo. Imam dvije inicijative koje sam već uputila prema skupštinskoj službi u pismenoj formi. A obzirom da obje inicijative zahtijevaju određena ulaganja, odnosno finansijska sredstva dakle izjašnjavanje Skupštine ću zatražiti na idućoj sjednici.

Prva inicijativa odnosi se na uvođenje produženog boravka u tekućoj školskoj godini u Centru Vladimir Nazor. Mi znamo koliki problem i koji se vrlo teško rješava kada su djeca u pitanju sa psihomotornim oštećenjima i oni koji se školuju u Vladimir Nazor. Dakle u skladu sa ukazanom potrebom, poštujući iskazanu želju dijela roditelja djece iz Centra „Vladimir Nazor“ upućujem zastupničku inicijativu za uvođenje produženog boravka u tekućoj školskoj godini u istom. Taj produženi boravak bi se organizovao u periodu od 7 do 17 sati, u skladu sa važećim standardima i propisima, a cijenu boravka bi utvrdio Školski odbor Centra. Na osnovu Uredbe o vlastitim prihodima Vlade KS cijene usluga produženog boravka u školama su između 150KM i 200KM, zavisno od broja prijavljenih učenika. To je inicijativa koja se odnosi na produženi boravak u Centru Vladimir Nazor.

I druga inicijativa se također odnosi na jednu posebno vulnarbilnu skupinu stanovništva a to su ovi koji imaju probleme sa mentalnim zdravljem. Inicijativa se upućuje i Vladi i nadležnim ministarstvima kao potreba za podršku dnevno-rekreativnom centru Mensana. Dakle potpuno obrazloženje stoji i poslano je kao takvo samo kratko želim reći da Udruženje za zaštitu mentalnog zdravlja Mensana osnovano je 2012. godine, u sklopu sveobuhvatne reforme zaštite mentalnog zdravlja u Bosni i Hercegovini. Osnivači i članovi udruženja su korisnici usluga iz domena mentalnog zdravlja i profesionalci u segmentu mentalnog zdravlja. Udruženje Mensana u svom radu koristi interdisciplinarni pristup srodnih naučnih disciplina: medicine, psihijatrije, psihologije, psihoterapije, socijalnog rada i drugih naučnih i srodnih disciplina. Udruženje ima potpisane Sporazume o razumijevanju i saradnji sa sa relevantnim ustanovama a to su: Psihijatrijska bolnica Kantona Sarajevo, JU Dom zdravlja Kantona Sarajevo itd. Dakle detaljno obrazloženje stoji ovdje i ja ću moliti nakon što oko ove inicijative se pobrine Vlada i nadležna Ministarstva, izjašnjavanje na idućoj Skupštini o provodivosti ovih inicijativa. Hvala vam lijepo.

Predsjedavajući:

zahvaljujemo se. Zastupnik Zahiragić Haris se javio za riječ. Izvolite.

Poslanik/zastupnik Haris Zahiragić.

Poštovanje svim kolegama i poštovanje gledaocima Skupštine Kantona Sarajevo. Ja bih iamo veliki broj inicijativa i njih ću pismeno podnijeti a sada ću ih svega par pročitati ukratko i kratko obrazložiti s obzirom da smatram njih među najznačajnijim od svih koje ću podnijeti. Da Vlada Kantona Sarajevo i Ministarstvo za visoko obrazovanje, nauku i mlade obezbijede sredstva i nalože Univerzitetu u Sarajevu i organizacionim jedinicama Univerziteta u Sarajevu da za asistente prime Zlatne značke, a koji ispunjavaju uslove i koji iskažu želju da budu asistenti na UNSA. Obrazloženje ne mora biti dugo. Mi moramo početi graditi društvo izvrsnosti. Moraju najbolji studenti biti primljeni na UNSA. Na žalost to često nije slučaj. Ima čak slučajeva toliko radikalnih da dekani svoje sinove i kćerke zapošljavaju na UNSA pored najboljih studenata. I u tom smislu želim da vjerujem da će sve kolege podržati ovu inicijativu. Kolega Marjanović je također nekada ranije kada jebio ministar radio na ovom planu, razgovarali smo i on će podržati. Pa očekujem od svih kolega da podrže ovu inicijativu a kako bi Zlatne značke tj najbolji od najboljih ostali da rade na UNSA i budućnost grade Kanton Sarajevo i UNSA i generalno da grade naše društvo.

Naredna inicijativa da Vlada Kantona Sarajevo formira interesornu komisiju u koju da budu predstavnici Ministarstva visokog obrazovanja, Ministarstva kulture, Ministarstva finansija, lično ja kao inicijator i određene kolege koje iskažu želju da se formira Zakon o izvrsnosti a koji bi na sistemski način počeo kvalificirati i nagrađivati izvorno. Jer učenici generacija,

najbolji studenti, najperspektivniji sportisti, bili sistemski prepoznati i na jedan kvalitetan i adekvatan način bili od strane Kantona Sarajevo nagrađeni preko besplatnih doktorata na UNSA pa do velikih stipendijskih fondova, slanje naših studenata na međunarodna takmičenja na najozbiljnije univerzitete u svijetu a kako bi prema potrebama Kantona Sarajevo u perspektivi razvijali Kanton Sarajevo.

Naredna inicijativa da se da Institut za jezik Univerziteta u Sarajevu promijeni naziv u Institut za bosanski jezik Univerziteta u Sarajevu. Mislim da ovu inicijativu posebno ne moram obrazlagati ali evo radi par zlonamjernih komentara koji sam nakon najave u javnosti imao želim da samo kratko kažem da dva odsjeka na Filozofiji koji se bave maternjim jezicima se zapravo nazivaju Odsjek za bosanski, hrvatski i srpski jezik, kao i drugi Odsjek za književnost naroda. S tim u vezi, naš kadar koji mi edukujemo je zaista edukovan za sva tri jezika službena u BIH. S druge strane institut za jezik se de fakto bavi bosanskim jezikom, a međutim iz raznih političkih razloga nikada se nije tako nazvao. S obzirom da u BIH ali nigdje ni u svijetu ne postoji formalni akademski institut koji bi se trebao baviti zaštitom bosanskog jezika a da je on možda najugroženiji jezik zvanični jedne države, jednog naroda, želim da vjerujem da će me kolege podržati. Ne želim da vjerujem da će iko glasati protiv i samim tim staviti se na stranu negatora bosanskog jezika koji su na žalost sve agresivniji, sve sistematičniji, i u tom smislu taj Institut mora obavljati zadaću zaštite našeg maternjeg jezika. I možda najbitniji argument koji govori u potrebi ovog naziva instituta i promjene jeste da u Sarajevu ljudi svih nacionalnosti prema anketama koje je provodilo Ministarstvo obrazovanja govore uglavnom bosanski jezik. Dalje da Skupština Kantona Sarajevo Ramizu Dediću legendarnom čovjeku koji u Ferhadiji uveseljava turiste i građane koji već godinama živi na ulici, a nakon vijesti da je on preselio, građani, ogroman broj građana se javio i iskazao veliku dozu empatije prema tom čovjeku da Vlada Kantona Sarajevo obezbijedi njemu adekvatan stambeni prostor i da mu da na korištenje u užoj jezgri grada kako bi ljudi koji ga pomažu i od kojih živi mogli.

Predsjedavajući:

kolega Zahiragiću već ste pola minute.

Poslanik/zastupnik Haris Zahiragić:

evo još jedna rečenica. Molim vas i konačna inicijativa. Ostale ću dostaviti službene jeste da se sjednice Skupštine Kantona Sarajevo održavaju uživo uz poštivanje svih epidemioloških mjera a da paralelno koliko je to zaista potrebno se kolegama zastupnicima omoguće elektronske sjednice. I kolega Okeriću samo ću jedno pitanje pročitati, imam ih puno. Dostaviti ću vam ih pismeno. Pitanje za Ured za borbu protiv korupcije. Kolega Čampara je na samom početku ove Skupštine postavio pitanje aktuelizirao prodaju tj odricanje od prava provog otokupa zemljišta tamo na Ilidži od firme Terme d.o.o Sarajevo. Nikada nismo dobili epilog tog pitanja. I postavljam pitanje Uredu za borbu protiv korupcije da li je u skladu sa svojim nadležnostima ikada ispitao taj slučaj.

Predsjedavajući:

hvala vam kolega Zahiragiću. Zastupnik Stojanović Igor sljedeći prijavljeni. Izvolite imate riječ.

Poslanik/zastupnik Igor Stojanović:

hvala predsjedavajući. Ja imam jednu inicijativu i jedno pitanje. Moja inicijativa se odnosi na Ministarstvo saobraćaja. Podnosim inicijativu prema Ministarstvu saobraćaja za uvođenje digitalne informacije na tramvajska i autobuska stajališta kako bi putnici odnosno građani znali u koje vrijeme dolazi tramvaj ili autobus. I molio bih ministra ako može da nas obavijesti koje je vremenski rok objektivna za ispunjenje ove inicijative.

Moje pitanje se odnosi na ministra zdravstva. S obzirom na uvećan broj zaraženih u Kantonu Sarajevo, s obzirom da imamo izuzetno komplikovanu situaciju u kojoj Vlada razmatra i pooštavanje mjera, što stvara dodatni pritisak i na zdravstveno osoblje a pogotovo na privredu i na građane, ugrožava jedan cjelokupan život u Kantonu Sarajevo, želim da postavim pitanje ministru zdravstva da nas informiše o stanju u bolnicama u Kantonu Sarajevo, sa posebnim osvrtom na KC. Delegacija Skupštine Kantona Sarajevo je već bila nekoliko puta u prilici, kao i Vlada da obiđe kapacitete Opšte bolnice "Abdulah Nakaš" međutim nemamo adekvatne informacije iz KC a s obzirom da se KC također nalazi na području Kantona Sarajevo ja bih molio da nam ministar da neku usmeno ako može, s obzirom da je alarmantna situacija da nam kaže kakvo je stanje u Kantonu Sarajevo s čim oskudijevamo, koliki su kapaciteti bolnica, da li su svi kapaciteti zauzeti, da li nešto nedostaje i svojim posebnim osvrtom na KC, ako možemo dobiti adekvatne informacije kako bi zastupnici dobili cjelokupnu sliku. Hvala.

Predsjedavajući,

Hvala kolega Stojanoviću. Zastupnica Bilsena Šahman.

Poslanik/zastupnik Bilsena Šahman:

zahvaljujem predsjedavajući. Pozdravljam sve kolege, pozdravljam sve naše gledaoce. Imat ću par pitanja na koja želim usmene odgovore. I sve su prema ministru zdravstva. Prvo pitanje je da li su ugovori za medicinske radnike koji su radili u najtežoj godini za zdravstvo produženi kako je bilo obećano na prošloj sjednici ili će ti naši mladi ljudi tražiti posao u inostranstvu. Evo imamo samo u DZ Kantona Sarajevo je 8 medicinskih sestara bilo primljeno preko Biroa, nisu dobile nikakav odgovor ili uputstvo šta dalje. I sve su to primljeni preko projekta Ministarstva za boračka pitanja. Da li se Esencijalna lista Kantona Sarajevo posljednji put je ažurirana 2018 godine odnosno usklađena je tada sa Federalnom listom. Posljednja revizija Federalne liste je bila u maju 2019 i kantoni su morali prihvatiti do augusta 2019. međutim to nije ni do danas učinjeno. Šta ćete uraditi po tom pitanju jer je mnogo lijekova koje pacijenta kupuju u našem Kantonu zbog neažurnosti komisije i to su veliki izdaci za naše građane. I da li u komisiji za listu lijekova ima farmaceuta? Još jedno pitanje za vas ministre da li su farmaceuti uključeni u prioritet za vakcine ako ih ikada dobijemo, jer su ipak oni ti koji su na prvoj liniji i znate da pacijenti prvo do njih dođu. Što se tiče inicijative kolege Devića a kasnije i Marjanović se uključio. I ja se slažem tu da moj dio zapravo dio koji ide stranci zato što sam ja zastupnik ide u humanitarne svrhe, ili u porodilje, u cijelom iznosu ili prepolovljen kako se dogovorimo jer zaista su ovo nepotrebni izdaci koji se stavljaju na teret Kantonu a idu prema strankama.

Predsjedavajući;

zahvaljujem se zastupnici Šahman. Zastupnica Arijana Memić se javila. Imate riječ.

Poslanik/zastupnik Arijana Memić.

Zahvaljujem predsjedavajući. Pozdravljam sve prisutne i građane koji prate naš današnji rad. Moje prvo pitanje upućeno je MUP Kantona Sarajevo. Naime Načelnik druge Policijske Uprave Centar, Mirsad Đelilović je dana 25.02.2021.g, u 9.30 h, došao u uniformi, službenim automobilom i u toku radnog vremena na ročište o određivanju pritvora u slučaju Hasan Dupovac i dr. Podsjećam da su Đelilović i Dupovac zajedno izuzeli snimke sa kuće Šerifa Konjevića kao dokazni materijal u slučaju Dženan Memić (jedan od izuzetih snimaka nikada nije prikazan u sudnici i ne znamo šta se desilo s istim). Interesuje me je li uobičajena praksa napuštanje radnog mjesta u toku radnog vremena i odlazak u službenoj uniformi, pri tome koristeći službeni automobil na ročišta osobama koje se terete za organizovani kriminal? Je li Đelilović zatražio dopust/odobrenje da napusti radno mjesto i dođe na ročište? Je li Đelilović

zatražio odobrenje da pri tome koristi službeno vozilo? Je li Đelilović sačinio službenu zabilješku o prisustvovanju ročištu? Je li sačinjena službena zabilješka o korištenju službenog vozila taj dan i koja je navedena svrha? Je li za očekivati, da će pripadnici MUP-a KS koji su radili na ovom slučaju zajedno sa prvooptuženim, a koji se nalaze i u krivičnoj prijavi predatoj Tužilaštvu BiH, dolaziti na ročišta, svjesni da će se u jednom trenutku moguće naći na spisku svjedoka tužilaštva BiH? Je li to uobičajena praksa i kako je to zakonom regulisano? Molim da mi se dostavi pismeni odgovor na ova pitanja.

Sljedeća dva pitanja upućena su Kantonalnom Tužilaštvu Kantona Sarajevo.

Da li je Kantonalno tužilaštvo KS uopće izuzelo i preslušalo snimke iz Zavoda za hitnu medicinsku pomoć KS iz noći kada je napadnut Dženan Memić? Kako to da ste uprkos tim snimcima odlučili teretiti Seferovića za saobraćajnu nesreću, kada se na početku tvrdi da je Alisa Mutap udarila autom u drvo? Fascinantno je da ste u svemu tome od situacije “djevojka udara vozilom u stablo i lakše je povrijeđena” preko poziva vezano za Dženana Memića došli do kvalifikacije saobraćajna nesreća, pa ubistvo, pa opet saobraćajna nesreća?!

I naredno pitanje također za Tužilaštvo. Po krivičnoj prijavi roditelja oštećene mladb. Nadin Smajlović donijeli ste Naredbu da se istraga neće provoditi protiv ljekara KCUS prijavljenih za NEPRUŽANJA MEDICINSKE POMOĆI, NESAVJESNO LIJEČENJE I NEOVLAŠTENO OTKRIVANJE PROFESIONALNE TAJNE – jer je po vašem mišljenju očigledno da nije izvršeno krivično djelo. Glavni federalni tužilac je utvrdio da je vaša odluka preuranjena i nezakonita. Radi se o slučaju koji izaziva veliko interesovanje javnosti. Zašto niste otvorili istragu tokom godinu dana koliko ste držali predmet? Zašto ste dozvolili i potvrdili odluku tužiteljice Škaljić koja je očigledno preuranjena, bez da ste ispitali činjenice i sve okolnosti slučaja koje ste bili dužni utvrditi?

Ostala pitanja dostavit ću u pismenoj formi. Predsjedavajući hvala vam.

Predsjedavajući:

hvala zastupnice Memić. Kolega Zvonko Marić se prijavio za pitanja i inicijative. Izvolite.

Poslanik/zastupnik Zvonko Marić:

zahvaljujem predsjedavajući. Ja imam nekoliko inicijativa i pitanja ali nastojat ću da samo neka ukratko predstavim cijenjenim građanima i zastupnicima jer tražim izjašnjavanje vezano za inicijative uključujući i onu na samom početku, a već sam je proslijedio i službama. Imam jedno zastupničko pitanje, a ponavljam ga jer nisam dobio adekvatne odgovore. Riječ je o naselju Nukleus Stup. Poznato je da je tamo predviđena regulacionim planom ozakonjeno izgradnja osnovne škole. Međutim odugovlači se sa realizacijom tog projekta iz meni nepoznatih razloga. I vidim primjećujem bojazan građana koji tamo živi da neće doći do izgradnje nego će se nastaviti izgradnja zgrada jer su one isplativije i za općinske službenike itd. I naravno za investitore. Mislim da sam ja ako se sjećate rekao da kada se nešto želi reći da manjka u nečemu, čuli ste izreku to je kao selo bez škole. To je ipak gradska četvrt koja se užurbano gradi i moram kazati da ako nema tamo škole stvaraju se pretpostavke za geto neviđeni geto. I ako onoliko naselje ne zaslužuje školu onda ovo društvo ne zaslužuje da ga mi predstavljamo. Dakle insistiram i budući da je to predviđeno regulacionim planom da se da odgovor na to pitanje kako Ministarstvo nadležno, Vlada Kantona Sarajevo ali i općinski načelnik odnosno općinske službe Općine Ilidže. I svi oni koji je predstavljaju. Neka se kaže iz prostog razloga. Ima tamo jedno igralište ja sam gledao plan škole, koja je niska zgrada koja je zaista urađeno moderno i sasvim sigurno da zadovoljava standarde tog naselja na Stupu. Međutim moram kazati to igralište da je donacija za to igralište, sve te opreme koja je tamo instalirana američkog veleposlanika Tomasa Milera i njegove supruge. I ukoliko se sada želi prebaciti izgradnja zbog nekog navodnog neriješenog imovinskog spora, na lokaciju tog igrališta, bit će diplomatski skandal. Ja samo upozoravam. A onda se kaže još neka treća varijanta gdje je predviđeno da bude park zaista i ako se pretvori u surovu izgradnju

beskrupulozno mislim ne znam kud to vodi. No obrazloženje ću dati šire u pisano formi. Sljedeća inicijativa je moja prema Vladi i resornom Ministarstvu obrazovanja imate poligon za polaganje vozačkih ispita koji je u nepodnošljivom stanju iz prostog razloga što su tamo katakombe, rupe razne, i pola tog poligona je čak neupotrebljivo. U nenormalnim uvjetima ta nenormalnost koja se odnosi na stanje, čak se ne vide ni linije koje su tamo, onemogućavaju ljude da normalno polažu.

Predsjedavajući:

zastupniče Marić moram vas upozoriti na vrijeme samo da znate.

Poslanik/zastupnik Zvonko Marić,.

Evo i posljednje pitanje obrazložiti ću još tu inicijativu ali samo još jedna rečenica za ministarstvo saobraćaja odnosno ministra Štetu kada ćete napokon ministre Šteta i vaše Ministarstvo riješiti problem ljudi iz GRASA koji su zaslužili mirovine ili penzije? Oni već umiru i godinama čekaju na takav ishod. Da li uopće, tražim usmeni odgovor, mislite da riješite taj problem jer mirovina zapravo nije milostinja . Mirovina je stečeno pravo. Hvala vam.

Predsjedavajući:

hvala zastupniče Marić. Zastupnica Smiljana Viteškić se prijavila za pitanja i inicijative.

Dopredsjedavajuća Smiljana Viteškić:

hvala predsjedavajući. Ja imam jedno zastupničko pitanje koje je upućeno Ministarstvu za odgoj i obrazovanje.

Predsjedavajući:

zastupnice Viteškić ne čujemo vas, imate tehničkih problema. Možete li glasnije malo ili se primaknite mikrofону.

Dopredsjedavajuća Smiljana Viteškić:

sve je u redu. Čujemo se li se sada. Jedno zastupničko pitanje koje je upućeno prema Ministarstvu za odgoj i obrazovanje.

Predsjedavajući:

opet vas otežano čujemo zastupnice Viteškić.

Dopredsjedavajuća Smiljana Viteškić:

čujemo li se sada?

Jedno zastupničko pitanje koje je upućeno prema Ministarstvu za odgoj i obrazovanje. Molim da odgovore na pitanje Zašto nisu isplaćeni članovi komisija predmetnih kurikuluma koji su svoj dio posla uredno i na vrijeme završili? A obrazloženje će biti u prilogu. Hvala.

Predsjedavajući:

zahvaljujem se. Zastupnik Aljović Hamed se prijavio.

Poslanik/zastupnik Hamed Aljović:

zahvaljujem predsjedavajući. Je li se čujemo? Selamim i pozdravljam sve prisutne. Imam zastupničko pitanje upućeno Ministarstvu odgoj i obrazovanje Kantona Sarajevo. Molim Ministarstvo za odgoj i obrazovanje da mi odgovori na pitanje: Kada planirate vratiti i ostale učenike u školske klupe u osnovnim i srednjim školama u Kantonu Sarajevo? Obrazloženje

pitanja: Veliki broj građana mi se kao zastupniku obratilo sa molbom da postavim ovo pitanje jer učenici iz drugih Kantona pohađaju nastavu u školskim klupama od početka ove školske godine. Učenici petih razreda predmetne nastave su diskriminirani odlukom da ne pohađaju redovnu nastavu, dok njihovi vršnjaci koju su ostali u razrednoj nastavi pohađaju. Uskoro će biti godina dana kako su ta djeca izvan normalnog sistema obrazovanja i štete su sigurno već velike učinjene. Kao zastupnik, itekako se zalažem za pravo djece iz rizičnih kategorija i članova porodica rizičnih kategorija, te svih koji tako žele da im se omogući online nastava. Međutim, također se zalažem da svi koji žele da pohađaju nastavu u školskim klupama da im se to isto omogući. Molio bih ministricu za usmeni odgovor. Hvala.

Predsjedavajući:

hvala zastupniče Aljović. Zastupnica Bešlija Vildana se prijavila sljedeća.

Poslanik/zastupnik Vildana Bešlija.

Hvala predsjedavajući. Je li me čujete? Znači ovako ja bih krenula redom imat ću više pitanja i inicijativa. Ono što me posebno zanima to je ova inicijativa, odnosno pitanje koje je podnio kolega Aljović upravo prije mene a tiče se ustvari podjednakih uslova za svu djecu u osnovnim i srednjim školama, jer ono što je nekako bila odluka prethodne Vlade ne znam na čemu je to uporište zasnovano da određena djeca do neke starosne dob idu u školu neki razredi ne, tako da bih zamolila ministra zdravstva prije svega i ministricu obrazloženje po ovom pitanju. Spomenula sam ministra zdravstva zato što je prije par dana najavio da je moguće da se od marta to ispravi. Da djeca krenu regularno po kombinovanom modelu svi zajedno u školu. Druga inicijativa koju upućujem prema Vladi Kantona Sarajevo Ministarstvu zdravstva, Zavodu za javno zdravstvo i ZZO. Naime na osnovu mnogih kliničkih studija i istraživanja koje su potvrdili da je učinkovitost suplementacije vitamina D u preventivni i liječenju mnogih bolesti i stanja, podnosim inicijativu da po ugledu na mnoge institucije koje su ekvivalent našem resornom Ministarstvu i Zavodu za javno zdravstvo se izda zvanična preporuka za suplementaciju vitaminom D naročito u zimskom periodu. Primjer kako je to učinio Hrvatski Zavod za javno zdravstvo se može pročitati na linku koji ću dostaviti u pisanoj formi inicijativu. Molim također da se razmotri da se na trošak sredstva ZZO obezbijedi besplatna podjela vitamina D osjetljivim kategorijama naših starijih sugrađana penzionera koji to sebi na osnovu svojih primanja sigurna sam ne mogu priuštiti. Također Ministarstvo za rad socijalnu politiku, raseljena lica i izbjeglice upućujem inicijativu za donošenje posebnih propisa kojima se utvrđuje koje se osobe smatraju zlostavljanim, kao i koja su njihova prava a u skladu sa članom 15 Zakona o socijalnoj zaštiti, zaštiti civilnih žrtava rata, i zaštiti porodice sa djecom. Naime, Zakon o socijalnoj zaštiti, zaštiti civilnih žrtava rata i porodica sa djecom predviđa pravne mehanizme koji su ključni za njegovo sprovođenje i materijalizaciju same svrhe Zakona. Do sada na žalost potrebni propisani propisi nisu doneseni a što po automatizmu blokira potpunu primjenu ovog Zakona. Članom 15 Zakona o socijalnoj zaštiti civilnih žrtava rata, i zaštiti porodice s djecom, propisana je potreba kreiranja propisa koji će definisati ko se podrazumijeva zlostavljanim osobom, i koja su njihova prava. Ovdje posebno želim naglasiti pravo na zdravstveno osiguranje jer zlostavljane osobe vrlo.

Predsjedavajući:

zastupnice Bešlija samo da vas upozorim na vrijeme.

Poslanik/zastupnik Vildana Bešlija:

teško (predsjedavajući govori istovremeno) liječenja duži vremenski period ne samo pružanjem hitne intervencije i pomoći. Stoga je važno da se evo jedno od tih osnovnih prava obezbijedi. Također upućujem inicijativu Ministarstvu privrede.

Predsjedavajući:
zastupnice Bešlija moram vas upozoriti na vrijeme.

Poslanik/zastupnik Vildana Bešlija:
da se, znači to su pitanja za pribavljanje koncesije za sljedeće pravne subjekte.

Predsjedavajući:
zastupnice Bešlija moram vas upozoriti na vrijeme.

Poslanik/zastupnik Vildana Bešlija:
(ne čuje se jer istovremeno govore) Terme Čatež, PD Butmir, Bags Energetika, Vogošća i magazin Maprom Hadžići. I to kako slijedi. Kako su predali zahtjeve za koncesije, tačan datum kada, da li su potpisali ugovor za koncesiju sa ovim pravnim subjektima ako nisu zašto nisu potpisani te u kojoj fazi je primjena pomenute dokumentacije? Također molim da mi se dostavi i spisak ostalih subjekata koji su.

Predsjedavajući:
zastupnice Bešlija morat ćemo vas isključiti.

Poslanik/zastupnik Vildana Bešlija:
naime ovo podnosim na osnovu saznanja i pritužbi pravnih subjekata na rad i brzinu pribavljanja koncesije odnosno potpisivanja ugovora o koncesijama te informacije da su pojedini pravni subjekti predali zahtjeve prije više.

Predsjedavajući:
zastupnica Bešlija vjerovatno je isključila zvučnik pa nas ne čuje. Kolega Čelik dajemo vam riječ.

Poslanik/zastupnik Mirza Čelik.

Zahvaljujem predsjedavajući. Ja ću imati jednu deklaraciju i jednu zastupničku inicijativu i tražit ću da se Skupština izjasni o njima a imat ću dvije inicijative pa ću moliti usmeni odgovor i naglasit ću kada budem čitao koje su to inicijative za usmeni odgovor. Na osnovu člana 117 i 121. Poslovnika Skupštine Kantona Sarajevo predlažem da Skupština donese Deklaraciju

1. Skupština Kantona Sarajevo najoštrije osuđuje spominjanje u negativnom kontekstu časno zanimanje studenata koji pohađaju ili su završili studije pri UNSA.

2. Mnogo je pozitivnih primjera gdje su profesori i svršenci UNSA dali ogroman doprinos kako u i ratu tako i u na pozicijama menadžerskim, rukovodećim funkcijama koje su im povjerene: direktori škola, predsjednici Vlada, ministri, voditelji organizatori velikih sportskih takmičenja, u našoj domovini te direktori sportskih centara.

O ovoj deklaraciji ću tražiti da se izjasni Skupština.

Zastupnička inicijativa upućujem inicijativu Kriznom štabu Kantona Sarajevo da u što kraćem roku pored mjera koje su donijete razmotre i donesu sljedeće.

- odobrava se rad estradnim i slobodnim umjetnicima u ugostiteljskim objektima na način da se ispoštuje već donesena mjera a to znači 1 gost na 7m². Što znači da objekti koji raspolažu sa 700 m² mogu ugostiti 100 gostiju.

Obrazloženje.

Udruženje estradnih i slobodnih umjetnika kao i Udruženje ugostitelja nakon 8. marta neće moći imati izvore prihoda te će izrečene mjere tražiti 10.000 uposlenika u sektoru ugostiteljstva odnosno 3600 ugostiteljskih objekata. Ako se zabranjuje rad gore navedenim

estradnim i slobodnim umjetnicima te ugostiteljima smatramo da Krizni štab treba u najmanju ruku obrazložiti nepoštivanje mjera u vozilima javnom prijevoza te iste obrazložiti. Tražim da se o ovoj inicijativi izjasni Skupština Kantona Sarajevo te istu proslijedi kriznom štabu da u što kraćem roku ili usvojene smjernice ili obrazlože ne usvajanje istih te objave u medijima putem dnevnika TVSA.

Dvije inicijative u kojima ću tražiti usmeni odgovor ili premijera ili ministra finansija jeste da se formira poseban fond za sredstva nabavke vakcine protiv COVID-19. Koji će se akumulirati iznos prekršaja za nenošenje obaveznih maski kao i iznos prekršaja za ugostiteljske objekte zbog nepoštivanja propisanih mjera.

Podnosim inicijativu da se formira posebna fond u Ministarstvu finansija koji će se akumulirati iznos kaznenih prekršaja propisanih od strane MUP Kantona Sarajevo i Uprave inspeksijskih poslova Kantona Sarajevo pojedincima i ugostiteljskim objektima za nepoštivanje propisanih mjera. Svjesni činjenice da već kasnimo za susjednim državama u pogledu vakcinisanja predlažem da se ovaj način doprinesu dodatna sredstva za nabavku vakcina u Kantonu Sarajevo.

I još jedna inicijativa.

Predsjedavajući:

kolega Čelik vrijeme je.

Poslanik/zastupnik Mirza Čelik:

OK, tu ću inicijativu dostaviti pisanim putem. Hvala vam.

Predsjedavajući:

zastupnik Damir Nikšić sljedeći koji se prijavio.

Poslanik/zastupnik Damir Nikšić:

hvala vam. Da li se čujemo? E ovako ja imam nekoliko par inicijativa i pitanja al ću za ovu priliku pročitati samo deklaraciju koju sam pripremio.

Dakle, isto tako na osnovu člana 117 i 121 Poslovnika Skupštine Kantona Sarajevo Deklaracija.

Predsjedavajući:

kolega Nikšiću ja se izvinjavam imamo poslovničku intervenciju zastupnik Haris Zahiragić.

Poslanik/zastupnik Haris Zahiragić:

poštovani predsjedavajući ja zaista ne znam kako je bilo u praksi kada su deklaracije u pitanju, međutim smatram da bi se one kao takve morale naći na dnevnom redu da bi smo mi o njima ne samo mogli glasati nego i otvoriti diskusiju, raspravu i čak amandmanski djelovati. U tom smislu pozdravljam deklaracije kolega koje su najavili, specifično kolege Čelika i zaista bih volio da o toj deklaraciji otvorimo raspravu i govorimo a u tom smislu predlažem da za narednu redovnu sjednicu to stavite kao tačku dnevnog reda, ili kako god Skupštine tj Kolegij u konsultacijama sa predlažačem odluči. Hvala vam.

Predsjedavajući:

zahvaljujem se kolega Zahiragiću. Međutim Poslovnik dozvoljava da se može na samoj sjednici podnijeti deklaracija i o njoj odlučivati. Zastupniče Nikšić izvolite možete nastaviti.

Poslanik/zastupnik Damir Nikšić:

dakle na osnovu tih navedenih članova Poslovnika deklaracija:

smatrajući korupciju na svim nivoima i u svim oblastima društvenog života velikom

preprekom napretku na putu ka EU integracijama a korupciju i profiterstvo izabranih dužnosnika i nosilaca javnih funkcija posebnom prijetnjom po zdravstvenu i socijalnu sigurnosti građana, izražavajući zabrinutost brojnim studijama, izvještajima i negativnim ocjenama kada se radi o državnoj i administrativnoj korupciji, svjsni da su transparentnost i odgovornost u javnom sektoru uz osiguravanje jednakosti u pružanju javnih usluga svim građanima najvažniji za vraćanje povjerenja građana u institucije vlasti, saglasni da bez unapređenja poslovne klime i jačanja borbe protiv organizovanog kriminala gubimo borbu protiv siromaštva na čiju pojavu i rast je bitno uticao kriminal u pretvorbi privatizacije i ratnom profiterstvu, a naročito izostanak njegovog kaznenog progona što je direktno rezultiralo današnjim društvom ekonomskim odnosima i ogromnim jazom između bogate i uticajne nekolicine i većine siromašnih i obespravljenih, u teškim trenucima krize uzrokovane pandemijom virusa COVID-19 i sa posebnim osvrtom na negativne posljedice koje će ona imati po ekonomiju, Skupština Kantona Sarajevo najoštrije osuđuje svaki oblik korupcije a naročito političku korupciju i profiterstvo izražavajući odlučnu namjeru da ovu pojavu umanj i otkloni u narednom periodu. Predstavnici građana u najvišem zakonodavnom tijelu Kantona Sarajevo zastupnici u Skupštini Kantona Sarajevo ovom deklaracijom podsjećaju i potvrđuju javni interes kao svoj prioritet kroz odlučnost da se posvete legislativi kao svom primarnom zadatku, tj zakonodavstvu i rad na konkretnim zakonima koji će ovu deklaraciju potvrditi i u praksi a na kojima će vrijedno i ubrzano raditi do kraja mandata uz insistiranje na vladavini tih Zakona i jačanju pravne države. U tu svrhu, na tragu Zakona o prijavljivanju i postupku provjere podataka o imovini nosilaca javnih funkcija u Kantonu Sarajevo, koji je ovaj sastav Skupštine jednoglasno usvojio 17.04.2019. Skupština Kantona Sarajevo.

Predsjedavajući:

kolega Nikšiću ja se izvinjavam opet poslovnička intervencija Haris Zahiragić.

Poslanik/zastupnik Haris Zahiragić:

neka mi ne zamjeri kolega Nikšić, apsolutno podržavam sadržaj ovoga što je on izgovorio i donošenje takve deklaracije. Međutim s obzirom da ste kazali da je po Poslovniku po članu 169 se može donijeti na samoj sjednici deklaracija, član 169 Poslovnika o radu Skupštine propisuje da je ista procedura za donošenje deklaracija kao i za donošenje Zakona. Jedan od stavova je istina kaže izuzetno ukoliko se radi o neodložnim temama i vrlo bitnim može se na samoj sjednici. No međutim iako ovo nije bitna tema što je kolega Čelik, ako smatrate vi da je to najbitnija tema u sred pandemije, onda je to druga stvar, a i ukoliko smatrate ne može pod zastupnička pitanja i inicijative nego se može na samoj sjednici kao tačka dnevnog reda utvrditi da bi smo mi mogli o njoj kolega Okeriću diskutovati jer deklaracija kao takvi je najviši politički stav Skupštine Kantona Sarajevo i u tom smislu mi bi smo morali moći intervenisati na to prije samog glasanja i provesti diskusiju. U tom smislu sam ja govorio da ne može pod inicijativama. Dakle, može kao tačka dnevnog reda neposredno na sjednici ukoliko ima neodložna potrebna. Prvo i to bi trebalo argumentovati. Mislim da ste razumjeli šta sam htio kazati. Hvala vam.

Predsjedavajući:

kolega Nikšiću možete nastaviti izvolite.

Poslanik/zastupnik Damir Nikšić:

zahvaljujem. Ja mislim da je ovo neodložna potreba za ovim pošto se spremaju da profitiraju. Znači da Skupština Kantona Sarajevo upućuje apel urgirajući zastupnice i zastupnike na entitetskom i državnom nivou vlasti da u najkraćem roku usvoje Zakon o utvrđivanju porijekla imovine, Zakon o nezastarjevanju kaznenih djela ratnog profiterstva i kaznenih djela iz procesa pretvorbe i privatizacije kao i Zakona o nepotizmu i stranačkom zapošljavanju.

Skupština Kantona Sarajevo ujedno poziva i ohrabruje cjelokupnu javnost, sve izabrane dužnosnike i nosioce javnih funkcija na svim nivoima, a naročito civilni sektor da zajedno sa nezavisnim medijima i nezavisnim sudstvom zaustavimo politizaciju javnog sektora i obrnemo proces zarobljavanja države kako bi koruptivno i profiterско ponašanje kojem građani decenijama svjedoče konačno naišlo na historijsku osudu od strane javnosti ali i zvanične politike a potom i svoj sudski epilog. Skupština Kantona Sarajevo izražava uvjerenje da takvom zajedničkom kampanjom kao društvo možemo zaustaviti dalje poniranje u korupciju, daljnji rast nepovjerenja građana u institucije vlasti i nositi se kako sa profiterstvom i političkom korupcijom u prošlosti tako i u aktuelnom periodu pandemije i nastupajućem periodu ekonomskih posljedica pandemije. Sa posebnom fokusom na predstojeći izazov imunizacije stanovništva. Ovom deklaracijom Skupština Kantona Sarajevo ne samo da izražava odlučnu namjenu u osudi i aktivnoj borbi protiv profiterstva i svakog drugog oblika korupcije i kriminala u cilju vraćanja povjerenja građana u demokratski sistem institucije vlasti već prije svega odaje počast i dužno poštovanje svima koji su dali svoje živote za bolje i humanije društvo za slobodno demokratsko pluralističko, građansko i pravedno društvo.

Eto to je tekst deklaracije a ostalo ću priložiti naknadno. Hvala.

Predsjedavajući:

zahvaljujem se kolegi Nikšiću. Zastupnica Bibija Kerla se javila za riječ.

Poslanik/zastupnik Bibija Kerla:

poštovanje da li se čujemo? Pozdrav svim prisutnima ja danas imam dvije inicijative i dva pitanja. Prva inicijativa se odnosi na održavanje tematske sjednice o sigurnosti građana Kantona Sarajevo. Zadnjih mjeseci smo svjedoci velikih broja pljački uz prijetnju nožem ili pištoljem kako kod maloljetnika tako i kod naših starijih sugrađana. Društvene mrže su pune optužbi na račun MUP Kantona Sarajevo i nas kao zastupnika da ne radimo ništa na osiguranju sigurnosne situacije u Kantonu Sarajevo. Od Kolegija sam zatražila hitnu sjednicu a uz sugestiju mog kolege Damira Nikšića danas podnosim inicijativu za održavanje tematske sjednice koja bi se održala 05.04.2021.godine. Imamo mjesec dana vremena da sve pripremimo za jednu veoma opširnu nadasve kvalitetnu tematsku sjednicu o sigurnosti građana Kantona Sarajevo. Nadam se da su i odgovorni za ovu oblast pripremiti sve ono što je njihova obaveza. Molim moje kolegice i kolege da se usmeno izjasne o ovom mom prijedlogu.

Druga inicijativa se odnosi na sljedeće. S obzirom da mnogi od nas čuvamo račune Sarajevo gasa, VIK, KJKP Rad, Toplane molim Skupštinu Kantona Sarajevo odnosno moje kolegice i kolege da danas donesemo odluku da sve ustanove svake godine u martu mjesecu uz račun svojim klijentima izdaju potvrdu o izmirenim ili neizmirenim obavezama. Time puno olakšavamo našim sugrađanima da dokažu da li su redovno plaćali ili su ostali dužni ovim ustanovama.

Dva pitanja. Prvo pitanje se odnosi ne premijera i Vladu. Šta ste uradili povodom moje inicijative podnešene 15.02.2021 godine o otvaranju ureda u radu sa dijasporom odnosno građanima Kantona Sarajevo koji trenutno žive raseljeni širom svijeta a potiču s prostora Kantona Sarajevo?

I drugo pitanje Zakonom o proglašenju 01. marta Danom nezavisnosti BIH ((Sl. List 9/95) određeno je da 01.mart Dan nezavisnosti BIH i praznik rada i da taj dan državni organi i preduzeća i druga pravna lica ne rade. Kako je ovaj praznik regulisan Zakonom tako su i svi ostali državni praznici regulisani svojim zakonima, pa me interesuje zašto niko ne reaguje kada u tim danima svi tržišni centri u Kantonu Sarajevo rade i to puno radno vrijeme? Da li postoji ikakva sankcija za one privredne subjekte koji krše ove zakone? Razmišlja li iko da oni radnici koji rade u tim preduzećima imaju dušu i trebaju odmor? Molim premijera da mi

da usmeni odgovor na ovo pitanje. Hvala lijepa.

Predsjedavajući:

hvala zastupnice Kerla. Zastupnik Sabahudin Delalić.

Poslanik/zastupnik Sabahudin Delalić:

zahvaljujem predsjedavajući. Sve vas srdačno selamim i pozdravljam. Imam pitanje za ministra kulture i sporta Kantona Sarajevo. Nedavno je objavljena vijest za podršku Kantona olimpijskim igrama i OK pa me samo interesuje da li se ta podrška odnosi samo za Olimpijski komitet ili i Paraolimpijski s obzirom da paraolimpijci već imaju ekipe koje su ispunile norme, i takmičare, kao što je Reprezentacija sjedeće odbojke, dva strijelca i jedan atletičar. Pa bih samo molio usmeni odgovor ako može. Zahvaljujem.

Predsjedavajući:

hvala zastupniče Delalić. Sljedeći prijavljeni zastupnik Elvis Vreto. Izvolite imate riječ.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne kao i građane koji nas prate. Zastupničko pitanje upućujem vladi Kantona Sarajevo odnosno Ministarstvu finansija za dostavljanje presjeka stanja odnosno podataka o implementaciji potpisanog ugovora a vezano je za kreditnu liniju za subvencioniranje kamatnih stopa koje je Kanton Sarajevo potpisao sa BBI bankom. Prije svega pitanje se odnosi na dosadašnji broj plasiranih kredita kao i iznos plasiranih sredstava. Zastupničku inicijativu upućujem prema Ministarstvu komunalne privrede, infrastrukture, prostornog uređenja, građenja i zaštite okoliša za izdavanje neophodnih sredstava u ovoj godini kako bi se ubrzala izgradnja preostalog dijela rakovičkog kolektora otpadnih voda a sve u saradnji i uz sufinansiranje sa općinom Ilidža. Trenutno je od potrebnih 4800 izgrađeno oko 2000 metara. Šire obrazloženje na postavljeno pitanje i podnesenu inicijativu dostavljam u pisanoj formi kao i ostala pitanja i inicijative. Tražim pisane odgovore na postavljena pitanja i inicijative. Toliko predsjedavajući, hvala vam.

Predsjedavajući:

hvala zastupniče Vreto. Dopredsjedavajući Vibor Handžić se prijavio za pitanja i inicijative.

Dopredsjedavajući Vibor Handžić:

zahvaljujem predsjedavajući. Dobar dan svima pošto se javljam prvi put. Samo kratko da pitam da li me čujete? Imamo neki problem ovdje u zgradi Kantona pa zato sam dužan to da obrazložim. Imam nekoliko pitanja i inicijativa, evo pokušat ću što kraće zaista u predviđenom vremenu. Prvu inicijativu upućujem prema vama predsjedavajući da uputite dopis prema Vijeću ministara BIH i Parlamentarnoj Skupštini i Predstavničkom domu Parlamentarne Skupštine BIH za jednu inicijativu koju je ova Skupština Kantona Sarajevo jednoglasno usvojila prije dvije godine. A ona se tiče inicijative za izmjenu Izbornog Zakona kako bi se omogućila pripadnicima (smetnje) obevezna zastupljenost u Skupštini Kantona Sarajevo, nešto što mi imamo u svojim ustavnim odredbama ali ne možemo takvu inicijativu implementirati zato što je Izborni Zakon trenutno propisuje takvu mogućnost samo za nivoe lokalnih zajednica. S obzirom da evo treći put šaljem urgenciju, da nikada nisam dobio odgovor čak ni da je ta inicijativa zaprimljena, molim vas ponovo pošaljete dopis. I to ću stalno raditi kako se ovi predsjedavajući Predstavničkog doma budu rotirali na čelu tog organa, pa valjda će mi neko odgovoriti, makar da je zaprimio inicijativu. Također, molim vas da vi uputite dopis za sve predstavnike institucija koje smo kao goste imali na hitnoj sjednici Skupštine Kantona Sarajevo kada smo razgovarali o migrantskoj krizi koji su izgleda

na sjednicu došli turistički. Podnijeli su na uvodna izlaganja, i otišli su sa sjednice. Dobili smo obećanje, ne ja samo, nego svi zastupnici u Skupštini, a dugo smo zaista razmatrali sve po toj temi na toj sjednici da ćemo dobiti odgovore u pisanom obliku od tih predstavnika i nikada koliko ja znam ni jedan odgovor do danas nismo dobili., pa bilo da smo džaba sjedili i radili. Molim vas da im pošaljete urgenciju da izvrše svoju obavezu odnosno da odgovore na pitanja i diskusije zastupnika pošalju pismeno kako su i bili obavezni da urade. Imam dvije inicijative koje su sličnog karaktera vezano za postavljanje usporivača brzine kraj osnovne škole za postavljanje kvalitetnijih usporivača brzine kraj OŠ „Hamdija Kreševljaković“, MZ Vratnik u opštini Stari Grad. I za postavljanje usporivača brzine koje nema trenutno nikako kraj vrtića „Bajka“ u MZ Logavina. Neću sada obrazlagati detaljno zbog vremena, poslat ću to u pismenom obliku. Imam zahtjev prema TZ Kantona Sarajevo. Da mi dostave odgovore na pitanja koja sam postavio u augustu mjesecu 2020.godine na čini mi se 27. radnoj sjednici, na koje kažem, nisam nikada dobio odgovore a tiču se pitanja u kojoj mjeri je do sada realiziran član 5. Zakona o turizmu Kantona Sarajevo. Konkretno u smislu izrade planskih dokumenata, strategije razvoja turizma, te pratećih dokumenata, makreting plan, plan promocije turizma Kantona Sarajevo. To je jedno i drugo pitanje je bilo da mi se obrazloži trenutna situacija oko statusa ovog najpoznatijeg turističkog kioska na svijetu koji je predmet (smetnje) sad govorimo o onom na Baščaršiji. Eto toliko, ostalo ću sve dostaviti pismeno. Zahvaljujem predsjedavajući.

Predsjedavajući.

Hvala dopredsjedavajući Handžić. Nemamo više prijavljenih za pitanja. Molim ministre u Vladi Kantona Sarajevo da se pripreme za usmene odgovore. Da li ste spremni?

Premijer Edin Forto:

jel me čujete? Zahvaljujem. Bilo je nekoliko pitanja gdje je tražen usmeni odgovor. Ja ću krenuti, zastupnik Dević je postavio pitanje vezano za uvođenje ovog satelitskog praćenja, GPS praćenja svih službenih vozila u Kantonu Sarajevo. Ja bih molio da nam zastupnik dostavi pisano tu inicijativu, ja mogu samo predvidjeti da će vjerovatno biti usvojena nakon što procijenimo koji je trošak i koji bi bila korist od toga, ali načelno sam za tu inicijativu. Želim također da vam kažem da smo 2019 u prvom dijelu našeg mandata, pokrenuli aktivnosti na označavanju svih kantonalnih vozila gdje bi građani mogli jasno prepoznati svako kantonalno vozilo u svim institucijama, koje je službeno, sa kontakt mogućnošću poziva u slučaju da prekrši neki Zakon, da se nalazi van radnog vremena na nedozvoljenom mjestu, u inostranstvu, na bilo koji način. Znači, moje pitanje službama dokle je to došlo sada na našem povratku rekli su da je to pri kraju. Znači mi svakako idemo u obilježavanje službenih vozila. A ovo za GPS ćemo razmotriti. Sljedeće pitanje je bilo mislim da je također zastupnik Dević imao, samo sekund, nije sljedeći je zastupnik Marjanović koji je postavio pitanje ministru zdravstva. Pošto je ministar zdravstva u ovom u trenutku u obilasku KCUS, gdje provjerava ove ustanove u borbi protiv COVID pandemije, ja ću odgovoriti u njegovo ime. Pitanje je bilo broj kreveta ukupno za COVID. Koji su bolnički kapaciteti za smještaj COVID pacijenata. U skladu sa federalnom Uredbom i procentu gdje svaka zdravstvena ustanova bolnica mora u jednom procentu odvojiti za COVID sljedeća je situacija. U KCUS postoji 440 kreveta, u Vojnoj bolnici, tačnije Općoj bolnici 110. to je ukupno 550 kreveta. Trenutno je danas hospitaliziranih po evidenciji koju mi imamo 345 od čega je 120 u Opštoj bolnici, evo da vam kažem da je od 110 kreveta koja su propisana 126 osoba leži u Opštoj. Znači oni su već prebacili svoj kapacitet. I KCUS po informacijama koje su nam dostavili ima 219 pacijenata. To znači da imamo još slobodno 205 kreveta. I još bih samo dodao pošto se situacija sa COVID zarazom ponovo dolazimo u jedno prilično dramatično stanje u Kantonu Sarajevo, moram reći da slobodni kreveti nisu dobar indikator borbe protiv pandemije. Kada se kapaciteti popune već je kasno. I to nam pokazuju iskustva nekih država koje su puno jače

od nas u smislu finansijskog i znanstvenog odgovora na pandemiju. Navest ću vam primjer Češke gdje su upravo ovaj broj slobodnih kreveta tretirali kao kriterij, pa im se na kraju to, to je bilo prilično kontraproduktivno jer kada su došli do kraja, pa počeli sprovoditi nove mjere, na kraju je bilo kasno. Sljedeće pitanje je ovo je zastupnica Dizdarević. Call centar u DZ. Već je poznato, i podržavam ovo pitanje, ovo je dobro pitanje. Prvi kontakt svih pacijenata sa zdravstvenim sistemom u Kantonu Sarajevo je poziv svom doktoru ili odlazak u DZ. Ali najčešće putem poziva. Mi smo zatekli situaciju u DZ gdje jednostavno nije bilo kapacitirano ni osoblje ni tehnologija da se odgovori na veliki broj poziva. Dat ću vam jedan podatak. Prekjučer u COVID ambulanta DZ tretirano 700 pacijenata. Jučer je taj broj porastao na preko 1300 pacijenata od kojih su zdravstveni radnici bili na izmaku snaga i u 22,00 više nisu mogli primiti pacijente. Želim vam reći sljedeće: u narednim danima osim što ćemo uvesti call centar u DZ gdje će biti puno lakše komunicirati građanima sa primarnom zdravstvenom njegom, također ćemo poduzeti niz drugih koraka kako bi olakšali taj prvi kontakt pacijenata sa DZ. Posebno se to odnosi na dodatno kapacitiranje medicinskog osoblja, ali i nemedicinskog osoblja, posebno higijeničarske službe i vozača koji treba da prevoze pacijente sa svojih lokacija do zdravstvenih ustanova. Pitanje zastupnika Čelika da se uradi da formiramo fond za vakcine i da ga punimo iz kaznenih prekršaja onih koji se ne pridržavaju mjera. Zastupniče Čelik Kanton Sarajevo je čim smo imenovani kao Vlada mi smo odvojili 2 miliona KM za vakcine. Kanton Sarajevo ima novca za vakcine. Problem je što je nabavka vakcina najčešće od proizvođača vakcina svjetskih kuća, dozvoljena samo državnim institucijama i mi smo tu isključeni odmah u startu u smislu nabavke za nas, i za potrebe Kantona Sarajevo. Dodatni problem kod nabavke vakcina je što su propisane minimalne količine. Jedan od najvećih svjetskih proizvođača propisuje minimalnu narudbu od 1,5 miliona doza. To je Moderna. Astra Zeneka je milion doza. I mi sada ulazimo u neko sekundarno tržište. A šta znači sekundarno tržište? Da je veliki broj i firmi i nekih državnih ustanova širom svijeta nabavili su vakcine pa ih preprodaju. I vrlo je teško u skladu sa našim zakonima djelovati na sekundarnom tržištu vakcina, a mogao bih reći da je to i opasno. Mogu vam reći da ćemo danas mi, opet Kanton Sarajevo nakon desetina i desetina korespodencija vezano za nabavku vakcina, da ćemo danas također pisemo pisma i Ruskoj Federaciji i ambasadama i sve gdje mislimo da možemo na legalan način doći do ovih vakcina imajući u vidu da državna vlast ne radi svoj posao. Da zaključim ovo, zastupniče Čelik ne treba nam novac za vakcine a svi kazneni prekršaji idu u Budžet i u skladu sa zakonom o budžetima mi ćemo te novce i preraspodijeliti. Zastupnica Kerla rad za praznik. Ovo je nešto što smo mi kao Vlada posebno u prvom dijelu mandata naglašavali. Kako je moguće, ovo je pitanje zastupnice Kerle kako je moguće da tržišni centri i trgovine, privatni sektor radi na praznik? Moguće je jer im to dozvoljava Zakon o radu FBiH. Nije zabranjen rad praznikom, samo je poslodavcu propisano da posebno nadoknadi taj rad radnicima u skladu sa Zakonom o radu. Znači mora se plata za te sate odrađene za praznik i mi smo alarmirali inspekciju da posebno provjerava rad praznikom, ne u smislu zabrane rada jer to ne možemo nego u smislu da li se radnicima isplaćuje ono što im po Zakonu pripada. To je u ovom trenutku sve što Vlada Kantona Sarajevo može učiniti na području kojem djeluje. Ja ću sada dati riječ ministrima koji su dobili pitanja za usmeni odgovor. Mi ćemo ovdje ići u krug kako obično idemo oko stola. Pa evo ministar Delić ako ima nešto usmeno da odmah krene. Nema. Onda ministar Osmanović.

Ministar Osmanović:

pozdravljam uvažene zastupnice i zastupnike i gledatelje pored TV ekrana. Prvo pitanje je postavila zastupnica Admela Hodžić u vezi nabavljanja subvencioniranja ogrjeva. Pripadnici boračke populacije, odnosno lica iz člana Zakona o dopunskim pravima boraca-branitelja BiH imaju pravo na obezbjeđenje ogrjeva. Ministar za boračka pitanja u skladu sa članom 64 ovog Zakona donio je poseban pravilnik za utvrđivanje prava na dodjelu jednokratne novčane pomoći i prava na obezbjeđenje goriva. Prema odredbama ovog pravilnika prava na

obezbjedenje goriva mogu ostvariti lica iz člana 1 ovog Zakona isključivo ako koriste čvrsti ogrjev za zagrijavanje stambenog prostora koji se nalazi u teškoj imovinskoj ili zdravstvenoj situaciji i imaju veći broj članova domaćinstva. Svake budžetske godine se za ostvarivanje ovog prava raspisuje se javni poziv putem sredstava informisanja za apliciranje. Godišnje ovo pravo ostvari oko 650 lica. Ovdje bih dodao da smo na drugi način subvencionirali ovu populaciju koja koristi druge načine grijanja, kroz jednokratne pomoći za rješavanje socijalnih statusa. Ogrjevno drvo za potrebe dodjele nabavlja se u skladu sa odredbama važećih propisa iz oblasti javnih nabavki. Objavljivanje tendera za javnu nabavku, nabavka, isporuka ogrjeva za najugroženije pripadnike boračke populacije Kantona Sarajevo za 2020 godinu započeto je kasnije nego iznađe u mjesecu junu 2020 godine usljed poznate situacije sa pandemijom. Otvoren je postupak uz primjenu e- aukcije uz predviđeno zaključivanje ugovora sa izabranim dobavljačem. Do poništavanja prvobitno započetog otvorenog postupka je došlo u skladu sa članom 69 stav 2 Zakona o javnim nabavkama iz razloga što su ponuđene cijene nakon provedene e-aukcije ocijenjene previsokim iz razloga ranijeg stava Ureda za reviziju prema budžetskim sredstvima. Na odluku o poništenju postupka uložena je žalba nezadovoljnog ponuđača te je na osnovu upućenog razjašnjenje sa kompletnom dokumentacijom prema Uredu za rješavanje žalbi BIH, postupak moralo obustaviti do okončanja postupka žalbi. U ponovljenom otvorenom postupku. Dana 20.11.2020 nakon provedene e-aukcije donesena je odluka o izboru najpovoljnijeg dobavljača te je potpisan okvirni sporazum sa izabranim dobavljačem, prethodnu nabavku potpisan je u zakonskom roku 07.12.2020. napomenuo bih da je od 2016, 17, 18, 19 godine svi su ugovori zaključeni u periodu od maja do juna mjeseca, na vrijeme. Tako da ovdje opet navodim da je vrijeme pandemije da je radi toga i navedenih žalbi. Iz naprijed navedenog može se zaključiti da e procedura 2020 započeta kasnije usljed pandemije i okončana kasnije radi žalbi po tenderu, iz opravdanih razloga. Ovo Ministarstvo će pokrenuti ove godine ranije proceduru nabavke u odmah u aprilu mjesecu, tako da ćemo najvjerovatnije imati riješeno ovo pitanje u skladu kao i prethodnih godina. Također ovo Ministarstvo intenzivno obavlja razgovore sa opštinskim načelnicima u cilju dobijanja jedinstvenog stava da poslovi koji se odnose na dodjele sredstava socijalne potrebe braniteljskoj populaciji, koji se odnose na jednokratnu novčanu pomoć, prehrambene pakete, ogrijev budu u okviru lokalne samouprave, lokalnih zajednica. O ovim pravima bi se trebao donijeti jedinstveni propis na osnovu utvrđivanju uvjeta za ostvarivanje prava kako bi u svim opštinama u Kantonu Sarajevo pripadnici braniteljske populacije bili ravnopravni. Činjenica je da lokalna zajednica ima puno više dostupnih informacija, imaju socijalne karte branitelja kojem trebaju dodijeliti pomoć, pri čemu bi se sredstva obezbjeđivala iz Ministarstva i iz opština, u zavisnosti od potrebe ove populacije, intencija nam je da se ovo pravo ostvaruje u buduću na ovakav način pri čemu će Ministarstvo za boračka pitanja biti kao drugostepeni organ po pitanju žalbi. Uvaženoj zastupnici Jasni Duraković je postavila pitanja o zapošljavanju šehidske djece i djece poginulih boraca na godinu dana. Obradovan sam što ste postavili ovo pitanje koje se odnosi na nastavak radnog odnosa i angažmana šehidske djece i djece poginulih boraca koja svoj radni odnos zasnovan na godinu dana putem realizacije programa preko JU Služba za zapošljavanje Kantona Sarajevo u protekloj godini. Svakodnevno se susrećemo sa upitima ove prirode od strane ove djece naše populacije koji su zaposleni na ovaj način, pogotovo oni koji su zaposleni u JU DZ Kantona Sarajevo. U tom smislu pokrenuli smo inicijativu prema resornom Ministarstvu za rad i socijalnu politiku kao i prema Službi za zapošljavanje da se ovogodišnjim mjerama aktivne politike zapošljavanja predvidi nastavak ove mjere iz programa konkretno 1+1 što znači angažman za još jednu godinu. Međutim tim povodom nismo dobili ohrabrujuće informacije da je to moguće riješiti na ovakav način pa smo poslali direktno inicijativu Ministarstvu zdravlja i JU DZ da se obavezno uzme u obzir već angažovani kadar ukoliko im je neophodan za rad za produženje njihovog angažmana odnosno novog zapošljavanja ove kategorije koje svakako ostvaruje prednost prilikom

zapošljavanja prema Uredbi o jedinstvenim kriterijima i pravilima za zapošljavanje branilaca, članova njihovih porodica u institucija Kantona Sarajevo Grada i opština Kantona Sarajevo. Moramo istaći da je ova vrsta programa zapošljavanja izvan ingerencija ovog Ministarstva te molim da se ovo pitanje prihvati kao inicijativa nadležnoj JU Službe za zapošljavanje Kantona Sarajevo, da se osmisli i produži mjera koja će omogućiti nastavak zapošljavanja, kako ove kategorije braniteljske djece, koja su već zaposlena tako i druge djece koja čekaju zaposlenje. Nadam se da ćete biti zadovoljni sa ovim odgovorima.

Ministar Samir Avdić:

dobar dan svim uvaženim zastupnicama i zastupnicima, svim gledaocima pored malih TV ekrana koji prate današnju sjednicu Skupštine Kantona Sarajevo. Uvaženom zastupniku Sabahudinu Delaliću želim mu uputiti odgovor na njegovo postavljeno pitanje. Podrška sportistima za pripreme i učešće na Olimpijadi i na Paraolimpijadi u Tokiju za 2021 godinu planira su sredstva u iznosu od 500.000 KM tako da i jedna i druga olimpijci i paraolimpijci će imati podršku ovog resornog Ministarstva. I to i iz tekućih transfera neprofitnim organizacijama iz oblasti sporta. Nadam se da ste uvaženi zastupniče zadovoljni odgovorom.

Ministrica Ivana Prvulović.

dobar dan nije bilo pitanja za Ministarstvo za rad i socijalnu politiku raseljena lica i izbjeglice.

Ministrica Melika Husić Mehmedović:

hvala. Također dobar dan svima. Nije bilo pitanja ni za ministarstvo za nauku, visoko obrazovanje i mlade, ali želim se zahvaliti zastupnicima na nekoliko izvrsnih inicijativa koje ćemo svakako detaljno razmotriti kada dođu do nas. Hvala.

Ministrica Naida Hota-Muminović:

poštovani predsjedavajući, dopredsjedavajući, zastupnice i zastupnici, poštovani građani Kantona Sarajevo ja sam zabilježila dva pitanja koja su tražila usmeni odgovor. Prvo pitanje je bilo uvaženog zastupnika Damira Marjanovića a odnosi se na tačan datum početka javne rasprave za dokumente predmetni kurikulumi u okviru kurikularne reforme Kantona Sarajevo. Ministarstvo već poduzelo određene korake da se materijali prebace na informatičku platformu sa koje će se moći jednostavno i brzo pretraživati upoređivati i koristiti u procesu javne rasprave. Tačan datum, krajnji rok za dostupnost ovih dokumenata bio bi 14 april ove godine. Drugo pitanje došlo je od uvaženog zastupnika Aljovića a riječ je o kada planiramo vratiti učenike u školske klupe. Ministarstvo je krajem januara najavilo potvrđenu normalizaciju nastavnog procesa. Već krajem januara vidjeli smo rast broja novozaraženih i taj rast sada već ima neku svoju progresiju, očekivanu vjerovatno, međutim taj rast se ne može povezati sa školama kao žarištima, jer su u drugom polugodištu nastavu u školskim klupama po kombinovanom modelu uglavnom nastavili pohađati učenici od prvog do petog razreda osnovne škole i učenici završenih razreda osnovnih i srednjih škola. Ovaj porast broja novozaraženih sigurno je razlog za dodatni oprez, međutim, iz Ministarstva za odgoj i obrazovanje, uvijek ističemo da škole nisu žarišta, i da je procenat školske djece u ukupnom broju novozaraženih mnogo manji od odraslih, odnosno od osoba starijih od 20 godina. Naravno, prilikom donošenja odluka uvijek ćemo se konsultovati sa stručnjacima, epidemiolozima prije svih, kako bi smo ovaj broj novozaraženih uspješno stavili pod kontrolu. Uvijek ističemo da škole ne mogu biti jedine u provođenju restriktivnih mjera a ovakav način provođenja nastave spada zaista u restriktivne mjere. Očekujemo da ćemo kao Vlada donijeti najbolju moguću odluku o daljoj dinamici i da ćemo posebno tretirati pitanje povratka u školske klupe. Hvala vam. Za ostala pitanja i inicijative koje ćemo razmotriti te odgovore pismeno dostaviti.

Ministar Admir Katica:

hvala vam. Lijepo pozdrav uvaženi predsjedavajući svim zastupnicima Skupštine Kantona Sarajevo, poseban pozdrav građanima Kantona Sarajevo. Imao sam jedno pitanje uvažene zastupnice Arijane Memić koje će biti odgovoreno pismeno kako je i traženo. A ukoliko bude potrebe vezano za inicijativu uvažene zastupnice Bibije Kerle i za održavanje tematske sjednice posvećene sigurnosti ja mogu dati detaljne uvodne informacije koje odgovaraju realnom stanju, koje pokazuje stvarna kretanja u oblasti sigurnosti na području Kantona Sarajevo a posebno po nekim krivičnim djelima u odnosu na koja je došlo do poboljšanja rada MUP-a Kantona Sarajevo u proteklom periodu. Toliko za sada, ukoliko bude potrebe ja ću svakako biti tu na raspolaganju da dam taj uvod i potrebne podatke.

Ministar Adnan Šteta.

Pozdrav svim prisutnima kao i građanima Kantona Sarajevo. Ja sam imao četiri pitanja i inicijative na koje je tražen usmeni odgovor pa ću krenuti redom. Prva zastupnice Amre Hasagić po pitanju izrade pravilnika za uklanjanje olupina. Ja moram istaći da je prošle godine pokrenuta inicijativa za izradu ovog pravilnika a Ministarstvo saobraćaja se konsultovalo sa opštinama jer i one imaju svoje nadležnosti i inspekcijama. Došli smo do određenog odgovora iz opština i inspekcija koje su dosta različita, tj dobili smo dosta različita mišljenja i shodno tome da trenutno radimo izmjenu Zakona o uređenju saobraćaja, ta mišljenja inspekcija i opština ćemo tretirati kroz izmjene Zakona o uređenju saobraćaja, da bi onda nakon toga, uvažavajući sve ono što smo dobili kao mišljenja mogli to tretirati kroz izmjene pravilnika o uklanjanju olupina. Očekujem daće u naredna tri mjeseca ovo biti završeno. Pitanje i inicijativa zastupnika Samira Suljevića vezano za video nadzor u javnom prijevozu ili u dijelu javnog prijevoza shodno povećanju sigurnosti naših sugrađana. Tu dosta stvari smo pokrenuli, neke stvari očekujemo da ćemo testno imati u dijelu tramvajskog saobraćaja vidljivo već u narednih desetak dana a mislim do kraja mjeseca ćemo imati kompletan tramvajski saobraćaj pokriven video nadzorom i da ćemo to pratiti iz saobraćajnog centra. Nakon toga idemo na trolejbuski saobraćaj a nakon toga i na druge vidove saobraćaja autobuski i minibuski. Isto tako, na određenim stajalištima koja će biti završena u ovoj godini ćemo imati video nadzor kako bi poboljšali sigurnost naših građana. Zastupnik Igor Stojanović vezano za digitalno informisanje putnika na stanicama. I tu slični su da kažemo, slično vrijeme prati i ovu inicijativu kao i inicijativu zastupnika Suljevića. Očekujem da ćemo do kraja marta imati na stajalištu Otoka, početkom maja na stajalištu Nedžarići video displej tj digitalno informisanje putnika o tome kada dolazi vozilo, a nakon toga idemo i sa puštanjem mobilne aplikacije koja će biti dostupna svim građanima Kantona Sarajevo gdje će u svakom momentu vidjeti kuda se vozila kreću, kada dolaze, da li kasne, da li ne kasne, tako da ćemo da kažemo i jednu i drugu inicijativu , pitanje imati završeno do početka šestog mjeseca, dijelom, a onda ćemo neki tajm line aktivnosti koji će biti dostupan svim građanima Kantona Sarajevo po mjesecima pratiti šta ćemo raditi na drugim pitanjima, jer mi idemo krajem maja početkom juna u rekonstrukciju tramvajske pruge, tako da shodno tome ćemo pratiti i određena dešavanja i određenja dešavanja po ovim pitanjima. Zastupnik Zvonko Marić je postavio pitanje vezano za uposlenike Grasa koji su penzionisani a nisu ostvarili punu penziju. Da na žalost već godinama je otvoreno to pitanje. Moram reći da ti naši bivši uposlenici Grasa i naši sugrađani nisu ušli u program zbrinjavanja koji je rađen 2015 godine zbog nedostatka staža dovoljno u tom periodu i nisu ostvarili svoja prava za spajanje radnog staža. Napomena onima koji ne znaju, a vjerujem da svi znaju više u Kantonu Sarajevo da od 2009 do 2016 firma Gras svojim uposlenicima nije plaćala doprinose. I shodno tome smo došli do ovog problema da je dio uposlenika koji je stekao uvjete za penziju po pitanju godina penzionisan. Sada trenutno na žalost ima minimalnu penziju, ne ostvaruje svoja prava. Takvih je 142 čovjeka, znači 142 bivša radnika Grasa. Potrebe za regulisanje prava kako bi se

dokupio staž je blizu 8 miliona KM. Moram istaći da ovo nije na žalost planirano u Budžetu Kantona Sarajevo jer nismo imali sredstava ali isto tako nije planirano ni sporazumu koji je u oktobru prošle godine Kanton Sarajevo potpisao sa firmom Gras oko regulisanja određenih dugovanja. Tako da ćemo mi evo i sada i onom prvom dijelu mandata 2019 pokušati naći načine kako da pomognemo ovim ljudima kako bi ostvarili svoja prava. Ako nisam dovoljan detaljan bio po ovim pitanjima stojim na raspolaganju da i pisanim putem dodatno obrazložim sve odgovore koje sam vam dao. Hvala vam.

Ministar Davor Čičić:

dobar dan svim prisutnim na sjednici i građanima i građanka Kantona. Ministarstvo finansija kako je bilo zahtijevano će svoje odgovore dostaviti pismenim putem.

Premijer Edin Forto:

evo predsjedavajući mi smo završili sa odgovorima. I tu smo za nastavak sjednice.

Predsjedavajući:

hvala uvaženi premijeru. Nekoliko zastupnika koji nisu nikako dobili usmene odgovore koje su tražili pa vas molim evo po mojoj evidenciji zastupnice Jasmina Bišćević-Tokić, Bilsena Šahman, također nisu dobile odgovor pa molim vas možete li provjeriti svoju evidenciju kada su u pitanju pitanja zastupnika.

Premijer Edin Forto:

zahvaljujem predsjedavajući. Bilo je pitanje zastupnice Bišćević-Tokić vezano za registar ugovor o djelu. Neka nam dostavi tu inicijativu nema nikakvog razloga da je ne usvojimo. Mislim da je još bilo jedno pitanje za ministra Vranića koji nije tu pa ako hoćete da ponoviti možda ćemo znati odgovor ili da sačekamo da se on vrati jer u je u obilasku Kliničkog centra. Predsjedavajući jeste li me čuli?

Predsjedavajući:

možete li ponoviti?

Premijer Edin Forto:

e ovako, ne znam šta ste zadnje čuli.

Predsjedavajući:

nismo ništa od početka ovo što ste govorili.

Premijer Edin Forto:

dobro. Zastupnica Bišćević-Tokić je postavila pitanje vezano za registar ugovora o djelu. I zamolio sam ako može da nam dostavi to pisanim putem nema nikakav razlog da ne usvojimo tu inicijativu jer ćemo otvoriti niz registara svega što je u javnom sektoru, možemo pridružiti i registar ugovora o djelu. Vezano za zastupnicu Šahman mislim da je pitanje bilo za ministra Vranića, ako se ne varam. On je trenutno u obilasku KC pa vas molim da imate razumijevanja ili kada se vrati da vam odgovori ili da vam odgovori drugom prilikom.

Predsjedavajući:

zahvaljujemo se premijeru na odgovorima. Mali tehnički problem ne znam da li će biti po redoslijedi prijavljeni. Evo zastupnica Jasmina Bišćević-Tokić je tražila riječ.

Poslanik/zastupnik Jasmina Bišćević-Tokić:

zahvaljujem predsjedavajući. To što mi je premijer Forto sada odgovorio rijel je o

inicijativama koje sam tražila da se Skupština Kantona Sarajevo izjasni o njima. Ja sam njega pitala koliko je do sada da mi usmeno odgovori dato ispred Vlade Kantona Sarajevo ugovora o djelu, koje su bile struke i također zapošljava nje na neodređeno vrijeme da mi decidno kaže koji je broj i koje struke. To je bilo moje pitanje koje sam ja tražila da on odgovori usmeno. Zahvaljujem.

Predsjedavajući:
zahvaljujem. Sljedeća zastupnica Bibija Kerla izvolite, imate riječ.

Premijer Edin Forto:
predsjedavajući hoćete li odmah da odgovorim?

Predsjedavajući:
evo s obzirom da se ne javlja zastupnica Bibija Kerla možete. Premijeru izvolite odgovorite zastupnici Bišćević-Tokić-.

Premijer Edin Forto:
nema načina da znam napamet koliko je ugovora o djelu napravljeno. Moram vas podsjetiti da samo npr za računovodstvene usluge svaka upravna organizacija svaki budžetski korisnik za potrebu završnog izvještaj radi ugovor o djelu. Veliki broj radnika u kulturi i projekata u kulturi se radi preko ugovora o djelu i autorskih ugovora. Nema na pamet to ali možemo pripremiti analizu. Što se tiče zapošljavanja za stalno, od kako je ova Vlada imenovana mi na Vladi nismo dobili ni jedno zapošljavanje za stalno, osim ako mi nije nešto promaklo a rado bih obrazložio ako mi je promaklo. Koliko znam ovako usmeno nismo nikoga zaposlili za stalno da smo odobrili na Vladi od kako smo imenovani početkom januara mjeseca. Hvala.

Predsjedavajući:
hvala premijeru da li je s nama zastupnica Bibija Kerla'

Poslanik/zastupnik Bibija Kerla:
jesam, spreman sam. Ja sam upravo privatno sa premijerom dobila odgovor na moje pitanje zašto nije do sada raspravljano o inicijativi za otvaranje ureda za saradnju sa dijasporom odnosno građanima Kantona Sarajevo. Premijer mi je rekao da to uopšte nije došlo na Vladu pa će oni na sljedećoj Vladi raspravljati. Moja inicijativa je otišla 15.02 a danas je 03.03 pa me interesuje zašto uopšte nije raspravljano zadnjih mjesec dana? Hvala lijepo.

Predsjedavajući:
hvala. Zastupnica Bilsena Šahman se javila. Izvolite imate riječ.

Poslanik/zastupnik Bilsena Šahman:
samo želim danas odgovore od ministra Vranića kada se vrati, sjednica će trajati neka se obrati i da odgovore, ne samo meni, mislim da i druge kolege imaju neka pitanja za njega.

Predsjedavajući:
zahvaljujem se zastupnici Šahman. Sljedeći zastupnik Zvonko Marić.

Poslanik/zastupnik Zvonko Marić:
zahvaljujem predsjedavajući. Dakle nisam zadovoljan odgovor ministra Štete. Dakle ja sam konkretno pitao zaista u dvije rečenice ali nisam dobio odgovor i potpuno je neizvjesno šta će biti sa tim ljudima. Vrlo bi bilo korektno da im se napokon kaže da oni neće osigurati. Znači nije humano dopustiti da ti ljudi umiru, stekli su pravo na mirovinu itd. Ko ministre Šteta

njima nije uplaćivao doprinose. Oni sami to nisu izvršavali te obaveze. Ili oni koji su predstavljali ili upravljali državnim kapitalom. A ko će biti odgovoran za tako nešto. To je nedopustivo i molim vas ako je moguće da konkretizirate vaš odgovor dali će i kada. Vidite niste sporazumom predvidjeli tako nešto. Pa ko je predstavljao taj državni kapital i te radnike. Ima tamo sindikat koji je politiziran koji je involvirana politika od samog početka i kako je moguće da je na tako nehuman način se postupalo s ljudima koji su stekli pravo na mirovinu ili penziju. Dakle konkretno, neće ostvariti ono što su dugi niz godina krvavo radili u toku rata, žrtvovali izlagali svoj život, vozili u tim uvjetima i oni ne mogu ostvariti to pravo na mirovinu. Da li će napokon neko smoci snage da pomogne tim ljudima u nezgodnoj situaciji stalno. Čak su zbog prosjačkog štapa dovedeni zato što im nije uplaćivan doprinos. Pa jesu li oni krivi zbog toga? Ko je kriv ko će odgovarati zbog te nečuvene situacije? Ili recite nikada nećete ostvariti da ljudi znaju da su sve vlasti i ova Vlada i sve druge Vlade digle ruke od njih i postupile na tako nečuvan način. Hvala.

Predsjedavajući.

Hvala. Kolega Igor Stojanović se javio.

Premijer Edin Forto:

može li ministar Šteta odgovoriti prije gospodina Stojanovića.

Predsjedavajući:

može. Evo kolega Stojanoviću oprostite. Prvo odgovor ministra Štete pa onda vi-

ministar Adnan Šteta:

evo nadopuna odgovora ako nisam bio jasan a spomenuo sam već. Znači Gras nije svojim uposlenicima uplaćivao radni staž od 2009 do 2016 godine. I trebamo tražiti tu odgovore. Vlada Kantona Sarajevo je 04.02.2021. godine donijela zaključak u kojem zadužuje Ured za borbu protiv korupcije i upravljanje kvalitetom i budžetski inspektorat Ministarstva finansija Kantona Sarajevo da dostavi sljedeće stvari:

informaciju vezano za neplaćanje obaveza propisanih zakonom u Grasu i to za obaveze plaćanja PDV u periodu 2011 2018, obaveze plaćanja poreza i doprinosa u periodu 2009 do 2016, to su ove obaveze koje su nastale u periodu sedam godina, i obaveze po tužbama radnika Grasa po kolektivnom ugovoru u periodu 2006 do 2016. nakon ove informacije očekujemo da će neke stvari izaći na vidjelo i vidjeti ko je te ljude ostavio i doveo u situaciju i kojoj je sada. Mi ćemo napraviti s naše strane sve što je moguće, da budemo na raspolaganju onoliko koliko su nam kapaciteti kao Vlade Kantona Sarajevo, ali mi ne možemo odgovarati i vraćati se 10 do 15 godina iza nas. Međutim, ono što je bitno prvi put da ćemo znati ko je odgovoran za ovo i očekujemo da ti ljudi odgovaraju za ono što su napravili. Hvala.

Predsjedavajući:

Hvala ministre Šteta. Zastupnik Igor Stojanović. Izvolite imate riječ.

Poslanik Igor Stojanović:

Predsjedavajući postavio sam više pitanja vezanih za zdravstvenu situaciju u Kantonu Sarajevo kao i neki drugi zastupnici. Premijer nam je dao odgovore uopštene koje uglavnom manje više znamo. S obzirom da smo saznali da je ministar Vranić u posjeti KC, ja vas molim da u toku sjednice, da se sjednica nastavi a da odgovore s obzirom zbog aktuelnosti situacije, zbog povećanog broja zaraženih, zbog toga što zdravstveni radnici već govore da im nedostaje zamjena, da nas izvijesti u toku sjednice. Da mu to omogućimo, bez obzira ako se i završi ova tačka pitanja i inicijative da bi smo imali vrlo adekvatnu informaciju u datom aktuelnu s obzirom da će se on pretpostavljam vratiti na sjednicu Skupštine. Dakle, molim vas

i molim vas nakon završetka odgovora ja bih zatražio pauzu da se Skupština izjasni o jednoj dužoj pauzi od ove koju klub može zatražiti od pola sata, kako bi smo mogli razmotriti deklaracije, inicijative koje su zastupnici podnijeli a za koje traže izjašnjenje Skupštine, kako bi smo kao klubovi donijeli stavove i da imamo jednu malo dužu pauzu pa evo da predložite neki vremenski okvir, ne znam da li je to sat vremena ili nešto otprilike tako. Hvala.

Predsjedavajući:

Hvala kolega Stojanović. Zastupnica Duraković se prijavila za riječ izvolite. Izgleda da nije s nama zastupnica Duraković, ne znam da li nas čuje. Kolega Vibor Handžić. Izvolite, sljedeći koj i se prijavio.

Dopredsjedavajući Vibor Handžić:

Zahvaljujem predsjedavajući. Krenuo sam upravo pisati u ovu našu grupu da odustajem od prijave jer sam mislio tražiti pauzu prije izjašnjavanja o inicijativama i deklaracija, ali evo već je kolega Stojanović tražio pauzu tako da se ne ponavljam to je to.

Predsjedavajući:

može li samo neko od vas dvojice da kaže kolika pauza, sat vremena, sat i 15? Evo kolega Handžić.

Dopredsjedavajući Vibor Handžić:

Evo kolega Stojanović je tražio dužu pauzu. Sat vremena, možemo koliko je uobičajeno, sat, sat i 15 minuta. Kako god predložite smatram da je OK.

Predsjedavajući:

U redu pauza sat i 15 minuta. Molim zastupnike da se izjasne, služba priprema anketu. Zaključujem glasanje. Molim službu da objavi rezultate.

24 ZA suzdržanih i protiv ništa, proglašavam pauzu sat i 15 minuta.

NASTAVAK NAKON PAUZE

Predsjedavajući:

Vraćamo se sjednici. Nastavljamo dalje sa izjašnjavanjem Skupštine na dostavljene inicijative zastupnika.

Inicijativa zastupnika Zvonke Marića. Ja ću samo kratko o inicijativi pročitati o čemu se radi, neću čitati sva obrazloženja jer ima jako puno inicijativa.

Zastupnik Zvonko Marić pokreće inicijativu prema Vladi Kantona Sarajevo da u saradnji sa JP Rad i nadležnim Ministarstvom obrazovanja obezbijedi asfaltiranje i označavanje zvaničnog poligona za polaganje vozačkog ispita pri Ministarstvu za odgoj i obrazovanje Kantona Sarajevo.

Molim službu da postavi anketu. Zaključujem glasanje. Molim službu da objavi rezultate. Za je glasalo 25 zastupnika, protiv ništa, suzdržan 1.

konstatujem da je ova inicijativa zastupnika Zvonke Marića dobila potrebnu većinu.

Druga inicijativa zastupnika Zvonke Marića glasi da se što hitnije održi tematska sjednica ili u nastavak ove sjednice uvrsti tačka dnevnog reda o temi "Inkluzija i odnos Kantona Sarajevo prema djeci s poteškoćama u razvoju".

Ne možemo uvrstiti u današnju tačku dnevnog reda. *Znači ostaje inicijativa da se što hitnije održi tematska sjednica "Inkluzija i odnos Kantona Sarajevo prema djeci s poteškoćama u razvoju".*

Molim službu da pripremi anketu. A pozivam zastupnice i zastupnike da se izjasne.

Zaključujem glasanje. Molim službu da objavi rezultate. Za 28, suzdržano i protiv ništa, konstatujem da je ova inicijativa usvojena.

Treća inicijativa zastupnika Zvonke Marića upućena prema Ministarstvu za odgoj i obrazovanje Kantona Sarajevo da revidira ispravi Naredbu od 02.02.2021 godine i uskladi je sa Odlukom o dopustivosti i meritumu Ustavnog suda, u dijelu koji se odnosi na nošenje maski, za vrijeme boravka učenika razredne nastave u školama na području Kantona Sarajevo. Obrazloženje imate u dostavljenoj inicijativi.

Molim službu da pripremi anketu. Molim službu da objavi rezultate. 19 ZA, 8 suzdržanih, protiv ništa.

Konstatujem da je ova inicijativa dobila potrebnu većinu.

Sljedeća inicijativa Zvonke Marića da se na području Kantona Sarajevo eksterna matura ne polaže već da se učenicima odredi ekvivalent u skladu sa Pravilnikom o polaganju eksterne mature.

Molim službu da pripremi anketu a zastupnike da se izjasne.

Zastupnik Elmedin Konaković poslovnička intervencija.

Poslanik/zastupnik Elmedin Konaković:

zahvaljujem predsjedavajući. Je li dobar ton? Čujemo li se? Hvala pozdravljam vas, sve kolege i kolegice koje danas rade. Prvi put se javljam. Naravno i gledaoce koji putem malih ekrana prate naš rad. Vidim da smo uveli jednu novu praksu, ne bunim se, samo hoću da konstatujem, sve ove inicijative mogu biti zastupničke inicijative, Skupština se izjašnjava vjerovatno danas o rekordnom broju inicijativa ali ova ima svoje specifičnosti. Teško da skupštinskim zaključkom možemo derogirati već usvojene zakone koji su uredili ovu oblast. Tako da apelujem na kolegu Marića da eventualno u ovoj formi pošalje sugestiju Ministarstvu, prijedlog i inicijativu da se razmotre ili izmijene propisi koji uređuju ovu oblast i prilagode pandemiji. Ima naravno potrebe, ima on i argumente, ali je nemoguće skupštinskim zaključkom i inicijativom derogirati već usvojena zakonska rješenja. Hvala.

Predsjedavajući:

hvala kolega Konaković. Kolega Mariću da li imate potrebu da replicirate, evo javili ste se, izvolite, imate riječ.

Poslanik/zastupnik Zvonko Marić:

zahvaljujem predsjedavajući. U potpunosti se slažem, međutim ja sam poslao tu inicijativu ranije i nisam nikakav odgovor dobio od Ministarstva obrazovanja. A očekivao sam i zakonski rok je prošao. I ne znam zbog čega to nisu uradili pa sam bio prinuđen na bilo koji način da interveniram zbog ove svojevrsne diskriminacije u odnosu na druge kantone jer učenici iz Kantona Sarajevo nisu nikako u ravnopravnom položaju sa učenicima koji upisuju srednju školu u Sarajevu i oni imaju apsolutnu prednost, tako da su naši učenici primorani da upisuju strukovne škole. Ja razumijem o čemu gospodin Konaković govori o toj proceduri, o derogiranju Zakona, ali molim dakle Ministarstvo da učini sve kako bi poduzelo korake i rješavalo ta vrlo itna pitanja jer u suprotnom zaista dolazimo do nekih apsurdnih situacija koje su na štetu učenika iz Kantona Sarajevo. Hvala.

Predsjedavajući:

kolega Mariću možete li se samo izjasniti da li da ovu vašu inicijativu prosljedimo resornom Ministarstvu ili tražite izjašnjavaње.

Poslanik/zastupnik Zvonko Marić.

Hajde, možda ćete vi biti bolje sreće pa je vi prosljedite ja sam je već prosljeđivao ali nije

bilo nikakve reakcije.

Predsjedavajući:

zahvaljujem se, mi ćemo proslijediti ovu inicijativu i nadamo se da ćete dobiti ubrzo odgovor. Sljedeća zastupnička inicijativa zastupnik *Dževad Poturak* je podnio inicijativu prema Vladi Kantona Sarajevo i Ministarstvu za odgoj i obrazovanje Kantona Sarajevo da se u nastavni plan i program za osnovnu i srednju školu iz nastavnog predmeta *Historija* poveća obim nastavnog sadržaja već od VI razreda osnovne škole o agresiji na Bosnu i Hercegovinu, namjerama agresora, genocidu u Srebrenici, opsadi Sarajeva, ključnim bitkama za odbranu Sarajeva, etničkom čišćenju i komandantima Armije Republike Bosne i Hercegovine. Također, da Ministarstvo za odgoj i obrazovanje Kantona Sarajevo da pripremi posebnu literaturu koja će detaljno obuhvatiti gore navedeni nastavni sadržaj, te da resorno ministarstvo besplatno obezbijedi istu svakom učeniku u Kantonu Sarajevo.

Molim službu da pripremi anketu. Zaključujem glasanje.

Za je glasalo 27 zastupnika, protiv i suzdržanih nije bilo. Konstatujem da je inicijativa Dževada Poturka usvojena.

Zastupnica Jasna Duraković je uputila inicijativu prema Vladi Kantona Sarajevo i Ministarstvu za predškolsko, osnovno i srednjoškolsko obrazovanje i odgoj KS da se 6. Februar proglasi kantonalnim danom borbe protiv vršnjačkog nasilja u cilju sjećanja na Denisa Mrnjavca, koji je tragično preminuo 6.2.2008. godine zbog teških tjelesnih povreda koje je zadobio od svojih vršnjaka nasilnika.

Molim službu da pripremi anketu. Zaključujem glasanje. Molim službu da pokaže rezultate. Za je glasalo 29, protiv i suzdržanih nije bilo. Konstatujem da je Skupština Kantona Sarajevo usvojila inicijativu zastupnice Jasne Duraković.

Zastupnica Jasmina Bišćević-Tokić uputila je inicijativu prema Vladi Kantona Sarajevo da objavi bazu podataka sa imenima osoba sa kojima se sklapaju ugovori o djelu.

Molim službu da formira anketu. Zaključujem glasanje i molim službu da objavi rezultate. Za je glasalo 27, protiv ništa, suzdržan 1. Konstatujem da je inicijativa Jasmine Bišćević-Tokić dobila potrebnu većinu.

Sljedeća inicijativa također zastupnice Jasmine Bišćević-Tokić prema Vladi Kantona Sarajevo da objavi Registar zaključenih ugovora o djelu u javnom sektoru u Kantonu Sarajevo po uzoru na Registar zaposlenih u javnom sektoru Kantona Sarajevo, a u cilju osiguranja veće transparentnosti.

Molim službu da pripremi anketu. Zaključujem glasanje. Molim službu da objavi rezultate. Za je glasalo 30, protiv i suzdržanih nije bilo, konstatujem da je i ovu inicijativu usvojila Skupština Kantona Sarajevo.

Zastupnik Mahir Dević uputio je inicijativu prema Komisiji za izbor i imenovanja da zaustavi nezakonitu isplatu sredstava na privatne račune samostalnim zastupnicima koji su formirali parlamentarne grupe u Skupštini KS.

Molim službu da pripremi anketu. Zaključujem glasanje. Molim službu da objavi rezultate. Za je glasalo 14, protiv 12 i 6 suzdržanih.

Konstatujem da ova inicijativa nije dobila potrebnu većinu.

Poslovnička intervencija zastupnik Mahir Devića, želi pojedinačno izjašnjavanje. Molim službu da pripremi sekretaru mogućnost da prozove zastupnike.

Sekretar Aida Zeković:

dobar dan svima. Molim da se izjasnite:

1. Aljović Hamed ZA

2. Bešlija Vildana suzdržana
3. Bišćević-Tokić Jasmina ZA
4. Čampara Aljoša ZA
5. Čelik Mirza ZA
6. Delalić Sabahudin ZA
7. Dević Mahir ZA
8. Dizdarević Neira SUDZRŽANA
9. Duraković Jasna SUZDRŽANA
10. Handžić Vibor SUZDRŽAN
11. Hasagić Amra ZA
12. Hasanović Senad ZA
13. Hodžić Admela ODSUTNA
14. Jakupović Vedran PROTIV
15. Junuzović-Kaljić Amra PROTIV
16. Kerla Bibija ZA
17. Konaković Elmedin PROTIV
18. Krstić Danijela PROTIV
19. Marić Zvonko ZA
20. Marjanović Damir PROTIV
21. Mekić Amel PROTIV
22. Memić Arijana PROTIV
23. Milavica Sead OPRAVDANO ODSUTAN
24. Nikšić Damir PROTIV
25. Okerić Elvedin SUZDRŽAN
26. Pecikoza Fahrudin ZA
27. Pleho Haris ODSUTAN
28. Poturak Dževad ZA
29. Srna- Bajramović Segmedina OPRAVDANO ODSUTNA
30. Stojanović Igor SUZDRŽAN
31. Suljević Samir ODSUTAN
32. Šahman Bilsena SUZDRŽANA
33. Viteškić Smiljana ZA
34. Vreto Elvis PROTIV
35. Zahiragić Haris ZA

Predsjedavajući:

za je glasalo 14 zastupnika, protiv 9 i suzdržanih 7.

konstatujem da ova inicijativa Mahira Devića nije dobila potrebnu većinu.

Neko je ostavio uključen mikrofon, molim vas da isključite.

Sljedeća inicijativa koju podnosi zastupnik Haris Zahiragić a odnosi se na Vladu Kantona Sarajevo i Ministarstvo za visoko obrazovanje, nauku i mlade da obezbijede sredstva i nalože UNSA i organizacionim jedinicama UNSA da za asistente prime Zlatne značke a koji ispunjavaju uslove i koji iskažu želju za tim.

Poslovnička intervencija Elmedin Konaković, izvolite.

Poslanik/zastupnik Elmedin Konaković:

zahvaljujem predsjedavajući. Naravno da pozdravljam inicijativu kolege Zahiragića, ista je već bila implementirana u vremenu kada je gospodin Kemal Ademović bio dopredsjedavajući skupštine. Vrlo uspješno realizovan projekat. Čak smo u tom periodu preko Službe za zapošljavanje obezbijedili i zaposlili 120 čini mi se asistenata. I apsolutna podrška inicijativi

ali u ovoj proceduri svoje mišljenje mora dati Vlada jer ima finansijske troškove. Dakle, potrebno je kao što Poslovnik kaže da se inicijativa kolege Zahiragića proslijedi Vladi, da se oni pošto smo usvojili budžet u roku od mjesec dana izjasne da li postoji eventualno izvor sredstava i finansiranja kako bi procedura mogla teći dalje, pa da se tek onda ukoliko se ništa ne desi nakon mjesec dana izjašnjava Skupština. Tako da molim kolegu Zahiragića da ovu inicijativu vrati u redovnu pravnu proceduru.

Predsjedavajući:

zahvaljujemo se Konakoviću. Poslovnička intervencija zastupnik Damir Marjanović.

Poslanik/zastupnik Damir Marjanović:

zahvaljujem se. Prije svega zahvalit ću se kolegi Zahiragiću na ovoj inicijativi i zahvalit ću se što je spomenuo između ostalog kada je ta inicijativa realizirana. Ja sam upravo htio spomenuti gospodina Kemala Ademovića. Dozvolite mi da spomenem i Muamera Bandića koji je bio tada ministar s kojim smo zajedno realizirali cijelu ovu priču. Puna potpora i htio sam stvarno sugerirati mislim ako odgodimo za sljedeću Skupštinu, siguran sam da će Vlada podržati a imam informacije iz Ministarstva da definitivno će se ići u tom pravcu. U svakom slučaju podrška inicijativi i hajte samo da ako treba malo u proceduri, jer na neki način zaokružimo a siguran sam da kada Vlada odgovori pozitivno da ćemo je u potpunosti podržati na sljedećoj sjednici.

Predsjedavajući:

hvala zastupniku Marjanoviću. Kolega Zahiragiću da li insistirate da se Skupština izjašnjenja na ovu inicijativu ili prihvatate sugestiju?

Poslanik/zastupnik Haris Zahiragić:

pazite, pazite s obzirom na činjenicu da su te Zlatne značke već neki period čak i posljednja generacija bez posla i da ih ni na koji način nije kontaktirao UNSA niti bilo ko, vidio sam da je Ministarstvo napravilo neki sastanak, ja sam s njima održao sastanak gdje smo okupili oko 30 Zlatnih značaka. Njih 15 je iskazalo ambiciju za prijem na UNSA. S tim u vezi ukoliko zaista može Vlada obećati da će na narednoj sjednici dostaviti kvalitetno mišljenje i podržati ovu inicijativu naravno da možemo odgoditi za narednu sjednicu. Ali pazite molim vas da ti ljudi ne završe u međuvremenu u Njemačkoj, Švajcarskoj i Norveškoj, jer svaki dan njihovog bivstvovanja bez zdravstvenog osiguranja mnogi od njih kao najbolji među najboljim itd su na ovo društvo je ugroženo potencijalnim njihovim odlaskom u neke države Zapadne Europe koje ih jedva čekaju. S tim u vezi, prihvatam ali evo insistiram i molim i vas kolege iz Kolegija i iz vladajuće većine ali i iz Vlade da već na narednoj sjednici imamo stav i da se onda mi izjasnimo, a da već sve korake koje Vlada treba poduzeti do tada poduzme jer imamo gotovo rješenje. Da ne bi smo ovaj razvukli period na godinu dana dok ne dođu nove Zlatne značke. Hvala.

Predsjedavajući:

poslovnička intervencija Damir Marjanović.

Poslanik/zastupnik Damir Marjanović:

kao što rekoh puna potpora, evo uzet ću i taj dio na sebe kao i vjerovatno svi ostali zastupnici da se to ispoštuje do kraja, samo možda ne zna kolega Zahiragić informaciju da je već bio sastanak Zlatnih značaka i ministrice u Ministarstvu i o tome se pričalo i ministrica je već preuzela na sebe dobar dio odgovornosti i čini mi se da već rade planove kako projekte tako i vezano za ovu ideju ostanka na UNSA. U svakom slučaju samo dodatna informacija kao dokaz da će vjerovatno, ne vjerovatno, nego skoro sigurno ići u tom pravcu.

Predsjedavajući:

hvala javio se za poslovničku intervenciju zastupnik Vibor Handžić.

Dopredsjedavajući Vibor Handžić.

Zahvaljujem predsjedavajući. Samo kratko poslovnička što se tiče kolege Zahiragića poslovnički, ovo je potpuno poslovnički, Vlada do sljedeće sjednice i mora da se odredi ukoliko se ne odredi Skupština se izjašnjava bez tog mišljenja. Ali ja u opšte nemam dileme da će svakako ovo rezultirati u pravcu u kojem svi želimo. Zahvaljujem.

Predsjedavajući:

hvala. Kolega Zahiragiću ako je vezano za ovu inicijativu zamolio bih vas da preskočimo da idemo dalje.

Poslanik/zastupnik Haris Zahiragić:

samo da zaključimo u deset sekundi. Kolega Marjanoviću ja sam spomenuo da je ministrica imala sastanak sa dva dobitnika Zlatne značke a nakon što sam ja okupio sve Zlatne značke zajedno sa Studentskim parlamentom ove posljednje generacije. Evo vjerujem da će za sedam dana ne samo dati pozitivno mišljenje nego čak dati konkretan prijedlog i red koraka kako da to što prije riješimo. Hvala predsjedavajući što ste mi dali riječ iako nisam imao pravo na nju.

Predsjedavajući:

Sljedeća inicijativa Harisa Zahiragića *podnešena je prema Vladi Kantona Sarajevo da formira interresornu komisiju koja će pristupiti izradi nacrtu Zakona o izvrsnosti u Kantonu Sarajevo.*

Molim službu da pripremi anketu. Zaključujem glasanje. Molim službu da objavi rezultate.

Za je glasalo 29, protiv ništa, suzdržanih ništa.

Konstatujem da je ova inicijativa podržana od strane Skupštine Kantona Sarajevo.

Sljedeća inicijativa također od zastupnika Harisa Zahiragića upućena je prema Vladi odnosno da Institut za jezik UNSA promijeni naziv u Institut za bosanski jezik UNSA obrazloženje imamo.

Imamo poslovničku intervenciju zastupnik Elmedin Konaković, izvolite.

Poslanik/zastupnik Elmedin Konaković:

Zahvaljujem predsjedavajući. Ova je tema vrlo ozbiljna i želim da kažem nekoliko svojih sugestija i da predložim kolegi Zahiragiću malu modifikaciju ove inicijative koju bi smo u tom slučaju i mi podržali. Iz više smo izvora, dakle danas razgovarali sa više ljudi koji se bave ovom strukom i potpuno podržavamo ideju da bosanski jezik dobije svoj institut. Ukoliko bi se to radilo ovako kako kolega Zahiragić predlaže napravili bi smo jedan administrativni problem postojećem Institutu kom je potrebna kompletna reorganizacija, pa možda reorganizacija sistema. S druge strane ne bih nikada podržao inicijativu kojom bi smo glasanjem za bosanski ugrozili jezike drugih naroda koji žive i rade u Kantonu Sarajevo zato što nikada na isti način ovu temu ne bih posmatrao kao oni koji zanemaruju bosanski jezik. Iz tih razloga bi bilo potrebno da se, ukoliko kolega Zahiragić na to pristaje, u samom nazivu ove inicijative kaže : *Pokreće se inicijativa za formiranje Instituta za bosanski jezik u okviru postojećeg sistema ili novog pravnog subjekta*”. Da se takva inicijativa proslijedi prije svega Institut za jezik a onda naravno eventualno i nekoj široj zainteresovanoj javnosti s tim da se to ne odugovlači jer je ideja i intencija kolege Zahiragića, meni barem, apsolutno prihvatljiva ali način ove implementacije da administrativno danas Skupština ponovo uđe u problem same inicijative ili njenog zaključka koja je u suprotnosti možda s nekim propisima, takvu intenciju

ne bi smo danas dakle podržali. A podršku Institutu za bosanski jezik apsolutno kolega Zahiragić imate. Nećemo tu imati nikakve političke pokušaje da se neko nametne. Nemamo ništa protiv da on lideriše ovu priču, dobra mu je inicijativa kao i ova za izvornost, koju posebnu pozdravljam. Ali bih ovako malo možda pregrubo formulisan zaključak napravio i administrativne a po mom mišljenju i političke probleme jer nikada se ja ne bih ponašao onako kako negatori eventualno bosanskog jezika hoće. A bosanski bih svakako zaštitio. Ako može kolega Zahiragiću ponoviti ću još jednom inicijativa za formiranje Instituta za bosanski jezik u okviru postojećeg sistema ili novog pravnog subjekta. (nerazumljivo).

Predsjedavajući:

hvala zastupniku Konakoviću. Zastupnik Haris Zahiragić molim vas možete li se izjasniti?

Poslanik/zastupnik Haris Zahiragić:

gospodine Okeriću samo prije nego što se izjasnim morao bih i ja uzeti par minuta iako nije po Poslovniku na isti način na koji je kolega Konaković koristeći poslovničku intervenciju.

Predsjedavajući:

naravno, važna je tema i slobodno se izjasnite.

Poslanik/zastupnik Haris Zahiragić.

Vrlo važna, hvala vam puno. Pazite, moja inicijativa je bila na tragu komunikacije moje sa profesorima sa katedre na Filozofskom fakultetu i samom Institutu, koji ponavljam opet, defakto u najvećem dijelu svoje djelatnosti radi stvari ne možda na nivou na koji smo mi od njih tražili, zbog toga je ta inicijativa, za zaštitu međunarodno pozicioniranju bosanskog jezika. Pazite, mi ta Institut formalno zaključkom i mojoj inicijativom i ne možemo promijeniti. Imaju tu i zakoni i drugi propisi i statut i svašta nešta što bi se moralo ispoštovati do konačne realizacije.

Predsjedavajući:

imate tehničkih problema, ne čujemo vas.

Poslanik/zastupnik Haris Zahiragić:

dakle da neki novi institut osnuje za sve jezike a da ovaj bude samo za bosanski jezik itd. Ovako formulisan institut nije institut samo za jezike naroda u BIH. Nego institut za jezik u punini svog značenja bi značilo za sve svjetske jezike. U tom smislu ja ću očekivati da se ipak izjasni Skupština o ovoj mojoj inicijativi koja nije konačna i koja će zapravo samo značiti politički stav Skupštine i koji će obavezati Vladu i UNSA da pronađu evo najbolji model, možda neki od ovih koje je kolega Konaković kazao. I da ne bih bio pogrešno shvaćen, molim vas, ja sam u obrazloženju te inicijative napisao da hrvatski i srpski jezik koji su također zvanični jezici u BIH, prema Ustavu BIH su vrlo dobro, čak podjednako zastupljeni kao i bosanski na UNSA, tj na Filozofskom fakultetu na njegova dva odsjeka. S druge strane, na značajnom dijelu teritorije BIH se na žalost, ja moram istaći da sam tužan zbog toga, i da smo zapravo ljudi koji govore bosanski jezik kao maternji možda jedan od posljednjih naroda koji su priznati kao narod, evo čak i većinski u jednoj državi i veliki broj drugih naroda u BIH govore bosanski i tako se izjašnjavaju, čak i Ostali, i Romi i Jevreji, pa mnogi Srbi i Hrvati govore bosanski jezik tako su se izjasni barem, u tom smislu želim da ovaj zaključak ipak bude shvaćen kao jedan sistemska podrška Skupštine i početak procesa jedne akademske, naučne i ozbiljne borbe za bosanski jezik. Da se ne bi dešavalo kolega Okeriću ili Konakoviću da mi u Skupštini stalno političkim sredstvima moramo tu borbu biti. Ja želim da se ta borba za razliku od onih koji negiraju preseli na jedan akademski naučni nivo i u tom smislu ovaj zaključak nije konačan. Ipak ću tražiti da se Skupština izjasni o njemu, a kako god se izjasnili

o njemu na kraju će se to u samom izvršenju vjerovatno neka od vaših ideja će biti konačno. Evo npr predlažem da na naredno Skupštini ja i vi zajedno formulišemo neki operativni plan promjene naziva ili osnivanje novog instituta. Hvala vam.

Predsjedavajući:

hvala kolega Zahiragiću. Poslovnička zastupnik Damir Marjanović. Zamolio bih kolege da imaju obzira evo dat ćemo svima priliku da ovu poslovničku obrazložite prodiskutuju ovu važnu temu, inicijativu, tako da evo da vode računa da ne pretjeruju u diskusiji.

Poslanik/zastupnik Damir Marjanović:

zahvaljujem predsjedavajući. U istinu ovo jeste važna tema i ja ću joj pristupiti s druge tačke. Kolega Zahiragić je na jednom zajedničkom sastanku meni to prezentirao i zna moj stav u potpunosti. Mislim da je to dobra ideja i mislim da na tragu ovoga što je kolega Konaković definitivno bi trebalo da se to pronade način i modalitet da jedan takav institut postoji, samo ću zamoliti kolegu Zahiragića šta god da se desi, kako god da se desi, da li to danas glasali, a sugerirao bih da ostavimo možda za sljedeći put, samo kolega Zahiragić je napomenuo da ima između ostalog mišljenje akademske zajednice, stvarno bih zamolio i njega ali ako možemo, možda bih čak malo modificirao da zatražimo prije svega mišljenje akademske zajednice i to isključivo znanstveno i stručno mišljenje da ovo što je kolega Zahiragić rekao da se stane iza toga, jer dijelom se to dotiče i nekih akademskih sloboda, pa hajte da nađemo najbolji modalitet. Da li je to da se ovaj institut transformira ili da se kreira novi institut, uopće nije upitno treba li biti jedan institut za Bosanski jezik ili ne, ali mislim da u ovom momentu trebamo samo da pristupimo tako da ne bi na neki način, mi političari preuzeli ulogu akademaca. Mislim da je to kolega Zahiragić tako fino i formulisao. Tako da potpora samoj ideji ali hajde da vidimo kao to realizirati.

Predsjedavajući:

zastupnik Igor Stojanović poslovnička intervencija. Izvolite imate riječ.

Poslanik/zastupnik Igor Stojanović:

hvala predsjedavajući. Moja poslovnička intervencija je vezana za ovu inicijativu koja vrlo lako može preći u jedno antiustavno djelovanje. Dakle institut za jezik prema Ustavu vjerujem da to ti svi zastupnici znaju kao i zastupnik Zahiragić da su zvanični jezici u BIH bosanski, srpski i hrvatski. Preimenovanje instituta za jezik u ovom trenutku zamislite da Dodik sada uradi, e ovako sada stvar i kaže sada ću napraviti institut za srpski samo za srpski jezik. Dakle nemojte da radimo nešto što je antiustavno, antidržavnički u ovoj situaciji. Ja razumijem intenciju, želim da vjerujem da kolega Zahiragić neće da radi ovo što Dodik radi, pravi srpski jezik. Da on želi da promoviše da napravi institut za bosanski jezik, ali dajte da onda pravimo inicijativu koja će praviti poseban institut. A ne jedan institut koji ima svoju namjeru da njeguje sve jezike BIH da njeguje jedan državni odnos naspram jezika, da ga mi sada prekvalifikujemo isključivo u bosanski i time faktički stavimo sa strane druge jezike koji se koriste na području BIH. Nemojte da ulazimo u to. Slažem se sa kolegom Marjanovićem, molim vas, da formulišemo ovo na pravi način a da ne ulazimo u jednu vrstu dodikovskog ponašanja da se to dešava ovdje upravo u Sarajevu. Vjerujem da to ne želi ni kolega Zahiragić. I zato molim vas, ne znam uopšte čak ni zašto imamo ovu inicijativu, zašto nismo akademskoj zajednici ostavili na razmatranje na koji način da se bosanski jezik njeguje i koji bi to najbolji oblik bio. Ja očekujem od akademske zajednice da nam predloži ako je bosanski jezik u ovom slučaju na bilo koji način ugrožen, kako bi se trebao njegovati. I to molim vas da ne ulazimo na ovaj politički teren u kojem ćemo prekvalifikovati institucije baš na onakav način kako Milorad Dodik često pokušava da sve institucije stavi pod RS ne bi li joj dao državni značaj. Nemojte to dajte da njegujemo državnost onako kako je propisana u skladu sa

Ustavom da se borimo za državu BIH. Ako krenemo i prihvatimo ovakav način mijenjanja institucija, to je vrlo opasno. I nemojte molim vas da to radimo. Ja na ovaj način ako ćemo institut za jezik prekvalifikovati u samo za bosanski jezik, to izgleda lijepo i pitko za javnost kao promoviše se bosanski jezik, ali opasnost da se zanemaruju svi drugi jezici, daje legitimitet svima onima koji danas uvode isključivo samo srpski ili samo hrvatski jezik. Nemojte molim vas da ulazimo u to polje, vrlo je opasno za državu BIH. Hvala.

Predsjedavajući:

hvala kolega Stojanoviću. Dopredsjedavajući Vibor Handžić poslovnička intervencija. Oprostite Elmedin Konaković prije je bio dopredsjedavajućeg Vibora Handžića.

Poslanik/zastupnik Elmedin Konaković:

hvala predsjedavajući. Pretpostavili smo naravno da će ovakva tema izazvati ovakve vrste reakcija i zato još jednom apelujem danas umjesto pokušaja da se politički pozicioniramo, ipak ovaj proces dovedemo do kraja. Još ću jednom ponoviti. Možemo zamisliti sličnu scenu da neki postojeći institut za jezike u nekom drugom dijelu BIH neko pokušava ugasi i napraviti institut za srpski ili hrvatski jezik, zanemarujući druga dva. To je sigurno nešto na šta bi smo mi reagovali. A s druge strane apsolutno shvatam i podražavam inicijativu kolege Zahiragića da se bosanski jezik maksimalno zaštiti, promoviše i naravno u više teza naučno dokaže sve ono što mi o bosanskom jeziku znamo. Zato sam ubijeđen, prije svega Ustav Kantona Sarajevo član 5.a) čini mi se ako nije bilo nekih promjena kaže da su službeni jezici u Kantonu Sarajevo bosanski, srpski i hrvatski. Ne bi smo to trebali raditi onako kako to rade neki drugi. Zaštita jednog na štetu drugih jezika. Bilo bi malo radikalno postojeći institut presjeći ili naložiti mu promjenu imena i samim tim vjerovatno promjenu funkcionisanja cijelog instituta. A s druge strane ja bih lično bio presretan da napokon evo damo status bosanskom jeziku kakav zasluži posebno sa stava akademske zajednica i nauke kao što kolega Zahiragić ovdje predlaže. Zato sam predložio jedno među rješenje za koje sam ubijeđen da postiže potpuno efekte. Kolega Zahiragiću dakle formiranje instituta za bosanski jezik u okviru postojećeg sistema ili novog pravnog subjekta. To ne može biti shvaćeno kao eto reda radi rješenje, nego ćemo na njemu svi zajedno predano raditi već od naredne sedmice. Još jednom apelujem na vas da ponudite samo malu izmjenu pa da vaša ideja se artikuliše evo potpuno na isti način. U suprotnom mi zaista nećemo moći podržati ovu ideju. A na sljedećoj sjednici ćemo mi podnijeti ponovo istu inicijativu ovako kako danas govorimo. Ne krademo ideju vašu i dobro ste danas predložili nekoliko stvari. Apelujem na vas da ovo shvatite kao dobru volju sviju nas jer bi ste mogli napravili jednu zaista krupnu stvar a na osnovu vaše inicijative. Hvala.

Predsjedavajući:

dopredsjedavajući Vibor Handžić.

Dopredsjedavajući Vibor Handžić:

zahvaljujem predsjedavajući. Naravno poslovnička intervencija zato što apsolutno nemamo nikakve druge mogućnosti kako možemo u okviru ove tačke dnevnog reda komentarisati ili diskutovati po određenim inicijativama i ja mislim generalno da je to jedna ozbiljna manjkavost Poslovnika i ove tačke dnevnog reda. Jer mislim da inicijativa koju je kolega Zahiragić podnio je puno ozbiljnija od puke zastupničke inicijative na koju se zastupnici mogu samo izjasniti za protiv ili suzdržano a nemaju nikakvu mogućnost diskusije ili rasprave po ovom pitanju. Ja se slažem sa kolegama koji su prije diskutovali. Bojim se da inicijativa u ovakvom obliku kakva je trenutno formulisana nije dobra i to nije bila ni njena namjera

duboko vjerujem. I da će prouzrokovati. Ako je želja da se reformiše i da se unaprijedi kvalitet rada Instituta za jezik samog što sam čuo ovdje u diskusijama i ako je intencija da se dodatno afirmiše i razvija bosanski jezik, bojim se da samom promjenom imena Instituta ne ide se u pravcu poboljšanja statusa kadrovskog samog Instituta i njegovog boljeg rada. Dakle mi ovdje danas samo mijenjamo ime. Nema u inicijativi ni u raspravi nikakvih prijedloga vezano za (nerazumljivo) kvaliteta rada Instituta o kojem govorimo. Zaista zbog ovih svih primjera u drugim dijelovima BIH, koje su navele moje kolege da ne ponavljam, Sarajevo jeste i mora biti jedan generator i kreator državotvornosti, i ja ne prihvatam argumente da ako sedefasto postoji velika većina ljudi bez obzira na etičku pripadnost koji se služe i žele da proučavaju bosanski jezik, da to treba biti razlog da zapostavimo i izostavimo druga dva službena,ustavna jezika BIH, ako postoji jedno, dvoje ili troje ljudi samo na teritoriji Kantona Sarajevo koji žele da izučavaju ova dva druga jezika bez obzira na njihovu etničku pripadnost mi takvim ljudima moramo dati šansu i omogućiti im da tako nešto i urade. Da li će status položaj i kvalitet izučavanja bosanskog jezika popraviti to što ćemo ga mi na osnovu jednog dijela teritorije BIH preimenovati institut i dati mu takve nadležnosti, ja nisam siguran. Na žalost to bi moralo biti jedna ozbiljna državna politika koju mi na žalost nemamo, ali nemam naravno ništa protiv da se bosanski jezik generalno jača ali mislim da bi t morali uraditi na puno kvalitetniji i ozbiljniji način. Ja ne bježim od toga ni da rasprava o ovome bude neka od tačaka dnevnog reda na narednoj sjednici u kojoj ćemo ozbiljno prodiskutovati i sa akademskom zajednicom i sa ljudima koji se bave naukom, i na kraju krajeva koji djeluju pri ovom institutu. Ali ponavljam, bojim se da ovako formulisana inicijativa ide potpuno opozitno od smjera državotvornosti i onoga što Sarajevo mora i treba da predstavlja. Zahvaljujem se.

Predsjedavajući.

Zastupnik Damir Nikšić poslovnička intervencija.

Poslanik/zastupnik Damir Nikšić:

hvala. Ja bih možda mogao navesti član 76 ili 77 koji se tiče vitalnih nacionalnih interesa pošto se radi o službenim jezicima Kantona Sarajevo. Ja lično imam stav da jeste potreban institut za bosanski jezik, prije potreban jer nije baš standardizovan i postoje razne neke interpretacije i mora se standardizovati taj jezik da djeca koja i ljudi koji koriste bosanski jezik budu pismeniji u tome na način koji ga koriste. Međutim, mislim da taj problem da tu stvar da institut zaslužuje i mora da bude na državnom nivou. Evo sada imamo upravo probleme finansiranja ANU BIH, i to bi trebalo i da po mom nekom mišljenju pri ANU BIH i lijepo bi bilo da stranke koje čine, a jedna je SDA, čini vladajuću koaliciju na tom nivou učini sve što je u njenoj moći, ANU BIH, ima takav jedan institut i da se počne baviti tim na državnom nivou i da državno promovira bosanski jezik. Jel nacionalnoj, teritoriji BIH. Ovdje imamo jedan problema a to je ja s čim imam probleme, jeste da se mi kao politika, mi zastupnici koje su birali građani Kantona Sarajevo miješamo direktno, naravno nakon 2017, u ljeto 2017 kada su svi bili na moru, ukinuta je autonomija UNSA, i naravno da je došlo do ovoga da sada mi odlučujemo kakav će biti program UNSA a ne akademska zajednica, ne ljudi sa UNSA; odlučujemo kakav će biti program. I to je strašno. To je ovako jedan korak prema ukidanje autonomije Univerziteta nije dobro za demokratiju, nije dobro za slobodu. Mislim isto se slažem da ljudi sa Univerziteta moraju o tome odlučiti sami da akademska zajednica i stručnjaci moraju odlučiti sami, ali ovdje se radi o tome da ćemo mi danas sa prostom većinom zastupnika građana Kantona Sarajevo ukinuti druga dva jezika. Na UNSA na kojem studiraju i predaju ljudi koji ne moraju biti građani Kantona Sarajevo. Znači to je jedan Univerzitet u Sarajevu, u BIH koji možda i jedini koji ima ovakav pristup jeziku. I jedini koji baštini tu BIH. I mi ćemo sada toj zajednici univerzitetskoj zajednici akademskoj, mi, prosta većina građana Sarajeva ćemo mi njima reći šta će da uče. Ja sam protiv toga. Na stranu to da

ovdje u samom zahtjevu postoji jedna kontradikcija, a to je da kolega Zahiragić kaže jasno da postoje dva predmeta koji predaju sva tri jezika, institut, koji je istraživačkog karaktera, radi za te predmete, za tu katedru koja sva tri jezika predaje. Taj institut pomaže toj katedri za sva tri jezika. Kako ćemo onda taj Institut učini institutom samo jednog jezika i da istražuje samo jedan jezik za katedru i predmete koji predaje sva tri jezika. Jel vidite o kakvoj se redukciji radi. Ne radi se ovdje o bustanju bosanskog jezika nego o redukciji ostalih službenih jezika. I to je nešto što ne bi trebalo i ne bi smjelo da se desi iz tehničkih razloga. Da institut koji je u službi predmeta koji predaje sve jezike, istražuje samo jedan jezik, po naređenju proste većine, političke jedne klase ljudi Univerzitetu. Ja sam protiv toga i to ne smije uopšte proći. Dakle to ne smije proći jer to između ostalog čini jednu provincijalizaciju Sarajeva. Poslije toga Sarajevo ne mora uopšte, možemo odmah mijenjati Ustav, vratiti se ono što smo htjeli da bude po popisu iz 2013, da ne moraju biti dva ili tri Srbina u Vladi ili možemo odmah reći i promijeniti Ustav dvotrećinski da promijenimo Ustav da ne postoje tri službena jezika u Kantonu Sarajevo. Možemo to odmah da radimo. Hajde da krenemo onda u tom pravcu i da Sarajevo proglasimo jednonacionalnim i Univerzitet jednim homogenim univerzitetom samo sa jednim jezikom, jer već prethodno imamo ukidanje naziva BHS i proglašavanje jednog jezika jezikom nastave u Kantonu Sarajevo. Što je isto veliki problem. Ovo nije sada, ovo je već jedna pojava i volio bih da znam ko piše i ko instruiira zastupnike da prave ovakve inicijative. Jer ovo je odavno ovo nije samo sada sa kolegom Zahiragićem. Neko stoji iza ovoga svega i volio bih da i to znam ali kažem nipošto glasati za ovo, već ići na neke druge načine, novi institut itd. I na državni nivo. Hvala vam.

Predsjedavajući:

zastupnik Haris Zahiragić. Da vas još jednom napomenem kao i sve ostale prethodne zastupnike da imate obzira.

Poslanik/zastupnik Haris Zahiragić:

potruditi ću se da imam predsjedavajući. Ja kada sam podnio ovu inicijativu koje je bilo prilično kratko nisam ni slutio koje će razmjere a usudit ću se reći šovinizma rasprava prije donijeti i ja se zaista osjećam sada isto kao oni učenici u Konjević polju, učenici širom BIH gdje se negira bosanski jezik. Reći da je bosanski jezik i borba za bosanski jezik, koji, ako već želite da razgovaramo, najstariji (nerazumljivo) jezik na ovim prostorima, i najugroženiji jezik jednog naroda na svijetu, da je to poredite to sa ugrožavanjem jezika od strane fašističkih i šovinstičkih politika iz manje bh entiteta. Ja se osjećam zaista uvrijeđenim. I vjerujem da se i građani. Drago mi je iako to nije bila namjera, da su neki svojim stavovima rasvijetlili svoje politike, i zapamtite da ovo građani BIH širom BIH neće zaboraviti a ja ću se pobrinuti da se ovo široko čuje. Argumenti ili neargumenti koji su korišteni ovdje. Na UNSA na Filozofskom fakultetu postoje katedre. Nema katedre za bosanski jezik i evo ako je nema, sve službene jezike univerzitet u Sarajevu kao jedini univerzitet u Bosni, ovo ponavljam, edukuje kadar za sve jezike. Svršenik našeg fakulteta edukovan je za bosanski, srpski i hrvatski jezik. Nema ni jednog mjesta u Bosni. Otiđite već u drugi Kanton koji graniči s Kantona Sarajevo, otiđite u entitet koji graniči sa druge strane pa ćete vidjeti da tamo ne da nema bosanskog jezika, kojeg govore građani i tih Kantona i tih entiteta nego mu se naziv mijenja. Naziva ga se bošnjačkim. Jel to naredni korak i ovdje u Sarajevu? Hoćete reći da je bosanski jezik samo jezik bošnjačkog naroda? Jel to hoćete da kažete kolege koje su ranije diskutovale. Ako su to argumenti i ako tako posmatrate ovu inicijativu a ne kao inicijativu za zaštitu najstarijeg jezika na ovim prostorima. U obrazloženju sam napisao da je 1631 prvi rječnik bio (nerazumljivo) bosanskog jezika. I to su sve argumenti dakle. Ja nisam donio ovdje uslovno rečeno na foru inicijativu. Ja sam je najavio na Fejsbuku prije 20 dana. Govorio o njoj u medijima, bila je rasprava u medijima. I jedina osoba koja je iznijela slične argumente iz

akademske zajednice kao zastupnici je bio Enver Kazaz. O njemu se suviše išta govoriti. Ako će nam on i njegovi argumenti biti mjera stvari ja ne želim konsultovati takvu akademsku zajednicu, jer ta akademska zajednica je pokušala na jedan sistemski način ovdje standardizirati jezik i (smetnje).

Predsjedavajući:

kolega Zahiragiću imate tehnički problem ne čujemo vas.

Poslanik/zastupnik Haris Zahiragić:

bosanskog jezika. Da li me čujete sada? Dakle reći da bosanski jezik je protiv BIH, je jedna pa eto slušajte kako zvuči bosanski jezik protiv BIH. I to je ono što smeta i negatorima BIH što je bosanski puno širi. Ako govorimo o Ustavu Kantona Sarajevo službeni jezici jesu ti koji ste nabrojali. Mi koristimo. Materijali stižu, možete se izjašnjavati, dokumenta, akta, pismena. Trebali bi znati šta znači kada je nešto Ustavni jezik da ga se ima pravo koristiti u službeno korespondenciji i ništa više ni manje. Ali kako će to znati ljudi kada nisu pročitali u životu ništa pa ni Poslovnik o radu a vamo morališu i prave se pametni. E da vam kažem kolege sada, ja sam u toj akademskoj zajednici proveo pet godina i kao član Nastavnog vijeća i kao član Senata UNSA, i kao član UO u Sarajevu. Zajedno sam sa ljudima dobronamjernim pokušavao na UNSA nije bilo volje jer su takvi argumenti ljudi poput Kazaza to zaustavljali jer je strah naš od našeg UNSA i kompleks niže vrijednosti u Sarajevu koji vi sistemski već namećete. Ovo nije prva odluka i prva.

Predsjedavajući.

Kolega Zahiragić molim vas vrijeme.

Poslanik/zastupnik Haris Zahiragić.

Evo pošto nema vrijeme neću zloupotrebljavati. Molim vas predsjedavajući ja sam zaista očekivao da će ova rasprava otići u skroz drugom smjeru a ne ovom kojem se otišlo. Da se optuži mene i kolege iz Kluba SDA i kolegama iz akademske zajednice koji su čak javno pogledajte dnevnik kantonalne, pogledajte vijesti, trebali ste se informisati. Da ste toliko dobronamjerni javili bi se prije jer sam ja ovo najavio prije 20 dana a ne sada da me dočekate s tim argumentima. S tim u vezi molim vas nemojte vrijeđati inteligenciju građana Kantona Sarajevo. A kada se radi o institutima koliko god ima potrebe naučne neka se formiraju institut za hrvatski, srpski, ja ću glasati odmah. Za romski jezik koji je možda također ugrožen iako nije službeni ali što kaže kolega Handžić ako ima troje ljudi čiji je jezik ugrožen, evo romski najugroženiji pored bosanskog na cijelom svijetu. Pa i taj da formiramo. Možemo i ladino jezik je sefardski jezik Jevreji koji su govorili koji je mješavina španskog, portugalskog, hebrejskog. Možemo mi i to. I ja ću glasati za svaku tu inicijativu. I to moje glasanje. S tim u vezi molim vas predložite svaku narednu inicijativu ja ću je podržati a od vas očekujem da podržite ovu inicijativu za bosanski jezik i da prestanete koristiti govor mržnje, vrijeđati bosanski jezik, vrijeđati mene i kolege iz Kluba SDA koji su ovo predložili. Hvala vam predsjedavajući. I nadam se da neće otići diskusija dalje jer se suzdržavam vjerujete mi.

Predsjedavajući:

imamo još jednu najavu ispravke krivog navoda. Zastupnik Damir Nikšić.

Poslanik/zastupnik Damir Nikšić:

ja bih molio da ove interpretacije da ako je neko da se prestane interpretirati da ako neko kaže ljudi pokušajmo mi sačuvati još jednu vrijednost UNSA i vrijednost BIH a to je da UNSA, evo sam je kolega Zahiragić rekao da je jedini koji predaje tretira sva tri jezika, da kada

kažemo da pokušamo to sačuvati da smo odmah se spinuje. Spinovanje ludom radovanje. Odmah se spinuje kao da sam ja protiv bosanskog jezika. ne. Ja sam za. I rekao sam na početku mora se napraviti neka standardizacija jer se ne zna o čemu pričamo. Ne zna se kojim jezikom pričamo, ne zna se bosanski jezik nije standardizovan. Ja sam prvi nezadovoljan tim. I naravno da treba. Ali ne ukidati ono što već postoji što je također vrijednost. E sad samo malo da se oduzimamo, da se oduzimamo iz čitave slike a to je vrijednost BIH. A to je da u Sarajevu na UNSA jeste finansiran od strane Kantona jer je na budžetu i time je izgubio svoju autonomiju i sada ćemo mu se mi petljati u program. E ovako ćemo mu se petljati sa ovakvim inicijativama. I to je strašno. Na taj univerzitet dodale djeca iz čitave BIH. On ne pripada samo Sarajlijama i ne pripada samo Kanton Sarajevo. Sarajevo kao glavni grad mora imati univerzitet koji je državni univerzitet na koji dolaze djeca iz čitave BIH kao u svoju kuću, u svoj glavni grad, u svojoj domovini BIH. I molim vas da sačuvamo taj nukleus, da sačuvamo to da kada neko dođe da sačuvamo tu katedru, da sačuvamo taj jezik i da sačuvamo taj institut za jezik. A paralelno možemo da evo predložili su iz NIP-a i nova katedra. Evo svi smo predložili i za ladino i za sve. Može sve paralelno. Ali molim vas nemojte da izgubimo ovo što imamo u Sarajevu jer bojim se da će slično kao sa onim prijedlozima ustava i popisa 2013 i 91 krenuti domino efekat. Pazite šta ćete poželjeti. Nemoj da se svede na onaj vic nemoj me više braniti, molim te. Il ne znam Suljo hrani kera i ništa ne diraj. Jer ako budemo dirali u ovo izgubit ćemo mnogo više nego što ćemo dobiti. A može se dobiti i bez gubljenja ovoga. Eto toliko od mene. Hvala.

Predsjedavajući:

poslovnička intervencija Elmedin Konaković.

Poslanik/zastupnik Elmedin Konaković:

ja ću još jednom pokušati apelovati na zdrav razum. Ako nam je danas cilj da se opet na temi bosanskog jezika politički pozicioniramo i bošnjačimo, shvatiti ću to. A ko nam je cilj da napravimo nešto što je vrlo važno za bosanski jezik, a to je institut kojeg dugo nema i svi smo krivi što ga nema. I vi koji ste b ili na vlasti i ja koji sam bio na vlasti, i svi zajedno zato što naš lijepi bosanski jezik nema svoj institut. Onda ćemo napraviti ovo što sam vam ja predložio. Da ne ide to na štetu drugih jezika i drugih naroda. Mene motiviše upravo to što zadnjih nekoliko mjeseci više vremena provodim tamo gdje se negira bosanski jezik nego u Sarajevu. I znam kako tamo ljudi žive kada se mi ponašamo slično onima koji negiraju bosanski jezik. Pa to radimo radikalno na štetu druga dva. Vizija ove zemlje u kojoj ja želim da živim nije to na tri dijela i u svakom dijelu svoj jezik, vizija dijela BIH u kojoj ja živim po CIPS-u jeste da imam ponosno svoj bosanski jezik, ali dami druga dva ne smetaju da se normalno izučavaju i da imaju ravnopravan status jer samo tada možemo tražiti ravnopravan status i za bosanski u RS-u. Još jednom apelujem jer ću naravno biti lično protiv inicijative u kojoj se ovako rigidno nožem jedna plemenita ideja zapravo stavlja na politički pijedestal i priča se sa aspekta politike o ljudima, o reakcijama. U tome ne želim da učestvujem. I naravno da me nije strah da to kažem. I naravno sutra ćemo napisati drugu inicijativu u kojoj će to biti institut za bosanski jezik. Zato vas molim kolega Zahiragiću, evo molim vas, vratite to u okvire efikasnosti i čini mi se da većina postoji za tu inicijativu, a ovo političko nije nam to boga mi mrsko samo neće biti efekata. Dakle ovakve reakcije danas u Kantonu zamislite reakcije u cijeloj BIH. Mi smo od Sarajeva u zadnjih nekoliko mjeseci napravili upravo ono što Dodik i Čović govore da ne može biti, šteta je da takvu sliku koju vidi cijeli svijet koju liderišu, iskreno ako ćemo Bošnjaci koji su ovdje većina, eventualno ponovo stavljamo na pladanj onima koji bi pokazivali drugačije primjere. Bosanski institut nam je prijeko potreban, ideja je odlična, podržat ćemo je, ne na štetu procesa, Ustava, druga dva jezika i druga dva naroda. Hvala.

Predsjedavajući:

hvala zastupniče Konaković. Igor Stojanović, zastupnik ima poslovničku intervenciju. Izvolite zastupniče Stojanović.

Poslanik/zastupnik Igor Stojanović:

s obzirom na komentar kolega Zahiragića hoću da mu kažem da sam spreman sutra sa njim odmah da krenem ako je raspoložen, odmah preko granice entiteta u Istočno Sarajevo ako treba sa transparentnom da treba da ovdje bude bosanski jezik na čitavom području BIH. Ja ću otići s njim u bilo koji dio RS-a gdje god on kaže. Evo srpeman sam sa njim zajedno da krenem. I bosanski jezik mora da živi i živjet će uvijek na području BIH i sve ćemo uraditi da živi. Ali ne na jedan način na koji ćemo sada državni jedan institut koji njeguje sve jezike BIH ukidati da bi se zvao isključivo i samo bosanski. Hajte da napravimo da je ova inicijativa dobronamjerna, bila bi na način hajde da formiramo institut za bosanski jezik. A ne da preimenujemo jedan institut i na taj način da zanemarimo u potpunosti dva jezika i odrekemo se državne ideje za područje cijele BIH, nešto o čemu su i kolega Nikšić i kolega Konaković govorili. Također ne mogu prihvatiti da sada jedan profesor Enver Kazaz, on sada je katastrofalnih razmišljanja a neki profesori koji afirmativno govore za ideju kolega Zahiragića e oni su jedini pravi profesori. Upravo to jeste i cilj ovakve vrste diskusije i zato ona i nije za Kanton Sarajevo, nego za državni nivo da sva razmišljanja obuhvatimo i da donesemo pravo rješenje. Da ne izgubimo ni jedan dio BIH i da se ne desi da zanemarimo bilo koga ko je relevantan da priča i o jeziku i odnosima, i da se osjeća slobodno, da se osjeća dijelom svih akata BIH, i jezika i svega onoga što mu daje jednu slobodu i pravo. Govoriti sada toliko negativno o profesoru Enveru Kazazu, ja to ne razumijem. Nije dakle relevantno, ja se mogu ne slagati sa nekim profesorom koji govori, ali da li je on relevantan i da li je njegovo znanje toliko loše to je dakle ja mislim pitanje poštovanja. Zato vas molim da razmislimo šta su posljedice donošenja ovakve vrste odluke i da onda razmislimo šta je budućnost i još jednom vas pozivam da ne legitimiramo one koji na sličan način odbacuju druga dva jezika, ovako kako je i kolega Zahiragić rekao, kako rade u RS-u, pa odbace u potpunosti jezik. Nemojte da budemo na takav način, da na takav način donosimo odluke, nemojte da to donosimo na štetu državnog instituta, na štetu onoga što njeguje državne vrijednosti. Nemam ništa protiv da razvijamo i ove pojedinačne ali ne na štetu državnog. I zato vas molim da ovu inicijativu preformulišete u suprotnom ako ona bude isključivo na ovakav način Klub SDP-a će sigurno biti protiv. Hvala.

Predsjedavajući:

hvala kolega Stojanović. Zastupnik Mahir Dević se javio poslovnička intervencija.

Poslanik/zastupnik Mahir Dević:

zahvaljujem predsjedavajući. Da li se čujemo? Hvala vam. Valjalo bi kazati nekoliko činjenica, naravno nakon ovako pa u najmanju ruku ružnih diskusija nekih prethodnika. Prije svega bosanski jezik je standardiziran jezik, ali je vjerovatno najduži vremenski period negiran jezik, planski sistemski uništavan i mi živimo i dan danas tu vrstu priče u BIH. RS nije odbacio bosanski jezik, već ide korak dalje, mijenja mu u nazivu i kaže da je to bošnjački jezik. Znači naša inicijativa, inicijativa koju je pokrenuo kolega Zahiragić, ni na koji način ne devalvira niti omalovažava ova druga dva jezika. Da se taj institut zvao institut za bosanski, srpski i hrvatski, il ine znam već kako, pa da mu mi onda mijenjamo ime odnosno pokrećemo inicijativu, vi bi ste to mogli staviti na neki način u neku vrstu diskriminacije. Znači taj institut se zove jezik? Koji? Ko su ljudi koji tamo rade? Gdje je taj državni univerzitet ako on nije u Sarajevu? I konačno ne studira se na Institutu. Kolega je lijepo kazao na Filozofskom

fakultetu postoje katedre na kojima se izučavaju svi jezici naroda u BIH. Mi kao Klub nemamo apsolutno nikakav problem s tim. Šta više, podržavamo jednu takvu vrstu priče. Ukoliko ima potrebe da se i ostali ti institutu formiraju na nivou Sarajeva, da budu priznati od onih od kojih će vjerovatno biti negirani. Mi nemamo s tim problem. Mi samo tražimo da se čuva i njeguje bosanski jezik i da ovaj Institut se preimenuje u institut za bosanski jezik. Ni na koji način mi ne negiramo pravo da se sutra bilo šta uradi i sa srpskim i sa hrvatskim jezikom. Međutim diskusija je otišla u potpuno drugom pravcu. Znači nevjerovatno šta je danas ovdje sve izgovoreno u Kantonu Sarajevo. Otišlo je u pravu da mi s tom što insistiramo da imao u Kantonu Sarajevo jer je to državotvorni univerzitet. Hoćemo li ovu inicijativu pokretati možda na Sokocu gore, ovoj visokoj školi ili da idemo možda u Kiseljak. Jesu li to državni univerziteti ako ovo u Sarajevu nije državni univerzitet? Gdje da to uradimo ako to nećemo uraditi u Sarajevu koji je glavni grad države BIH? Prema tome, potpuno je rasprava otišla u jednom drugom smislu, ni na koji način mi nismo pričali ni o srpskom, ni o hrvatskom jeziku. Mi smo pričali isključivo u konkretnoj situaciji o bosanskom jeziku. Ja vas zaista molim da podržite jednu takvu vrstu inicijative a neke riječi, neke tendencije i neke politike, ono što su danas izgovorile ja prosto, zaista kao zastupnik u Skupštini Kantona Sarajevo ne mogu da vjerujem šta su pojedine kolege izgovorile. Zahvaljujem predsjedavajući.

Predsjedavajući:

dopredsjedavajući Vibor Handžić se javio za riječ, poslovnička intervencija.

Dopredsjedavajući Vibor Handžić:

zahvaljujem predsjedavajući. Zaista moramo sam se još jednom javiti jer mislim da je dio izlaganja kolege Zahiragića bio nekorektan, iskreno ja sam u svom izlaganju o njegovoj inicijativi rekao da on vjerovatno nije imao lošu namjeru ali da njegova inicijativa ovakvog oblika može proizvesti negativne političke konotacije. Na šta on evo kolektivno optužuje nas zastupnike da smo protiv bosanskog jezika, da ne afirmišemo bosanski jezik, što je potpuno pogrešno. Ja smatram da je ovakva politika po ovom pitanju koja se kroz istoriju vodi u Sarajevu koje treba da bude generator državotvornosti BIH, upravo da ovakvom politikom udaramo šamar onim dijelovima BIH, evo ponavljam to ne samo da ne žele da afirmišu bosanski jezik kao takav nego mu mijenjaju i ime na pojedinim teritorijama BIH, potpuno mimo svakog zdravog razuma. Ja, što se tiče diskusije kolege Devića, nećemo pomoći afirmaciji bosanskog jezika i podizanju njegovog kvaliteta tako što ćemo promijeniti ime instituta. Dakle institut za jezike, ja se pitam jel se on sada trenutno ne bavi afirmacijom i ispitivanjem i razvojem bosanskog jezika? Jel mu zabranjeno u okviru ovakve organizacije kakva je sada? Ako on ne radi na afirmaciji bosanskog jezika, bez obzira na njegovo ime, onda imamo problem u Institutu i njegovom radu a nemamo problem sa njegovim imenom. Neće promjena imena instituta afirmisati bosanski jezik, već će afirmisati ono što on radi u okviru svog djelovanja i ako u tom kontekstu postoji problem, onda treba da ga rješavamo. A ovako ako budemo samo išli sa pukom promjenom imena instituta bez ikakvih konkretnih poteza i ojačavanja kadrovskih i sistemski tog instituta a onda ništa nećemo dobiti a bojim se da ćemo proizvesti ozbiljne političke probleme, što apsolutno ne treba ovdje nikome da bude namjera, jer ponavljam, Sarajevo je generator državotvornosti i tako se moramo ponašati. Zahvaljujem.

Predsjedavajući:

kolega Damir Nikšić, ispravka krivog navoda.

Poslanik/zastupnik Damir Nikšić:

ja mislim da ovaj čitav navod uvaženog kolege Devića da oni nisu ništa htjeli da se miješaju. Čitava ta izjava je jedan krivi navod i krivo interpretira petljanje nas Skupštine, evo nas ako

izglasamo to, to je znači prosta većina, to je znači prosta većina će odlučit kako će se zvati jedan institut u UNSA koji bi trebao da ima autonomiju. I to što mi radimo, što hoćemo ovdje da uradimo, što činimo sada u ovom momentu, krivi navod da ne želimo se petljati. Vidimo, svi svjedoči, javnost svjedoči da se mi petljamo u programe i nazive postojećih institucija. Jednog UNSA sekularnog univerziteta i koji bi trebao da ima jednu autonomiju koju smo mu oduzeli 2017 godine, Skupština mu je oduzela. I stavila ga na Budžet za pare. Znači dali smo im pare, ovi su prihvatili taj novac da budu stabilni, i time su prihvatili da im se mi sada možemo petljati kako će se zvati instituti. Molim vas, da se ne bavimo time. Molim vas da ne se bavimo time. Mene je stid što se Skupština bavi s tim. Ja nisam se ni kandidovao da se petljam akademskoj zajednici u te stvari. Ja nisam zastupnik, ne sjedim evo ovdje sada trenutno ili u klupama skupštinskim da bi se jednom Univerzitetu u Sarajevu petljao u plan i program i ljudima lingvistima, ili ne znam naučnicima petljao politički šta će i kako će oni raditi. Ako postoji potreba dajte da osnujemo jedan novi institut i to na državnom nivou. Ponavljam na državnom nivou. Kolega Deviću, vaša partija, kolega Zahiragiću, vaša partija je gore s njima u koaliciji sa Dodikom, Čovićem, SNSD, HDZ, SDA. Vi ste gore. ANU BIH je vrlo malo finansirana. Molim vas napravite to na tom nivou i ja sam za to i svi smo za to da se to riješi na državnom nivou. Hvala.

Predsjedavajući:

ispravka krivog navoda zastupnik Mahir Dević:

Poslanik/zastupnik Mahir Dević:

čujemo li se predsjedavajući? Ime instituta je i te kako važno, posebno u ovom momentu kada se negira bosanski jezik. I to je stvar koja je kristalno jasna i ni na koji način ne negiramo druga dva službena jezika koja su propisana Ustavom Kantona Sarajevo i svim drugim ustavima. Mi ovdje imamo jedan jezik koji se sistemski negira, za koga smo maloprije čuli kolege da kažu da nije standardiziran, da nije ovakav, da nije onakav. I u tom segmentu apsolutno nema potrebe da se osniva nikakav novi institut, već imamo te institucije, hoćemo li to sada praviti ponovo onu neku Republiku Sarajevo u kojoj ukidamo PPZ, pa onda umjesto PPZ izmišljamo neki novi institut. Od tog novog instituta nema ništa. Formirajte vi novi institut ako treba još neki novi da se formira i evo mi ćemo podržati takvu vrstu priče, uopće to nije problem. A ovo je očigledno institut za koji jezik? Španski? Koji jezik? Šta znači jezik? Znači jako je važno ime. A ukoliko ima potrebe da se formiraju još neki instituti evo mi podržavamo. Formirajte vi nakon što prihvatite ovu našu inicijativu i institut za hrvatski jezik i institut za srpski jezik. I za četvrti neki jezik, peti. Mi ćemo to podržati ali ne vidimo zaista razlog da zašto je problem da se jedna ovakva inicijativa podrži. Stvarno ne vidimo razloga. Znači inicijativa je bila kristalno jasna, ona je bila u službi zaštite bosanskog jezika, a ne nikako u službi diskriminacije ostalih jezika kao što vi u vašim političkim govorima ovdje pokušavate da skrenete pažnju. I mi vas stvarno pozivamo da podržite jednu takvu inicijativu. Zahvaljujem predsjedavajući.

Predsjedavajući:

zastupnik Konaković poslovnika.

Poslanik/zastupnik Elmedin Konaković:

hvala predsjedavajući. Prvo ispravka krivog navoda kolege Damira Nikšića koji je već nekoliko puta rekao kako akademska zajednica u Kantonu Sarajevo nije nezavisna. Lično sam učestvovao u kreiranju tog Zakona koji sva prava akademskoj zajednici daje, puna njihova prava, pogotovo akademske slobode da Senat bira i razrješava sebi Rektora, čak i da UO koji je tijelo za nadzor ekonomskih procesa imaju većinu i nema tu ništa što liči na okupaciju akademske zajednice od politike osim što sada dekani svoje finansijske planove moraju

provući kroz Budžet i mnogo je transparentnije a uslovi za rad u akademskoj zajednici nikad bolji i plate nikad veće. Tako da dva puta mi to para uši. Ne mogu se složiti. Nije naravno riječ ni o kakvom ugrožavanju akademskih sloboda. Kao što u drugim kantonima imaju kojima Rektore mijenjaju kao ne znam koga. Dakle to u Sarajevu nije slučaj. Drugo, po Ustavu, dejtonskom uređenju države BIH, na žalost, na žalost, mi živimo u takvoj zemlji u koji je obrazovanje kantonalna nadležnost. U kojoj država svjesno ili ne, oni koji su kreirali ovakav ambijent, nije neko osim krovnim zakonima ko uređuje i koga posebno zanima ova oblast. Pa imate mnogo anomalija u kojima se nastavni planovi i programi u RS usklađuju potpuno sa susjednom zemljom, umjesto zemljom u kojoj mi živimo. To su sve paradoksi koje mi moramo na žalost u ovakvom uređenju trpiti i čekati neko bolje vrijeme. Da bi došlo bolje vrijeme, nije put da se ponašamo onako kako očekuju neki drugi. Možda ne dvije, evo ta jedna, ili oboje strane očekuju da se mi ponašamo i zato jš jednom ponavljam, nije ovo obično formiranje bosanskog jezika koje nam treba. Nego je ovo iz postojećeg stanja prepakivanje nečega što se zove institut za jezik i podrazumijeva više jezika, sada ćemo ga zvati institut za bosanski jezik. Dakle to rješenje nije pragmatično, praktično, neće proći bez reakcija. Neće proći bez pritiska na ljude koji žive u manjem bh entitetu i novog pokušaja oduzimanja njihovih prava. Dakle, vrlo mi moram reći s obzirom na temu, uopšte nije loša diskusija, niko ni na kog posebno ne više, ne galami. Još jednom vas molim, apelujem, podržavamo ideju, da se formira institut za bosanski jezik, ovo je samo administrativno pitanje. Možda će to biti ovaj isti ali samo na način da se zaštite druga dva jezika i prava druga dva naroda i građana koji se efektivno izjašnjavanju. To je jako važno za Sarajevo. Za Kanton Sarajevo prevažno. Nama je to prevažno. Hvala.

Predsjedavajući:

zastupnik Haris Zahiragić poslovnika

Poslanik/zastupnik Haris Zahiragić:

potruditi ću se da budem kratak da ne uzimao više od vremena iako je ova tema zaslužila možda i tematsku sjednicu koliko su argumenti izneseni. Kada je kolega Konaković kazao da moram samo prije toga replicirati na par stvari kojem sam spomenut direktno i indirektno. Da drugi narodi koji se ne izjašnjavanju trebaju biti zaštićeni. Dakle ja kada govorim o kontekstu bosanskog jezika, govorim o jeziku koji je stariji ovdje možda od svih čak vjeroispovijesti. Govorim o jeziku, nama danas poznatom, govorim o jeziku koji je preživio čak u doba Osmanskog carstva kada su naši dobri ljudi intelektualci tog vremena napravili čitavu jednu alhamijado književnost, uveli arabicu, zaštitili ga arapskim pismom zaštitili su bosanske foneme. To su ogromne stvari. Mi da smo kako treba, a pošto nismo trebao bi taj jezik bosanski da bude na čast svim narodima u BIH jer je on specifičnost da je preživio tolika negiranja. 500 godina nije bio službeni jezik ovdje. Mi uopšte ne govorimo o službenim jezicima ni o jezicima u školama ni na fakultetima, ovdje govorimo više o jednoj akademskoj borbi. Morate znati da Institut, dakle hrvatski jezik je zaštićen posljednjih stotinama godina, imaju svoje institute od Zagreba, Mostara, imaju svoje odsjeke u Sarajevu. Treba da imaju, ta višejezičnost u Bosni je naša komparativna prednost. Bosna u kojoj ja živim je ona Bosna u kojoj ni jedan jezik, i želim da živim, neće biti negiran. U kojoj će svako moći govoriti i pisati i potpisivati se na svim jezicima. Ja čak toliko daleko idem da je ćirilica i moje pismo. Dakle ne mogu se ti argumenti protiv mene koristiti ma ko god pokušao tako iskoristiti. Kolega Konaković također što je replicirao Nikšiću u pravu je. I ja sam znao to kolega Konaković, zajedno smo radili na tom Zakonu, nikada veći stepen akademske autonomije nema akademska zajednica. Finansijska neovisnost je skroz druga stvar i o tome je dovoljno kolega Konaković kazao. Gospodine Konaković je također rekao da u posljednje vrijeme često ide u manji bh entitet. Ja znam, vidim po Fejsbuku, i znam da pravi stranku i da se širi i ako će to doprinijeti položaju poboljšanju stanja Bošnjaka koji su nesrbi u entitetu RS ja to podržavam.

Ali ja moram reći da ja tamo idem u posljednjem 15 do 20 godina od kada sam mali obilazim sela, gdje god ima selo da je neko ugrožen ja to često obilazim. Manje objavljujem a često obilazim. To znaju ljudi širom BIH. U tom smislu i njima treba jak bosanski jezik u Sarajevu jer zahvaljujući, evo da pohvalim gospodina Konakovića, i t Vladu, toj Vladi instruktivna nastava tamo je obezbijedena i Kanton Sarajevo se i na taj način bori za bosanski jezik itd. Ovaj populizam da smo mi gore naši koalicioni partneri ne može proći. Ovo je Skupština Kantona Sarajevo i moramo se tako ponašati. Nemojte da idemo na više teme jer ići će nama mu korist. Ipak smo mi kada je politika ta u pitanju puno ozbiljniji nego što pojedini zastupnici misle i pozivam vas da nas ne vodite na tu debatu jer ćete ostati praznih džepova jer građani će vidjeti vašu količinu neznanja. I u konačnici molim vas gospodin Stojanović je kazao da će preći granicu entiteta RS sa mnom. Ne postoji granica kolega Stojanoviću, ja znam da ste vi bili pripadnik Armije i da niste to zlonamjerno mislili. Ali samo da vas ispravim da ne bude u javnom kontekstu. Postoji administrativna crta. A ne granica, koju ja svaki dan pređem pet puta. I ta crta u mojim očima, u mom srcu u mojoj duši ne postoji. Bosanski jezik nije ni protiv koga, niti je ova inicijativa za naziv bosanskog jezika. Molim vas, na kraju da evo poentiram. Želim da vjerujem, evo završavam. Želim da vjerujem da kolege koje su iznijele argumentaciju su potpuno drugačije od mene otišli. Ja kada kažem bosanski jezik mislim na integrativni faktor BIH. Taj jezik koji govori više ljudi nego što je Bošnjaka u BIH. To trebate resetovati kao činjenicu. I kažem vam drugi jezici službeni koje ja često i koristim u kolokvijalnom govoru koristeći neke riječi iz tih jezika i neka narječja koja meni više odgovaraju, (smetnje) su zaštićen kako u BIH tako i u regionu. I bespredmetno je reći da su oni ugroženi bilo gdje. Oni su u odnosi na bosanski jezik posljednjih 500 godina etablirani. Bosanski jezik je na žalost bio žrtva svih okupacija a možda najveća žrtva komunističkog perioda kada je bio potpuno negiran i mi smo ovdje svi govorili srpsko-hrvatskim. U tim uslovima bosanski jezik kasni za svim jezicima i da je sreće i da smo društvo kakvo ja sanjam trkali bi se ljudi koji govore druge jezike da nama pomognu u afirmaciji našeg jezika.

Predsjedavajući:-

kolega Zahiragiću. Molim vas završavajte. Idemo dalje, zloupotrebljavate.

Poslanik/zastupnik Haris Zahiragić:

dakle evo da postignemo neki kompromis ja ostajem pri ovoj inicijativi a tražim od vas reklisu mnogi sutra ćemo predložiti. Ja sam dva mjeseca ovdje i odmah sam predložio. Neki su ovdje deset, neki 12 godina, neki 15 godina i nikada nisu predložili. Ja čim sam došao predložio sam jer znam koji je značaj tog jezika. Ja predlažem da vi podržite ovu inicijativu a sutra na narednoj sjednici dobiti ćete sve glasove iz Kluba SDA evo ja vam obećavam iako nisam čovjek Kluba da se Formira institut za bilo koji drugi jezik ili institut za jezike naroda, ili institut za jezike i književnost naroda BiH. Koji bi na jedan drugi način imao drugu podijeljenost. Hvala vam i molim vas nemojte pokušati zloupotребiti ovu inicijativu jer ona je najdobronamjernija i nemojte da je vodimo na politički teren. Hvala vam.

Predsjedavajući.

Kolega Zvonko Marić poslovnika.

Poslanik/zastupnik Zvonko Marić:

zahvaljujem predsjedavajući. Zaista nisam mogao ni da sanjam o tome da će ova inicijativa izazvati ovoliko bure. Zaista žučne diskusije, ima ostrašćenosti čak šta više i mislim da mi nismo, da smo nedostojni ovog jezika bosanskog da raspravljamo o njemu. Samo ću podsjetiti uvažene kolege zastupnike da je čak i Isidora Sekulić govorila o bosanskom jeziku sve najbolje. Jezik Bosne to je jedna kolektivna umjetnost čiste genijalnosti. I zaista ne može niko

ukinuti bosanski jezik jer ga nisu ni mnogi drugi a pogotovo ne pojedinac, ne stranka, ne jedan klub ili više njih, ne Kanton, ne entitet. Niko apsolutno to ne može učiniti. To se desilo otprilike jedino da je na Zemaljskoj konferenciji koja je održana u Sarajevu 1907 godine tačnije 04.10. tada je ukinut službeni naziv bosanskog jezika i termin Bošnjaci. I od tada postoji jedan vakuum. Dok se to nije ponovo vratila nakon toliko desetina godina i kada sam radio reportažu o bošnjačkoj zajednici u Draču, oni su otišli tamo 1875 godine i oni ne znaju da su u međuvremenu u BIH zbog izolacije u Albaniji zvali se i nosili ime muslimani, sa veliko malo, neopredijeljeni , itd. Niti su znali da se nekim drugim jezikom govorilo osim bosanskim. Pogledajte samo Naldu Klajić, pročitajte. Pročitajte jedan citat kaže. Moliše me kolašinski prvaši ti nami mevlud bosanski napiši. Ili Evlija Čelebija koji je turski putpisac, Evli Čelebi, kako god hoćete, boravi u Sarajevu 1660 godine, on je zapisao : narod se u ovim krajevima u pučkom, dakle u pučkom narodnom govoru, zovu Bošnjaci, samo im je draže kada se kaže da su Bosanci. Kako god su oni bistri i pametno rasuđuju, tako i njihov jezik bosanski čist.”. dakle to su nepobitne historijske činjenice i mi danas raspravljamo i mislim da je ova rasprava predsjedavajući, zbog otga sam se javio da vam ukažem na to, beskorisna, nije produktivna. Čak šta više kontraproduktivna i za jezik, i za nas koji govorimo bosanskim jezikom. Zato molim vas da idemo dalje ili da stavimo inicijativu koliko kolega Zahiragić ne pristaje na glasanje. Naravno ukoliko ne pristaje da izvrši ovu korekciju koju mu je sugerirao gospodin Konaković. Gospodine Zahiragiću ja vas molim da ne raspravljamo ovo su zaista složene, vrlo teške teme i bojim se samo na neki način posljedice te da će drugi kantoni u kojima bosanskog jezika nema, ima tri vi znate koji su u RS itd da ćemo krenuti tim putem i da će to biti tako protumačeno. A ovako ako vi napravite ovu svojevrsnu korekciju koju vam sugerira mi ćemo podržati i vi ćete napraviti snažan iskorak ka jednoj težnji ambiciji da jednog dana i zaživi. Ovako znate bave se bosanskim jezikom a to je žalosno nevladin sektor, organizacije. Treba da težimo tome, ali sasvim sigurno uz poštivanje Ustavne regulative i svega onoga što nam nalaže da se tako ponašamo. Dakle ja vas molim i mislim da će to biti svojevrsni korak a onda u nekoj sljedećoj fazi sasvim sigurno evo zdušno ćemo podržati to nastojanje. Na kraju krajeva svi mi koji govorimo bosanskim jezikom, mi znamo barem nekim elementarne stvari o historiji toga jezika i o nastanku. Na kraju krajeva i bosančica. Pa nismo ni ja , ni gospodin Zahiragić ni gospodin Stojanović, ni gospodin Konaković, ni gospodin Okerić nismo dali ime tom pismu bosančica. Prema tome nemamo pravo da ga negiramo nego da ga poštujemo i da neki način se borimo za afirmaciju i pisma i jezika itd. Zato predlažem predsjedavajući. Dajte molim vas, mučno je, opredjeljuju se ljudi za i protiv, ali dajte stavite na glasanje ukoliko gospodin Zahiragić pristaje na korekciju u redu je, ukoliko ne, neka se glasa da idemo dalje jer ovo ničemu ne vodi.

Predsjedavajući:

hvala zastupniče Marić. Poslovnička Damir Marjanović.-

Poslanik/zastupnik Damir Marjanović:

zahvaljujem predsjedavajući. Neće mi zamjeriti ni Konaković, ni kolega Nikšić ni kolega Zahiragić kada govorim o akademskoj zajednici, nije mi baš drago ali imam malo više iskustva vjerovatno zbog godina u odnosu na svu trojicu i mislim da mogu govoriti o konkretnim rješenjima ovih problema jer naime nisam samo član akademske zajednice već i dugi niz godina moj posao jeste da formiramo timove pa čak i institucije pa čak i neke institute. Vrlo konkretno rješenje a u skladu s onim što je kolega Zahiragića predložio a otprilike i sa onim što je kolega Konaković rekao. Bi bilo sljedeće da mi kao Skupština Kantona Sarajevo upravo ustvari na tragu ove inicijative, to može kolega Zahiragić da bude njegova inicijativa, njemu sugeriram od srca jednostavno zatraži, ustvari na neki način Skupština Kantona Sarajevo odlučila da u svrhu zaštite bosanskog jezika uz sva ova divna objašnjenja koja smo imali priliku da čujemo, predlaže i traži mišljenje od UNSA da li bi bilo

bolje formirati potpuno novi Institut ili postojeći Institut za jezike transformirati u toj priči. Zatražiti od UNSA da na sljedećoj sjednici Senata se izjasni po tom pitanju te tragom tog izjašnjenja Skupština Kantona Sarajevo pokrene procese dalje. Ima Zakon o naučno istraživačkoj djelatnosti, imaju zakoni između ostalog i o visokom obrazovanju ko ji tretiraju sve ove stvari konkretno i bilo bi dobro da sada ako želimo stvarno dobro nešto uraditi ili ako već transformišemo institut da ga uradimo baš onako kako treba da bude da ne bi bilo više upitnika u funkcioniranju znanstvenih institucija. Siguran sam da bi se i kroz pojedine projekte i novce koje smo izdvojili za naučno istraživački rad i ove godine, sljedeće godine mogao pronaći novac za ovako bitne stvari. Stoga kolega Zahiragiću nemojte mi zamjeriti što sugeriram samo da možda malo neću reći modificirate nego već samo transformirate jedan dio vaše dobre inicijative u ovom pravcu da se zatraži od Senata jedno od ta dva rješenja da svoje akademsko mišljenje, da na tome intenzivno radimo i Skupština i akademska zajednica zajedno. Eto hvala velika.

Predsjedavajući:

hvala zastupniče Marjanoviću. Očigledno ova tema iziskuje širu raspravu u najmanju ruku mišljenje Instituta za jezik koji u ovom momentu nemamo. Ono što je kolega Zahiragić ove inicijative kazao a to je da ostaje pri inicijativi da se ona izglasa iako su dobronamjerno i kolega Konaković i ostali zastupnici predlagali da se dopuni, ja ću staviti ovu inicijativu na glasanje.

Molim zastupnike i zastupnice da se izjasne o *inicijativi zastupnika Zahiragića da Institutu za jezik UNSA promijeni naziv u Institut za bosanski jezik UNSA*.

Molim službu da pripremi anketu. Zaključujem glasanje. Molim službu da objave rezultate.

Za je glasalo 9, protiv 6, suzdržanih 13. konstatujem da ova inicijativa nije dobila potrebnu većinu.

Poslovnička intervencija zastupnik Mahir Dević za pojedinačno izjašnjavanje. Molim sekretara da prozove zastupnike i zastupnice da se izjasne.

Sekretar Aida Zeković:

dobar dan svima. Molim da se izjasnite:

1. Aljović Hamed ZA
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša ODSUTAN
5. Čelik Mirza ZA
6. Delalić Sabahudin ZA
7. Dević Mahir ZA
8. Dizdarević Neira PROTIV
9. Duraković Jasna PROTIV
10. Handžić Vibor PROTIV
11. Hasagić Amra ZA
12. Hasanović Senad SUZDRŽAN
13. Hodžić Admela ODSUTNA
14. Jakupović Vedran PROTIV
15. Junuzović-Kaljić Amra SUZDRŽANA
16. Kerla Bibija ODSUTNA
17. Konaković Elmedin SUZDRŽAN
18. Krstić Danijela SUZDRŽANA
19. Marić Zvonko ODSUTAN
20. Marjanović Damir SUZDRŽAN

21. Mekić Amel SUZDRŽAN
22. Memić Arijana PROTIV
23. Milavica Sead OPRAVDANO ODSUTAN
24. Nikšić Damir PROTIV
25. Okerić Elvedin SUZDRŽAN
26. Pecikoza Fahrudin ZA
27. Pleho Haris ODSUTAN
28. Poturak Dževad ODSUTAN
29. Srna- Bajramović Segmedina OPRAVDANO ODSUTNA
30. Stojanović Igor PROTIV
31. Suljević Samir ODSUTAN
32. Šahman Bilsena SUZDRŽANA
33. Viteškić Smiljana ZA
34. Vreto Elvis SUZDRŽAN
35. Zahiragić Haris ZA

HVALA.

Predsjedavajući:

Za je glasalo 9, protiv 8, suzdržanih 9. konstatujem da ova inicijativa nije dobila potrebnu većinu.

Sljedeća inicijativa zastupnika Zahiragića glasi: sa Skupština Kantona Sarajevo zaduži Vladu Kantona Sarajevo da Ramizu Dediću, a koji je beskućnik već duži vremenski period, koji je na neki način postao legenda Sarajeva, obezbijedi, dodijeli manji uslovan stan na korištenje u užoj gradskoj jezgri, a kako bi mogao ostati u neposrednom kontaktu sa brojnim građanima koji ga pomažu.

Molim službu da pripremi anketu, a zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 28 zastupnika, suzdržano 1, protiv niko.

Konstatujem da je ova inicijativa dobila potrebnu većinu u Skupštini Kantona Sarajevo.

Sljedeća inicijativa odnosi se da se sjednice Skupštine Kantona Sarajevo od naredne sjednice održavaju uživo uz poštivanje epidemioloških mjera, da se paralelno ukoliko je to zaista potrebno omogućiti rad online za one zastupnike koji nisu u mogućnosti da prisustvuju sjednici iz zdravstvenih razloga.

Stavljam na glasanje inicijativu zastupnika Zahiragića.

Molim službu da pripremi anketu. Zastupnice i zastupnike molim da se izjasne.

Zaključujem glasanje. Za je glasalo 14 zastupnika, protiv 3, suzdržanih 11.

konstatujem da ova inicijativa nije dobila potrebnu većinu.

Zastupnica Bibija Kerla. Poslovnička intervencija, zastupnik Mahir Dević.

Poslanik/zastupnik Mahir Dević:

pojedinačno glasanje predsjedavajući tražimo za ovu inicijativu.

Predsjedavajući:

hvala molim sekretara da prozove zastupnike za pojedinačno izjašnjavanje.

Sekretar Aida Zeković:

Molim da se izjasnite:

1. Aljović Hamed ZA
2. Bešlija Vildana SUZDRŽANA
3. Bišćević-Tokić Jasmina ZA
4. Čampara Aljoša ODSUTAN
5. Čelik Mirza ZA
6. Delalić Sabahudin ZA
7. Dević Mahir ZA
8. Dizdarević Neira SUZDRŽANA
9. Duraković Jasna SUZDRŽANA
10. Handžić Vibor SUZDRŽAN
11. Hasagić Amra ZA
12. Hasanović Senad ZA
13. Hodžić Admela ODSUTNA
14. Jakupović Vedran PROTIV
15. Junuzović-Kaljić Amra SUZDRŽANA
16. Kerla Bibija ZA
17. Konaković Elmedin PROTIV
18. Krstić Danijela SUZDRŽANA
19. Marić Zvonko ZA
20. Marjanović Damir ZA
21. Mekić Amel SUZDRŽAN
22. Memić Arijana SUZDRŽANA
23. Milavica Sead OPRAVDANO ODSUTAN
24. Nikšić Damir PROTIV
25. Okerić Elvedin SUZDRŽAN
26. Pecikoza Fahrudin PROTIV
27. Pleho Haris ODSUTAN
28. Poturak Dževad ZA
29. Srna- Bajramović Segmedina OPRAVDANO ODSUTNA
30. Stojanović Igor PROTIV
31. Suljević Samir ODSUTAN
32. Šahman Bilsena PROTIV sve dok nam vlasti ne obezbijede vakcinu a vi kolega Zahiragiću se potrudite vašoj stranici da urgirate barem za ove siromašne zemlje, da i te vakcine dobijemo, e tada ću biti za.
33. Viteškić Smiljana ZA
34. Vreto Elvis SUZDRAŽAN
35. Zahiragić Haris ZA molim vas, ovaj komentar gospođe Bilsene Šahman je neumjesan. Dakle ja nikada nisam nabavljao u pandemiji ništa, ona je imala iskustva s tim, tako da pozivam nju da nam nabavi vakcine i ja sam naravno za. Hvala.

Poslanik/zastupnik Bilsena Šahman:
nabavila bih ih prije nego vi što ih nabavljate.

Predsjedavajući:
za je glasalo 13 zastupnika, 6 protiv i suzdržano 10. konstatujem da inicijativa nije dobila potrebu skupštinsku većinu.

Zastupnica Bibija Kerla je podnijela inicijativu gdje traži od kolegica i kolega da se izjasne na sljedeću inicijativu: s obzirom da mnogi od nas godinama čuvaju račune Sarajevo gasa, VIK-a, KJKP RAD, Toplane, molim Skupštinu Kantona Sarajevo odnosno moje kolegice i kolege da danas donesemo odluku da ove ustanove svake godine u martu mjesecu svojim

klijentima izdaju potvrdu o izmirenim ili neizmirenim obavezama. Time puno olakšavamo našim sugrađanima da dokažu da li su redovno plaćali ili su ostali dužni ovim ustanovama.

Molim službu da formira anketu, a zastupnike i zastupnice da se izjasne. Zaključujem glasanje. Molim službu da objavi rezultate.

Za je glasalo 24, protiv 1, suzdržano 1. konstatujem da je usvojena ova inicijativa zastupnice Bibije Kerle.

Još jednu imamo inicijativu od iste zastupnice koja glasi: zadnjih nekoliko mjeseci svjedoci smo velikog broja pljački uz prijetnju nožem, pištoljem, kako god maloljetnika, tako i od naših starijih sugrađana. Društvene mreže su pune optužbi na račun MUP-a Kantona Sarajevo i nas kao zastupnika da ne radimo ništa na osiguranju sigurnosne situacije u Kantonu Sarajevo. Zastupnica Bibija Kerla predlaže datum tematske sjednice po pitanju sigurnosne situacije 05.04.2021.godine. Ja samo predlažem ako je moguće da ostavite prostor da se tematska sjednica održi u mjesecu aprilu da ne stoji ovako fiksiran ovaj datum 05.04. jer bi već morali onda sutra zakazati Kolegij. Tako ako ste zastupnice Kerla za da ostavimo da se tematska sjednica mora održati u mjesecu aprilu, slažete li se?

Poslanik/zastupnik Bibija Kerla:
slažem se, može u mjesecu aprilu.

Predsjedavajući:

zahvaljujem se. Održavanje tematske sjednice o sigurnosti građana Kantona Sarajevo u mjesecu aprilu na inicijativu zastupnice Bibije Kerle.

Molim službu da pripremi anketu za izjašnjavanje. Zaključujem glasanje. Molim službu da objavi rezultate.

Za je glasalo 25, protiv i suzdržanih ništa. Konstatujem da je ova inicijativa usvojena.

Inicijativa zastupnice Danijele Kristić:

Na osnovu člana 117. i 120. Poslovnika Skupštine Kantona Sarajevo predlaže se da Skupština Kantona Sarajevo donese sljedeće zaključke:

1. Obavezuju se svi upravnici/upravitelji na području Kantona Sarajevo da dostave Ministarstvu komunalne privrede, infrastrukture, prostornog uređenja, građenja i zaštite okoliša kopiju godišnjeg plana održavanja i poboljšanja zajedničkih dijelova zgrade, kao i predvidivih troškova i finansijskog opterećenja u narednoj 2021. godini koji su inače dužni izraditi shodno članu 41. stav (1) tačka k) Zakona o upravljanju zajedničkim dijelovima zgrade ("Službene novine Kantona Sarajevo", broj:19/17) za SVE zgrade na kojima su upravnici i to u elektronskoj formi-dokumentu (izvornom obliku ili skenirani) koji će OBAVEZNO biti u takvoj formi da je moguće njegovo pretraživanje po ključnim riječima.
2. Obavezuju se svi upravnici/upravitelji na području Kantona Sarajevo da dostave Ministarstvu komunalne privrede, infrastrukture, prostornog uređenja, građenja i zaštite okoliša kopiju godišnjeg izvještaja o upravljanju i održavanju zajedničkih dijelova zgrade za 2020. godinu koji su inače dužni izraditi shodno članu 41. stav (1) tačka l) Zakona o upravljanju zajedničkim dijelovima zgrade ("Službene novine Kantona Sarajevo", broj:19/17) za SVE zgrade na kojima su upravnici i to u elektronskoj formi-dokumentu (izvornom obliku ili skenirani) koji će OBAVEZNO biti u takvoj formi da je moguće njegovo pretraživanje po ključnim riječima.
3. Izvještaji će OBAVEZNO sadržavati SVE podatke shodno članu 46. Zakona o upravljanju zajedničkim dijelovima zgrade ("Službene novine Kantona Sarajevo", broj:19/17).

4. Obavezuju se upravnici/upravitelji da gore pomenute zaključke izvrše do 31.05.2021. godine.
5. Obavezuje se Ministarstvo komunalne privrede, infrastrukture, prostornog uređenja, građenja i zaštite okoliša da sve dostavljene dokumente po ovim zaključcima u elektronskoj formi objavi na svojoj službenoj web stranici pri čemu će im tehničku podršku pružiti Zavod za informatiku i statistiku Kantona Sarajevo.
6. Obavezuje se Ministarstvo komunalne privrede, infrastrukture, prostornog uređenja, građenja i zaštite okoliša da u cilju povećanja transparentnosti rada upravnika/upravitelja obavijesti etažne vlasnike o objavljivanju ovih dokumenata putem Televizije Sarajevo i zvaničnog Facebook profila Vlade Kantona Sarajevo i Ministarstva komunalne privrede, infrastrukture, prostornog uređenja, građenja i zaštite okoliša.
7. Ovaj zaključak stupa na snagu danom donošenja, a objavit će se u “Službenim novinama Kantona Sarajevo”.

Zaključujem glasanje. Molim službu da objavi rezultate. Za je bilo 24, protiv I suzdržanih nema. Pardon, 22 ZA, protiv I suzdržanih nema. Konstatujem da je ova inicijativa zastupnice Kristić usvojena.

Sljedeća inicijativa, odnosno zaključak dopredsjedavajuće Kristić glasi:

1. Obavezuju se Vlada Kantona Sarajevo, resorna ministarstva, nadležni zavodi i ustanove da shodno članu 19. Zakona o prostornom uređenju Kantona Sarajevo donesu sve prostorne planove svih područja posebnih obilježja Kantona Sarajevo, a naročito Spomenika prirode Vrelo Bosne.
2. Rok za donošenje Prostornog plana područja posebnog obilježja Spomenika prirode Vrelo Bosne je 6 mjeseci, a ostalih prostornih planova 18 mjeseci.
3. Obavezuju se gore pomenuti javni organi da Skupštinu Kantona Sarajevo o realizaciji zaključka vezanog za donošenje Prostornog plana područja posebnog obilježja Spomenika prirode Vrelo Bosne izvještavaju o realizaciji istog svakog mjeseca, a za ostale prostorne planove svaka 3 mjeseca.

Molim službu da pripremi anketu, a zastupnike da se izjasne. Zaključujem glasanje. Molim službu da objavi rezultate. (predsjedavajući nije saopštio rezultate glasanja)

Želim da napomenem da u inicijativi zastupnice Admele Hodžić se spominju novčana sredstva za koja treba Vlada da odobrenje. Kratko samo da pitamo zastupnicu da li povlači ovu inicijativu s obzirom na Poslovnik, nemoguće da se izjašnjavamo.

Poslanik/zastupnik Admela Hodžić:

evo samo da kažem sačekat ćemo mišljenje Vlade, ukoliko ne dobijem do sljedeće sjednice ja ću tražiti od zastupnika da se izjasnimo svi o inicijativu.

Predsjedavajući:

hvala zastupnice Hodžić idemo dalje. Inicijativa koju je podnio Klub zastupnika SDP.

Zbog planirane gradnje sportsko-rekreativnog kompleksa na području Velikog polja i mogućih implikacija na vodosnabdijevanje grada pitkog vodom, upućujemo inicijativu ministru prostornog uređenja, komunalne privrede Kantona Sarajevo, da sa aspekta struke sagleda sve okolnosti iz svoje nadležnosti prilikom donošenja provedbeno – planskih dokumenata. Obrazloženje imate u nastavku inicijative.

Molim službu da pripremi anketu za glasanje, a zastupnike da se izjasne. Zaključujem

glasanje, molim službu da objavi rezultate glasanja. Za je glasalo 20 zastupnika, protiv ništa i suzdržan 1 zastupnik. Konstatujem da je ova inicijativa Kluba zastupnika SDP usvojena.

Imamo još dvije deklaracije koje su pristigle. Na inicijativu zastupnika Čelika i Nikšića. Član 169 predviđa da izuzetno prijedlozi inicijativa se mogu podnositi na samoj sjednici Skupštine uz neodložna obrazloženja. A u razgovoru sa oba zastupnika predložio sam im da ove inicijative ipak podnesu prema Kolegij a Kolegij da ih uvrsti u dnevni red za sljedeću sjednicu Skupštine kako bi se našli na dnevnom redu a onda omogućili i zastupnicima i zastupnicima da se izjasne o ovim deklaracijama. Pa bih molio samo kratko da navedena dva zastupnika, uvaženi zastupnik Čelik i Nikšić da samo kažu da li ostaju pri izjašnjavanju svojih deklaracija koje su uputili ili će na ovaj način ispoštovati ovo što sam kazao a to je da podnesu zahtjev prema Kolegiju koji će uvrstiti na narednoj sjednici ove deklaracije u dnevni red. Evo kolega Čelik prvi.

Poslanik/zastupnik Mirza Čelik:

zahvaljujem predsjedavajući. Pa evo, na tragu onoga što smo se zaista dogovorili, evo i kolega Nikšić mi smo komunicirali u porukama, ja sam kazao da se slažem sa kolegom Nikšićem evo mi ćemo ostavit bar ću ja ostaviti deklaraciju da se Kolegij izjasni i da bude sastavni dio neke sljedeće sjednice i da bude tačka dnevnog reda. Zamolit ću vas, moju ste zaboravili inicijativu. Ja sam tražio da se Skupština Kantona Sarajevo izjasni, ja sam poslao inicijativu sekretaru Skupštine pa evo u međuvremenu neka pogleda mail, ja sam to proslijedio već jutros nekada, pa molit ću da se o njoj izjasnimo. Hvala.

Predsjedavajući:

zahvaljujemo se kolegi Čeliku i evo molimo ga samo da inicijativu pošalje na skupštinski mail, vjerovatno zbog ovih tehničkih problema nismo dobili inicijativu zastupnika Čelika. A sada molim da se izjasni zastupnik Damir Nikšić.

Poslanik/zastupnik Damir Nikšić:

zahvaljujem predsjedavajući, isto tako slažem se da idemo ovim drugim putem, da idemo preko Kolegija i da se stavi na dnevni red na sljedećoj Skupštini da možemo da raspravljamo možda da dodamo ili oduzmemo neke stvari. Hvala vam.

Predsjedavajući:

zahvaljujem se zastupnicima Čelik i Nikšiću. Očekujemo samo od službe da vidimo da li će nam pripremiti ovu inicijativu od zastupnika Čelika kako bi se Skupština mogla izjasniti. Budite strpljivi samo par minuta.

Evo dobili smo zastupničku inicijativu do gospodina Čelika.

Upućuje se inicijativa Kriznom štabu Kantona Sarajevo da u što kraćem roku pored mjera koje su donijete, razmotre i donesu sljedeće:

odobrava se rad estradnim i slobodnim umjetnicima u ugostiteljskim objektima na način da se ispoštuje već donesena mjera 1 gost, 7 kvadrata. Što znači da objekti koji raspolažu sa 700 kvadrata mogu ugostiti 100 gostiju.

Obrazloženje ću pročitati s obzirom da je kratko: Udruženje estradnih i slobodnih umjetnika kao i Udruženje ugostitelja nakon 8. marta neće imati izvore prihoda te spas u izrečenim mjerama pronalaze traži oko 10.000 uposlenika u sektoru ugostiteljstva, odnosno 3600 ugostiteljskih objekata. Ako se zabranjuje rad gore navedenim estradnim i slobodnim umjetnicima, te ugostiteljima smatramo da Krizni štab treba u najmanju ruku obrazložiti nepoštivanje mjera u vozilima javnog prijevoza, te isto obrazložiti. Tražimo da se o ovoj inicijativi izjasni Skupština Kantona Sarajevo, te istu proslijedi Kriznom štabu da u što kraćem roku ili usvoje smjernice, ili da obrazlože neusvajanje iste te navedeno objave u

medijima putem dnevnika TVSA.

Molim službu da kreira anketu i zastupnike da se izjasne. Molim službu da objavi rezultate. Za je glasalo 13 zastupnika, protiv ništa, suzdržanih 13. konstatujem da Skupština Kantona Sarajevo nije usvojila ovu inicijativu.

Poslovnička intervencija zastupnik Mahir Dević. Pojedinačno glasanje. Molim sekretara da pristupi pojedinačnom prozivanju zastupnika.

Sekretar Aida Zeković:

Molim da se izjasnite:

1. Aljović Hamed ZA
2. Bešlija Vildana SUZDRŽANA
3. Bišćević-Tokić Jasmina ZA
4. Čampara Aljoša ODSUTAN
5. Čelik Mirza ZA
6. Delalić Sabahudin ODSUTAN
7. Dević Mahir ZA, Delalić je najavio odsustvo
8. Dizdarević Neira SUZDRŽANA
9. Duraković Jasna SUZDRŽANA
10. Handžić Vibor SUZDRŽAN
11. Hasagić Amra ZA
12. Hasanović Senad SUZDRŽAN
13. Hodžić Admela ODSUTNA
14. Jakupović Vedran ODSUTAN
15. Junuzović-Kaljić Amra SUZDRŽANA
16. Kerla Bibija ZA
17. Konaković Elmedin SUZDRŽAN
18. Krstić Danijela ODSUTNA
19. Marić Zvonko ODSUTAN
20. Marjanović Damir SUZDRŽAN
21. Mekić Amel SUZDRŽAN
22. Memić Arijana SUZDRŽANA
23. Milavica Sead OPRAVDANO ODSUTAN
24. Nikšić Damir ZA
25. Okerić Elvedin SUZDRŽAN
26. Pecikoza Fahrudin ZA
27. Pleho Haris ODSUTAN
28. Poturak Dževad ZA
29. Srna- Bajramović Segmedina OPRAVDANO ODSUTNA
30. Stojanović Igor SUZDRŽAN
31. Suljević Samir SUZDRŽAN
32. Šahman Bilsena ZA
33. Viteškić Smiljana ZA
34. Vreto Elvis ODSUTAN
35. Zahiragić Haris ZA da imaju ljudi šta jesti.

Predsjedavajući:

za je glasalo 12 zastupnika, protiv ništa, suzdržanih 13. konstatujem da ova inicijativa nije usvojena na današnjoj sjednici Skupštine Kantona Sarajevo.

AD – 2.

PRIJEDLOG ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE - SKRAĆENI POSTUPAK

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko navede razloge za donošenje Prijedloga zakona po skraćenom postupku. Da li je s nama ministar za boračka pitanja?

Ministar Osmanović:

poštovani predsjedavajući, zastupnice i zastupnici. Obrazloženje prijedloga Zakona o izmjenama i dopunama Zakona o dopunskim pravima boraca, branitelja BIH.

Pravni osnov za donošenje Zakona o izmjenama i dopunama Zakona o dopunskim pravima boraca-branitelja Bosne i Hercegovine sadržan je u odredbama Ustava Kantona Sarajevo, odredbama federalnog Zakona o pravima branilaca i članova njihovih porodica i federalnog Zakona o pravima demobiliziranih branilaca i članova njihovih porodica . Ovaj Zakon je upućen prema Skupštini Kantona u skraćenoj proceduri u formi prijedloga jer nije u pitanju složen i obiman Zakon. U članu 158 stav 1 Poslovnika Skupštine Kantona Sarajevo “Službene novine Kantona Sarajevo”, broj 41/12 - Drugi Novi Prečišćeni tekst), propisano je da kada nije u pitanju složen i obiman zakon podnosilac prijedloga zakona može umjesto nacarta da podnese prijedlog zakona i da predloži da se prijedlog zakona pretresa po skraćenom postupku. Obzirom na navedeno ovaj zakon je u skraćenoj proceduri u prijedlogu jer nije u pitanju složen i obiman zakon. Na prijedlog Zakona o izmjenama i dopunama Zakona o dopunskim pravima branitelja BIH obezbjeđena su mišljenja Ministarstva pravde i uprave Kantona Sarajevo koje se izjasnilo da je u pitanju proces kojim se ne povređuju prava zaštićena odredbama EU konvencije o zaštiti osnovnih ljudskih prava i osnovnih sloboda, niti u suprotnosti sa drugim pravnim aktima kojima je utvrđena zaštita ljudskih prava i sloboda. Ukazali su nam da smo dužni precizirati član 4. a shodno precizno datuma stupanja na snagu ovog Zakona i utvrđivanje datuma njegove primjene. Što je ispoštovano u tekstu prijedloga ovog Zakona. Ured za zakonodavno koji je dao mišljenje da nema primjedbi na dostavljeni tekst prijedloga Zakona jer je isti pripremljen u skladu sa Uredbom o postupku i načinu pripremanja izrade i dostavljanja propisa, te sugeriraju da se dopuni materijal sa mišljenjem ministarstva finansija što je učinjeno i mišljenje ovog Ministarstva nalazi se u prijedlogu ovog Zakona. Ministarstvo finansija koje je dalo mišljenje da obzirom da za provođenje Zakona nisu potrebna dodatna sredstva iz budžeta Kantona Sarajevo ovo Ministarstvo sa aspekta fiskalnog učinka na budžet nema primjedbi. Personalna asistencija za RVI paraplegičare i RVI 100% I grupe kojima je priznato pravo na dodatak, njegu i pomoć od drugog lica je predmet izmjena i dopuna Zakona o pravima boraca BIH. Dana 05.06.2020. godine stupio je na snagu Zakon o izmjenama i dopunama Zakona o dopunskim pravima boraca-branitelja Bosne i Hercegovine . Ovim zakonom uvedeno je i novo pravo na personalnu asistenciju za ratne vojne invalide - paraplegičare i ratne vojne invalide 100% I grupe kojima je priznato pravo na dodatak za njegu i pomoć od drugog lica. Predsjedništvo udruženja RVI paraplegičara je na osnovu naloga Skupštine udruženja, na održanom sastanku prema premijeru tada Vlade Kantona Sarajevo i ministru za boračka pitanja izrazilo usmenu inicijativu da se ovo pravo reguliše na način da svi korisnici budu jednakopravni u njegovom korištenju, odnosno da se isplaćuje određena naknada za personalnu asistenciju u vidu stalnih mjesečnih davanja i da se zakon izmjeni u tom pravcu.

Predsjedavajući,.

Oprostite ministre možete li nam samo objasniti zašto po skraćenom postupku, eto ništa više.

Samo nas sada to interesuje a kasnije ćete imati priliku da šire obrazložite.

Ministar Omer Osmanović:

ovo sam u startu obrazložio kažem ovaj Zakon upućen prema Skupštini Kantona Sarajevo u skraćenoj proceduri u formi prijedloga jer nije u pitanju složen i obiman Zakon. U članu 158 stav 1 Poslovnika Skupštine Kantona Sarajevo "Službene novine Kantona Sarajevo", broj 41/12 - Drugi Novi Prečišćeni tekst), propisano je da kada nije u pitanju složen i obiman zakon podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku.

Predsjedavajući:

To je dovoljno za početak. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE PROVESTI PO SKRAĆENOM POSTUPKU.

Zamolio bih službu da pripremi anketu a zastupnike i zastupnice da se izjasne. Zaključujem glasanje. Molim službu da objavi rezultate glasanja.

ZA JE GLASALO 27, PROTIV I SUZDRŽANIH NIJE BILO.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Molim predstavnika Predlagača da podnese uvodne napomene.

Ministar Omer Osmanović:

Predsjedništvo udruženja RVI paraplegičara je na osnovu naloga Skupštine udruženja, na održanom sastanku prema premijeru Vlade Kantona Sarajevo i ministru za boračka pitanja izrazilo usmenu inicijativu da se ovo pravo reguliše na način da svi korisnici budu jednakopravni u njegovom korištenju, odnosno da se isplaćuje određena naknada za personalnu asistenciju u vidu stalnih mjesečnih davanja i da se zakon izmjeni u tom pravcu. Nakon sagledavanja opravdanosti inicijative uslijedila je pismena inicijativa RVI paraplegičara nakon kojeg ministarstvo priprema ovaj tekst prijedloga zakona sa kojim su njegovi inicijatori istakli da su zadovoljni. Osnovni razlog donošenja prijedloga zakona o izmjenama i dopunama zakona o dopunskim pravima boraca-branitelja BIH je usklađivanje prava na personalnu asistenciju sa stvarnim potrebama RVI 100% I grupe koji ostvaruju pravo na dodatak za njegu i pomoć drugog lica I i II stepena po članu 14. Zakona o pravima branilaca i članova njihovih porodica. Predviđene izmjene predviđaju mjesečna novčana davanja za ove potrebe i to u visini 40% prosječne neto plate ostvarene u Kantonu Sarajevo u prethodnoj godini za RVI I grupe I stepena dodatka za njegu i pomoć drugog lica i 28% od navedene osnovice za RVI prve grupe II stepena za njegu i pomoć drugog lica. Analogno posljedica kako su utvrđeni iznosi za njegu i pomoć drugog lica po stepenima utvrđeni su i postoci osnovice po ovom Zakonu. Ministar za boračka pitanja će svake godine svojom odlukom utvrđivati visinu tog iznosa, nakon objave podatka o visini prosječne plaće u Kantonu Sarajevo za prethodnu godinu. Osnovica za obračunavanje iznosa mjesečnih novčanih primanja za personalnu asistenciju je prosječna plata u KS za prethodnu godinu (za 2019. - 1.153 KM) i spram toga utvrđuju se slijedeći iznosi: - 40% od osnovice iznosi 461,20 KM; - 28% od osnovice iznosi 322,84 KM. Invalida I grupe 100% kojima je

priznato pravo na dodatak za njegu i pomoć od drugog lica je 140, od čega: -1 stepen tuđe njege 108; -11 stepen tuđe njege 32. na koje se odnosi ovo. Tako da za I grupu bi bilo izdvojeno na godišnjem nivou 597.715,20 KM i za II grupu 123.970,56 KM Ukupno= 721.685,76 KM. Što napominjem da je obezbijeđeno u ovom budžetu.

Mjesečni transferi boračkoj populaciji obezbijeđena su dodatna sredstva za ove namjene, riječ je o integrisanoj stavci za koja 2020 iznosila 2.992.000 a sada iznosi 3,5 miliona KM i vidljivo je da je uvećana u cilju obezbijeđenja sredstva za mjesečna novčana davanja za personalnu asistenciju RVI I grupe sa pravom za dodatak i njegu pomoć drugog lica. Programom utroška će biti precizirano predviđen iznos neophodan za ostvarivanje ovog prava od 01.04. 2021 kako je propisano ovim Zakonom. Ovo pravo sa predviđenim izmjenama normativa uređuje u okviru raspoloživih sredstava bez potrebe za osiguravanjem novih dodatnih sredstva odnosno nema finansijske efekte. Hvala.

Predsjedavajući:

hvala ministru. Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za riječ, zaključujem raspravu. Molim službu da pripremi anketu za glasanje, zastupnike i zastupnice da se izjasne. Zaključujem glasanje. Molim službu da objavi rezultate glasanja.

ZA JE GLASALO 27 ZASTUPNIKA, PROTIVI SUZDRŽANIH NIJE BILO. KONSTATUJEM DA JE SKUPŠTINA DONIJELA OVAJ ZAKON.

Prelazimo na tačku tri:

AD – 3.

PRIJEDLOG ZAKONA O IZMJENI ZAKONA O ŠUMAMA KANTONA SARAJEVO - SKRAĆENI POSTUPAK

Prijedlog ste dobili uz poziv za sjednicu.

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko navede razloge za donošenje Prijedloga zakona po skraćenom postupku.

Ministar Adnan Delić:

pozdravljam predsjedavajućeg i zastupnike, kolegice i kolege. Javljam se po trećoj tački dnevnog reda, Prijedlog zakona o izmjeni zakona o šumama Kantona Sarajevo. Zašto skraćeni postupak? Zato što se radi o minimalnim izmjenama ovog Zakona i u pitanju su bukvalno tri broja koja se mijenjaju, a sve u skladu s Poslovníkom o radu Skupštine Kantona Sarajevo član 158. koji kaže kada je to programom rada Skupštine predviđeno ili kada nije u pitanju složen i obiman Zakon podnosilac prijedloga Zakona može umjesto nacрта da podnese prijedlog Zakona i da predloži da se prijedlog Zakona pretresa po skraćenom postupku bez nacрта Zakona. Ako Skupština ne prihvati da pretresa prijedlog Zakona po skraćenom postupku sa prijedlogom Zakona će se postupati kao sa nacrtom i u tom nacrtu odmah se vrši rasprava. Da ponovim u pitanju su najminimalnije izmjene kada je u pitanju ovaj Zakon a odnose se na umanjenje OKFŠ.

Predsjedavajući:

zastupnik Mahir Dević ima pitanje. Izvolite.

Poslanik/zastupnik Mahir Dević:

Zahvaljujem. Čujemo li se predsjedavajući? Naravno ovo uopće nije minimalna izmjena

zakona kako to spominje ministar već je suštinska izmjena ovog člana Zakona, ustvari on je i najvažniji član u ovom Zakonu, tako minimiziranje od strane ministra nekih brojeva, a ne objašnjavanje da je u pitanju suština navedenog Zakona, barem kada su u pitanju sredstva od OKFŠ dovoljno govori o pristupu samog ministra spram ove izuzetno važne stvari. Pitanja su sljedeća, naravno mislim apsolutno da ovaj Zakona na ovakav način u skraćenom postupku nije mogao ići jer je suštinska izmjena u pitanju, nije tehnička, ali evo pitanja su sljedeća: prvo, poštovani ministre da li vi za ovu skraćenu proceduru imate sljedeće.

Predsjedavajući:

zastupnice Dević oprostite molim vas samo da vam sugerišem da pitanja treba da idu u kontekstu skraćene postupka ne diskusije je li pitanja idu u tom pravcu?

Poslanik/zastupnik Mahir Dević.

Naravno predsjedavajući. Napravio sam jedan mali uvod, maloprije deset zastupnika je koristilo ove poslovničke intervencija pa nisam pitao koji član. Naravno da je pitanje vezano za skraćenu proceduru. Da li ste vi ministre privrede Kantona Sarajevo za ovu skraćenu proceduru pribavili mišljenje struke jer vi se kunete u struku i kažete da ste ekspertska Vlada pa vas pitam da li ste za ovu skraćenu proceduru pribavili mišljenje Šumarskog fakulteta u Sarajevu, KJP Sarajevo šuma, predstavila drvne industrije, Udruženje šumarskih inženjera i tehničara i šumske inspekcije Kantona Sarajevo. To su ljudi koji su meritorni da razgovaraju o Zakonu o ovoj brznoj izmjeni pa vas pitam da li imate i jedno od ovih mišljenja koje sam vas pitao. Evo to je jedno jedino pitanje za početak.

Ministar Adnan Delić:

zahvaljujem uvaženom zastupniku Deviću na postavljenim pitanjima. Mi smo postupili u skladu sa Zakonom i pribavili mišljenjima

Predsjedavajući:

Ministre Deliću ja se izvinjavam, sačekajte da postave svi zastupnici pitanja. Evo imamo još jedno pitanje zastupnice Bišćević-Tokić.

Poslanik/zastupnik Jasmina Bišćević-Tokić:

Hvala predsjedavajući. Pa evo imam također pitanja a veže se za skraćeni postupak. Skupština Kantona Sarajevo je na 16.sjednici održanoj 11.12. razmatrala nacrt Zakona o izmjenama Zakona o šumama u Kantonu Sarajevo koji je sadržavao izmjenju šest članova Zakona o šumama među kojim je bila i izmjena člana 61. Zakona a koja je obuhvaćena i ovom izmjenom. Tada kada smo raspravljali na Skupštini Kantona Sarajevo za ovaj nacrt zakona usvojena su četiri zaključka i jedan od tih je bio da Vlada Kantona Sarajevo je dužna da nakon javne provede rasprave podnese Skupštini izvještaj o rezultatima javne rasprave koja sadrži primjedbe prijedloge i mišljenja. S tim u vezi postavljam pitanje ministru privrede da li su ispoštovani navedeni zaključci koje je usvojila ova Skupština i zašto se ide u skraćenu proceduru i to samo izmjena ovog člana? Šta je sa ostalih pet članova koji su bili sadržani u nacrtu Zakona iz 2019 i kakva je uopšte sudbina tog nacrtu Zakona obzirom da se u obrazloženju ovog Zakona ništa ne vidi. Zahvaljujem.

Predsjedavajući:

Zahvaljujem zastupnice Bišćević-Tokić. S obzirom da nemamo više pitanja, zamolio bih ministra Delića da da odgovor na postavljena pitanja.

Ministar Adnan Delić.

Naravno, zahvaljujem uvaženim zastupnicima. Kada je u pitanju pitanje gospodina Mahira

Devića da li smo pribavili mišljenja struke, pribavili smo ona mišljenja koja su bila Zakonom predviđena i njih ste dobili u prilogu: mišljenje Ministarstva pravde i uprave Kantona Sarajevo, mišljenje Ureda za zakonodavstvo Kantona Sarajevo, Mišljenje Ministarstva finansija Kantona Sarajevo, Mišljenje ekonomsko-socijalnog vijeća Kantona Sarajevo, Mišljenje Pravobranilaštva Kantona Sarajevo, izvod iz Ustava Kantona Sarajevo i izvod iz Zakona o šumama Kantona Sarajevo. Nismo pribavili tražena mišljenja obzirom da nas Zakon ne obavezuje ali smo konsultovali struku i svakodnevno smo u komunikaciji sa strukom. Uprava za šumarstvo koja je nadležna za donošenje nacrtu ovog Zakona je pod ingerencijama Ministarstva privrede i sami oni su izrazili pozitivno mišljenje kada je u pitanju izmjena ovog Zakona obzirom da naše JP Sarajevo šume nisu u mogućnosti utrošiti sva sredstva koja se akumuliraju u kontekstu OKFŠ i tog nameta i njihovo je mišljenje apsolutno pozitivno po tom pitanju. Ovdje je sada jedino pitanje kako su se trošila ova sredstva i višak sredstava koji se akumulira tokom godine, na koji način je on trošen. Da li je bilo tu nezakonitih radnji, to ćemo svakako utvrditi u narednom periodu. Zašto izmjena ovog člana. Izmjena ovog člana mi nismo proveli nikakve javne rasprave zato što idemo po skraćenom postupku u skladu sa Poslovnikom Skupštine Kantona Sarajevo. Ukoliko vi kao zastupnici smatrate da to nije ispravno, vi imate pravo naravno da izrazite svoje nezadovoljstvo, i da ne usvojite ovaj Zakon po skraćenom postupku. Cilj osnovni cilj ovog Zakona jeste opredjeljenje Vlade Kantona Sarajevo da rastereti i onako opterećenu privredu svim nametima i u tom kontekstu plan je da obzirom na sve najave Vlade četvorke da će raditi na smanjenju i ukidanju određenih parafiskalnih nameta mi smo krenuli sa ovim nametom za koji postoji akumulirana sredstva da se u naredne dvije godine realizuju svi redovni projekti kada je u pitanju očuvanje i unapređenje zdravlja šuma. Tako da evo, konačan odgovor jeste da svi projekti koji se tiču održavanja šumskog eko sistema, u naredne dvije godine neće trpiti ovim umanjenjem i u naredne dvije godine ćemo se svakako pokrenuti i već smo obavili razgovore i sa šumarskim fakultetom i sa udruženjem šumara, sa svim potrebnim relevantnim institucijama, u kontekstu širih izmjena i dopuna ovog Zakona koje će vjerovatno biti obavljene do 2023.godine. Hvala.

Predsjedavajući.

Zahvaljujem se ministru Deliću. Pošto u grupi vidim da pojedini zastupnici izjavljuju nezadovoljstvo odgovorima, međutim Poslovnik to ne predviđa pa možete kroz raspravu izraziti nezadovoljstvo. Otvaram raspravu. Zastupnica Bibija Kerla se prva javila, izvolite imate riječ.

Poslanik/zastupnik Bibija Kerla:

jel se čujemo? S obzirom da je ovaj Zakon bio predmet rasprave i prošle Vlade, ja ću reći sljedeće: znam da je ministru privrede nametnuta izmjena Zakona o OKFŠ-u. A znamo i od koga. Ali mislim da je to pogrešno. To prije svega pogađa prigradske dijelove kao što Ilijaš, Hadžići, Trnovo, a pošto ja stanujem u Ilijašu znam s kojim problemima se susreću stanovnici ovih rubnih dijelova i Kantona Sarajevo. Smanjenjem OKFŠ smanjujemo mogućnost održavanja čistoće šuma, šumskih puteva, dovodimo u pitanje nestanak voda, masovnu sječu šuma i zagađenja zraka, kojeg udišemo svi. Jer čista šuma, znači čista voda i čist zrak. Smanjujemo nešto samo da bi smo širili populizam pa ako je tako da pitam šta je sa direktnim i indirektnim porezima koji opterećuju privredu. Smanjimo poreze na platu i doprinose sa 75% na 45%. ukinimo takse za istaknute firme, registrujem firmu, platim fino registraciju.

Predsjedavajući.

Zastupnice Kerla, oprostite molim vas poslovnička intervencija, minsitar Delić nije dao odgovor na pitanje zastupnice Bišćević-Tokić, pa molim vas ministre Deliću dajte prije nego što krenemo dalje u diskusiju i u raspravu.

Ministar Adnan Delić:

mislim da sam bio konkretan po tom pitanju. Znači ne radi se uopšte o istom Zakonu, i znači ponovio sam a evo i sada ću ponoviti ove insinacije da je to nametnuto od bilo koga. Znači radi se o izmjenama i dopunama Zakona po pitanju umanjenja OKFŠ-a. Šta je bivša Skupština i Vlada raspravljala ja ne znam i ne želim da ulazim u to. Znači ovdje se radi o konkretnoj izmjeni jednog člana koji se odnosi na rasterećenje privrede želim ponovo ponoviti, to se ne odnosi na redovne projekte koji se tiču održavanja i unapređenja zdravlja šuma. Ovi projekti se odnosi, odnosno ovo umanjenje se tiče najviše nezakonite raspodjele ovih sredstava prema lokalnim samoupravama od kojih su se finasirali projekti koji nisu usklađeni sa zakonom (nerazumljivo) Kantona Sarajevo.

Predsjedavajući:

zahvaljujemo se ministru Deliću. Bili ste kristalno jasni. Možete nastaviti zastupnice Kerla.

Poslanik/zastupnik Bibija Kerla:

znači ja sam stala kod direktnih i indirektnih poreza koji opterećuju privrednike. Smanjimo poreze na plate i doprinose sa 75 na 45%, ukinimo takse za istaknute firme, registruješ firmu, platiš registraciju i još ti država svake godine, umjesto da bude ponosna na otvaranje bilo koje firme, spuca taksu što ti stoji naziv firme, jer si istakla nešto što je za dobrobit svih nas. Treba smanjiti privrednicima registraciju vozila koja iznosi do 3000 KM godišnje, smanjiti registraciju normalnim građanima. Notari uzimaju ogromne za sve i jednu vrstu registracije. Dajte m mogućnost da te iste registracije rade advokati, po četiri puta manjim tarifama. Vi dali vlast notarima, sudu, administraciji, na sve to institucije se jš plaćaju takse i još više plus teret na plate koje najviše u regionu u BIH, a ostali regionu imaju daleko manji procenat. Ministar reče da je već pitao struku, ja se nadam da mu je struka rekla..

Predsjedavajući:

zastupnice Kerla imamo poslovničku intervenciju, zastupnika

Poslanik/zastupnik Bibija Kerla:

ja se izvinjavam mogu li ja da nastavim? Zašto me prekidate?

Predsjedavajući:

možete evo nakon poslovničke intervencije. Vaš kolega Mahir Dević želi poslovničku intervenciju, on vas prekida.

Poslanik/zastupnik Mahir Dević:

jel se čujemo predsjedavajući? Ne prekidam ja predsjedavajući kolegicu Bibiju Kerlu u njenoj diskusiji već taj ko vama prati kada mi tražimo poslovničku intervencije da li vi, da li sekretar Skupštine treba na vrijeme da vam intervenira. Ja sam postavio kristalno jasna pitanja na koja nisam uopće dobio odgovor. Dobio sam neko obrazloženje ministra koje nema veze s (smetnje). Pitao sam.

Predsjedavajući:

kolega Deviću nemate Poslovníkom predviđeno nezadovoljstvo odgovorima.

Poslanik/zastupnik Mahir Dević:

nije ovo nezadovoljstvo, ja nisam dobio odgovor predsjedavajući. Imamo pitanja u sklopu tačke dnevnog reda. Ja sam postavio pitanja i nisam dobio odgovor.

Predsjedavajući:
dobili ste odgovor sa kojim niste.

Poslanik/zastupnik Mahir Dević:
nisam dobio odgovor. Hoćete da vam ponovim šta sam pitao. Hoćete da vam ponovim? Ministar je jasno čuo. Pitao sam ga da li ima mišljenje struke? Meni odgovora da ima mišljenje Ministarstva pravde, Zakonodavno-pravna komisije. Pitao sam struke i pobrojao koje struke. Fakulteta, institucija, uprave za šumarstvo, Sarajevo šuma. Ministar je mogao odgovoriti nemamo to, nismo pribavili i to je odgovor a ne da mi odgovara neke druge stvari. Znači jasno sam postavio pitanja. I moga je reći ne znam, i to je odgovor, je li ? Ali neka odgovori na ono što sam pitao a ne ono što ne pitam, naravno.

Predsjedavajući:
dobro kolega Deviću. Zastupnik Jakupović poslovnička intervencija.

Poslanik/zastupnik Vedran Jakupović.
Zahvaljujem predsjedavajući. Samo da se referiram na ovo što kolegica Kerla govori to nema veze sa temom. I neću se više javljati samo da naglasim da ovdje nije riječ o ukidanju sredstava za opštine, nije riječ o ukidanju sredstva za opštine posebno za Ilijaš, posebno Hadžići.

Poslanik/zastupnik Bibija Kerla:
pustite me da završim diskusiju pa onda raspravljajte.

Poslanik/zastupnik Vedran Jakupović:
ja kažem da ste kolegice Kerla i nemojte mi upadati u riječ, poslovnička intervencija se odnosila samo na to da ne govorite o temi, ne govorite ni o skraćenom postupku, čak ni o šumama. Nego govoriti o nekim porezima, parafiskalnim nametima koji nemaju veze s temom. Hvala.

Predsjedavajući:
zastupnice Kerla možete nastaviti na temu skraćeni postupak ovog Zakona a kasnije ćemo diskutovati šire.

Poslanik/zastupnik Bibija Kerla:
u redu, bez dalje diskusije, kasnije ćemo šire.

Predsjedavajući:
hvala zastupnice Kerla. Otvaram raspravu.

Poslanik/zastupnik Bibija Kerla:
e sad ja idem, sad ide rasprava.

Predsjedavajući:
ovo je rasprava o skraćenom postupku zastupnice Kerla.

Poslanik/zastupnik Bibija Kerla:
ne vodite sjednicu kako treba u tome je problem.

Predsjedavajući:

zastupnik Elmedin Konaković.

Poslanik/zastupnik Elmedin Konaković.

Hvala predsjedavajući. Apsolutni razlog za skraćeni postupak jeste s obzirom da ovo nije obiman materijal kao što Poslovnik kaže, nije naravno da nije suština iznos sredstava, može biti suština ali kada je riječ o izmjeni samo jednog člana, apsolutno postoji i opravdanost za ovakvu vrstu postupka. Ja sam čuo svaku riječ koju je ministar Delić odgovorio Deviću, možda on nije slušao. Nabrojao mu je institucije od kojih je tražio mišljenja jer je to zakonom propisana procedura a u isto vrijeme mu je rekao da su konsultovali struku. Dakle ono što ga je on pitao, smatra strukom, odgovorio mu je na to pitanje. Želim da čestitam ministru Deliću i Vladi Kantona Sarajevo što se u ovom teškom vremenu velikih nameta na preduzeća rješava onaj dio koji je naša nadležnost u hitnim procedurama jer nam pandemija nalaže da se tako ponašamo. Bilo kakva rasprava o ovom Zakonu koja bi trajala 30, 60, 90 dana, mogla bi ovu izmjenu načiniti potpuno nepotrebnom jer bi se stvari do ljeta mogle normalizirati.

Predsjedavajući:

zastupniče Konakoviću imamo ispravku krivog navoda zastupnik Mahir Dević.

Poslanik/zastupnik Mahir Dević:

zahvaljujem predsjedavajući. Kolega Konakoviću nemate vi potrebe zaista da glumite nikakvog glasnogovornika ministra privrede Kantona Sarajevo, on se svakako predstavlja kao nestranački kandidat i nemojte vi meni govoriti na moje pitanje da li je meni ministar odgovorio ili nije. Nema potrebe da vi glumite ovdje nekog nadri suprevizora, i da poslovnički tako to radite. Naravno to nije u skladu sa Poslovnikom. Ja sam pitao kristalno jasno ministra da li ima mišljenja i pobrojao mu te institucije. To je za mene struka kada je evo ova tema u pitanju. Nije za mene struka ovdje Ministarstvo pravde, uprave, Zakonodavno-pravna komisija, i ostalo. I nisam dobio odgovor na to pitanje i nemojte da tu zloupotrebljavate situaciju i da govorite da je on dao meni odgovor kada ga nije dao. I ne trebate glumiti glasnogovornika ni predsjedavajućem Skupštine, ni ministra privrede, nisam vas pitao već njih. Zahvaljujem.

Predsjedavajući:

Kolega Konakoviću možete nastaviti-.

Poslanik/zastupnik Elmedin Konaković:

Hvala predsjedavajući. Ja znam a zna i većina zastupnika zašto je Dević nervozan, a boga mi to je njegov problem. To sa nama nema veze. U tim će se Sarajevo šumama napraviti ozbiljna analiza a o utrošku ovih sredstava ovih sredstava još ozbiljnija. Tako da ne bih povezivao s ovom temom. Nije struka šumarski tehničar koji treba reći šta je namet na privredu. Ne može inženjer šumarstva objasniti čovjek kojem je posao stao a korona Zakon prestao, pa mu ova država nije dala ništa a tjera ga da plaća doprinose i poreze. I kolegicu Kerlu pustite neka ovako govoriti ko što govori. I naravno da sve to treba ukinuti. Ali ona govori sve što nije naša nadležnost. A ovo što jeste eto to ne treba ukinuti. Ljudi žive u državi koja ne može platiti ni 10% potrebnih sredstava da se isplati minimalac radniku. Ne možemo, mi smo ekonomija na koljenima. Ova država nema snage. Kako kje rekao Novalić: ima kapacitet zaduženja”. Ne možemo se ni zadužiti.

Predsjedavajući.,

Poslovnička intervencija zastupnik Mahir Dević.

Poslanik/zastupnik Mahir Dević:

predsjedavajući ja ne znam stvarno jel vi ovako sporo reagujete što je problem u konekciji il se to radi namjerno. Znači prođe tačno određeni vremenski period dok vi nama date riječ. Poslovnička intervencija se odnosi na poštivanje dnevnog reda, znači šta je ovdje što je kolega govorio skraćeni postupak? Šta je od ovoga što je on govorio skraćeni postupak? Stalno puštate njemu neke trijade, da nam drži ovdje predavanja a mi kada koristimo poslovničke mogućnosti kao Klub SDA vi obično u pravilu zakasnite. E sada ja ne mogu da tvrdim da to radite namjerno. Ali se to dešava očigledno. Molim vas vodite računa o tome čim tražimo poslovnički, odnosno zakonski, odnosno ustavnu mogućnost, omogućite nam to. Da odmah odreagujemo. Jer nije isto kada dozvolite kolegi Konakoviću da tri minute priča pa nam date poslovničku intervenciju, kada želimo da ukažemo na njegovo vanposlovničko djelovanje. Ovo što on priča je diskusija ovo nema veze sa skraćenim postupkom. Ako sam dobro razumio mi se nalazimo na predpitanju koje se zove skraćeni postupak. I molim vas pratite dobro tu grupu tamo kada se ja javim. Hvala.

Predsjedavajući:

Hvala možete nastaviti zastupniče Konaković.

Poslanik/zastupnik Elmedin Konaković:

Ima Zahiragić vidio samu grupi isto poslovničku, čini mi se, pa da ne bih prekidao ponovo.

Predsjedavajući:

Kolega Zahiragiću je li ovo poslovnička vaša ili napomena za kolegu Devića? Ne čujemo vas upalite mikrofona.

Poslanik/zastupnik Haris Zahiragić:

Moja kolega Okeriću, i hvala kolegi Konakoviću koji je napomenuo jer zaista ne bih želio da ga ponovo prekidam. Dakle s obzirom da sam se i ja javio za diskusiju čekam da dođe tačka dnevnog reda. S obzirom da je ovo rasprava o skraćenom postupku, molim i kolegu Konakovića i kolegice i kolege da o meritumu samog Zakona potrebi, privrednicima koji su na koljenima itd govorimo kada bude tačka dnevnog reda. Ovdje govorimo o skraćenom postupku i sva istina jeste da je ovo suština Zakona, a također istina da se mijenja samo jedan član. U svakom slučaju mislim da su u pravu i jedni i drugi. S tim u vezi predlažem da skratimo diskusije, imate većinu koja će vjerovatno usvojiti skraćeni postupak, pa da mi otvorimo diskusiju da bi smo stigli i ostale tačke dnevnog reda otvoriti. Hvala vam.

Predsjedavajući:

Kolega Konakoviću možete nastaviti.

Poslanik/zastupnik Elmedin Konaković:

Dakle ponovit ću ono što sam rekao. Radi se isključivo o mojoj diskusiju vezano za hitnost donošenja ovog postupka. A samim tim skraćenog postupka kojeg Poslovnik predviđa. Govorim o toj ekonomiji zato što je važno da shvatimo da je svaki dan relaksiranja bilo kojeg nameta, prevažan za ljude koji grcaju u problemima. Fiskalni taksimetri kucaju, ne možemo da im pomognemo jer ova država nema novac. Ovakav Zakon i njemu slični, da mi imamo bogdo pravo pa da vodimo federalnu Vladu svaki dan bi donosili u skraćenim postupcima. Jer ako ne održimo u životu realni sektor, nema više priča ni o opštinama ni o kantonima. Prevažno je da shvatimo realnost pandemije u oblasti privrede. I zato ponavljam još jednom. Nije važno mišljenje inženjera šumarstva već je važno mišljenje ekonomiste koji daje, izvinite ne čujem vas. Koji daje mišljenja na ovakve procedure. Nisam čuo.

Predsjedavajući:

Ispravka krivih navoda zastupnik Zahiragić.

Poslanik/zastupnik Haris Zahiragić:

Kolega Konakoviću slažem se sa većinom toga osim ovog dijela za Federalnu Vladu, to je posebna tema kroz diskusiju ćemo reći. Nije tema hitni postupak, nego skraćeni postupak, i to što govorite, ako je to tako trebali smo onda u hitnom postupku to staviti. U svakaom slučaju govorimo o skraćenom postupku, da li ima ili nema, to će odlučiti Skupština Kantona Sarajevo u konačnosti većinom odluka, a kasnije ćemo diskusiju otvoriti. Molim vas i nemojte da koristimo pitanja za diskusiju jer onda ćemo se svi javiti, otići ćemo skroz u drugom smjeru.

Predsjedavajući:

Zastupniče Konakoviću jeste li završili ovu diskusiju?

Poslanik/zastupnik Elmedin Konaković:

Nisam, nisam. Ma kako. Pa imam pravo, ova diskusija može trajati 10 minuta. Četiri puta su me dosada ljudi prekinuli. Ja govorim o proceduri. Rekao sam hitnost donošenja a postupak je skraćeni. A razlika da je sada ne elaboriram znamo je mi kakav je, nema amandmana. Mogli smo samo o iznosu govoriti, jel ovaj prepolovljeni ili neki drugi. Vlada će odlučiti s punim pravom. Ministar Delić svaka čast, (smetnje) svaki je dan perbitan. Nije bitno u ovom slučaju mišljenje inženjera šumarstva nego onog korisnika kojem je namet propisan, da ti ljudi prežive da mogu razvijati dalje ovu državu. Parama koje plate prebitno da se ovakvi zakoni donose svakodnevno. I gdje god možemo da ih relaksiramo. I pozivam vas da shvatite.

Predsjedavajući:

ispravka krivog navoda zastupnik Mahir Dević.

Poslanik/zastupnik Mahir Dević:

Naravno predsjedavajući da je i te kako bitno mišljenje šumarskih inženjera i profesora Šumarskog fakulteta, i te kako je bitno mišljenje struke. Ja mislim suprotno u odnosu na ono što govori kolega Konaković. On kaže da to nije bitno.

Poslanik/zastupnik Elmedin Konaković:

Ovo nije krivi navod, ovo je mišljenje kolege Devića on može replicirati.

Poslanik/zastupnik Mahir Dević.

Ispravka je krivog navoda, znači u segmentu gdje ste vi kazali da ono nije bitno, ja ispravljam taj krivi navod i kažem da je ono i te kako bitno kolega. Možda za vas nije bitno. Možda je za vas struka nešto drugačije gledate na struku u odnosu na mene. I nemojte upadati u riječ, javite se za riječ budite parlamentarni zamolit ću vas.

Predsjedavajući:

Kolega Konakoviću nastavite.

Poslanik/zastupnik Elmedin Konaković:

Znam ja zašto je kolega Dević nervozan. Ovo je bila replika. Žao mi je, on tvrdi jedno ja drugo, nikakav to nije krivi navod. Dakle u slučaju parafiskalnih nameta, iznosa koje obračunava računovođa u firmi, a na kraju kada vam dođe da sabere plate pa plati ono dopunsko na plate uz sve namete on ima ovaj dio koji se zove OKFŠ. U kojem smo mi zajedno učestvovali, koji (nerazumljivo) i partijski krčmi, jedan dio ode u namjenu drugi ode u krčmu. Ministar Delić je tome danas odlučio stati na kraj. Svaka mu čast. Puna podrška i s

razlogom nervoza. Hvala.

Predsjedavajući:

ispravka krivog navoda Mahir Dević. Odustaje? Zastupniče Dević hoćete li iskoristiti svoju prijavu za diskusiju.

Poslanik/zastupnik Mahir Dević:

naravno da ću iskoristiti ako je kolega Konaković završio. Jel završio?

Predsjedavajući:

jeste izvolite, imate riječ.

Poslanik/zastupnik Mahir Dević:

zahvaljujem predsjedavajući. Naravno ja ovdje imam potpuno suprotno mišljenje u odnosu na kolegu Konakovića i za mene je struka ono što čine i predstavljaju institucije Kantona Sarajevo. Maloprije sam oko tog skraćenog postupka namjerno pitao ministra privrede ovo pitanje iz sljedeće razloga jer, kada je u pitanju ova vrsta inicijative nju je 30.01.2019 godine u sklopu tačke dnevnog reda, poslanička pitanja i inicijative pokrenula kolegica Vildana Bešlija da se preispita Zakon o šumama. Tadašnji ministar NIP-a gospodin Bašić Haris je kristalno jasno dao odgovor u tom dopisu, ja ga ovdje imam, možete ga naravno pogledati ukoliko želite, ovdje je naravno sve to boldirano gdje jasno kazano da donošenje takvog Zakona po takvoj skraćenoj proceduri ili po hitnoj proceduri može napraviti ogromne posljedice po cijeli sistem koji reguliše ovo pitanje i šumarstva i Uprave za šume i ekologije i pošumljavanja i deminiranja i izrade studija o šumsko gospodarskim osnovama i on je kristalno jasno kazao, citiram:”Obzirom da se radi o jedinstvenom i iznimno značajnom privrednom resursu, nužno je za predložene izmjene dobiti stav Šumarskog fakulteta, KJP “Sarajevo šume” d.o.o. i predstavnika drvne industrije, kao i Udruženja Šumarskih inženjera i tehničara. I sada ne bi bilo loše da se kolega Konaković kao predsjednik NiP-a dogovori sa ministrom Harisom Bašićem iz NIP-a a da se onda on dogovori sa Adnanom Delićem, ministrom iz NIP-a da zauzmu zajednički stav po ovom pitanju. Znači ovo je odgovor kojeg je Ministarstvo privrede Kantona Sarajevo uputilo na pitanja i inicijativu kolegice Vildane Bešlije, kada je pitanju skraćeni postupak.

Predsjedavajući:

ispravka krivog navoda, zastupnik Elmedin Konaković.

Poslanik/zastupnik Elmedin Konaković:

kolega Dević je rekao jedan krivi navod. Nije ministar Delić (nerazumljivo). Ministar Delić je imenovan kao nestranački kadar, a ovih dana mi vidimo u Sarajevo šumama šta vi tamo radite i koga ste sve tamo zaposlili. Zato ste vi nervozni.

Predsjedavajući:

zastupniče Deviću možete nastaviti. Upalite mikrofonski zastupniče Dević, nismo vas čuli.

Poslanik/zastupnik Mahir Dević:

čujemo li se sada predsjedavajući? Da li se čujemo? Zahvaljujem. Nema potrebe da repliciram na ove insinacije kolege Konakovića, nije njemu rijetka situacija kada on govori neistine i ovo maloprije što je kazao je bila jedna čista neistina. Ja ovdje naravno pričam o meritumu, pričam o struci. Ovaj dopis koji je ovdje kod mene je uputio ministar Haris Bašić i jasno se pozvao da je za suštinsku izmjenu ovog Zakona potrebno mišljenje struke. Ja tvrdim da je ovo suštinska izmjena ovog Zakona, naravno u diskusiji meritumu same izmjene ću pokušati da objasnim o čemu se tu radi. Dovest ćemo u pitanje cijeli sistem. Ovo nema nikakve veze sa

Sarajevo šumama. Sarajevo šume su samo jedan od korisnika sredstava od OKFŠ. Puno je tih stvari koje se finansiraju od ovih sredstava. I naravno ovo je tekovina i svjetska i EU i svih zemalja u okruženju. Naravno to ću kazati u diskusiji. Nije trebalo ulaziti u ovakvu izmjenju Zakona, na ovakav način, skraćenim postupkom da se ne može amandmanski djelovati. Naravno to je namjerno pretpostavljam urađeno a nije korištena procedura ovog tzv hitnog postupka, poslovnički. Trebalo je ipak pitati struku šta misli. Ono što je meni struka kazala, da je ovo vrlo upitno, vrlo diskutabilno. A mi naravno da ispred Kluba SDA da razumijemo potrebu privrede Kantona Sarajevo. U prilog tome iznos sljedeću činjenicu: sredstva od OKFŠ su korona Zakonom kantonalnim bila u potpunosti suspendovana u 2020. godini. Mi razumijemo tu vrstu priče, međutim, vi na ovakav način ad hock donošenjima budžeta bez nacrt, bez javne rasprave, sada donosite ovaj Zakon bez mišljenja najvažnijih institucija, a ja mislim da je u ovoj oblasti Šumarski fakultet i te kako važan. Uprava za šumarstvo, i te kako važna. Sarajevo šume, i te kako važne. Da vi to banalizirate na način da nije bitno mišljenje nekog inženjera, a jeste bitno mišljenje nekog profesora sporta i tjelesnog odgoja, onda mi imamo problem u pogledu na te struke, jel? Vi ovdje govorite o poslovnim, zakonskim mogućnostima. Ja mislim da je to mišljenje struke i te kako važno. I ne treba nama kolega Konaković koji je svakom loncu poklopac, da nam on govori šta je ovdje mišljenje struke i šta nije mišljenje struke. Kazao vam je vaš ministar, ovaj iz NIP-a, izvinjavam se ukoliko je ovo nestranački ministar, to je ovako svojstveno NIP-u da kaže da je neko nestranački ministar pa on ujutro postane stranački. To je neka nova moda na području Kantona Sarajevo i cijele BIH. Zanimljivo je kolega da na kraju svi ti nestranački vaši ministri, postanu stranački ministri. Vjerovatno im date funkciju.

Predsjedavajući:
kolega Deviću vratite se molim.

Poslanik/zastupnik Mahir Dević.

Vraćam se. Izvinjavam se predsjedavajući. Znači cijenim da ovo nije trebalo uraditi bez mišljenja struke. Znamo, možda imamo različite poglede na struku ja i kolega Konaković. Ja sam pobrojao šta je struka. Mislim da je to i ministar Bašić kazao šta je struka. Nije to trebalo raditi na ovakav način. Naravno u diskusiji ću obrazložiti i u pitanjima koja ćemo postaviti ministru kada dođemo do samog merituma, o stvarima koje su važne kada je ova oblast u pitanju. A naravno da razumijemo potrebe privrede Kantona Sarajevo. Ali ne na način da srušimo jedan cijeli sistem bio diverziteta na području Kantona Sarajevo iz nekih populističkih pobuda zato što mi mislimo, a očigledno smo nestručni, često puta to dokazujemo, u posljednjih desetak godina. Hvala predsjedavajući.

Predsjedavajući:
replika, zastupnik Konaković.

Poslanik/zastupnik Elmedin Konaković:

ovako to izgleda: nametima uzmemo od privrednika, uzmemo od pekara hljeb, od onog malog ugostitelja, sada u ovom trenutku kada on jedva krpi kraj s krajem da bi preživio. Nametnemo mu OKFŠ i on nama uplati novac. Jedan od korisnika sredstava OKFŠ su Sarajevo šume, zašto je potrebno hitno djelovati. U te Sarajevo šume, po informacijama Ureda za korupciju, direktor Adnan Proha, zaposli bivšeg direktora ZOI-a, Nevresa Alispahića, inače sve to Dević zna. I oni jedu novac koji je ubran s leđa privrednika. I sigurno mi to vidimo drugačije. 100% mi imamo drugačiji pogled. To je potpuno tačno kolega Deviću. E zato treba hitno, hitno, jučer osloboditi ljude nameta koji se ovako zapošljavaju 19 stranačkih ljudi. Izračunajte koliko je to novca.

Predsjedavajući:
ispravka krivog navoda, zastupnik Dević.

Poslanik/zastupnik Mahir Dević:

kolega Konakoviću sredstva od OKFŠ se ne mogu koristiti u svrhu zapošljavanja koja vi spominjete. To je jedna potpuno druga tema koju ste mogli otvoriti po zastupničkim pitanjima i inicijativama, ali i tu radi javnosti bi ste imali problem jer vam je dva puta inspekcija tamo utvrdila da je sve urađeno u skladu sa Zakonom. Naravno vi možete praviti afere, vi ste stručnjak u upravljanju afera i širenju neistina, na području Kantona Sarajevo i cijele BIH, to je vama svojstveno i javnost to već zna. Međutim sredstva od OKFŠ se koriste isključivo za projekte. Projekte. I Sarajevo šume kada ih koristi, koristi ih za projekte. Tako da morate te dvije tri stvari razlučiti ali i to je vjerovatno opet pitanje struke, naravno. Nije pitanje nečega drugog.

Predsjedavajući:

Konaković replika Deviću. Dakle ovako to izgleda: Sarajevo šume imaju svoj budžet, u njemu je novac za projekte. Onoliko koliko dobiju sredstava OKFŠ, taj novac mogu prebaciti na zapošljavanje, ovaj drugi čisti koji nije namjenski. Apsolutno je povezano i nije nam teško praviti afere, kad samo otvorimo jednu temu gdje ste vi bili, gdje ste nogom kročili, puno je afera. I to je moda. Zašto je moda? Ljudi vide da neko to može sada reći, da može dokazati, i pokazati. O tome vam govore sada zadnji izbori, rezultati. Hitno donijeti ovaj Zakon.

Predsjedavajući:

kolega Deviću možete replicirati.

Poslanik/zastupnik Mahir Dević:

čujemo li se predsjedavajući? Kolega je otišao na potpuno drugu temu jer to je njemu česta stvar da on ne poštuje stavove Poslovnika. Mi smo ovdje pričali o skraćenom postupku. O tome da je i kada se ide u skraćeni postupak, bilo potrebno da ministar privrede Kantona Sarajevo pribavi mišljenja struke. Ako kolega Konaković smatra da struka nije Šumarski fakultet, Uprava za šumarstvo, Sarajevo šume, Udruženje inženjera i tehničara na federalnom nivou, Šumarska inspekcija. Ja ću ga napomenuti da tamo radi hiljade ili stotine bolje rečeno stotine a ne hiljade, a na području FBiH vjerovatno su članovi možda i hiljade, inženjera šumarstva. Ako on misli da je on pametniji kao profesor ili magistar (smetnje) moja percepcija struke je da se poštuje njihovo mišljenje, njihovi stavovi. I ja sam to i pitao ministra privrede. Naravno on je vješto izbjegao to pitanje jer nema ni jedno to mišljenje. On nam je prenosio neke usmene razgovore. Pismeno nema ni jedan stav od ovih institucija ili ga mi bar nismo dobili u materijalu kojeg je ministar procijenio. Ja ne sumnjam u dobru namjeru ministra, međutim procedura je ipak trebala da podrazumijeva mišljenje struke. Ovo drugo što je naravno kolega Konaković govorio se tiče KJP postoje nadležne institucije, tako da nema potrebe da on miješa kruške i jabuke. On dvije tri stvari mijenja kada nema odgovora na jednu temu, onda se javlja na drugu temu. I to je njemu ovako što kažu svojstveno. Jedno kaže, pa drugo kaže, pa treće. Tako da mi pričamo ovdje o skraćenom postupku i struci. Imamo tu različite poglede ja i kolega očigledno.

Predsjedavajući:

replika zastupnik Zahiragić – Konakoviću.

Poslanik/zastupnik Haris Zahiragić:

pazite, nisam zaista želio da diskutujem pod ovim dijelom tačke dnevnog reda i pozivao sam prije pola sata da pređemo na tačku dnevnog reda, da se otvori rasprava i da onda tek

diskutujemo. Međutim nisam moga da ne repliciram kolegi Konakoviću, koji je kao i mnogo puta do sada iskoristio ovu priliku da kaže mi, vi, afere, zapošljavali ste. Spominje ljude koji nisu tu, koji mu ne mogu odgovoriti, pa evo ja sam dužan da na neki način odgovorim na to spominjanje. Ja zaista ne znam ko je kada, u kojem mandatu koga zapošljavao. Ja sam tek tu došao a vi ste nekada ranije gospodine Konakoviću učestvovali u svemu tome, nemojte više govoriti u množini. Kada govorite o tome, govorite mi, nemojte govoriti vi, jer ja npr nisam tu sigurno bio, a niti je kolega Dević bio tada ni zastupnik u Skupštini u Skupštini, niti bilo šta drugo. Ono što mene, također sam se prisjetio sukoba sa tim istim gospodinom kojeg ste spomenuli, radi zgrade Domo investa gore koje se dešavalo u ZOI. Zbog toga ste imali cijeli front sa ZOI pristupnim putem itd. To je mogla biti velika afera. Repliciram, molim vas.

Predsjedavajući:

poslovnička intervencija. Evo kolega Jakupović pismeno sugerira da se vratimo na temu. Možete nastaviti svoju repliku.

Poslanik/zastupnik Vedran Jakupović:

ja ću zamoliti, evo imam problema očigledno s vezom, ako može da se vratimo na istu temu, na temu skraćenog postupka, nije još ni meritum. Gospodine Zahiragiću, molim vas.

istovremeno govore dva zastupnika

a govoriti da neće pričati o stvarima koje se ne tiču.

Poslanik/zastupnik Haris Zahiragić:

hajte ponovite, može vi to fino.

Predsjedavajući:

polako, nemojte se uključivati.

Poslanik/zastupnik Haris Zahiragić:

pa rekli ste mi da imam riječ, on se uključio. Ja znam da kolega Vedran ima potrebu da brani kolegu Konakovića ali on nije napadnut uopšte. Ovo sam samo spomenuo da sada sjećam se i pisma ministra Bašića prvi dan mandata se zainteresirao za taj pristupni put. Taj sukob traje duže. Molim vas gospodine Konakoviću nemojte ad otvaramo te teme i da personalne i dugogodišnje sukobe koji nemaju veze sa idealima, glasanjima, s korupcijom, s ovim, s onim, nego puno je to dublja tema. Ja je mogu otvoriti ali nemojte da taoci građani Kantona Sarajevo budu. Danas je kako ste sami rekli 1300 građana prijavljeno u DZ sa COVID-om. Privreda je na koljenima. Evo kažu da pokušavate privredi pomoći a koristite i ovu priliku da satanizirate ljude koji nisu tu. Molim vas da ne bi smo otišli večeras do 12 o ovoj temi, a vjerujte mi da toliko imam saznanja da bih mogao do sutra pričati, hajde da idemo.

Predsjedavajući:

zastupniče Zahiragić s obzirom da ste javili za diskusiju, vi ste sada na redu.

Poslanik/zastupnik Haris Zahiragić:

ne, ja sam se kolega Okeriću javio za diskusiju po tački. Misleći da smo završili to skraćeno. Da ne bih oduzimao vrijeme, cijeneći kolege, i cijeneći vas, hajde mi da pređemo na tačku dnevnog reda, pa ćemo onda diskutovati i eventualno konfrontirati argumente za i protiv, ovoga i u meritumu. A u procedurama vjerovatno imate većinu pa ćete vi to usvojiti ali nije kolega Dević što je samo ukazao da možda nije u skladu s procedurama. Hvala predsjedavajući.

Predsjedavajući:

hvala na razumijevanju. Zastupnica Bišćević-Tokić također se javila po ovom temi skraćeni postupak. Izvolite, imate riječ.

Poslanik/zastupnik Jasmina Bišćević-Tokić

hvala predsjedavajući. Pa evo nisam ni ja htjela da se javljam na poslovničke intervencije. Htjela sam da upravo u diskusiji kažem neke stvari, koje na žalost će demantovati kolegu Konakovića koji je govorio da se uopšte ova izmjena Zakona radi zbog realnosti same pandemije. Međutim to nije razlog gdje se pokreće da kažem ova izmjena Zakona i zato sam pitala prije svega ministra Delića šta s eu suštini desilo sa nacrtom Zakona iz 2019 kada kolega Konaković vrlo dobro zna da nije bila pandemija COVID-19. Već sam naglasila da Skupština Kantona Sarajevo je na 16. sjednici koja je održana u decembru 2019 godine, razmatrala Nacrt Zakona o izmjenama Zakona o šumama koji je sadržavao izmjenu šest članova Zakona o šumama iz 2013, među kojima je bila i izmjena člana 61 tog Zakona, a koja je obuhvaćena i ovom izmjenom, i koja je glasila, napominjem da je u ovo vrijeme bio ministar Bašić na čelu Ministarstva privrede. Član 61. novčana sredstva za OKFŠ dužna su se obezbijediti iz budžeta Kantona Sarajevo u minimalnom iznosu 0,04% od poreznih i neporeznih prihoda u budžetu za tekuću godinu. Znači već su tada htjeli da smanje ovim članom Zakona na 0.4%, sa 0,7 % da kažem, a ovom izmjenom Zakona traže 0,030%. tako da kolegu Konakovića demantujem da se radi prije svega o realnosti pandemije, jer u tada u to vrijeme nije bilo uopšte pandemije COVID-19. Ne mogu čestitati ministru Deliću, kako mu je on čestitao da je pokrenuo sve ove procese kako bi smanjio namete na privredi. Ja bih prije svega mogla čestitati ministru Bašiću, jer je istu izmjenu tražio nacrtom Zakona iz 2019 godine. Na žalost evo koliko god cijeneći ministra Delića i da kažem ne kritikujući ga, moram ga kritikovati jer bi on to trebao znati kao ministar. Ministre Deliću kristalno nije ništa jasno, barem meni, što se mene tiče. Morate znati šta vaše Ministarstvo radi i koje zakone upućuje u proceduru. Vlada je bila dužna da podnese izvještaj Skupštini o rezultatima javne rasprave. A evo ja ću vam, mene ne interesuje iskreno da vam kažem, da li je bila jedna Vlada, druga Vlada. Ovo su u suštini Nacrt Zakona koji je predložen za vrijeme isto Fortine Vlade, premijera Forte, kada je bila šestorka u vlasti, pa je onda došla Nenadićeva Vlada. Ali valjda bi Ministarstvo trebalo u kontinuitetu da radi a ne da sve ovo odbaci jer je već trebala da bude obavljena javna rasprava. Skupština je tada usvojila sljedeće zaključke. Čitat ću vam da

1. Utvrđuje se Nacrt zakona o izmjeni Zakona o šumama Kantona Sarajevo;
2. Javna rasprava održat će se u kantonalnim organima, jedinicama lokalne samouprave, naučnim i stručnim ustanova i trajat će 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
I tačka četiri na koju sam tražila od vas odgovor:
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjeni Zakona o šumama Kantona Sarajevo.

Pošto je ovo bilo održano ministre Deliću 11. decembra 2019 godine, sada sam vam pročitala da je javna rasprava bila 30 dana, što znači da je već 11.01.2020 Vlada Kantona Sarajevo na čelu sa Fortom trebala podnijeti izvještaj Skupštini vezano za Nacrt Zakona, da nije bila druga Vlada, ministre Deliću. Da je još uvijek ista ostala Vlada. Oni nisu ispoštovali rok, ovaj

Skupštini Kantona Sarajevo nisu dostavili izvještaj koji su bili dužni da kažem zakonodavnom tijelu da nas uopšte informišu, i ne možete mi reći da niste u toku zato što su se mijenjale ove Vlade. Ova Vlada koja je predložila nacrt Zakona koja je bila obavezna da nas informiše, nije ništa uradila. Tako da na vas apelujem da ovo ne ide u skraćeni postupak. Nije neka razlika koju je ministar Bašić i vi koji ste sada predložili. A morala sam, evo nisam htjela da kažem iz principa da ulazim replike sa kolegom Konakovićem, mislim da se ovdje stvarno radi o nekim realnim zakonskim propustima. Nisam htjela da demantujem na takav način. Još jednom ga pozivam da ispoštuje sve procedure koje su do sada bile, i da ovo ide dalje da dobijemo u suštini šta se desilo u javnoj raspravi i da ide u daljnju proceduru, zato sam protiv skraćenog postupka. Zahvaljujem predsjedavajući.

Predsjedavajući:

S obzirom da niko se više ne javlja za riječ. Zaključujem raspravu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENI ZAKONA O ŠUMAMA KANTONA SARAJEVO PROVESTI PO SKRAĆENOM POSTUPKU.

Molim službu da pripremi anketu, zastupnike i zastupnice molim da se izjasne. Zaključujem glasanje. Molim službu da objavi rezultate glasanja. ZA JE GLASALO 20 poslanika, PROTIV 3 I SUZDRŽANO 3.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Imamo pauzu na zahtjev predsjednika Kluba Mahira Devića, Klub SDA traži paizu od pola sata. Pauza pola sata.

NASTAVAK NAKON PAUZE

Predsjedavajući:

nastavljamo dalje sa sjednicom skupštine. Zamolio bih predstavnika Predlagača da podnese uvodne napomene. Ministre Deliću, možete dati uvodne napomene.

Ministar Adnan Delić:

zahvaljujem predsjedavajući. Znači polazeći od opredjeljenja Vlade Kantona Sarajevo da se ide u rasterećenje privrede, u skraćenje određenih i administrativnih procedura ali i umanjeње finansijskih nameta kada je u privreda Kantona Sarajevo u pitanju, pristupili smo i dali prijedlog izmjena i dopuna Zakona o šumama. Ministarstvo privrede Kantona Sarajevo predlaže da se u članu 61. stav 2) Zakona o šumama naknada za OKFŠ a koju su dužna plaćati pravna lica čije je sjedište na području Kantona Sarajevo, kao i dijelovi pravnih lica čije sjedište izvan Kanton Sarajevo ali obavljaju djelatnost na području Kantona Sarajevo smanji za pola. Tako da bi navedeni umjesto plaćanja trenutnih 0,07% bili dužni plaćati 0,035% od ukupno ostvarenog prihoda tromjesečno ili po završnom godišnjem računovodstvenom izvještaju. Stoga predlažemo Skupštini Kantona Sarajevo da Prijedlog Zakona o izmjeni Zakona o šumama Kantona Sarajevo pretrese i donese po skraćenom postupku u skladu sa članom Zakona kako sam ranije naveo 158, Poslovnika Skupštine Kantona Sarajevo. Ta rješenja članom 1. predviđa se izmjena u članu 61 u stavu 2) Zakona o šumama Kantona Sarajevo Službene novine Kantona Sarajevo broj 5/13, tako da se trenutni procenat od 0,07% mijenja i nakon izmjene glasi 0,035%. članom 2 propisano je da Zakon stupa na snagu osmog dana od dana objavljivanja u Službenim novima Kantona Sarajevo. Finansijska sredstva za provođenje ovog Zakona nisu potrebna, odnosno nisu potrebna dodatna finansijska sredstva. Želim također da naglasim da smo prilikom donošenja ove inicijative svakako istražili i način

i visinu prikupljanja ovog nameta u regionu. Pa ćete tako naći da se Zakonom o šumama Republike Srbije na osnovicu primjenjuje stopa od 0,025% a u Hrvatskoj od 0,026%, znači mi smo jedna od zemalja u regionu koja i pored ovih izmjena i umanjenja ove OKFŠ imamo skoro najveću visinu ovog nameta. Naravno da smo isključivo konsultovati struku. Struku smo konsultovali usmeno i ono što želim da naglasim da u Ministarstvu privrede imamo resor šumarstva, u tom resoru radi diplomirani inženjeri šumarstva koji se bave ovom djelatnošću 20 godina. U upravi za šumarstvo radi 55 uposlenika, uglavnom diplomiranih inženjera šumarstva koji su isključivo nadležni za donošenje izmjena i dopuna Zakona i strategije razvoja šuma na području Kantona Sarajevo. Nismo konsultovali JP Sarajevo šume jer nismo imali zakonsku obavezu da konsultujemo njih u skladu sa zakonskim regulativama. Pogotovo to nismo radili u kafanama sa određenim uposlenicima koji nemaju dovoljno niti znanja, niti iskustva da to rade. Također smo obavili razgovore sa dekanom Šumarskog fakulteta u konstantnoj smo komunikaciji sa udruženjem šumara. Iako nismo imali zakonski osnov potrudili smo se da sve njih konsultujemo i svi oni su dali pozitivna mišljenja. Prijedlog Zakona o izmjenama nema nikakve veze sa prethodnim Nacrtom Zakona koji je radila Vlada šestorke. Vlada šestorke je uradila Prijedlog nacrta izmjene i dopuna Zakona o šumama, pustila ga u javnu raspravu. Provedena je javna rasprava. Nakon toga je nadležni ministar gospodin Haris Bašić napravio izvještaj o provedenoj javnoj raspravi. Ali tada je došlo do smjene Vlade šestorke i Vlada koja je nakon Vlade šestorke došla na vlast nije našla za shodno da ovaj Zakon spusti na Skupštinu i danas mi, da je toliko bilo vama stalo do ovog Zakona, danas mi ne bi o njemu bi uopšte raspravljali. Jer bi bivša Vlada ovaj Zakon spustila na Skupštinu i on bi bio usvojen. Koliko je vama važna suština ovog Zakona, dovoljno govori činjenica da je bivša Vlada i skupštinska većina u 2020 godini javnom preduzeću, neću spominjati ime JP, od ovih sredstava koja su namijenjena za održavanje šuma, i šumskog eko sistema, isplatila 1,8 miliona. Što je poražavajuće. I vi sada pokušavate da nama prebacite odgovornost za nenamjensko trošenje ovih sredstava. Kada je u pitanju Sarajevo šume, ono što mi je zaparalo uši jeste javni poziv. Ono što me prvo dočekalo kada sam preuzeo funkciju ministra privrede jesu negativna mišljenja Kantonalnog ureda inspekcijskih poslova i Ureda za borbu protiv korupcije koja kažu da je javni poziv u Sarajevo šumama raspisan za 19 radnih mjesta, nezakonito, nije usklađen sa zakonskim regulativama jer krši moratorij Skupštine. Nakon što smo pisali nekoliko urgencija da se isti javni poziv poništi, uprava Sarajevo šuma nije našla za shodno da posluša urgencije iz Ministarstva privrede i na žalost uposlili su te uposlenike, mimo svih zakonskih procedura. Mogli bi mi još mnogo toga da govorimo kada je ova naknada u pitanju. Ali mislim da je i ovo sasvim dovoljno i kristalno jasno onima koji žele da im bude jasno. Naravno, neki neće da shvate, da li to iz zle namjere ili bilo kojeg drugog razloga, nećemo ulaziti u to, ali ono što želimo da ponovo podcrtamo, jeste da redovni projekti kada je u pitanju održavanje šuma i šumskog eko sistema, neće trpiti u kontekstu umanjenja ovog parafiskalnog nameta, a dokaz za to jeste da ni redovna sredstva koja se akumuliraju godinama nisu bila iskorištava u te svrhe zato što nije bilo dovoljno projekata koje su delegirala javna preduzeća ili lokalne samouprave. Mi ovdje govorimo o egzaktnim činjenicama ne govorimo o bilo kakvim insinuacijama i zato vas molim evo ukoliko imate bilo kakvih pitanja spreman sam da na njih odgovorim. Hvala.

Predsjedavajući:

Zahvaljujemo se ministru Deliću. Da li predstavnici radnih tijela žele riječ? Ima li pitanja? Zastupnik Mahir Dević.

Poslanik/zastupnik Mahir Dević:

zahvaljujem. Čujemo li se predsjedavajući? Imam naravno nekoliko pitanja za ministra privrede Kantona Sarajevo. Prvo pitanje koje se tiče jednog ozbiljnog pristupa bilo kog zakonskog akta bi trebale biti neka analiza opterećenosti privrede ovim nametom, sa vrlo

egzaktnim podacima, pa pitam ministra privede sljedeće: koliko je ukupno ostvareni prihod privede Kantona Sarajevo u 2019 godini i koliko je naplaćeno sredstva od OKFŠ u visini od 0,7% na nivou 2019 godine? Naravno, kao polaznu godinu uzimam 2019 jer u 2020 godini ova naknada za šume je bila suspendirana od Korona Zakona kao pomoć privredi. Nije ministar taj koji se sjetio pomoći privredi, bilo je ministar i prije njega i nije naravno sva pamet krenula sa imenovanjem ove Vlade? Koliko su to ukupno ostvareni prihodi privrede Kantona Sarajevo? I da vidimo sada koliko je naplaćeno? Da vidimo mi da li to uopće svi plaćaju ili ne plaćaju? Da malo uporedimo te podatke. Drugo pitanje, ono radi javnosti, mi možda imamo različite poglede na struku, možda je ministar nešto usmeno s nekim razgovarao, ja vjerujem da ministar naravno govori istinu, ja sam pitao kao zastupnik u Skupštini Kantona Sarajevo jer niste dostavili u materijalu za ovu tačku dnevnog reda mišljenja struke. Pa sam vam pobrojao šta za mene predstavlja mišljenje struke. Pa vas evo još jednom pitam da li imate mišljenje Šumarskog fakulteta UNSA po ovom pitanju i da li ste tamo razgovarali s ljudima pa da vam oni kažu šta misle o ovom što ste vi predložili? Treće pitanje, da li je Kanton Sarajevo vršio kontrolu uplate od OKFŠ putem šumarske inspekcije? Koliko je tu prekršajnih naloga izdano od strane šumarske inspekcije, jer su to sve vrlo važni podaci da bi se pristupilo ovakvoj izmjeni Zakona. Četvrto pitanje, koliko je tačno sredstava od OKFŠ uplaćeno u 20129 godini, da vidimo koji su to trendovi, na nivou jedne godine se prikupe od OKFŠ. Peto pitanje je koliko je ukupno sredstava potrebno da za rad i funkcionisanje Uprave za šumarstvo a vama je ministre poznato da se u potpunosti ova institucija finansira iz ovih sredstava. Evo neka bude to tih pet pitanja za ministra u uvodnom dijelu, a naravno kroz diskusiju ću iznijeti podatke koje sam pripremio za današnju sjednicu Skupštine Kantona Sarajevo. Zahvaljujem.

Predsjedavajući:

hvala zastupniče Deviću. Zastupnica Bišćević-Tokić također ima pitanja.

Poslanik/zastupnik Jasmina Bišćević-Tokić:

hvala predsjedavajući. Evo imam pitanje za ministra Delića. Kakav je efekat izmjene člana 61 Zakona po budžet Kantona Sarajevo. Znači to se u materijalu nije moglo nigdje pronaći. U dostavljenom mišljenju Ministarstvu finansija navodi da nema primjedbi na navedeni prijedlog Zakona sa aspekta fiskalnog učinika na budžet Kantona Sarajevo za 2021. ali nakon toga u zadnjem stavu svog mišljenja navodi: “ovo je mišljenje dato u skladu sa odredbama Prijedloga Zakona koji se obrađuje i podataka navedenih u obrascu izjave o fiskalnoj procjeni čija tačnost je u isključivoj odgovornosti predlagača, te u ukoliko se naknadno utvrdi da navedene odredbe i podaci odstupaju od stvarnog činjeničnog stanja ovo mišljenje će se staviti van snage”. Pitam se šta ovo uopšte predstavlja? Znači li to da će Ministarstvo finansija ograditi ili da li se već ograđuje od tačnosti i odgovornosti što je kako kažu u nadležnosti predlagača u ovom slučaju ministra Delića. Te ako ti podaci budu odstupali od stvarnog činjeničnog stanja mišljenja će se staviti van snage. Pitam ministra finansija da li već sumnja u da kažem tačnost i ispravnost podataka predlagača, ministra Delića, kada se ograđuje u svom mišljenju u slučaju a se u suštini utvrdi suprotno da će se mišljenje povući. Šta će se u principu desiti i kakvo će se mišljenje staviti van snage ako se usvoji Zakon, a utvrdi se da u podaci netačni. Znači pitanje i za ministra Delića isto tako želim da mi odgovori, kako će se staviti Zakon van snage ako su pdoaci netačni. I zanima me da mi kaže ministrica Brčić ko će snositi odgovornost sa pravne strane ako dođe do netačnosti ovakvih podataka. Mislim da sam bila kristalno jasna. Zahvaljujem.

Predsjedavajući:

nemamo više pitanja. Molim ministra Delića da odgovori na pitanja.

Ministar Adnan Delić.

Hvala uvažanim zastupnicima i zastupnicima na postavljenim pitanjima. Pitanja gospodina Devića koliko je ukupno ostvaren prihod u 2019 godini privrede u Kantonu Sarajevo? Ja mislim da na to pitanje nemam dovoljno informacija da vam u ovom trenutku odgovorim ali ako želite naravno poslat ću vam pismeni odgovor. Kada su u pitanju OKFŠ mi smo to dobro analizirali i imamo sve podatke kada je taj dio u pitanju, znači i reći ću vam podatke koji se odnose na prethodnu godinu. 2017 sakupljeno 5,5, miliona, 2018 – 6,2 miliona, 2019 – 6,8 miliona, i 2020 – u godini pandemije 4,6 miliona. Ono što ste vi rekli da su suspendirana ova sredstva. Ona nisu suspendirana kada je u pitanju naplata ovih sredstva u vrijeme kada su svi privredni subjekti bili ugroženi i još uvijek su ugroženi. Ono što je istina jeste da su suspendirana sredstva kada je u pitanju utrošak ovih sredstava u 2020 godini, i evo ovdje ću vam navesti da ni to nije tačno jer ste Korona Zakonom omogućili da se namjenska sredstva od OKFŠ prenamjene. A 1,8 miliona je preraspoređeno u JP Gras. Ako želite i to vam naravno možemo dostaviti. To je ujedno odgovor na pitanje. Kada je treće pitanje, da li imamo mišljenje Šumarskog fakulteta? Mi smo po Zakonu ispoštovali procedure, kada je u pitanju pribavljanje mišljenje u skladu sa Poslovníkom Skupštine i Zakonom o šumama. Kada je u pitanju skraćeni postupak. Nismo bili u obavezi da konsultujemo bilo koga, ali smo i pored toga obavili niz sastanaka sa Udruženjem šumarskih inženjera. Obavili smo sastanke sa uposlenicima i direktorom i njegovim saradnicima u Upravi za šumarstvo. Prije toga smo naravno konsultovali ljude koji dugo godina rade u Ministarstvu privrede i vode sektor šumarstva. Naravno pored toga smo obavili i razgovor sa dekanom Šumarskog fakulteta, što naravno možete provjeriti. Ali napismeno nismo imali zakonsku obavezu da vam dostavimo ta mišljenja. Da li je Kanton vršio inspekcijski nadzor. Ja mislim da bi vi trebali znati da mi ne vršimo inspekciji nadzor pogotovo ne Ministarstvo privrede. Inspekcijski nadzor je u nadležnosti Inspekcija Kantona za upravne postupke. I to inspektorata poljoprivredne, vodne i šumarske inspekcije. Tako da ukoliko želite i te informacije mi naravno možemo kompletirati nadležnu KUIP i dostaviti vam pismeno sve te inspekcijske nalaze. Koliko je sredstava potrebno za Upravu za šumarstvo i koliko ćemo mi to rasteretiti privredu, to je suštinsko pitanje. Nije suštinsko pitanje koliko ćemo mi rasteretiti Ministarstvo privrede odnosno Upravu za šumarstvo, nego je suštinsko pitanje da vi objasnite privrednicima Kantona Sarajevo koji grcaju i otpuštaju radnike zašto ste protiv umanjivanja parafiskalnih nameta koji koče u ovom gradu i ovoj državi sve investicije i domaće i strane. Znači u svim državama regiona ova naknada se finansira minimalan iz OKFŠ na način da se uzima iz ukupnog prohoda minimalan iznos a sva ostala sredstva se uzimaju iz budžetskih sredstava. Što je i ideja mene kao resornog ministra i ideja ove Vlade. Sredstva koja su potrebna za Upravu za šumarstvo otprilike iznose oko 3,5 miliona KM za potrebe svih redovnih projekata kada je u pitanju održavanje šuma i šumskog eko sistema. Kada je u pitanju zastupnica Bišćević-Tokić efekta po budžet na Kantonu Sarajevo. Znači ovdje ponovo razgovaramo o suštinskom pitanju o rasterećenju privrede. Efekat na realni sektor će biti otprilike preko 3 miliona rasterećenja. U namjeri smo da do 2023 godine u potpunosti ukinemo parafiskalni namet OKFŠ ali uz uslov da sva sredstva koja su potrebna za održavanje tog važnog eko sistema za kompletnu zemlju obezbijedimo isključio iz budžetskih sredstava na način da to bude zakonska regulativa kao što je to Zakon o poticaju poljoprivredi ili Zakon optičaju male privrede. Evo ja se nadam da sam bio kristalno jasan. Hvala.

Predsjedavajući:

zahvaljujem se ministru Deliću. S obzirom da nema više pitanja, otvaram raspravu. Prva se javila zastupnica Bibija Kerla. Sada se čujemo, recite.

Premijer Edin Forto.

Evo ministrica Brčić isto jedan dio treba odgovoriti.

Predsjedavajući:

evo ministrica Brčić imate riječ dajte odgovore iz vašeg domena.

Ministrica Lejla Brčić.

Dobro večer. Lijepo pozdrav svima. Jedno pitanje pitanje je bilo upućeno meni od strane uvažene zastupnice Jasmine Bišćević-Tokić iako navedeno nije u nadležnosti Ministarstva pravde i uprave kojim su tačno utvrđene nadležnosti, pitanje odgovornosti u slučaju ne popunjavanja izjave o fiskalnoj odgovornosti ili netačnog popunjavanja te izjave, propisana je Zakonom o budžetima FBiH. Utvrđeno je kao prekršaj sa propisanim kaznama od 3000 do 20.000 KM.

Predsjedavajući:

poslovnička intervencija Bišćević-Tokić. Ministar finansija nije dao odgovore. Je li bilo pitanje za vas ministre?

Poslanik/zastupnik Jasmina Bišćević-Tokić:

zahvaljujem predsjedavajući. Pa nisam dobila ni od ministra Delića odgovore koje sam tražila. Rekla sam striktno za njega i za ministra finansija kako će se mišljenje staviti van snage ako se ne usvoji Zakon, jer je tako u svom mišljenju stavio, a utvrdi se da su podaci netačni? Zanima me zato što je u svom mišljenju stavio da će u suštini ako se tačnost podataka ne bude podudarala da će povući ovo mišljenje. Kada prođe Zakon, zato me i zanimalo da mi ministrica Brčić kaže čija je odgovornost, mi sada kada večeras usvojimo ovaj Zakon na koji način misli povući svoje mišljenje. Zahvaljujem.

Predsjedavajući:

ministricu Brčić ili ministar Delić ne znam ko će dati odgovor.

Ministrica Lejla Brčić:

ja sam odgovorila na pitanja.

Premijer Edin Forto:

evo predsjedavajući ja ću reći u dijelu ministra finansija, koji je odsutan, hitno je morao napustiti sjednicu iz opravdanih razloga. Pitanje je bilo, mi tačno imamo mišljenje Ministarstva koje kaže da nema primjedbi. Ono što je ovdje postavljeno da u slučaju fiskalne procjene i ako se ispostavi da procjeni Ministarstva ne bude da se onda može to ponovo razmatrati. Pitanje je bilo da li Ministarstvo finansija sumnja? Oni da imaju sumnju oni bi izrazili sumnju i stavili bi primjedbu. Znači nemamo primjedbi, imamo zeleno svjetlo od Ministarstva finansija u smislu fiskalne procjene.

Predsjedavajući:

ministre Deliću imate li vi potrebe da dopunite svoj odgovor zastupnici Bišćević-Tokić?

Ministar Adnan Delić:

pa nemam potrebe da dopunim odgovor, mislim da sam bio vrlo jasan kada sam rekao zastupnica Bišćević-Tokić je uputila pitanje koji je to efekat po budžet Kantona Sarajevo? Znači već sam prethodno odgovorio i nema potrebe da šest puta odgovaram na jedna te ista pitanja. Hvala.

Predsjedavajući:

zahvaljujem. Otvaram raspravu. Zastupnica Bibija Kerla se prva javila. Zastupnice Kerla

izvolite, imate riječ.

Poslanik/zastupnik Bibija Kerla:

pa s obzirom da ste me prvi put prekidali ne znam ni sama šta sam rekla i šta bih još dodala, ali ja ću ponoviti ono što sam rekla i reći ću još dosta nekih stvari i molim kolege da me stvarno ne prekidaju. S obzirom da je ovaj Zakon bio predmet rasprave i prošle Vlade, ja ću reći sljedeće znam da je ministru privrede nametnuta izmjena Zakona o OKFŠ.- ali mislim da je to pogrešno. To prije svega pogađa prigradske dijelove kao što su Ilijaš, Hadžići, Trnovo. A pošto ja stanujem u Ilijašu znam sa kojim problemima s susreću stanovnici ovih rubnih dijelova u Kantonu Sarajevo. Smanjenjem OKFŠ smanjujemo mogućnost održavanja čistoće šuma, šumskih puteva, dovodimo u pitanje nestanak voda, masovna sječa šuma i zagađenje zraka koje udišemo svi. Ali čista šuma znači čista voda i čist zrak. Smanjujemo nešto samo da bi smo širili populizam, pa ako je tako daj da pitam šta je sa direktnim i indirektnim porezima koji opterećuju privredu? Smanjimo poreze na platu i doprinose sa 75 na 45%. Ukinimo takse za isticanje firme. Registruješ firmu, platiš registraciju, i još ti država svake godine, umjesto da bude ponosna na otvaranje bilo koje firme, spuca taksu što ti stoji naziv firme, jer si istakao nešto što je za dobrobit svih nas. Treba smanjiti privrednicima registraciju vozila koja iznosi do 3000 KM, smanjiti registraciju normalnim građanima. Notari uzimaju ogromne pare za sve i jednu vrstu registracije. Dajte mogućnost da su isto registracije rade advokati po četiri puta manjoj tarifi. Mi dali vlast notarima, sudijama, administraciji, na sve te institucije se plaćaju takse i još plus teret na plate koje su najveće u regionu. Hvala kolegi Konakoviću što je tražio da nastavim sa prijedlozima ukidanja direktnih i indirektnih poreza. Također moj kolega Konaković je rekao da mnogo toga nije u nadležnosti Skupštine i Vlade Kantona Sarajevo. Pa eto imate prilike kada čujete koje sve poreze možemo smanjiti zajedno sa još šest naših kolega u Domu naroda FBiH na sljedećoj sjednici predložite ono što ja predlažem. Koliko znam niste direktno ušli u Dom naroda nego smo vas mi birali pa izvolite saslušajte šta imamo da vam kažemo i onda predložite u Domu naroda kao prijedlog Skupštine Kantona Sarajevo. Već sam nabrojala puno primjera gdje se može kresati a ne na šumama. Znači kolega Konakoviću dala sam prijedlog za ukidanje taksi za isticanje firme, ukidanje notara, ukidanje taksi za preregistraciju privrednih udruženja. Vi navalili na šume. A kako bi bilo da odete na mjesta gdje su klizišta, gdje su presušili izvori pitke vode, i ne daj bože većeg požara. Od čega bi se tada finansirale te akcije spašavanja (nerazumljivo). Smanjite poreze za one stavke koje sam gore nabrojala pa da vidite rasterećenja privrede. Sve ovce na broju a vuci siti. OKFŠ imaju sve zemlje u regionu pa i EU. Dajte napora pa utjerajte sve nelegalne u tokove a njih je oko 30%. najlakše je napasti na taksu koja pomaže svima, a to su šume. A u šumama je zrak, voda i turizam. Zato će Klub DF biti suzdržan po ovom pitanju. Hvala lijepa.

Predsjedavajući:

sljedeći za raspravu javio se zastupnik Mahir Dević.

Poslanik/zastupnik Mahir Dević:

Zahvaljujem. Da li se čujemo predsjedavajući? Hvala. Naravno neka od pitanja sam postavio ministru privrede Kantona Sarajevo ne da bih provjerio njegovo znanje ili njegovu informisanost već da bih pokušam na neki način da mu obrazložim vezu tih pitanja sa mojom diskusijom. Pitao sam ga koliki su ukupni ostvareni prihodi privrede u Kantonu Sarajevo u 2019 godini? Zašto sam to pitao? Ne da vidim da li on zna i da li ima taj podatak već zato da vidimo koliko je na bazi tih ostvarenih prihoda trebalo biti prikupljeno sredstava od OKFŠ pa ćete vidjeti ministre ukoliko iz tih ostvarenih prihoda to pretvorite u 0,7 vidjet ćete da se ne poklapaju brojevi. Zato sam vas i pitao šta vam radi šumarska inspekcija? A vi ste meni rekli da šumarska inspekcija pripada inspektoratu. Pa ja to zaista evo nisam znao, hvala vam što ste ti mi to javili. Pa naravno da sam znao. Ali pokušavam da vam objasnim da se i prije izmjene

ovog Zakona na neki način vrlo sumnjivo obračunavala ova naknada za šume koja je tekovina i EU, i razno-raznih konvencija i zemalja i regionu. Porediti Kanton Sarajevo sa procentom Srbije, Hrvatske je zaista neozbiljno. Valjda vam je jasno kolika je ekonomska moć tih zemalja u odnosu na Kanton Sarajevo. Ali ste zaboravili na primjer da kažete u svim drugim kantonima ta naknada ne ide ispod 0.5% a u pravilu je 0,7% a federalni Zakon koji je bio u nacrtu je predvidio da to bude 1%. vjerovatno te podatke imate. Postavio sam vam pitanje koliko je potrebno sredstava za rad Uprave za šume. Vi ste mi odgovorili da je to 3,5 miliona KM. A još jedno od pitanja koje sam vam postavio je bilo koliko se sredstava na godišnjem nivou prikupi? Pa ste mi vi rekli podatak negdje otprilike između 5 do 7 miliona zavisno od godine. Iako i tu ima nesrazmjera. Imali ste godine kada budžet raste, prihodi svi rastu, najedanput te stavke su niže, ali bavite se malo tom analizom. Zašto sam ovo pitao, ukoliko vi umanjite ova sada sredstva za 50% kao što ste predložiti, to će praktično značiti sljedeće da od 6 miliona će se prikupiti 3 miliona i da će vam to uvaženi ministre biti samo dovoljno za rad Uprave za šumarstvo. Ta Uprava za šumarstvo je nadležan za čuvanje i zaštitu šuma. Tamo su šumari, koji sprečavaju krađu, nelegalnu sječu šuma itd. I to jedna od 14 stavki koja se finansira od sredstava iz OKFŠ. Znači ovom izmjenom vi ćete imati sredstva da realizirate jednu stavku a Zakon je u članu 62 propisao 14 stavki. E sada ja pitam i vas i javnost šta ćemo sa ovih 13 stavki? Kako ćemo ih isfinansirati. Naravno vi ćete početi da obrazlažete da će se to predvidjeti kroz budžet, naravno do prvog rebalansa, do drugog rebalansa i ta sredstva će nestati i ugroziti ćete niz stvari. Prije svega, na ovaj način to vam odgovorno tvrdim, a podsjetit ću vas na ovu moju diskusiju, ukoliko budemo živi i zdravi za godinu, dvije dana, pa budemo se bavili analizom ovoga što vi predlažete. Ugroziti ćete poslovanje Sarajevo šuma. Preduzeće Sarajevo šume su u vrijeme direktora Jolde preživjela isključivo zahvaljujući sredstvima od OKFŠ. Tu godinu pandemije. Druga stvar nećete s ovim sredstvima posebno unaprijediti rad Uprave za šumarstvo a cijenimo svi da nam treba više šumara, treba nam više tehnike, treba nam više pošumljavanja, itd. Također vi znate da se pravi šumsko gospodarska osnova za tri područja koja se nalaze na području Kantona Sarajevo. Za tu namjenu je potrebno odvojiti 2 miliona KM. Ona se izrađuje na period od 10 godina, što znači da je svake godine potrebno 200.000 KM u pravilu da se izdvaja za tu namjenu. Ukoliko upolovite neće naravno imati ta sredstva. Projekte deminiranja koji su izuzetno važni ćete u potpunosti zaustaviti. Evo ja ću vam navesti samo jedan primjer općine Ilijaš koja taj ruralni dio ili planinski dio općine Ilijaš koji je bogat šumama, hiljade su kvadratnih kilometara prostora koji je miniran. Kada ćemo mi deminirati taj prostor? Na osnovu kojih sredstava, ako se budemo evo ovako ponašali? Također, niz drugih projekata, izuzetno važnih, koji su se realizirali sredstvima od OKFŠ, od izgradnje parka Grdonj u Starom Gradu, preko izletišta u Baricama, na području opštine Ilijaš, Hadžića itd. Na ovaj način ćete to sve dovesti u pitanje. A to sam vas sve pitao da li ste napravili ozbiljnu analizu koje ćemo mi to privredne subjekte pomoći i koje ćemo mi to privredne subjekte rasteretiti. I one koji imaju koristi od šuma i uništavaju ih i one koji ne na neki način. O tome bi se dalo posebno diskutovati ali evo neću ulaziti u tu vrstu priče. Ilustracije radi, gledalaca TVSA, na milion KM ostvarenog prihoda, određene firme, dužni su uplatiti za OKFŠ 700 KM. Ponavljam na milion KM uplaćuju 700 KM prihoda. Gdje je tu socijalna osjetljivost biznisa, gdje je tu odgovornost spram životne sredine, gdje je tu spram ekologije i na koji način mi sada pravimo neku dvadesetogodišnju, tridesetogodišnju strategiju u smislu očuvanja naših šuma? Da li vi uvaženi ministre znate npr da na području općine Ilijaš se naravno to sada malo iz godine u godinu varira taj podatak. Ali evo uzet ću vam za podatke 2019, da li znate da 50% etata, ili prihoda koje ostvare Sarajevo šumae su ustvari prihodi koji su ostvareni na bazi posjećene šume na području općine Ilijaš. Cirka vam to dođe u ostvarenim prihodima između 4,5 i 5 miliona KM. Naravno to se sve odsjeće na području gornjeg kraja općine Ilijaš, kolokvijalno kazano. Tim putevima idu kamioni Sarajevo šuma, idu kamioni privatnih firmi koji lome asfalte svakodnevno. Te asfalte je finansirala godinama izgrađivala općina Ilijaš, i sufinansirali su stanovnici tih sela. Vi nama

sada ovom izjavom predlažete sljedeće: da sječete šume u Ilijašu, Hadžićima, Trnovu, Vogošći, Starom Gradu i već ovim opštinama gdje ima šume, da lomite taj eko sistem, da ga uništavate bez adekvatnog plana kako ćete ga obnoviti, jer ovako kada bi ste nastavili za 25 godina ne bi ste imali šta sjeći, ukoliko ne bi ste pošumljavali, a nećete imati sredstava. Naravno to što imate prenesena sredstva iz 2018, 19 i 20 godin, to ni u kom slučaju ne zaustavlja primjenu Zakona od 2021.godine. Nadam se da vam je to ovaj potpuno jasno. Bojim se da vi ovom izmjenom, poloveći ovaj iznos, ugrožavate cijeli jedan sistem koji podrazumijeva Kanton Sarajevo. I nije ovo nikakva što kažu nova pamet, trebe pogledati šta su radili u susjedstvu itd. Razumijem vašu potrebu da rasteretite u dijelu privrede. Ja ih pozdravljam. Ali morate voditi računa da postoje ljudi, da postoje općine kojima su ova sredstva jako važna. I mislim daje bilo potpuno korektno od vas da ste barem u hitnoj proceduri predložili ovaj Zakon pa da mi kao Klub predložimo amandman da to bude barem 0,5%. evo da pošaljemo neku poruku privredi, da im na neki način umanjimo ta sredstva ali da na bazi tih 0,5% osiguramo sredstva da možemo isfinansirati svih ovih 14 stvari, na koja se sredstva od OKFŠ mogu koristiti. Vi ste i naravno vjerovatno pročitali u članu 62, i ja vas zaista evo pozivam, najdobronamjernije vam ovo govorim, pretpostavljam da imate dobru namjeru. Pretpostavljam da su nekada nijeti ljudi u najboljim namjerama popločanim nekim putem koji vodi u potpuno pogrešnom smjeru. Ja se bojim da na ovaj način idete u pogrešnom smjeru. Ali razumijem da terebate napraviti neki iskorak. I evo ja vas zaista pozivam da promijenite ovo i da stavite da je to 0.5% i mi ćemo kao Klub podržati jednu takvu aktivnost. Ali na način da to bude upolovljeno ugroziti ćete poštovani ministre cijeli sistem. Ali kada sam vas pitao da li ste konsultovali struku, to nisam uradio naravno da bi vas provocirao već cijenim zaista da ste ovo treba prodiskutovati sa svima, a ne slijepo slijediti samo jednu stranu priče. Ovo što vi govorite je jedna strana medalje. Druga strana medalje podrazumijeva niz institucija koje ćete ugroziti, niz projekata koje ćete ugroziti i niz općina kojim ćete naštetiti, a glavna eksploatacija tog prirodnog resursa jeste u ovih četiri, pet općina, neću da vjerujem naravno da vi nešto tako podržavate zato što su tamo pobijedili SDA načelnici. Mislim bolje rečeno, ubijeđen sam u to da se vi tako ne odnosite, ali nisam siguran da neke politike iza ne žele na taj način da se osvete općinama u kojim su pobijedili načelnici SDA. Naravno, ovo vam ponavljam još jednom, najdobronamjernije, ne imputiram vama, ali nisam siguran da neki drugi to ne rade preko vas, a da vi možda ove situacije niste ni svjesni. Ja vas još jednom pozivam najdobronamjernije, uz potpuno razumijevanje nekog poteza koji trebate napraviti. Iako ovaj potez koji danas pravite, po nekom redoslijedu važnosti, trebao biti možda potez broj sedam, broj osam, broj deset, od strane Ministarstva privrede a ne broj jedan. Na ovaj način, ugrožavate niz stvari a razumijem potrebu da se privreda na neki način rastereti i da joj se pošalje jedna pozitivna poruka. Evo ja vas pozivam ukoliko imate snage kao predlagatelj da promijenite ovaj dio kao Vlada, jer vi to možete uraditi, jer mi to ne možemo sada u ovoj proceduri s amandmanom, da to smanjite na 0,5 i da mi onda pošaljemo jednu jedinstvenu poruku Skupštine Kantona Sarajevo da dajemo neku podršku privredi, ali isto tako da vodimo računa o ovim ruralnim općinama. Znači općina Ilijaš, Trnovo, Hadžići, Vogošća nema poslovnih prostora da ih izda kao što to ima u općini Centar. Nemamo mi gdje prikupiti te milione KM. Znači smanjite rente, poreze, takse sudske. Tu su vam milioni KM: zašto niste ukinuli sebi u članu 60 1% tih sredstava koje vam uplaćuju Sarajevo šume kao Kantonu. Zašto to ne subvencionirate i ne pošaljete poruku privredi koju želite na ovaj način da pošaljete. Ovo je jedna mini kozmetička izmjena koja neće ništa u konačnici značiti za privredu jer je urađena bez ozbiljne analize a naštetit će mnogo važnom segmentu ekologije, u opće na području cijelog Kantona Sarajevo. Mi treba da se borimo za zelen politike, da zelene politike uđu u grad, a ne da dolazimo u situaciju da i ovo malo sirotinje koju imamo u rubnim općinama da ih uništimo na ovakav način. Da oni plaćaju izgradnju tih puteva, da mi im siječemo šumu u komšiluku u avliji, da im lomimo puteve i da im ništa ne vraćamo. Kada bi ste analizirali sva sredstva od OKFŠ, koja su vraćena a ovim općinama, vidjeli bi ste da za

jednu godinu, iz Ilijaša npr, govorim konkretno Ilijaš, slična je situacija i u Hadžići, a slična je situacija u Trnovu, slična je situacija na Iliži, izvučete više vrijednosti Sarajevo šuma, drveta, visoke klase, nego što ste vratili tim općinama, tim MZ, tim putevima za proteklih sedam do osam godina. I ti građani koji tamo žive će vratiti kredite od EBRD i za tramvajsku prugu i za sarajevski vodovod, bez obzira što oni imaju svoj privatni vodovod. Vratiti će kredite za sve one projekte koje finansiramo ovdje u gradu, i ne trebamo da taj ruralni razvoj, odnosno ravnomjerni razvoj Kantona Sarajevo, ja bih ga tako nazvao, Kantona Sarajevo, na ovakav način zaustavljamo. Treba voditi računa da se bavimo ravnomjernim razvojem cijelog područja Kantona Sarajevo i da budemo svjesni šta nekoj općini možemo pomoći. Ove gradske općine su u puno boljoj poziciji, kada je u pitanju njihovo punjenje Budžeta, nego ove općine da tako ih nazovem, uslovno vangradske. Evo ja vas pozivam da vratite to na 0,5% kao što je u nekim drugim kantonima, radi javnosti, u KZH je 0,7, u ZDK 0,7, USK 0,7, TK je to smanjimo na 0,5, BPK na 0,5. Evo možemo i mi ići na neki način na 0,5. RS vam je isto tako na 0,7. HNK čini mi se da nema Zakon usvojen šume. Jer možemo ući u procese apelacija prema Ustavnom sudu, onda da ovi zakoni budu oboreni, onda nemamo ni ovih Zakona, jer nismo nadležni da ih donosimo. Onaj Zakon je neustavan. Tako da možemo napraviti jedan dodatni haos. Moj apel na vas je vjerujem da imate dobru namjeru, vratite ovo na 0,5%, evo i mi kao Klub bi smo jednu takvu vrstu inicijative podržali. Ukoliko ne, mi smatramo da ćete vi na ovakav način možda jednu stvar malo popraviti ali ćete niz drugih vrlo značajnih.

Predsjedavajući:
Kolega Deviću, vrijeme.

Poslanik/zastupnik Mahir Dević:
jel prošlo 15 minuta?

Predsjedavajući:
jeste.

Poslanik/zastupnik Mahir Dević:
dobro. Evo samo još jednu rečenicu. Cijenimo da ćete na ovakav način ugroziti puno više stari nego što ćete doprinijeti privredi Kantona Sarajevo. Maloprije sam radi ilustracije naveo šta to praktično znači na milion KM. Ja vas pozivam da ovo promijenite na 0,5%. izvinjavam se predsjedavajući što sam malo probio vrijeme kao šef Kluba.

Predsjedavajući:
replika Konaković Deviću.

Poslanik/zastupnik Elmedin Konaković:
bez obzira što kolegica Kerla i Dević dolaze iz Ilijaša i zagovaraju to u ime lokalne zajednice u Ilijašu, imaju naravno na to pravo, ne mislim čak ni da je to loše. Ja znam da tako svi ne razmišljaju u Ilijašu. Ima jedan čovjek, zove se Jasmin Halebić, bio je ministar finansija u Vladi na čijem sa ja bio čelu, sa njim sam lično radio jednu knjigu rasterećenja parafiskalnih nameta, zajedno sa Svjetskom bankom Sarajevo, prije dolaska naše Vlade Kanton Sarajevo je bio s najvećim brojem parafiskalnih nameta. Nakon ukidanja značajnog broja nepotrebnih parafiskalnih nameta, izgubili smo u Budžetu, lupit ću cifru, određeni iznos, nekoliko miliona, ali smo na drugoj strani, tamo gdje je to važnije, imali 20% novoregistrovanih firmi i ogroman porast broja zaposlenih i po osnovu drugih izvora primanja finansiranja imali smo trostruko, četverostruko veći prihod. Dakle rasterećenje realnog sektora je u ozbiljnom pristupu bavljenja ekonomijom jedan od prioriteta zadatka. Dodatno je važno zato što smo u

pandemiji, zato što ljudi jedva plaćaju tekuće obaveze. Nije govorio istinu kolega Dević. Dakle nije potrebno toliko novca. 1,3 miliona je potrebno za rad Uprave. 2 milion KM sasvim je dovoljno za sve projekte, i ponovio je to više puta ministar Delić. Potpuno normalizovan sistem i ništa neće faliti. Šta će faliti? Falit će predizborno asistiranje nepotrebnih puteva. I toga neće biti. To se ukida. Natjerat će se firme, natjerat će se Sarajevo šume i drugi da posluju onako kako dragi Bog zapovijeda i u skladu s ekonomskim propisima, a ne stranačkim nalogima. Neće se nepotrebno zapošljavati. Nema viška rashoda. Ostat će više nego dovoljno novca zato što će se ovdje odnositi domaćinski. Bit će manje krađe šume, znat će se.

Predsjedavajući:

ispravka krivog navoda *govore predsjedavajući i zastupnik Konaković istovremeno* Dević.

Poslanik/zastupnik Elmedin Konaković:

neće više biti privilegovanih.

Predsjedavajući:

zastupniče Konaković ispravka krivog navoda.

Poslanik/zastupnik Elmedin Konaković:

određeni ljudi koji se danas bune, toga ljudi neće biti. I tu leži...

Predsjedavajući:

zastupniče Konaković, ispravka krivog navoda.

Poslanik/zastupnik Elmedin Konaković.

Nisam čuo.

Predsjedavajući.

Ispravka krivog navoda Mahir Dević.

Poslanik/zastupnik Mahir Dević:

čujemo li se predsjedavajući? Ponovo sam čekao nekoliko minuta da mi date riječ na ispravku krivog navoda. I evo samo još jednom da vas upozorim da pratite molim vas tu grupu viber, vidite vrlo dobro da mi pišemo tamo poslovnici naše mogućnosti da iskoristimo. Nisam ja kolega Konakoviću ovdje pričao u ime Ilijaša. Ja sam vam ovdje spominjao Ilijaš. Hadžiće, Trnovo, Vogošću, i od ovih sredstava su mnogi drugi projekti na području Kantona bili realizirani. Između ostalog i ono osnježavanje gore koje ste uradili u vašem mandatu, čini mi se, ili u mandatu iza vas, u smislu izgradnje protiv požarnog bazena, pa ste to koristili gore. Pa ste niz drugih projekata, u zaštiti šuma, u opremanju vatrogasnim vozilima itd. Ova sredstva su se koristila za jednu širu namjenu, ona nemaju naravno nikakve veze sa područjem opštine Ilijaš. Ako vi mislite ili nazivate predizbornim asfaltima asfaltiranje određenih puteva na području općine Ilija, nakon što im godišnje izvučete 5 miliona drveta, a da im ne trebate vratiti puteva u visini 50.000, 30.000, 100.000. KM, to je vaš politički stav. Naravno vi imate pravo na to. Ali mi smatramo da je asfaltiranje šumskog puta prema starom gradu Dubrovniku kojeg smo radili prethodnom Vladom izuzetno važno za to kulturno-historijsko naslijeđe. Možda vi mislite da to treba zaustaviti, da do gore treba biti makadam. Možda je to vaš politički stav. Možda vi to nazivate predizbornim asfaltom, mi to nazivamo razvojnim projektima općine Ilijaš, Hadžića, Trnova, Ilidže, Vogošće i Novog Grada prema Žući je takvih projekata bilo, vi se sjećate.

Predsjedavajući:
kolega Deviću šta je ispravka krivog navoda?

Poslanik/zastupnik Mahir Dević.

Ispravka krivog navoda je ta da to nisu predizborni asfalti kao što to kolega kaže već da je to ravnomjeran razvoj Kantona Sarajevo. I da se ovo pitanje ne tiče samo općine Ilijaš već pola Kantona Sarajevo. Da to ne predstavlja tako. To nije općina već pola Kantona Sarajevo. Zahvaljujem.

Predsjedavajući:
mogu li nastaviti? Možete nastaviti zastupniče Konaković-.

Poslanik/zastupnik Elmedin Konaković:

kolega Deviću, nećete se više nikada pitati ko će kada i gdje posjeći šumu. Ko će kome prodati šumu.

Predsjedavajući:
imate tehničke probleme ne čujemo vas najjasnije.

Poslanik/zastupnik Elmedin Konaković.

Jel čujete sada? Moram galamiti ili? Nećemo kolega Deviću više vas nikada pitati ko će sjeći, prodavati i kupovati šumu. I to je završena priča. I vaša nervoza je potpuno opravdana s vašeg aspekta. I mi naravno to ne gledamo isto. I znamo mi koji su putevi bili potrebni za asfaltiranje a šta ste vi raidli od tih predizbornih puteva. Zato je ovaj Zakon bitan. Da Budžetu i ljudima u privredi u Kantonu Sarajevo doprinese normalnom ambijentu za rad. A ne više konceptu kojeg vi demonstrirate godinama.

Predsjedavajući:
kolega Deviću hade pustite raspravu, nemojte zloupotrebljavati poslovničku mogućnost krivog navoda.

(istovremeno govore zastupnici i predsjedavajući)

predsjedavajući:
evo izvolite, ispravku krivog navoda imate.

Poslanik/zastupnik Mahir Dević:

zahvaljujem. Kolega Konakoviću znači laž je to što ste vi spomenuli za neku šumu. Ovo veze nema sa Sarajevo šumama, ovo ima veze sa naknadama koje su propisane zakonom o Sarajevo šumama. Evo sad vama javno kažem i za onu laž koju ste spomenuli u kampanji da smo mi pokrali neke izbore. Evo javno vam kažem sada da ću vas tužiti za iznošenje laži, za dehumanizaciju i kriminalizaciju mene kao zastupnika u Skupštini Kantona Sarajevo. I svaki put.

Predsjedavajući:
niko nije spominjao izbore.

Poslanik/zastupnik Mahir Dević.

Jeste predsjedavajući, spominjao je vratite se fino šta je spominjao. Znači čovjek govori da neko od nas upravlja nekim prodajama što veze s ovim nema. Evo javno vam sada kažem, tužit ću vas i za ovo i za onu laž koju ste izrekli oko izborne krađe da sam ja majstor izbornih

manipulacija. I svaki put kada budete koristili neprimjereni jezik u Skupštini Kantona Sarajevo ja ću vas tužiti u narednom periodu. To morate znati. Ta vaša galama, to mahanje rukama i te predstavke su prošlost kolega Konakoviću. Svaki put ćete u buduće odgovarati na sudu...

Predsjedavajući.

Poslovnička intervencija zastupnik Zahiragić.

Poslanik/zastupnik Haris Zahiragić:

dakle javio sam se da ne bih dozvolio dalju diskusiju. Molim vas kolega Okerić evo preklinjem vas, inače ćemo promijeniti i mi svoj stil komunikacije. Vidio sam da vam kolega Konaković piše da vi to kažete šta napiše na viber grupi. Ukoliko već želi da vodi Skupštinu, neka izme, nek sjedne na vaše mjesto a vi se vratite u zastupničke klupe. Nemojte da se udaljavamo od teme. Molim vas, nemojte, građani Kantona Sarajevo se nalaze u sred pandemije. Psihoza je, nema vakcina, mjere su više ljudima preko glave. Nemojte da personalne sukobe ovdje dalje produbljujemo, jer širimo depresiju kod građana. Eto ja apelujem da prestanete personalno vrijeđati, spominjati neke krađe, izbore, puteve, vi ste krali šume itd. Ukoliko zaista neko zna da je neko nešto radio što je nelegalno, imaj organi neka prijavi, nemojte da mi budemo ovdje prijeki sud i da se ponašamo ovdje necivilizirano, ne zato što smo mi nešto posebno civilizirani, kao što mi volimo sebe često nazvati ovdje, nego je građanima šaljemo poruke beznađa. Molim vas hajde da diskutujemo o temi kolega Okeriću. I vi vodite Skupštine, nemojte da druge kolege pišu šta ćete vi govoriti. Hvala vam.

Predsjedavajući:

zastupničke Konakoviću hoćete li nastaviti dalju diskusiju ili ste završili?

Poslanik/zastupnik Elmedin Konaković.

Naravno jer je nekorektno jer to što pišem ja, u toj grupi piše Dević, piše Zahiragić, piše da ne bi upadali, mi ovamo ponekad reagujemo. Možda to ne trebamo raditi ali to ne radim samo ja. Dakle svi smo tamo vama direktno pisali, javljajte se , pišite recite. Ovako nako. (nerazumljivo) da to dokažem. Dakle hoću da završim ono što sam započeo. Postoji ovdje jedna jasna razlika. Direkcija za puteve radi puteve. Kategorisane. Opština radi druge puteve. Šumski putevi se rade od OKFŠ. Govorim o tome da znam, da svjedočim da ću pred Bogom i pred svakim sudom, iako ne znam kolega Dević šta god ovdje kažem, ne može me tužiti, ni ja njega. To je svjedočit koliko je tog novca nepotrebno predizborno utrošeno. Zato znam da postoji rezerva. Da se donese ovakav Zakon, ja o tome govorim. Znam da ima puno nepotrebno utrošenih sredstava koji se konzumiraju i u Sarajevo šumama. Zato moram reći da ima tih zapošljavanja. Znam da ima previše šumske krađe. To je rezerva za prihod koji možemo ostvariti da bi onako kako kolegica Kerla govori, rasteretili realni sektor. Dakle zbog toga još jednom, ovoj Vladi i ministru svaka čast. Da podsjetim kolegicu Kerlu, glasali su za Zakon u kom se potpuno ukida OKFŠ sredstva. A sada neće glasati za ovo pola. Dakle nemojte ljudi toga da se igramo. Vi ste igrate politike. Podržite, ovo je hrabar potez, a sredstva će biti sasvim dovoljno, više puta je to rekao ministar Delić. Hvala.

Predsjedavajući:

diskusija zastupnik Haris Zahiragić.

Poslanik/zastupnik Haris Zahiragić:

predsjedavajući drago mi je da je moja poslovnička intervencija imala hajmo da se držimo teme molim vas. Evo ja bih krenuo redom, prije svega ja pozdravljam napore mladog ministra Delića i Vlade Kantona Sarajevo ukoliko su njihove namjere, a želim da vjerujem da jesu ,

zaista iskrene. Međutim, s obzirom da kao i svaki Zakon u ovom kratkom periodu u kojem Vlada Kantona Sarajevo rukovodi kantomom ide po nekoj skraćenoj, ranije po hitnim procedurama, morate biti svjesni da je argumenti koje kolega Dević zaista stoje. I ne samo on nego i kolegica Bibija Kerla. To me služi ovaj organ. Dakle 35 ljudi treba da raspravlja, da sve svoje znanje stavi u službu najboljeg rješenja. Nemojte apriori (smetnje)...dešavanje od kada je imenovana Vlada. Prvo se desilo da ugašeno Ministarstvo između ostalog zaštite okoliša. Dakle prostornog uređenja, urbanizma i zaštite okoliša. I tada smo mi upozoravali da to Ministarstvo i zaštita okoliša u Kantonu Sarajevo vrlo značajno. Međutim nije bilo sluha i spojilo se sa jednim tromim Ministarstvom komunalne privrede i evo taj ministar, koji je sada ministar nekadašnja dva Ministarstva se ne može ni vidjeti. Jer kako bi se i vidio kada je toliki posao uzeo da uradi. Neće ništa uspjati uraditi. Ali to je opet druga skroz tema. Kolega Nikšić je tada molio i govorio dajte barem da se na početku naziva ministarstva stoji zaštita okoliša. Svi ste rekli naravno Damire, nije problem. Međutim kada je objavljen u službenim novima, a vidjeli smo da zaštite okoliša nema nigdje. Također moramo se sjetiti kada se usvajao Budžet ja sam tada tražio i molio da se poveća iznos za zamjenu kotlova radi zagađenja u Kantonu Sarajevo. Nije bilo sluha. Ostalo je samo nekih ne znam par stotina hiljada KM koje mogu riješiti jedno malo naselje ili jednu mahalul. Svakako neće doprinijeti smanjenju okoliša. Trenutno na sceni imamo rušenje i gašenje parkova, sječu drva koja su starija od nečijeg porijekla. Ljudi olako sebi daju za pravo takve stvari, nesvjesni da drvo svako koje pokinemo moramo dva posaditi jer za života nećemo dočekati da ono ponovo naraste do te veličine, pogotovo u užim područjima. Ukoliko ne budemo imali kvalitetan odnos spram šuma, spram prirode, spram drva, vjerujete mi da ovi problemi sa smogom ko je danas imamo i radi geografske lokacije Sarajeva i radi nekih drugih problema će biti zaista minorni u odnosu na ono trovanje koje ćemo dočekati ukoliko ne možemo na pravi način se odnositi prema šumama. Ja kada je u pitanju konkretan Zakon, podržavam svaki pokušaj rasterećenja privrede i na tom tragu pokušat ću da dam par prijedloga da se eventualno razmisli da se isti efekat i možda bolji postigne, a da se zadrži ipak određeni dio sredstava ko ji će biti usmjeren u novo pošumljavanje posjećenih šuma u sanaciju lokalnih puteva, u razvoj lokalnih zajednica koje trpe to što mi ovdje, ja sam dakle rođen na Bašćaršiji, na Kovačima u Starom Gradu i možda ja nemam problema sa tim lokalnim putevima o ji uništavaju kamioni koji voze šumu. No međutim, morate znati da Sarajevo nije od Bašćaršije do Marin dvora nego u Kantonu Sarajevo žive ljudi koji imaju zaista puno problema. Jednom kada se taj put uništi puno njima treba da se on renovira. Bilo to u predizborne ili ne bilo u predizborne svrhe, ljudima znači. Jer znate koliko su troškovi auta, koliko ljudi jednostavno imaju ljepši kvalitet života kada imaju normalan put, i mi koji nemamo problema s tim moramo imati empatiju prema tome. Na tom tragu kolega Mahir je predložio da se smanji, da to bude 0,05% ja s druge strane ću predložiti druga dva rješenja koja bi također mogli postići isti efekat. Možda čak u jednom slučaju i bolje. Prva opcija je da mi zadržimo taj porez i da ga zaista obojimo, zapravo parafiskalni namet, ako već hoćete da ga nazovemo i da obojimo ta sredstva i da oni trajno budu za te funkcije i svrhe a da iz Budžet Kantona Sarajevo, evo možemo to i zakonom pripisati, svake godine subvencionirano, ne pola ovo 0,35 nego čitav iznos pravednim subjektima za taj OKFŠ čuveni. Druga opcija, možda još i bolja jeste da razmislimo, da vratimo u redovnu proceduru, i da na tom tragu pronađemo, ja vjerujem da mladi i ambiciozni kolega Delić, koji vjerujem da ima čiste namjere i želi da radi na tom tragu da se konsultuje sa širom zajednicom i da eventualno napravimo neku skalu, da vidimo koji to privredni subjekti zaista ugrožavaju okoliš, šume i sve stvari i da njima povećamo to za 1000%. jer puno para na žalost oni sijeku drva, sijeku šume i prodaju to ko sirovine. Znate kakav je te mega profit. A da onim firmama i pravednim subjektima koji ne štete okolini nikako, ili čak koji se trude da budu ekološki osviješćeni oslobodimo u potpunosti i na taj način ne samo da bi smo olakšali privredi, nego bi smo značajnoj mjeri potakli male pogotovo privrednike kojima značaj izvor ovih sredstava, velikim baš i nije. Da budu ekološki osviješćeni i da to bude također jedna

interdisciplinarna mjera, kojom bi smo smanjivali zagađenje smoga u Sarajevu. Posebna tema jeste zaista krađa šuma. Mi svi to gledamo u Kantonu Sarajevo, pogotovo u ruralnim opštinama. Ja često vidim kako glavnim cestama prolaze kamioni natovareni puno više kilaže nego što imaju. Ima čitav jedan sistem korumpirani koji dozvoljavaju takvu krađu i takav promet i šumama i tim našim bogatstvom. Ako bi smo smanjili sredstva samo na taj način, onda zaista ne bi bilo dovoljno para za povećanje eventualno broja šumara, šumske inspekcije itd. Dakle da poentiram, kada bi smo napravili neku skalu poreza ili skalu ovih naknada mislim da bi smo mogli suvencionirati i natjerati sve privredne subjekte koji žele da budu oslobođeni, da budu ekološki osviješteni. Moglo bi se to vezati sa različitim programima, raznih ministarstava. Evo i u tom smislu pozivam vas da razmislite. Pozdravljam svaki pokušaj pomoći privredi ali s druge strane mogu razumjeti ljude iz opština koje su najviše ugrožene eventualno ovakvim trenutnim prijedlogom rješenja. Želim da vjerujem da nakon cijele sjednice, tek smo na prvoj tački, ova moja diskusija neće biti zlonamjerno shvaćena, nego da ćemo zaista, svi razmislite, ukoliko smatrate da ovo što sam ja predložio ne stoji, nije izvodivo onda nemojte me podržati. Ukoliko smatrate da jeste, a evo ponavljam želim da vjerujem da ćete biti dobronamjerni prema mojoj inicijativi, uopšte ne želim da bude moja inicijativa, neka bude vaša ja ću podržati, onda ćemo za 15 dana to uraditi. Maloprije spominje kolega, čini mi se da je Konaković to kazao da svaki minut svaki dan nameta je privredi težak. Najugroženiji privrednici trenutno su zaista ugostitelji, hotelijeri, na tom tragu je kolega Čelik podnio jednu inicijativu koja je odbijena. Pa nisu trepnuli skupštinska većina, odbila je to da se rasterete barem na neki način ugostitelji. Danas je trebalo prema najava koje ja imam Vlada donijeti ograničenje radnog vremena tim ljudima, i njihovim radnicima. Evo danas radi reakcija burnih javnosti nisu, za sutra je otkazana sjednica. Želim da vjerujem da će ipak naći neke bolje modele prevencije širenja korona virusa. I u konačnici, maloprije na početku sjednice kolega Dević je predložio da se svi zastupnici koji su samostalni da se ukine plaćanje personalno njima naknada za parlamentarne grupe. Ja sam predložio da nam se smanje plate za pola i da nam se ukine topli obrok, više puta. Nemamo zakonsku mogućnost ali evo možemo ukoliko imamo političku volju to tako uraditi tek jednom odlukom. E hajmo te pare usmjeriti u privredu. Hajmo svoje pare usmjeriti u privredu. Hajmo svoje pare usmjeriti u privredu pa onda doći do toga. I na kraju molim vas, sjećam se da je kolegica Kristić podnijela inicijativu da se ukinu naplate isticanje reklama. Pompezno je najavljena, ja sam čak lajkao na par mjesta na Fejsbuku znajući da, i to nisam se u potpunosti slagao s inicijativom, jer veliki privredni subjekti trebaju to plaćati a mali ne bi trebali jer je to njima veliki trošak. Međutim, kada su završili lokalni izbori i kada su načelnici koji dolaze iz četvorke malo burnije reagovali, pogotovo gradskih opština gdje ima puno poslovnih objekata utišala se ta inicijativa. Uprkos medijskim najavama povuklo se. Tu se nije mislilo na privredu, po svaku cijenu. Evo prošlo je par mjeseci. Da su dani bitni taj inicijativa kolegice Kristić bi bila usvojena ne da ona bude, evo završavam ako sam vrijeme uzeo kolega Okeriću.

Predsjedavajući:

ispravka krivog navoda zastupnica Kristić,

Dopredsjedavajuća Danijela Kristić

zahvaljujem predsjedavajući. Pa evo ja bih ispravila kolegu Zahiragića. Znači inicijativa koja je pompezno najavljena poslije izbora da je zaustavljena. Nije istina. Inicijativa je otišla napisмено prema svim općinama. Od nekih općina sam dobila odgovor. Čekam još druge općine da mi odgovore. Međutim u međuvremenu je došla presuda Ustavnog suda i naravno čekam da vidim kako će Kanton reagovati na to, gdje je odlučeno da različiti iznosi taksi nisu ustavni. Ja mislim da je sada do Kantona da Kanton treba ispoštovati odluku Ustavnog suda i onda dalje da vidimo prema općinama. I ne možete vi reći da sam ja zaustavila tu inicijativu. Ja mislim da ja trebam dobiti odgovor od svih općinama pa nastaviti dalje svoje djelovanje.

Hvala.

Poslanik/zastupnik Haris Zahiragić:

kolegice Kristić upravo suprotno. Ja sam pohvalio vašu inicijativu a kritikovao sam vaše kolege iz stranke i koalicione vaše kolege koje su to na žalost uradile da se to zaustavi to. Imam ja informacije iz vijeća kako su burno reagovali na tu vašu inicijativu. Dakle ja sam vas pohvalio kolegice Kristić i ja znam da ćete vi istrajati na toj inicijativi, a pitanje da li ćete imati podršku u svojim kolegama, kako u Skupštini, tako i lokalnim zajednicama. Tako da evo izvinjavam se ako ste me pogrešno shvatili ja sam upravo suprotno pokušavao poentirati. U tom smislu, evo volio bih da kao što je kolegica Krisitić reagovala, jer sam je vjerovatno imenovao u najboljoj namjeri da će i druge kolege razmisliti, posebno Vlada i ministar Delić da eventualno ovu sukcesivnu neku skalu da napravimo i da na taj način ukidamo poreze ili povećavamo ih tj naknade onima koji štete zaštiti okoliša. Ukoliko ne da predložimo u Budžetu da Budžet subvencionira i Vlada, privrednim subjektima koji eventualno za to ispune ne zna uslove plaćanje poreza, prijavama itd. U tom smislu nadam se da sam bio dovoljno jasan i eov želim zaista iz sveg srca želim da u teškom vremenu, nas 35 koji imamo puno veću odgovornost nego što nekada to mislimo, gdje 500.000 građana u nas gleda i očekuje neću pomoć od kojih je veliki broj egzistencijalno ugrožen, kada je privreda, pogotovo mala i srednja preduzeća i obrti kad asu na koljenima, najmanje što nama treba je sada da se na ovim ovako bitnim temama sukobljavamo politički. Pozivam vas da ako treba sjedimo do ujutro, da ne prekidamo sjednicu, evo ja sam spreman da diskutujemo, da pronađemo najbolje rješenje u interesu cijelog Kantona, svih lokalnih zajednica, svih građana i privrednika, ali naravno i ekologije i zaštite životne sredine jer vjerujte mi to kada uništimo, i ako uništimo neće biti puta nazad. Hvala vam.

Predsjedavajući:

zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

zahvaljujem predsjedavajući. Pa prije svega htjela bih da se zahvalim premijeru Forti zato što mi je on dao neke odgovore na pitanja koja sam postavila a iskrena da budem, nisam pitala njega nego ministra finansija. Hvala premijeru. Vi niste krivi što vaši ministri nisu na poslu i što ne prate kako Zakon, tako i neke procedure. I hvala i vama ministrice Brčić što ste odgovorili na pitanje, iako vjerovatno niste ni očekivali da ću vas pitati ovako nešto, ali čisto s pravne strane me interesovalo kakva je u suštini odgovornost. Na žalost, moram priznati da ministar Delić nakon svih ovih pitanja koja sam isključivo pravne prirode pitala i stvarno me interesuje, jer je to sve ministre Deliću u materijalu koji ste nam vi dostavili, dobila sam odgovore da iskreno kažem da ne znate uopšte ni šta bi mi rekli, ali bolje da ste rekli da ne znate odgovore na pitanja koja su upućena, to bi bilo fer i da kažem pošteno. Mislim da pitate kolegu Konakovića upravo o pripremi Zakona i kako se priprema neki Zakon, kako se iščitavaju materijali, može vam držati da kažem jednu lekciju na nekoj političkoj akademiji, kako u suštini treba jedan ministar u Vladi da se pripremi. Evo neću spominjati uopšte mjesto premijera jer mislim da premijer Forto zna dosta materijala koje se stavljaju na tačku dnevnog reda. Na žalost pitala sam vas neku suštinu, niste ni na jedno pitanje odgovorili. Evo ja ću, radi građana Kantona Sarajevo da čisto uputim ih i da obrazložim zašto sam to pitala. Nemam nikakve namjere, kao što ni kolega Zahiragić je već rekao, živimo na području općine Stari Grad, nemamo nekih interesnih da kažem, evo što kolega Konaković kaže sfera, a li se sa pravne strane i ovakav Zakon staviti u proceduru, koji kažete da je od velike važnosti za građane Kantona Sarajevo jer spominjete neka 3 miliona rasterećenja. Želim prije svega i da vama pojasnim i za građane Kantona Sarajevo. Pitala sam vas kakav je efekt izmjene člana 61. Zakona po budžet Kantona Sarajevo iz razloga zato što je Ministarstvo finansija, on jeste

dao pozitivno mišljenje, rekao je da nema primjedbi, ali evo i premijeru Forti isto tako da u zadnjem odlomku tog mišljenja stoji ovako, da ovo mišljenje je dato u skladu sa odredbama prijedloga Zakona koji se obrađuju i podataka navedenih u obrascu izjave o fiskalnoj procjeni čija tačnost je u isključivoj odgovornosti predlagača, znači Ministarstva privrede. Te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage. U ovom slučaju, ministar finansija, žao mi je što nije ovdje, voljela bih čisto sa strane aspekta njegove struke da mi kaže zašto je dao alternativu u mišljenju? To ministrica Brčić vrlo dobro zna, on se ogradio od odgovornosti i rekao je ako ne budu tačni podaci. Ja sam pitala ministra Delića, žao mi je, da li je izrevoltiran ili ovako nešto burno reaguje, nema uopšte potrebe ovo je čisto pravno pitanje, kako će se mišljenje staviti van snage ako se usvoji Zakon a utvrdi se da su podaci netačni? Ko snosi odgovornost? Ministrica Brčić mi je spominjala da kažem, novčane kazne, vezane za to. Mene stvarno interesuje šta bi se u suštini desilo da dođemo do nekih netačnih podataka? Kako u suštini da mi kao Skupština povučemo sada da kažem i stavi van snage ovakvo mišljenje finansija, koje je nama potrebno. Sasvim je logično da mene kao zastupnika interesuje na šta je aludirao ministar finansija? Je li ovo alternativno rješenje? Ne možemo reći da je on dao u cijelosti pozitivno mišljenje ipak na ovako značajnu izmjenu Zakona. Nisam dobila ni jedan odgovor. Na žalost, vrlo neozbiljno. Ako već pripremamo za poziciju ovakav bitan Zakon i kažu da ćemo rasteretiti mnoge privrednike onda ovo meni stvarno nije dobro spremljeno, ne zato da bih ja nešto kritikovala ovu Vladu nego u principu svi građani Kantona Sarajevo vide da nije skroz spremljen Zakon koji je stavljen kao tačka dnevnog reda. Što se tiče izvještaja koji sam pitala opet ministra Delića, žao mi je ministre, evo ne kritikujem ali iznos svoje stvarno neke činjenice koje ne možemo zanemariti, a to je istina. Rekli ste, nje to isti Zakon koji je bio u nacrtu 2019. kako nije isti Zakon kada sadrži iste odredbe? Ministrica pravde vam može reći da u principu radi se o istom Zakonu. Promjene nisu bile velike. Ja sam navela kada je kolega Konaković govorio da se u suštini ide izmjenama radi realnosti pandemije, da se već 2019. godine razmatrao Nacrt Zakona i da je taj član 61 išao u izmjenu da se već sa 0,07 smanji na 0,04. Znači razlika je mala. I da od poreznih i neporeznih prihoda u budžet za tekuću godinu idu ta sredstva koja bi iznosila 0,4%. pitala sam dalje zašto nije Skupština dobila sljedeće izvještaje nakon rasprave, ministar mi je rekao da je u suštini taj izvještaj bio pripremljen ali da kod smjene Vlada ne zna u suštini zašto nije dostavljen Skupštini. Ako je bilo ministre 30 dana i morala se javna rasprava sprovesti do 11.01.2020. ministar tadašnji Bašić je imao dva mjeseca, jer je nova Vlada tek postavljena 03.03. 2020.godine da dostavi taj izvještaj. Ono što mene stvarno interesuje a kolega Mahir Dević je već spominjao to su tačke 2 i 4. koje su u suštini usvojene. Mi smo ih kao najveće zakonodavno tijelo usvojili. Nije niko drugi usvajao nego mi, da se javna rasprava održava u kantonalnim organima, jedinicama lokalne uprave, naučnim i stručnim ustanovama i naravno ad nas sviju interesuje šta u suštini struka i šta eksperti u toj struci kažu. Ja s obzirom da sam ljekar, ne poznajem toliko ovu tematiku, ali me zanima šta u suštini struka može reći. I naravno Vlada Kantona pod tačkom 4. je bila dužna da nakon provedene javne rasprave podnese izvještaj. Mene zanima ministre Deliću, šta je u suštini stvarno struka rekla? Da li je za to? Da li je protiv? Da li treba ići u ovakvu izmjenu člana 61? nije samo bila izmjena člana 61, bilo je tada u Nacrtu Zakona šest članova Zakona koji su tada u tom periodu mijenjali, ali ne možete reći da Zakon nije isti kada sadrži iste odredbe. Kažete dalje vi ste protiv ovog Zakona. Ni u jednom niste mom pitanju mogli čuti nešto da sam ja protiv. Ja samo ono što ste dostavili u materijalu tražim pravno objašnjenje za ovakve postupke koji su po meni sasvim normalni kao zastupniku da se interesujemo, i da pročitamo sav materijal koji je došao. Tako da stvarno ne mogu da opravdam vaše neznanje vezao za ovaj Zakon. S obzirom da znamo da je u suštini samo donošenje iz oblasti šumarstva u suštini nadležnost federalnog propisa, ipak je devet Kantona donijelo svoje propise za oblast šumarstva, smatram da donošenje kantonalnih Zakona o šumama FBiH se nekako uskraćuje sama nadležnost propisana Ustavom FBiH. I na različite načine je uređeno upravljanje i

gospodarenje šumama, pitanje vlasništva kao i samo izdvajanje finansijskih sredstava za korištenje, zaštitu i unapređenje šuma što je u suštini u suprotnostima sa ustavnim odredbama. Tako da samim tim izmjenama koje radimo nekako bi došli u suprotnost sa Ustavom FBiH. Tako evo ja još jednom pozivam ministra Delića, da ne shvata ništa lično, da ovo nije nikakva ni kritika ni da smo mi protiv donošenja ovog Zakona, nego jednostavno kada se neki materijal stvarno dostavi nama zastupnicima 12 dana ranije, ja barem tako sve iščitam, i onda sam našla niz nepravilnosti, a pogotovo me zabrinjava, i dalje ostajem oko mišljenja finansija i to ću vas premijeru moliti, da mi ministar finansija pismeno dostavi zašto je u principu dao alternativno mišljenje kod izmjene ovog Zakona. Evo hvala još jednom, hvala premijeru, i ministrici Brčić na postavljenim pitanjima iako nije njihova nadležnost.

Predsjedavajući:

sljedeća prijavljena za diskusiju zastupnica Vildana Bešlija.

Poslanik/zastupnik Vildana Bešlija:

hvala predsjedavajući. Jel me čujete? Hvala još jednom. Pa kao osoba koja je inicirala preispitivanje parasfikalnih nameta u Kantonu Sarajevo u cilju rasterećenja privrede, želim prvenstveno pohvaliti nastojanje Vlade i ministra, nadležno Ministarstvo, da se jedan od nameta koji je prepoznat od strane privrednika kao opterećujući, ukine, ali i smanjenje u ovim okolnostima jer je zaista adekvatno. Također smatram da je potrebno odrediti način trošenja ovih sredstava i više puta smo to čuli u diskusiji, i treba povesti adekvatnu brigu o šumama paralelno s tim. Drago mi je da se konačno bavimo konkretnim prijedlozima koji imaju za cilj pomoć privredi. Upravo ono tšo je maloprije u odgovorima ministar Delić obrazložio po mom mišljenju u suštini mnogo govori činjenica da će ostati upravo onoliko koliko je dovoljno da se obezbijedi normalno funkcionisanje u ovoj oblasti, da ništa neće statit i sa ovim smanjenjem, govori da se i u ovom momentu vodilo računa o predloženim mjerama, da ništa nije urađeno preko koljena, i da ništa nije urađano onako kako je to neko mislio u određenom momentu da se treba desiti. Čuli smo da je posljednjih godina cca 6 miliona od privrednika se punilo na taj način u budžetu, također smo čuli da u 2020.godini. Znači u godini pandemije izuzetnoj teškoj godini nezapamćeno teškoj godini za naše privrednike, ipak se izdvojilo, odnosno ubralo po tom osnovu više nešto i od 4 miliona. I da je u toj godini pandemije, Vlada tada preusmjerila skoro 2 milina na GRAS. Što opet govori u prilog činjenici da sredstava ima, da se adekvatnim upravljanjem u što ne sumnjam da ima namjeru i ministar i ova Vlada, da će se ovo riješiti i da neće biti problema na kojima smo u suštini upozoravani već neki duži period, koliko se raspravlja. Znači treba, iako je ovo početak uređenja ubiranja i troškova ovih sredstava, a i opštine na koje smo evo upozoreni da bi mogle biti udar na njihov budžet, treba naći način ako treba i to da se prevaziđe, ali ovo je zaista jedan neophodan korak koji smo morali napraviti u ovom momentu. Jednostavno ne možemo više imati zatvorene oči pred problemima nakon kojih u prošloj godini se jako malo uradilo. Prošla Vlada stvarno gotovo ništa nije uradila za privredu i mi moramo početi odnekud. Znamo da sivi ovi rezovi neće biti jednostavni, znamo šta nas čeka, suočavamo se svaki dan s tim. Jednostavno to je sada svakodnevica, a mislim da je ovo dobra stvar što se tiče privrednika, oni su na ovo upozoravali i godinama ranije, kada uopšte nije bilo ovakvih problema. A sada, ja zaista ne mogu da vjerujem da ovoliko u suštini vodimo diskusiju oko neke stvari koja je meni posve jasna. Ne treba zaboraviti da je već odavno upućena inicijativa za izmjenu federalnog Zakona o šumama i još uvijek nije došlo do toga. Znači očigledno da je ova oblast, to svi smo toga svjesni, da je u sivoj zoni. Tu ima dosta posla. Međutim čuli smo i razne diskusije kao i onu koja direktno upućuje na neistine i zamjenu teza pa nam se prijetilo Ustavnim sudom i kao argument smo imali čuti za usvajanje izmjena Zakona ćemo morati uskladiti sa eventualnim donošenjem Zakona na federalnom. Naravno, to je svakodnevica, i to će se uvijek i uraditi. U toku diskusije, više puta smo čuli kako je važno i drugo mišljenje. Pa evo ja sam prije

podnošenja inicijative, tada nekada 2019 godine, upravo ovim povodom, u to vrijeme pričala sa profesorima sa Šumarskog fakulteta, i ono što je navedeno kao najveći problem evo da i to sada već kažem, pored nekih koje je naveo i kolega Dević, je upravo taj da su ti profesori i struka u više navrata upućivali, inicirali i dostavljali izmjene federalnog Zakona ali nije bilo političke volje da se to riješi na tom nivou. I zato jš jednom pozdravljam izmjene Zakona, ove hitne izmjene jer zaista one jesu hitne i trebaju nam i krajnje je vrijeme da se počne raditi u tom smjeru. Međutim svjesna neprocjenjivog značaja šuma, ja sam podnijela također izmjenu i dopunu Zakona o šumama koja se odnosi na pojačano čuvanje i adekvatno sankcionisanje bespravne sječe i zauzimanja šumarskog zemljišta također poodavno sam podnijela tu inicijativu, jer ono što nam ostaje kao veliki problem jeste to da za ne provođenje zaštite šuma nije propisana nikakva sankcija i Uprava, odnosno čuvari šuma nemaju nikakve odgovornosti za manjkavo čuvanje šuma. I zbog svega navedenog, šumarska inspekcija koja vrši nadzor prema Upravi, odnosno čuvarima šuma, ne može pokretati adekvatne mjere, prekršajne odgovornosti. Više puta je pismeno od Ministarstva privrede i prijašnjih ministara traženo da se ovo pitanje uredi, međutim očito je da do sada ništa konkretno nije urađeno. Ukoliko riješimo i ove probleme, i budemo imali adekvatan plan pošumljavanja i održavanja šuma i naravno domaćinsko upravljanje te se nadam da će Ministarstvo u narednom periodu uraditi sve neophodne korake kako bi zaštitili šume a naravno pozdravljam hitnu izmjenu ovog Zakona ka uređenju ove oblasti koja predstavlja važan koran u daljnjem unapređenju ovo svega. Hvala vam.

Predsjedavajući:

sljedeća prijavljena za diskusiju zastupnica Admela Hodžić.

Poslanik/zastupnik Admela Hodžić:

zahvaljujem predsjedavajući. Pa evo ja ću o ovoj temi govoriti na malo drugačiji način, sa malo više empatije prema privredi i privrednicima i realnom sektoru. Sa aspekta ekonomije, naknada za OKFS je namet tretiran kao parafiskalni namet za koji platitelj ne dobiva zauzvrat ne dobiva neku uslugu, dobro ili pravo. Potpuno podržavam opredjeljenje Vlade Kantona Sarajevo da se ide u pravcu rasterećenja privrede i ovaj prijedlog Ministarstva privrede Kantona Sarajevo koji smatra da treba pristupiti izmjeni Zakona o šumama Kantona Sarajevo, podržavam kao jedan pozitivan korak ali ne i posljednji kada se radi o smanjenju nameta privrednicima Kantona Sarajevo. U vrijeme pandemije nije baš bilo uobičajena praksa da se pretjerano brzo reaguje iz javnog sektora. Izvršna i zakonodavna vlast u pojedinim segmentima i te kako je zakazala. u prilogu tome govori i činjenica da su plaće za april i maj isplaćene tek u augustu ili septembru prošle godine, a za juni i juli prije neki dan ili se tek isplaćuju. Privrednici svojim poslovnim aktivnostima, porezima i doprinosima godinama pune budžete kojima se finansira glomazna javna administracija i svi tekući troškovi, kao i kapitalne investicije za opće dobro. Međutim samo jedna godina pandemije i recesije je pokazala svu bezobzirnost sistema koji nas je trebao zaštititi i pomoći da ne ostanemo bez minimalnih primanja radnika realnog sektora. Godine rastrošne politike koja je samo težila ka benefitima u javnom sektoru, potpuno je obezvrijedila i gurnula u stranu vrijednost i ljudsko dostojanstvo u realnom sektoru. Kada se radi o povećanju nameta privredi, taj iznos se iz godine u godinu samo povećavao, a prava radnika realnog sektora ostala su na razini nekog klasnog društva iz 1911 godine. U toku pandemije vidjeli smo rapidan pad priliva u budžetu. Vidjeli smo smanjenje poslovnih aktivnosti u privredi i potpuno gašenje firmi i obrta. Vidjeli smo veliki broj radnika iz privrede na birou, za jedan dan stotine i hiljade. Tužno je bilo posmatrati u najbližem okruženju kako vam prve komšije ostaju bez posla, oba supružnika u jednom danu, kompletna porodica bez primanja, bez egzistencije. Ti radnici nisu mogli doći pre Kanton ili Federalni parlament da za novonastalo stanje kažu da nisu krivi i da žele da ih država zaštiti i omogući ista prava kao u prethodnom periodu, kao prije pandemije. No

međutim, u javnom sektoru ništa se nije promijenilo. Plaće su ostale iste, sve naknade i benefiti nepromijenjeni, i zato mogu biti zahvalni Zakonu o radu i kolektivnim ugovorima. Zato također mogu biti zahvalni onima koji su godinama bili na vlasti provodeći politike vlastitih interesa, koji su se samo brinuli kako osigurati i zaštititi prava izabраниh i imenovanih zvaničnika, i radnika u javnom sektoru, dok je realni sektor, odnosno radnici realnog sektora ostali s pravom minimalca od 406 KM u FBiH. U entitetu RS taj minimalac iznosi 520 KM od 2019 godine. U RS je u 2019 godine stupio na snagu Zakon o subvencijama za privrednike, odnosno sufinansiranje doprinosa zbog povećanja minimalaca i za oko 18.000 radnika, odnosno za njihove plaće, poslodavci koriste ova prava. U FBiH ne postoje takav Zakon jer privrednici, a pogotovo radnici realnog sektora o tome nemaju s kim razgovarati. Imate informaciju na nekom od portala da je Vlada FBiH prije nekoliko godina uputila u parlamentarnu proceduru Zakon o doprinosima i Zakon o porezu na dohodak i tu je kraj. Kada se radi o povećanju plaća, koeficijentata i naknada u javnom sektoru, takve se odluke donose preko noći. Kada se radi o realnom sektoru takvi zakoni stoje u proceduri i po nekoliko godina. Ko u vrijeme ove pandemije nije shvatio da smo ustvari zarobljeni u klasnom društvom gdje na višim nivoima vlasti nemamo s kim razgovarati o nekm skorijem poboljšanju i promjenama, onda treba da shvati da upravo ovdje odgaja dijete koje će služiti da i pored visokog obrazovanja radi za 406 KM da bi neko u državnoj službi imao 1000 KM primanja. Bojim se da kada prođe pandemija, i otvore se granica neće više biti nikoga u ovoj zemlji ko će nam raditi u realnom sektoru ni za 1400 KM a kamo li za 400. nego će na vrijeme djecu izvesti na pravi put, odnosno u Europu. Nadam se da ćemo u skorije vrijeme imati političare na svim nivoima vlasti koji će ovaj problem shvatiti i rješavati kao problem jedan. Kao i pronatalitetne politike i politike zaustavljanja odlaska stanovništva. Zbog toga puna podrška Ministarstvu privrede i Vladi Kantona Sarajevo za umanjeње nameta privrednicima ali i sljedeći korak očekujem da to bude konkretan prijedlog ušteda za povećanje plaća radnicima u realnom sektoru. Toliko zahvaljujem,

Predsjedavajući:

imamo prvo repliku Jasmine Bišćević-Tokić pretpostavljam Admeli Hodžić.

Poslanik/zastupnik Jasmina Bišćević-Tokić:

zahvaljujem predsjedavajući. Jeste evo ja sam i napisala kolegici Admeli repliku. Danas je mislim kolega Mahir ili kolega Zahiragić podnijeli inicijativu vezano za odricanje nezavisnih zastupnika da kažem novčanih sredstava pa evo ja je ovom prilikom i pozivam kako bi svi pridonijeli privrednom sektoru, evo ad se prije svega svi odrekemo u korist realnog sektora kako bi na neki način iskazali podršku prema njima. Zahvaljujem,

Predsjedavajući:

zastupnik Elvis Vreto prva diskusija.

Poslanik/zastupnik Elvis Vreto;

hvala predsjedavajući. Želim zaista da pohvalim Vladu, posebno ministra Delića koji je pripremio i uputio navedene izmjene Zakona o šumama a kojim se predlaže rasterećenje privrede kao i ukidanje parafiskalnih nameta, u vidu 50% smanjenja naknade za OKFS. Smanjenja i ukidanje parafiskalnih nameta u konkretnom slučaju ne znače ukidanje sredstava za OKFS. Kao što pojedine kolege zastupnici žele to predstaviti. Pažljivo sam slušao uvodne napomene i odgovore na pitanja ministra Delića, i tu je stvar meni jasna. I na koji način će se obezbijediti sredstva uzrokovana smanjenjem prihoda po ovom osnovu. Jasno je rečeno da u narednom periodu od 2 godine, postoje akumulirana sredstva kojim će se umanjeње refundirati. A za dvije godine će u budžetu biti planiran iznos shodno posebna stavka koliko bude umanjeње prihoda po ovom osnovu. Ponavljam sredstva za OKFS se ne ukidaju već se

na drugi način planiraju ,a privreda se na ovaj način rasterećuje nepotrebnih parafiskalnih nameta. Ništa se ugroziti neće već se stvoriti povoljniji ambijent za razvoj privrede a dugoročno to može donijeti samo povećanje prihoda. Jednostavno neopravdani su strahovi koji se iznose po ovom osnovu. Želim da iskažem svoju punu podršku navedenim izmjenama Zakona, kao i namjeri da se naknada, odnosno način prikupljanja sredstava u narednom periodu u potpunosti ukine. Kao i prijedlozima o ukidanjima ostalih sličnih parafiskalnih nameta što u narednom periodu očekujem od Vlade. Toliko predsjedavajući, hvala.

Predsjedavajući:

druga diskusija zastupnik Mahir Dević.

Poslanik/zastupnik Mahir Dević:

zahvaljujem. Čujemo li se predsjedavajući? Vidite predsjedavajući za mene ne postoji veći parafiskalni namet od ovoga što je danas uradila skupština kantona na moju inicijativu da se dodatnih 1600 ili 1700 KM samostalni zastupnici odreknu, naravno nezakonitog primanja, od jednog takvog stava. I onda slušamo ovdje moraliziranja pojedinih zastupnika kako su oni ustvari ti koji se sikiraju za privredu a paralelno s tim imaju platu između 2500 i 3000 KM plus 1500, 1600 KM. Znači po neke 4500 KM. E sada da vam to uporedim sa ovim parafiskalnim nametom kako ga vi zovete. To je kao predsjednik države BIH. Znači ovi prethodni govornici imaju plate kao predsjednici države BIH. I sikiraju se za privredu. A paralelno s tim ja sam vam rekao da 700 KM dolazi na milion prihoda. Pa evo vi sada saberite otprilike koliko neka firma treba imati prihoda da bi platila toliko parafiskalnih nameta. Vjerovatno treba biti dobro, dobro uspješna firma da bi postigla takve prihode i zaradila. I zaista jedan ovakav odnos na način imamo između 4.500 i 5000 i sikiramo se za privredu, i za privrednike je nešto što je van logike, van razuma. Mi nismo rekli da smo uopće protiv da se rastereti privreda. Mi smo kazali da se bojimo da će ako se popolove ova sredstva od OKFŠ, a ponavljam vam federalni zakon je predvidio koji je stavljen van snage na ustavnom sudu 1%. KS je to smanjio na 0,7%. mi smo rekli da bi trebalo to uraditi da ide 0,5% da bi bilo dobro da osiguramo stabilno finansiranje svih obaveza koje su propisane članom 62 zakona. A one su sljedeće radi građana Kantona Sarajevo : izrada i revizija kantonalnog šumskog razvojnog plana, rekao sam vam da su te šumsko gospodarne osnove 2 miliona KM. Što privatnih šuma, što državnih šuma. Šta ćemo sa zaštitom šuma od požara? Da li vi znate predsjedavajući i kolegice i kolege kada bi došlo do ozbiljnijeg požara na području Kantona Sarajevo da mi ne bismo bili kadri da taj požar ugasimo. Da li je to vama jasno da bi na taj način požar prouzrokovao milionske štete za Kanton Sarajevo. U taj segment ne ulažemo ništa posebno. Obezbijedit ćemo sredstva za Upravu za šumarstvo da radi u kapacitetu koji ima. Sada smo spominjali svi da imamo prekomjernu krađu šuma, valjda treba da zaposlimo onda još više tih šumskih radnika na čuvanju šuma, iz kojih ćemo sredstava to uraditi? Tako da i dalje smo mišljenja da bi ovu stavku trebalo vratiti na 0,5% i da bi na taj način bio jedan kompromis da se pošalje jedna dobra poruka prema privredi i prema svemu onome u čemu se nalazi naravno privreda Kantona Sarajevo a ne da im šaljemo poruku takvu što ćemo imati kao samostalni zastupnici 1600 KM dodatnih primanja. To su vam predsjedavajući dvije prosječne federalne plate. I to je najveći oblik političke korupcije u Skupštini Kantona Sarajevo. Hvala vam.

Predsjedavajući:

ispravka krivog navoda zastupnik Konaković.

Poslanik/zastupnik Elmedin Konaković:

meni nekako odmah to zapara uši. Kolega Dević samo govori trebamo još zapošljavati. Trebamo još zapošljavati. Ne treba se zapošljavati. Hvala. Prijatno.

Predsjedavajući:

Damir Nikšić replika zastupniku Deviću.

Poslanik/zastupnik Damir Nikšić:

hvala vam. Ovako, finansiranje svih zastupnika u Skupštini Kantona Sarajevo je po državnom Zakonu o finansiranju političkih stranaka koji ne diskriminira protiv samostalnih, tj. nestranačkih zastupnika za razliku od kolege Devića koji je šef jednog od najvećih klubova, i najveće i najbrojnije stranke, koja prima iz budžeta skoro milione. Ako želi da smanji izdatke zastupnicima i strankama, on vjerovatno zna da kada bi smanjio izdatke samostalnim zastupnicima oni ne bi otišli u humanitarne svrhe nego bi ih razgrabile stranke. Te iste izdatke. Jer izdaci idu iz 0,02% budžeta. Ako želi da smanji te izdatke i strankama i ako želi da smanji i samostalnim nestranačkim zastupnicima onda mora da smanji budžet. A budžet će smanjiti tako što će smanjiti parafiskalne namete. Tako da je to logika koje bi se trebao držati. A ne braniti parafiskalne namete a onda selektivno i protuzakonito nekome ne dati novac i populistički ovdje govoriti o tome kako su, pazite, samostalni zastupnici nezavisni samostalni zastupnici su osnova parlamentarizma. Nezavisnost. Mi smo proslavili Dan nezavisnosti. Nezavisnost je jako bitna u parlamentarizmu, da ne bi bili zavisni. Da bi bili nezavisni. Da ne bi bili zavisni od stranaka od stranačke politike da bi bio eko ko kaže ne i ko razmišlja svojom glavom, nezavisno, građanski civilno. I to je najveći problem u Kantonu Sarajevo i u državi koja je zarobljena i koja je partijska država. U partokratskoj državi najveći su problem nezavisni umovi i nezavisni zastupnici. Možete zamisliti i to dolazi iz partije koja je što se Sarajeva tiče i ovih dijelova, totalitarna jedna partija, autoritarna partija. Prezidencijalna partija. I nezavisni um i nezavisni ljudi su problem i na tome se populizam pravi.

Predsjedavajući:

poslovnička intervencija zastupnik Zahiragić.

Poslanik/zastupnik Haris Zahiragić:

kolega Damire možemo i mi ovako teatralno govoriti iako možda nemamo iskustva kao vi. Molim vas kolega Damire, ja znam da ste vi umjetnik. Ja sam vaš fan. Lajkovo sam vam stranicu, fulio predstavu.

Poslanik/zastupnik Damir Nikšić.

To je nerelevantno sada. Dozvolite mi da završim.

Poslanik/zastupnik Haris Zahiragić:

kolega Nikšiću molim vas, nemojte koristiti skupštinsku salu i skupštinski virtualni prostor jer ste vi tako htjeli, ne salu, za neke predstave koje vi vrlo vješto iznosite. Po Poslovniku i kolega Okeriću molim vas, mora se znati na koji način se govori. Partokratski, lopovski, ovakav, onakav. Molim vas kolega Okeriću nemojte dozvoliti da takve optužbe slušamo. Vjerujte mi ja nisam nikada spomenuo ASU, i sam se okušao u tim disciplinama međutim bio sam uvijek talentovan i ukoliko želite da mi ovdje pravimo predstavu, vjerujte mi dobit ćemo takvu predstavu da će ljudi plaćati ulaznicu na ovaj online cirkus koji mi ovdje pravimo. Zato vas molim hajde da budemo normalni. Ljudi do nas očekuju, gleda nas 500.000 ljudi u teškim situacijama i žene koje za 600 KM rade, ne mogu shvatiti vašu potrebu da imate plate ko Šefik Džaferović, Željko Komšić i Milorad Dodik. A tim prije, jer su pojedine kolege koji primaju 4500 i 5000 KM ovdje, btw nezakonito, dobile po hiljadu, dvije glasova. A uprkos tome članovi Predsjedništva su se odrekli 2/3 plate u pandemiji a vi nećete ni tog nezakonitog dodatka. Što se mene tiče, hajmo ukinuti sva finansiranja, hajmo raditi bez plate, evo sada glasamo. Ali neka ne bude to samo izgovor za politiku, nego za stvarnu podršku privredi. Evo ja prvi podnosim takvu inicijativu ako može sada da se odmah izjasnimo. Dok traje pandemija

da niko od nas ne prima ništa. Izvolite.

Predsjedavajući:

zastupnik Nikšić nastavite. Evo imamo ispravku krivog navoda.

Poslanik/zastupnik Damir Nikšić:

tražio sam poslovničku intervenciju.

Predsjedavajući:

imamo nekoliko prepiski zastupnika. Evo imamo vašu poslovničku, zastupnik Damir Nikšić.

Poslanik/zastupnik Damir Nikšić:

vidite, mi gospodine Zahiragiću ja i vi smo dva smo svijeta različita. Drugačije smo obrazovani, u drugačijim uslovima odrasli, ja ovdje koristim političke izraze, politički vokabular koji je sasvim primjeren jednoj političkoj instituciji, odnosno Skupštini Kantona Sarajevo. Moj lični izraz kao individualni izraz kao građanina, zastupnika, pa možda ne miješam to toliko, ovo je moj lični izraz u mom privatnom životu, to ste uspjeli da se uvjerite, nije tema Skupštine i ne treba da bude tema analize kolega. Ali, ponašanje, odnosno moje ocjene, političke ocjene, određenih poteza, određenih kampanja moraju biti dozvoljene meni da ih iznesem, pogotovo što predstavljam glas manjine u ovoj Skupštini. Ne samo manjine u odnosu, čak sam i manjina u vladajućoj većini, kako ste primijetili do sada. I molim vas da mi dozvolite, ja ne mogu, vi ako mislite da homogenizirate čitav grad, i da uspostavite neku hegemoniju kulturnu i da nas naučite, i da me pokušate naštimati kako ja to treba da se ponašam i kako treba da pričam. Ako vam se ne sviđa kako pričam, to je vaš problem. Ja ne dozvoljavam da se kritikujem. To sam prije isto rekao i uvaženom kolegi Mariću da ne može ulaziti u analizu još stila, u psihoanalizu svojih kolega. Ja imam pravo da se jednostavno izražavam onako kako se izražavam i da koristim politički vokabular. Partokratija je partokratija. Zarobljena država, partijska država. Sve su to legitimni izrazi. Molim vas, nemojte me cenzurisati u Skupštini. Inače nemamo slobodu govora. Hvala vam.

Predsjedavajući:

zastupnik Damir Marjanović ispravka krivog navoda.

Poslanik/zastupnik Damir Marjanović:

zahvaljujem predsjedavajući. Slušam diskusiju, ona je jako zanimljiva ide u jednom zanimljivom pravcu. Htio bih da napravim jednu ispravku krivog navoda ali više onakvu da razjasnimo neke stvari, posebno ljudima koji u ove kasne sate slušaju ove Skupštine. Kolega Dević na neki način stalno potencira samostalne zastupnike i izdvajanja koja samostalni zastupnici u ovom momentu dobijaju iz Skupštine za svoja skupštinska djelovanja. I danas sam gledao između ostalog ovu inicijativu koju je kolega Dević na neki način predložio i nadao sam nečemu konkretnijem u cijeloj priči. Pa hajte samo malo da pojasnim vezano za ta izdvajanja. Nekako se stiče dojam da ta izdvajanja samostalni zastupnici koji dobijaju su ustvari neka izdvajanja koja se uzimaju od poreskih obveznika i kada bi se oni odrekli tih izdvajanja da bi se to na neki način direktno vratilo u obrazovanje, u nauku. Ove zanimljive prijedloge koje je kolega Haris Zahiragić između ostalog spominjao, i koje ja potpisujem, ono što trebate znati, ta izdvajanja ako ih se samostalni zastupnici odreknu, oni se vraćaju u jedan, ovo govorim za ljude ne za kolegu Devića, jer on to dobro zna, on je bio predsjednik te komisije koja između ostalog mogla to riješiti u tom proteklom mandatu, ali ne znam vjerovatno od svojih obaveza to nije stigao da uradi, vraćaju se u jedan put finansiranja stranaka. I novac koji samostalni zastupnici dobijaju onda se vraćaju put stranaka i dijele se po strankama koje sudjeluju u vlasti. To nije novac da se vrati u obrazovanje, u nauku, nego

po difoltu se vraća i povećavaju se izdvajanja za one stranke koje sudjeluju tu. Ja sam između ostalog sugerirao čini mi se na prošloj sjednici kada je bila priča o budžetu, pa je neko rekao hajmo iz nauke što izdvajamo za nauku da prebacimo za čini mi se porodilje, čini mi se da je to kolegica Bišćević-Tokić predložila. Ja sam odmah predložio da je to odlučna ideja da se mnogo više izdvaja za porodilje i onda sam predložio da za sva izdvajanja stranačka koja se sada trenutno daju strankama u Kantonu Sarajevo da se preusmjere upravo ka tome. Tako da ja u potpunosti podržavam, evo odmah javno kažem odričem se bilo kakvog izdvajanja koje se uplaćuje samostalnim zastupnicima pod uvjetom da ta izdvajanja kao i sva ostala izdvajanja stranaka budu se uplatila recimo u neke svrhe potpunu povećanja naknada porodiljama, pomaganje privredi itd. Ovo što kolega Dević je danas između ostalog u svojoj jednoj diskusiji ako se sjećam inicijativi koju je imao čak je htio da kaže nelegalna izdvajanja. Na žalost, gledajte, ispada da samostalni zastupnici rade nešto nelegalno a ja ne bih rekao da nam je neko upozorio nas na to. Dapače mi nismo čak taj dio ni tražili, nego su nam zajedničke službe obrazložile način na koji se to radi i kako se to radi. I kako se to već radi i godinama i mjesecima pa čak i u mandatu u kojem kolega Dević bio predsjednik te komisije, koju sada pozivamo da radi to skupštinski. Ja sam između ostalog sugerirao u ovoj inicijativi, ne bi bilo loše da stvarno preispitamo sve te modele finansiranja pa da kroz opciju a sve se stranke odreknu bilo kakvih novaca i preusmjere upravo ovamo gdje kolega Zahiragić i kolegica Bišćević-Tokić prošli put, evo i ja bih sugerirao da se preusmjere, ili druga opcija da se obustave trenutno finansiranje svih stranaka dok se ne napiše jasan pravilnik o samostalnim zastupnicima. Jer gledajte, kolega Deviću, ja u potpunosti razumijem da postoje različiti nivoi lojalnosti. Neki ljudi su lojalni dresovima, neki, evo završavam izvinjavam se. Ovo je prva diskusija, ispravka, u pravu ste. Neki ljudi su lojalni dresovima, neki ljudi su lojalni strankama jer su mnogo toga ostvarili kroz njih, a neki ljudi su lojalni idejama pa nemaju problem da napuste neke dresove ako im se više ideje ne poklapaju. Tako da samo ponovim još jednom zbog šire javnosti kao samostalni zastupnik nemam ništa protiv i pozivam, evo podržavam kolegu Harisa Zahiragića i još koji put danas ga podržavam da se u potpunosti odrekemo svih finansiranja u Kantonu Sarajevo, glede stranačkih aktivnosti bez obzira jel su to klubovi zastupnika ili samostalni zastupnici i da ih preusmjerimo ka nekoj od ovih dobrih i plemenitih ideja. Ja vam se zahvaljujem.

Predsjedavajući:

ispravka krivog navoda, zastupnik Mahir Dević.

Poslanik/zastupnik Mahir Dević:

kolega Marjanoviću, otišli smo s teme naravno. Mi smo na tačci dnevnog reda izmjena po skraćenom postupku Zakona o šumama, a vi ste otišli na ovu inicijativu koju sam ja jutros predložio. Ali vi niste kolega podržali tu inicijativu, niste glasali za nju. Vi ste nju na neki način uslovljavali, nekim drugim stvarima itd. Nije korektno i nije poruka prema privredi Kantona Sarajevo i konačno nije u skladu sa Zakonom da se odrekemo političke stranke. Ne slažemo se stavovima te političke stranke, sredstva koja je ona dobila po osnovu mandata ponesemo sa sobom, a onda ponovo budemo dio parlamentarne većine koju čini ta stranka iz koje smo došli, složiti ćete se sa mnom nešto se tu baš ne uklapa u konkretnoj situaciji. I konačno, nije pošteno da pored plata koje su za ove uslove rada enormno visoke, dodajemo sebi još ta finansijska sredstva, i još da pričamo o pomoći privredi Kantona Sarajevo. To zaista nije konzistentno i naravno ja ću ovu inicijativu uputiti i na narednoj sjednici Skupštine Kantona Sarajevo ponavljat ću je sve dok se ovaj segment ne uredi. Pravo da vam kažem, kratak period sam bio predsjednik komisije za izbor i imenovanja i nisam znao da se ovo na ovakav način radi. Mislio sam da postoji određeni žiro račun kluba, i da ta pravdanja sredstava podrazumijevaju jednu transparentnost jedan ozbiljan rad, da ne idu na privatne

račune zastupnika.

Predsjedavajući:

kolega Deviću evo napominjem i vas i sve ostale kolege da se vratite na temu.

Poslanik/zastupnik Mahir Dević:

otišao sam s teme predsjedavajući slažem se ali morao sam ispraviti ovaj krivi navod kada ste već dozvolili.

Predsjedavajući:

evo ispravili ste, al daj da se vratimo na temu. Molim vas.

Poslanik/zastupnik Mahir Dević.

Slažem se predsjedavajući da se vratimo na dnevni red. Zastupnik Marjanović ispravka krivog navoda, ali molim vas nemojte više zloupotrebljavati poslovničku mogućnost ispravka krivog navoda. Previše smo se udaljili od teme. Dajte da završimo.

Poslanik/zastupnik Damir Marjanović.

Ja se zahvaljujem predsjedavajući. Nemam namjeru da se udaljavam od teme. Kolega Dević je spomenuo u svom prethodnom izlaganju, prije nego sam se javio opet priču o samostalnim zastupnicima, ja sam pojasnio kolegi Deviću. Kolega Deviću podržao bih vašu inicijativu da niste rekli između ostalog da samostalni zastupnici nelegalno nešto rade, što nije tačno. I druga stvar, potpisujem još jednom ponavljam, i ima veze sa temom pomaganje između ostalog privrednicima u ovom korona periodu i evo inicirat ću zajedno sa vama. Ovaj novac koji se izdvaja prema samostalnim zastupnicima ne tiče se plate, nego se tiče njihovog parlamantarnog djelovanja kao što se tiče parlamentarnog djelovanja stranaka. Vi kroz taj novac plaćate ljude koji su vaši sekretari, sekretarice, koji vam pripremaju određene inicijative, pripremaju materijale, i to je sasvim legitimno. Tako rade i samostalni zastupnici. Nemam nikakav problem vezano za pravdanje toga novca, a još manji mi je problem da se odrekнем toga nova zajedno sa SDA, sa NIP, Našom strankom i svih ostalih tog novca. Ne plata nego tog novca. Evo plate ćemo ostaviti. A može i dio plata, nije uopće problem da se odrekнемo u dobrom pravcu. Kada napišete takvu inicijativu imate od mene bjanko podršku. Hvala vam velika.

Predsjedavajući.

Neću više nikome dozvoliti ispravku krivog navoda zato što se ne odnosi na temu, već komentarišete o temama koje su bile danas. Tako da imamo replike. Zastupnik Haris Zahiragić Nikšiću replika. Izvolite

Poslanik/zastupnik Haris Zahiragić;

da iskoristim priliku da se izvinem kolegi Nikšiću jer sam vidio možda me je pogrešno okarakterisao ja sam samo htio u istom stilu, jer zaista kada sam kazao ad volim njegove nastupe i uživam u njegovim govorima zaista nisam (smetnja). U delikatnim situacijama društveno političkim, ekonomskim, i životnim ne trebamo to. Evo vidite predsjedavajući, možete vidjeti u stenogramu, danas sam to 50 puta spomenuo. Ne volim da u ovako teškim uslovima, nije jednostavno korektno ni odgovorno prema građanima mi sukobljavamo se na partijskom ili bilo kojem drugom interesu. Kada je kolega Marjanović, pošto sam sve u jednu repliku stavio, kratko ću samo. Dakle Vlada ranija čini mi se i prošlogodišnji budžet je bio ograničio u značajnoj mjeri.

Predsjedavajući:

kolega Zahiragiću ovo je repliak bila za zastupnika Nikšića.

Poslanik/zastupnik Haris Zahiragić:

ma nisam htio da se javljam za pet, samo jednu rečenicu. Bile su smanjene radikalno finansiranje političkih stranaka i u ovom budžetu se to vratilo. Čini mi se da je kolega Dević to uputio kao u inicijativu. Što se mene tiče treba ih odmah smanjiti dok traje pandemija, sve naknade. Ne znam hoće li se koalicioni partneri kolega Marjanovića složiti. I da ja ispravim na kraju, nije nelegalno i vi ne radite krivično djelo niti bilo šta nezakonito kolega Marjanoviću. Da ja budem do kraja pošten i pravedan. Međutim, parlamentarne grupe kao takve se finansiraju, hajd pojedinci vjerujem da je na to kolega mislio i evo uzimam za pravo sebi da u njegovo ime se izvinem i vama i svima ostalim koji su se eventualno osjećali inkriminisano. Vi ne radite ništa nelegalno. Ali evo moguće je da je to nemoralno. Primanja od 4500 -5000 su u uslovima ovakvim za kantonalnog zastupnika složiti ćete se, puno. Hvala vam.

Predsjedavajući:

replika zastupnik Marjanović Zahiragiću. Još jednom napominjem kolege da vode računa.

Poslanik/zastupnik Damir Marjanović.

Vrlo kratko. Ja vam se zahvaljujem. Zahvaljujem se kolegi Zahiragiću. To je provjeravalo, drago mi je što ste to rekli. Zalažem se u potpunosti da se riješi to pravilnikom, i još jednom ponavljam vjerujte mi u potpunosti se slažem sa vama i podržavam svaku vašu inicijativu i koncept kojim će se taj novac preusmjeriti tamo gdje treba. A hvala vam puno što te rekli te riječi, jer provjeravalo je, ne samo iz toga nego pogledaju rečenicu inicijative kolege Devića. Ne vjerujem da je bila usmjerena protiv bilo koga ali mislim da je bila tako nezgrapno rečena. U svakom slučaju pravilnikom mora to da se riješi. Slažem se treba da e izvještaji podnose i taj novac definitivno treba da se smanji. Puna potpora. Ja sma to i na federalnom nivou rekao i tražio sam. Ovdje su ljudi za nauku izdvajali kada je bila priča oko porodilja to sam i ovdje predložio i u potpunosti ću ja podržati bez obzira na moje koalicione partnere, neće se oni naljutiti na mene, ko što sam, a siguran da bi oni podržali eventualno smanjivanje tih iznosa kada bi novac otišao u dobrome pravcu onome kome treba. Hvala velika.

Predsjedavajući:

poslovnička intervencija zastupnik Mahir Dević. Upozoravam vas da ukoliko budete se udaljili od teme da ću prekinuti.

Poslanik/zastupnik Mahir Dević:

rečenica predsjedavajući. U mojoj inicijativi sam mislio na model ne na ljude, već na model da je nezakonit. Da ne bi kolega Marjanović mislio da sam ja sada nešto njemu direktno govorio. Rekao sam da je taj model nezakonit i dalje stojim pri tome. I po Poslovniku i po članu 22 pogledajte da je nezakonit. Nisam ja govorio ni kolegi Marjanoviću ni nekom drugom. Već o modelu koji se primjenjuje nezakonito, i treba ga zaustaviti. Izvinjavam se.

Predsjedavajući.

Replika zastupnice Bišćević-Tokić Zahiragiću. Pardon. Zastupniku Nikšiću.

Poslanik/zastupnik Jasmina Bišćević-Tokić:

zahvaljujem predsjedavajući. Više ne znam ni šta sam htjela reći vezano za repliku kolegi Damiru Nikšiću. Rekao je da to pravo zagarantovano Zakonom za isplatu za nezavisne zastupnike. Pa ja bih volila da mi kaže koje je uopšte radno vrijeme koje kolege zastupnici,

koliko dana rade u sedmici, koliko sedmično radite, ko kontroliše vaš rad, gdje u suštini se ukucavate kada dođete na posao, a to su sve kolega Nikšiću zakonske odredbe koje svi građani Kantona Sarajevo obavljaju. Zahvaljujem.

Predsjedavajući:

replika zastupnik Damir Marjanović pretpostavljam Deviću.

Poslanik/zastupnik Damir Marjanović:

jeste, kolegi Deviću između ostalog. A slažem se da to neka bude da je bilo pogrešno protumačeno, to ćemo lako riješiti donošenjem pravilnika, mislim da smo mi u istoj komisiji i mislim da ćemo to vrlo lako riješiti vezano za finansiranje. A s druge strane kolegice Bišćević-Tokić u potpunosti slažem sa vama evo naše radno vrijeme, i ja sam samostalni, mada nisam plaćen u Kantonu Sarajevo, a primam taj dodatak ako i svi samostalni zastupnici i kao i stranke koje se isto ne ukucavaju, u toj cijeloj priči. Mislim da rezultati našeg djelovanja mogu da se vide i kroz Skupštinu, i kroz ovo što sada radimo, a i kroz kreiranje ovoga što radi sada trenutno većina. A u svakom slučaju ohrabrujem sugeriram i rado ću sudjelovati u kreiranju svega ostalog, i ponovit ću jš jednom, neće mi biti teško nemojte mi zamjeriti. Vrlo rado se odričem tog novca zajedno sa svim strankama i parlamentarnim strankama upravo za u onu vašu ideju od prošli put vezano za izdvajanje za porodilje. To podržavam svim srcem.

Predsjedavajući:

zastupnica Bibija Kerla. Po evidenciji replika zastupniku Nikšiću.

Poslanik/zastupnik Bibija Kerla:

žao mi je što smo se udaljili od teme. Stvarno mi nije jasno. Ali mi nije jasan ni nastup mog kolege Damira Nikšića. Ne bih ja imala ništa protiv onoga što je on rekao čak šta više ja bih se ustala i naklonila se mom kolegi Nikšiću da je on ušao u Skupštinu Kantona Sarajevo kao nezavisni kandidat. Ali ući preko partije postati nezavisni a uz to još primati te pare, mislim da je ne sramota, nego je stvarno bezobrazluk. I onda još nas kritikuje da mi njega nešto ružimo, ko nešto eto tako mi imamo nešto protiv. Nemam ja ništa protiv. Ukinuli smo na početku i paušal. Moje kolege koje su u Domu naroda primaju paušal. Ja nemam protiv i baš mi je drago da je to tako jer rade tamo. Znači kolege koje su sada nezavisne imaju platu isto kao što mi imamo. Ali imaju i dodatak.

Predsjedavajući:

kolegice Kerla molim vas vratite se na temu.

Poslanik/zastupnik Bibija Kerla

E pa sada se ja vraćam na temu i kažem parafiskalni nameti koje sada hoćemo da ukidamo, ukidajmo ih onda redoslijedom, ukidajmo onda počev od nas. Pa idemo dalje. Hvala lijepa.

Predsjedavajući.

S obzirom da zastupnice i zastupnici nemaju razumijevanja, ne svi ali ovi koji se stalno prijavljuju poslovnički, zloupotrebljavaju poslovnik, neću više nikome dozvoliti. S obzirom da više nema rasprave, stavljam tačku na glasanje.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O ŠUMAMA KANTONA SARAJEVO .

Također molio bih službu da pripremi anketu.

Premijer Edin Forto:
predsjedavajući niste mi dali riječ.

Predsjedavajući.
Premijeru vi imate riječ.

Premijer Edin Forto:
zahvaljujem. Mislio sam da ste me zaboravili. Evo ja bih prvo htio reći jednu stvar vezano za komentar zastupnice Bišćević-Tokić koja je onako na prilično neoprezan način iskritikovala našeg ministra znači ja sam ministra Finansija, sam ovdje rekao da je otišao iz opravdanih razloga. Pošto to zastupnica očito nije razumjela, otišao je hitno da odvede oca u hitnu pomoć. Nadam se da vam je to za opravdanje svi drugi smo tu i nije bilo korektno to sve što ste rekli vezano za to. Također ću vam odgovoriti za ovu tehničku stvar oko koje ste cijelu svoju raspravu formirali. Znači to je za onu ogradu koje Ministarstvo finansija u zadnjem paragrafu je stavilo vezano za fiskalnu procjenu. Znači Ministarstvo finansija uobičajeno daje ovakvu formulaciju kako bi se predlagači Zakona upozorili da ne bi došlo do probijanja budžetskog okvira. U ovom slučaju to nije primjenjivo jer se ne opterećuje budžet Kantona za ovo. Ali ono to svakako stavljaju. Ne mogu da vjerujem da ste cijeli diskusiju zasnovali na tehničkoj stvari u mišljenju Ministarstva finansija koje je bilo pozitivno. E sada ću reći samo par stvari. Evo slušali smo pažljivo cijele Vlade vaše rasprave. Posebno ovo neka vrsta eskapade, nekih priča. Znači otišli smo tako široko da ako neko ozbiljan iz privatnog sektora gleda ovu Vladu i gleda ovu Skupštinu i očekuje do nas pomoć koju mi obećavamo deklarativno već najmanje 10 godina, ja ne znam kakvo oni mogu povjerenje steći u to ko njih vodi. Nemojte se vrijeđati, a li odsustvo fokusa, sa suštine ovog ukidanja parafiskalnog nameta, posebno iz opozicije, je zabrinjavajuće. Želim reći par stvari ovo najviše govorim za javnost jer mislim da većina vas ovo razumije. Postoji nešto što se zove klima za privatni sektor. BIH je tu na dnu ljestvice što se tiče Europe kao kontinenta, ali na žalost pali smo daleko i mnogo šire od europskog kontinenta. Za one koji ne znaju, kada se računa nešto što se zove doing business report. To je izvještaj koji daje ocjenu kako je poslovati u nekoj državi. Uvijek se gleda glavni i grad. Znači kada BIH je nisko na ljestvici, to je zato što je Sarajevo nisko na ljestvici jer oni gledaju samo one proceduru koje su u Sarajevu. Naravno jedna od stvari koje najviše opterećuju privatni sektor a to su one koje pune naše budžete bez kojih ne bi imali ni te plate o kojima razgovarate, ni finansiranje klubova o kojim razgovarate, neke od (nerazumljivo)= koje postoje besmisleni parafiskalni nameti. I sada ću se nadovezati na zastupnicu Kerlu koja je nabrojala neke od njih, iako nisu u našoj nadležnosti. Kao što je isticanje firme, kao što su neki nameti koje imamo na plate itd. Ono što mi možemo, i što smo počeli 2019 kao Vlada šestorke, i što smo obećali je sljedeće. Prvo smo održali prvi put u istoriji Kantona Sarajevo sjednicu sa privrednicima Kantona Sarajevo, gdje smo radili po dnevnom redu kojeg su privrednici stavili i zaključke koje su privrednici predložili. Jedan od tih zaključaka : da će Ministarstvo finansija pažljivo analizirati parafiskalne namete koji su u našim nadležnostima kao što je namet turistička zajednica, namet naknade za šume. Naš zaključak je tad bio da ćemo ići u ukidanje parafiskalnih nameta. I to smo obećali. I sada ću vam reći pošto su neki koristili pandemiju kao povod za ovakvu stvar, mi smo 2019 kada nije bilo pandemije krenuli u izmjene Zakona da potpuno ukinemo ovu naknadu za šume, ovo što je sada ministar Delić i na ovaj brzi način ko što i treba zbog pandemije je bio brzo način. Kada nije bilo pandemije bila je redovna procedura Zakona. I ja mislim, nek od vas to očito nisu uhvatili kao argument nego su suprotno govorili. Kada nije bilo pandemije bila je redovna procedura. Pošto je pandemija ide ova vrsta procedure skraćene i to je jedino što je vezano za pandemiju. To ne mijenja činjenicu da ovaj namet treba ukinuti kao i sve drugo što možemo ukinuti da bi napokon privatni sektor prodisao. Sva podrška privatnom sektoru u prošlosti, je bila deklarativna. Ovo je prvi put da jedna Vlada ukida sebi milionske iznose kada kažem sebi,

kažem budžetu, kojim upravlja jedna Vlada i nadoknađuje drugim uštedama. Znači samo se o tome radi. Ne uzimamo ovaj novac od privatnika- sada ću reći jednu stvar koja je stvarno čudna jer ste koncentrirali na to, bar određeni iz opozicije da će ovo na neki način naštetiti šumama. Zašto bi naštetilo šumama? Evo ja ću vam dati primjer i to je i ministar govorio, neki su govorili. Mi smo zatekli milionske iznose ne iskorištenih sredstava i kada smo 2019 preuzeli vlast od prethodne Vlade neiskorištena sredstava, sada smo.

Predsjedavajući:

molim vas da se vratite na temu i da budete kraći.

Premijer Edin Forto:

jel Poslovnik predviđa koliko mogu govoriti? Predsjedavajući predviđa li Poslovnik koliko mogu govoriti? Ako predviđa ja ću se uklopiti u to. Ako ne predviđa dozvolite mi da završim.

Predsjedavajući:

budite koncizni, završite.

Premijer Edin Forto:

mislim ako ćemo govoriti o konciznosti, trenutno je 21,30 minuta. A mi smo na kojoj tački dnevnog reda. Ovo je nešto suštinski i želim da pošaljem jasnu političku poruku ne samo oko ovoga što sada govorimo nego i onoga što će se desiti. Zbog toga mi dozvolite da završim. Jedna od suštinskih rasprava koje je ovdje također izražena. Da li smo mi za šume ili nismo. To je rasprava koja nije posebno podržana u argumentima zbog sljedećeg, ako nismo za šume mi nećemo šumati. Ako smo za šume, čuvat ćemo šume. Znači to je vrlo jednostavno. Samo je stvar odakle taj novac za projekte za čuvanje šuma dolazi. Mi smo odlučili da to bude iz budžeta, preko ušteda a ne od privrednog sektora. I to je to. Sve drugo ne znam, stvarno ne znam kako ste uspjeli sve ono drugo izgovoriti što ste govorili u raspravama vezano za ovu tačku. Želim vam naglasiti da u skladu s ovim što smo najavili 0219 godine i ono što je ministar Delić najavio, a što je možda malo i promaklo. Mi ćemo ovaj namet potpuno ukinuti. Potpuno ćemo ga ukinuti onako kako je rekao ministar Delić najdalje za dvije godine. Ovo je samo početak naše borbe da se klima za privatni sektor popravi. I to je ono osnovno i to je poruka koju danas šaljemo tim licima. Polovimo jedan fiskalni namet, najavljujemo njegovo ukidanje i najavljujemo ukidanje i drugih koji su naša nadležnost. Zbog toga vas molim da podržite ovo i sve druge naše napore koji idu u ovom smjeru. Hvala.

Predsjedavajući:

zahvaljujem se premijeru. Imam potrebu da pojasnim, kolega Dević je imao drugu diskusiju, što možete vidjeti i u stenogramu. Niko se nije javljao od zastupnica i zastupnika da po drugi puta diskutuje, već su zloupotrebljavali Poslovnik na način da su koristili ispravke krivog navoda, poslovničke intervencije iako sam nekoliko puta upozoravao da to ne rade, da se vrate na temu. Donio sam odluku i zaključio raspravu. Molim zastupnike da nastave sa glasanjem. Anketa je u prilogu. Molim službu da objavi rezultate glasanja.

ZA JE GLASALO 19 ZASTUPNIKA, PROTIV ništa I SUZDRŽANO 2.KONSTATUJEM DA JE SKUPŠTINA DONIJELA OVAJ ZAKON.

S obzirom da čitav dan radimo i da je ostalo još jako puno tačaka dnevnog reda, prekidam današnju sjednicu Skupštine Kantona Sarajevo. O narednom terminu bit ćete blagovremeno obaviješteni. Hvala i prijatno.

**STENOGRAM
NASTAVKA 33.SJEDNICE
ODRŽANOG 24.03.2021.GODINE**

Predsjedavajući Elvedin Okerić (u daljem tekstu predsjedavajući):

Otvaram prvi nastavak 33. Radne sjednice Skupštine Kantona Sarajevo.

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

ONLINE sjednici prisustvuje 27 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je samo zastupnik Mirza Čelik.

Podsjećam vas da smo na prethodnom zasjedanju obradili prve tri tačke dnevnog reda, a da je Vlada Kantona Sarajevo povukla tačke: 5, 12, 13, 51 i 54 dnevnog reda, te nastavljamo sa tačkom četiri.

AD – 4.

PRIJEDLOG ZAKONA O IZMJENI ZAKONA O NADLEŽNOSTIMA ORGANA VLASTI KANTONA SARAJEVO U OBLASTI ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA - SKRAĆENI POSTUPAK

premijeru prije nego što vam dam riječ, poslovnička intervencija zastupnice Bišćević-Tokić. Izvolite zastupnice.

Poslanik/zastupnik Jasmina Bišćević-Tokić:

zahvaljujem predsjedavajući. Pozdravljam sve kolege zastupnike, kao i članove Vlade i građane koji nas prate kraj malih ekrana. Evo s obzirom da je tačka pod rednim brojem četiri, i prije nego što premijer iznese uvodne napomene, radi se o Zakonu o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijala dobara od prirodnih i drugih nesreća. U obrazloženju koje smo dobili navodi se da se radi samo izmjena jednog člana ovog Zakona, a tiče se upravo stupanja na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo, gdje je došlo do promjene u strukturi organa uprave Kantona Sarajevo. Kako znamo, ovaj Zakon na koji se poziva premijer i nadležno Ministarstvo nije proveden u skladu s Poslovnikom Skupštine Kantona Sarajevo, i bio je predmet Ustavnog suda, tako da odluka o izmjenama Zakona ticala se upravo spajanja prijašnjeg Ministarstva prostornog uređenja i građenja i zaštite okoliša i Ministarstva komunalne privrede i infrastrukture u formi jednog zajedničkog Ministarstva. Evo ja ću pozvati premijera Fortu da pročita Zakon o postupku pred Ustavnim sudom FBiH i tačnije član 40, gdje kaže da “usvojeni ili predloženi Zakon ili drugi propis organa federalne, kantonalne, ili opštinske vlasti za koje Ustavni sud utvrdi da nije u skladu sa Ustavom neće se primjenjivati od dana objavljivanja presude Ustavnog suda u Službenim novima FBiH odnosno predloženi Zakon ili neki drugi propisi neće stupiti na snagu, a tiče se ovog Zakona. Evo ja dajem prijedlog da premijer Forto povuče ovaj Zakon sa današnje Skupštine Kantona Sarajevo. Zahvaljujem.

Predsjedavajući:

Hvala. Premijeru imate riječ, izvolite.

Premijer Edin Forto:

zahvaljujem. Pozdrav svima. Nadam se da ćete imati danas odličan rad. Ono što želim reći je evo da se pozovem i na ovo izlaganje zastupnice Bišćević-Tokić. Mi smo svjesni svega vezano za Odluku Ustavnog suda, već smo i koordinirali sa predsjedavajućim, dok ovaj Zakon koji smo danas spustili u skupštinsku proceduru ne prođe Skupštinu mi ovu tačku svakako smo planirali skinuti sa dnevnog reda. A evo hvala zastupnici Bišćević-Tokić što je umjesto mene dala ovo objašnjenje. Znači tačku broj 4, skidamo danas, povlačimo sa dnevnog reda.

Sljedeća tačka dnevnog reda je Mišljenje Ministarstva za rad socijalnu politiku na Nacrt Zakona o izmjenama i dopunama Zakona o osnovama socijalne zaštite. To će biti predlagач ispred Ministarstva, zato što je ministrica Prvulović trenutno na oporavku od COVID-a. Izvolite.

Predsjedavajući:

zahvaljujemo se premijeru. Sljedeća tačka, tačka šest:

AD – 6.

MIŠLJENJE MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE KANTON SARAJEVO NA NACRT ZAKONA O IZMJENAMA I DOPUNAMA ZAKONA O OSNOVAMA SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM

Materijal ste dobili u dopuni. Molim predstavnika Predlagачa da podnese uvodne napomene.

Predstavnik ministarstva

Dobar dan, želim da pozdravim sve prisutne. Goran (nerazumljivo) šef odjeljenja za pravne poslove, nadzor ministarstva za rad, socijalnu politiku, raseljenja lica i izbjeglice Kantona Sarajevo. Imajući u vidu da su djeca sa invaliditetom jedna od najosjetljivijih kategorija stanovništva, da su njihove porodice u velikoj mjeri izložene brojnim potrebama i da zavise od pomoći društva, FBiH je prišla donošenju izmjena Zakona o osnovama socijalne zaštite, zaštite civilnih žrtava rata, zaštite porodice sa djecom kako bi se sistemski riješio problem roditelja koji su nezaposleni i koji se moraju brinuti o ovoj djeci. Predstavnici dom Parlamenta FBiH je na sjednici održanoj 28.02.2019 godine, Dom naroda Parlamenta FBiH na sjednici održanoj 09.12.2019 godine prihvatili su Nacrt Zakona o izmjenama i dopunama Zakona o osnovama socijalne zaštite i zaštite civilnih žrtava rata i zaštite porodice sa djecom. Federalno Ministarstvo rada i socijalne politike je nakon provedene javne rasprave u decembru mjesecu prošle godine dostavilo kantonima na mišljenje ovaj Zakon. Ministarstvo je podržalo ovaj Zakon i sistemsko rješenje prava roditelja-njegovatelja. Kroz ovaj Zakon, uslovi za ostvarivanje prava roditelja njegovatelja su da je roditelj nezaposlen, da je dijete ima 100 % utvrđen tjelesno oštećenje organizama i da ostvaruje dodatak za njegu i pomoć druge osobe. U Zakonu je također predviđeno da se ovo pravo ostvaruje roditelj do navršene 65 godine života ili do nesavršene 30 godine života djeteta. Naknada za ovo pravo iznosi mjesečno 406, 56 KM i uz to se plaćaju doprinosi za PIO/MIO i za zdravstveno osiguranje u iznosu ukupnom 245 KM. Postupak za ostvarivanje ovog prava provode Centri za socijalni rad ili opštinski organi uprave ukoliko ne postoje formirani Centri za socijalni rad. Drugostepeni postupak i reviziju vodi FBiH. Također od strane Federalnog Ministarstva rada i socijalne politike napraviti će se jedinstvena elektronska baza podataka za sve roditelje njegovatelje. Dakle rekao sam da je Ministarstvo podržalo potpunosti sistemsko rješavanje ovog pitanja nezaposlenih roditelja njegovatelja, međutim uz to je dalo jednu preporuku,

jednu sugestiju Federalnom Ministarstvu rada i socijalne politike a ono se tiče godina života djeteta do kojeg se može ostvarivati ovo pravo. Naime, Zakonom je propisano da se pravo njegovatelje roditelji mogu ostvarivati do navršene 30 godine života. S tim u vezi Ministarstvo je predložilo da se izmijeni član 6. Zakona o osnovama socijalne zaštite u kome se definiše dijete i definiše se dobna granica djeteta. Data je sugestija da se ovaj član izmijeni na način da se doda da će se djetetom smatrati izuzetno ukoliko je u pitanju ostvarivanje prava njegovatelja i dijete koje je starije od 27 godina. Imajući u vidu zaista bitnu i važnu materiju koju reguliše ovaj Zakon, predlažemo Skupštini Kantona Sarajevo da prihvati mišljenje Ministarstva kao mišljenje Skupštine Kantona Sarajevo. Zahvaljujem.

Predsjedavajući:

Molim da predstavnici radnih tijela daju riječ ako žele. Ima li pitanja? Otvaram raspravu. S obzirom da se niko ne javlja za raspravu, zatvaram. Molim da stručna služba priremi anketu za izjašnjavanje. Zaključujem glasanje. Molim službu da objavi rezultate.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA PRIHVATILA MIŠLJENJE MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO NA TEKST NACRTA ZAKONA O IZMJENAMA I DOPUNAMA ZAKONA O OSNOVAMA SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM.

Prelazimo na tačku sedam:

AD -7.

PRIJEDLOG ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Materijal ste dobili u dopuni. Molim predstavnika Predlagača da podnese uvodne napomene. Dopredsjedavajuća Danijela Kristić. Da li ste uspjeli otkloniti tehničke probleme? Obzirom da zastupnica Kristić ima tehničke probleme preći ćemo na druge tačke dnevnog reda dok ona ne otkloni da ne čekamo. Njene tačke su tačka 7 i tačka 8.

Prelazimo na tačku broj devet:

AD-9.

PRIJEDLOG ODLUKE O IZMJENI NAZIVA ULICE, ODNOSNO PREIMENOVANJU ULICE NA PODRUČJU OPĆINE VOGOŠĆA-MZ "KOBILJA GLAVA"

Materijal ste dobili u dopuni.

Molim predstavnika Predlagača da podnese uvodne napomene. Predsjednik Komisije, zastupnik Vreto.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne kao i građane koji nas prate. Što se tiče Komisije za obilježavanje, čuvanje i njegovanje historijskih događaja i

ličnosti, ona je na održanim sjednicama razmatrala prijedlog Opštinskog vijeća, odnosno Općine Vogošća, usvojila prijedlog navedene Odluke o promjeni naziva ulice i uputila je u skupštinsku proceduru na razmatranje i usvajanje.

Predsjedavajući.

Zahvaljujem. Da li zastupnici imaju pitanja? Otvaram raspravu. Zatvaram raspravu. Zaključujem raspravu. Molim da stručna služba pripremi anketu a zastupnice i zastupnike da se izjasne.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA ULICE, ODNOSNO PREIMENOVANJU ULICE NA PODRUČJU OPĆINE VOGOŠĆA-MZ "KOBILJA GLAVA".

Zaključujem glasanje. Molim službu da objavi rezultate.

ZA JE GLASALO 25 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka deset:

AD -10.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA ZAKLJUČIVANJE UGOVORA O ZAMJENI NEKRETNOSTI IZMEĐU KANTON SARAJEVO, MINISTARSTVO SAOBRAĆAJA, DIREKCIJE ZA PUTEVE I ZAVODA ZA IZGRADNJU KANTONA SARAJEVO SA JEDNE STRANE I BEŠIREVIĆ SAUDINA SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ, U SKLADU SA ČLANOM 23. ZAKONA O EKSPROPRIJACIJI („SLUŽBENE NOVINE FEDERACIJE BIH“, BROJ: 70/07, 36/10, 25/12 I 34/16)

Poslovnička intervencija zastupnica Bibija Kerla.

Poslanik/zastupnik Bibija Kerla:

dobro jutro svima. S obzirom da mi imamo puno ovih tačaka dnevnog reda, ja predlažem da mi uzmemo u cjelini sve što se tiče rasprave i pitanja a da pojedinačno se izjašnjavamo. Jer time skraćujemo vrijeme čitanja dva puta, i skraćujemo vama posao da pitate svaki put ima li pitanja i ima li diskusije. Znači pitanja i diskusije objedinjeno a izjašnjavanje pojedinačno.

Predsjedavajući:

slažemo se kolegice Kerla. Ono što smo svakako predvidjeli da tačke koje dolaze iz istog resora napraviti ćemo jedan zaključak Skupština da se izjasni i da imamo jedinstvenu raspravu a pojedinačno izjašnjavanje. Ali evo imamo još dvije tri tačke koje dolaze iz različitih resora pa tek onda ovaj jedan resor koji ima tridesetak, 35 tačaka. Tako da idemo u tom pravcu što ste napomenuli. Hvala vam.

Na tački smo deset. Direktor Zavoda za izgradnju gospodin Hulusić, možete li nam dati uvodne napomene?

Direktor Zavoda za izgradnju Hulusić:

poštovanje, zbog zapisnika, Mirza Hulusić, direktor Zavoda za izgradnju Kantona Sarajevo. Sve vas ljubazno pozdravljam i želim vam dobro jutro i uspješan rad na današnjoj sjednici. Što se tiče ove prve tačke koju Zavod danas ima od dvije, Rješenjem službe za upravu, za

prostorno uređenje i komunalne poslove Opštine Centar Sarajevo, donesena je, odnosno data je urbanistička saglasnost Ministarstvu saobraćaja Kantona Sarajevo tj Direkciji za puteve za izgradnju saobraćajnice I transferzale, dionice Kranjčevićeve-Bare - Hotonj iu koje se vidi da je na predmetna saobraćajnica planirana i na katastarskoj čestici broj 242/1 katastarska opština Sarajevo VII. Zaključkom Vlade Kantona Sarajevo Zavod za izgradnju Kantona Sarajevo je zadužen da u ime i za račun Kantona Sarajevo Ministarstva saobraćaja, Direkcije za puteve pristupi rješavanju imovinsko pravnih odnosa na saobraćajnici I transferzale dionica Kranjčevićeva- Bare- Hotonj. U skladu sa odredbama Zakona o eksproprijaciji, Zavod je objavio javni oglas kojim se pozivaju vlasnici nekretnina označenih kao k.č.24/1 i 24/1e2 katastarske opštine Sarajevo VII da se jave u roku od 15 dana od objave oglasa radi pokušaja sporazumnog sticanja prava i vlasništva kako to predviđa Zakon o eksproprijaciji. Dana 30.10.2019 godine vlasnik predmetne nekretnine Saudin Beširević je dostavio odgovor na taj javni poziv. 09.07.2020 je predao zahtjev za uvećanje naknade po osnovu ličnih i porodičnih prilika u skladu sa odredbama člana 47 Zakona o eksproprijaciji. Hvala vam. O svemu smo naravno obavještavali i resorno Ministarstvo, Direkciju za puteve Kantona Sarajevo. Te smo ponudili vlasniku iznos od ukupno 315.300 KM što sa uvećanjem od 14% iznosi ukupno 359.442 KM. Nacrt ponude je naravno dostavljen Direkciji za puteve Kantona Sarajevo kao supotpisnik ugovora o rješavanju imovinsko pravnih pitanja na izjašnjavanje i saglasnost, koja je svojim dopisom dala saglasnost. Također i Saudin Beširević je dao saglasnost uz molbu da se umjesto isplate novca da mu se dodijeli zamjenski stan a da mu se razlika tržišne vrijednosti isplati u novcu. U smislu toga uslijedio je pravni posao izrade notarski obrađene isprave, izrade ponude, notarski obrađena isprava je upućena u skladu sa članom 15 Zakona o Pravobranilaštvu Kantona Sarajevo, upućena Pravobranilaštvu Kantona Sarajevo koje je 17.11.2020. dalo pozitivno mišljenje na dostavljeni Nacrt ugovora. Bez primjedbi i sugestija te u ulozi izvjestioca vas molim da donesete predloženu odluku u predloženom tekstu.

Predsjedavajući:

Zahvaljujemo se direktoru Hulusiću. Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za raspravu, zaključujem raspravu. Molim službu da pripremi anketu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA ZAKLJUČIVANJE UGOVORA O ZAMJENI NEKRETNINA IZMEĐU KANTON SARAJEVO, MINISTARSTVO SAOBRAĆAJA, DIREKCIJE ZA PUTEVE I ZAVODA ZA IZGRADNJU KANTONA SARAJEVO SA JEDNE STRANE I BEŠIREVIĆ SAUDINA SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ, U SKLADU SA ČLANOM 23. ZAKONA O EKSPROPRIJACIJI („SLUŽBENE NOVINE FEDERACIJE BIH“, BROJ: 70/07, 36/10, 25/12 I 34/16).

zaključujem glasanje. Molim službu da objavi rezultate.

**ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.**

S obzirom da je dopredsjedavajuća Kristić otklonila tehničke probleme. Da li se čujemo.

Dopredsjedavajuća:

zahvaljujem predsjedavajući.

Predsjedavajući.

Evo mogu li ja onda tačku samo da se vratimo na tačku 7.

AD -7.

PRIJEDLOG ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

materijal ste dobili u prilogu. Sada molim predstavnika Predlagača da podnese uvodne uvodne napomene. Izvolite imate riječ.

Dopredsjedavajuća Danijela Kristić:

zahvaljujem predsjedavajući. Pozdravljam sve prisutne kao i gledaoce kraj malih ekrana. Izvinjavam se što sam imala malih tehničkih problema, nadam se da su sada evo otklonjeni i da me svi jasno čujete. Na osnovu člana 37. Poslovnika skupštine Kantona Sarajevo Komisija za izbor i imenovanja i administrativna pitanja na sjednici održanoj dana 26.02.2021 donijela je odluku o izmjeni odluke o izboru predsjedavajući, zamjenika predsjedavajućih i članova stalnih radnih tijela Skupštine Kantona Sarajevo.

Pod I

U Odluci o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo tačka 2. mijenja se i glasi:

2. Zakonodavno-pravna komisija:

1. Aljoša Čampara, predsjedavajući ,
2. Samir Suljević, zamjenik predsjedavajućeg ,
3. Haris Zahiragić, član ,
4. Vildana Bešlija, član ,
5. Sakib Kasapović, (-vanjski član),
6. Alma Hasanbegović, (-vanjski član),
7. Mirsad Dupovac, (-vanjski član).

Tačka 17. mijenja se i glasi:

17. Komisija za sigurnost:

1. Elvedin Okerić, predsjedavajući ,
2. Vitor Handžić, zamjenik predsjedavajućeg)
3. Aljoša Čampara, član
4. Igor Stojanović, član ,
5. Faik Špago, (-vanjski član),
6. Redžo Lemezan, (-vanjski član),
7. Muhamed Budimlić, (-vanjski član).

U ostalom dijelu odluka ostaje nepromijenjena. Zahvaljujem.

Predsjedavajući:

zahvaljujem se dopredsjedavajućoj Kristić. Ima li pitanja? Otvaram raspravu. S obzirom da se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IZBORU PREDSEDavajućIH, ZAMJENIKA PREDSEDavajućIH I ČLANOVA STALNIH RADNIH TIJELA SKUPŠTINE KANTONA SARAJEVO.

Molim službu da pripremi anketu za izjašnjenje. Zaključujem glasanje, molim službu da objavi rezultate glasanja.

20 ZASTUPNIKA JE GLASALO ZA, 1 PROTIV I 6 SUZDRŽANIH.

KONSTATUJEM DA JE SKUPŠTINA DONIJELA OVU ODLUKU.

Prelazimo na tačku dnevnog reda osam:

AD-8.

PRIJEDLOG ODLUKE O IZMJENI ODLUKE O IMENOVANJU PREDSEDNIKA, ZAMJENIKA PREDSEDNIKA I ČLANOVA ODBORA ZA JAVNA PRIZNANJA KANTONA SARAJEVO

Materijal ste dobili u dopuni. Molim predstavnika Predlagača da podnese uvodne napomene.

Dopredsjedavajuća Danijela Kristić:

zahvaljujem predsjedavajući. Na osnovu člana 37 Poslovnika Skupštine Kantona Sarajevo Komisija za izbor, imenovanja i administrativna pitanja na sjednici održanoj dana 26.02.2021. godine donijela je Odluku o izmjeni odluke o imenovanju predsjednika, zamjenika predsjednika i članova Odbora za javna priznanja Kantona Sarajevo.

U Odluci o imenovanju predsjednika, zamjenika predsjednika i članova Odbora za javna priznanja Kantona Sarajevo tačka I mijenja se i glasi:

“I

U Odbor za javna priznanja Kantona Sarajevo imenuje se:

Za predsjednika:

- Elvedin Okerić

Za zamjenika predsjednika:

- Neira Dizdarević

Za članove:

- Segmedina Srna Bajramović

- Bilsena Šahman ,

- Mirza Čelik ,

- Danijela Kristić ,

- Edin Forto

II

U ostalom dijelu Odluka ostaje nepromijenjena. Hvala.

Predsjedavajući:

Ima li pitanja? Otvaram raspravu. Zaključujem raspravu. Molim službu da pripremi anketu za izjašnjenje zastupnika.

A ZASTUPNIKE MOLIM DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IMENOVANJU PREDSEDNIKA, ZAMJENIKA PREDSEDNIKA I ČLANOVA ODBORA ZA JAVNA PRIZNANJA KANTONA SARAJEVO.

Zaključujem glasanje. Molim službu da objavi rezultate.

ZA JE GLASALO 20 ZASTUPNIKA, PROTIV ništa, SUZDRŽANO pet.
KONSTATUJEM DA JE SKUPŠTINA DONIJELA I OVU ODLUKU.

Vraćamo se na tačku jedanaest:

AD –11.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA ZAKLJUČIVANJE UGOVORA O KUPOPRODAJI NEKRETNINE IZMEĐU KANTON SARAJEVO, MINISTARSTVO SAOBRAĆAJA, DIREKCIJE ZA PUTEVE I ZAVODA ZA IZGRADNJU KANTONA SARAJEVO SA JEDNE STRANE I JOVIČIĆ TATOMIRA SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ, U SKLADU SA ČLANOM 23. ZAKONA O EKSPROPRIJACIJI („SLUŽBENE NOVINE FEDERACIJE BIH“,

Materijal ste dobili uz poziv za sjednicu. Molim predstavnika Predlagača da podnese uvodne napomene. Direktor Zavoda za izgradnju.

Direktor Zavoda Mirza Hulusić:

uvaženi predsjedavajući. Još jednom vas sve pozdravljam. Naime na osnovu urbanističke saglasnosti koja je izdata Ministarstvu saobraćaja Kantona Sarajevo, Direkciji za puteve za izgradnju saobraćajnice I transversale u dionici Kranjčevićeva – Bare – Hotonj od strane opštine Centar, navodi se da je izgradnja predmetne saobraćajnice planira i na k.č.140/J1 Katastarska opština Sarajevo VII. Zaključkom Vlade Kantona Sarajevo Zavod za izgradnju Kantona Sarajevo zadužen da u ime i za računa Kantona Sarajevo tj ministarstva saobraćaj i Direkcije za puteve pristupi rješavanju imovinsko- pravnih odnosa na saobraćajnici I transferzale, na ovoj spomenutoj dionici. U skladu sa odredbama Zakona o eksproprijaciji Zavod je objavio javni oglas kojim se pozivaju i vlasnici nekretnina na predmetnoj k.č. da se u roku 15 dana jave od objave oglasa radi pokušaja sporazumnog sticanja prava vlasništva kako to predviđa Zakon o eksproprijaciji. 09.04.2020. vlasnik predmetne nekretnine Jovičić Tatomir je dostavio odgovor na javni oglas i obavijestio da je zainteresovan za sporazumno rješavanje imovinsko pravnih odnosa, u skladu sa Zakonom eksproprijaciji Zavod je izvršio procjenu nekretnine te sa kojom se naravno slagali Ministarstvo saobraćaja i Direkcija za puteve, i to u skladu s procjenom vještaka je ponudi vlasniku u iznosu od ukupno 95.600 KM za otkup predmetne nekretnine. Nacrt ponude je dostavljen Direkciji za puteve Kantona Sarajevo, kao supotpisniku ugovora na izjašnjenje i saglasnost koja je dala svoju saglasnost. Od strane vlasnika nekretnine Jovičić Tatomira 08.10.2020. prihvaćena je ponuda za zaključenje kupoprodajnog ugovora umjesto eksproprijacije. Dakle sporazumno. U skladu sa članom 15. Zakona o Pravobranilaštvu Zavod je Pravobranilaštvu uputio zahtjev za mišljenje. A Pravobranilaštvo je aktom od 07.12.2020. dalo pozitivno mišljenje na dostavljeni nacrt ugovora bez primjedbi i ikakvih sugestija. Tako da pozivamo u ime predlagača kao izvjestilac pozivamo vas da Skupština Kantona Sarajevo donese odluku kako je u prilogu.

Predsjedavajući:

zahvaljujemo se direktoru Hulusiću. Da li predstavnici radnih tijela Žele riječ? Ima li pitanja? Otvaram raspravu. Obzirom da se niko ne javlja za riječ, zaključujem raspravu. Molim službu da pripremi anketu za izjašnjenje zastupnika.

A ZASTUPNIKE I ZASTUPNICE MOLIM DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA

ZAKLJUČIVANJE UGOVORA O KUPOPRODAJI NEKRETNINE IZMEĐU KANTON SARAJEVO, MINISTARSTVO SAOBRAĆAJA, DIREKCIJE ZA PUTEVE I ZAVODA ZA IZGRADNJU KANTONA SARAJEVO SA JEDNE STRANE I JOVIČIĆ TATOMIRA SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ, U SKLADU SA ČLANOM 23. ZAKONA O EKSPROPRIJACIJU.

Zaključujem glasanje. Molim službu da objavi rezultate.

ZA JE GLASALO 25 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA I OVU ODLUKU.

DVANAESTA TAČKA JE POVUČENA I TRINAESTA PROŠLU SJEDNICU.

Prelazimo na tačku četrnaest:

AD – 14.

PRIJEDLOG ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2021. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2021. GODINU

Materijal ste dobili u dopuni. Molim predstavnika Predlagača da podnese uvodne napomene.

Mahir Lokvančić, Služba za zapošljavanje Kantona Sarajevo:

Uvaženi predsjedavajući, zamjenici, uvaženi poslanici, ja sam Mahir Lokvančić rukovodilac sektora za podsticajne mjere zapošljavanja i informatičke poslove u Službi za zapošljavanje Kantona Sarajevo i zbog bolesti naše v.d. direktorice ja sam danas ovdje u funkciji predlagača materijala Finansijskog plana prihoda i izdataka Službe za 2021.godinu. Nacrt finansijskog plana prihoda i primitka i rashoda izdataka JU Služba za zapošljavanje za 2021 donesen je od strane UO, prihvaćen od strane NO, urađen u skladu sa Odlukom o metodologiji izrade donošenja programa rada i izvještaja o radu Vlade Kantona Sarajevo i kantonalnih organa, zakonom o posredovanju u zapošljavanju, socijalnoj sigurnosti nezaposlenih osoba FBIH, Zakonom o posredovanju pri zapošljavanju u Kantonu Sarajevo, zakonom o budžetima, te drugim zakonima koji se primjenjuju kod ostvarivanja prava nezaposlenih osoba a koji se prevashodno odnose na zdravstvenu zaštitu i PIO osiguranje, a u smislu predviđanja finansiranja svih obaveza za koje ova JU nadležna. Imamo pozitivno mišljenje našeg resornog Ministarstva za rad i socijalnu politiku, tu je i mišljenje Ministarstva finansija, te ukoliko ima nekih pitanja od strane zastupnika, ja sam tu da pojasnim. Hvala.

Predsjedavajući:

zahvaljujemo gospodinu Mahiru Lokvančiću. Da li predstavnici radnih tijela žele riječ? Ima li pitanja? Otvaram raspravu. Zatvaram raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2021. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2021. GODINU.

Služba je pripremila anketu. Zaključujem glasanje. Molim službu da objavi rezultate glasanja.

ZA JE GLASALO 24 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Zastupnik Sabahudin Delalić i zastupnica Smiljana Viteškić imaju probleme sa anketom. Kontaktirat će vas direktor Dino Šehović da vam objasni na koji način možete otkloniti. A evo dok pripremimo ove zaključke, nadamo se da ćete uspjeti otkloniti ove tehničke probleme.

S obzirom da u nastavku imamo veliki broj tačaka koje se tiču Kantonalnog stambenog Fonda, zatim Fond Kantona Sarajevo za izgradnju stanova za članove porodica šehida i poginulih boraca, RVI, demobilisanih boraca i prognanih osoba, gotovo 30 imamo tačaka, pa evo prijedlog zaključka bi bio sljedeći:

da se tačke od 15 do 27, zatim od 32 do 34, od 38 do 43 čiji je predlagač Fond Kantona Sarajevo za izgradnju stanova za članove porodica šehida, poginulih boraca, RVI, demobiliziranih boraca i prognanih osoba, da se rasprava vrši zajedno, a pojedinačno izjašnjavanje, te za tačke od 28 do 31, od 35 do 37 i tačka 44 čiji je predlagač Kantonalni stambeni fond, također da se vodi jedinstvena rasprava o svim ovim tačkama a izjašnjenje da ide pojedinačno.

Pa evo molim službu da pripremi anketu a zastupnike da se izjasne. Zaključujem glasanje. Molim službu da objavi rezultate.

Za je glasalo 25, protiv i suzdržanih nije bilo.

Konstatujem da je Skupština usvojila prijedlog zaključka da se vodi jedinstvena rasprava kada su u pitanju ova dva Fonda.

Tačka 15.

AD-15.

PRIJEDLOG ODLUKE O DAVANJU SAGLASNOSTI NA NACRT UGOVORA O PRODAJI U STAMBENOM OBJEKTU "3B", IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (BEŠIREVIĆ SUAD)

evo sada molim premijera da da uvodne napomene kako bi se mogla voditi jedinstvena rasprava. Izvolite premijeru, imate riječ.

Premijer Edin Forto:

zahvaljujem predsjedavajući. Ovdje se radi o saglasnosti na kupoprodajne ugovore sa dva stambena Fonda koji su u kantonalnom vlasništvu, to je Kantonalni stambeni fond i Borački fond. Procedura je uvijek bila takva da Skupština mora odobriti, vi sva imena imate u svim tačkama. Pravobranilac je dao pozitivno mišljenje, Vlade u kontinuitetu sve Vlade ovo suštinski prosljeđuju Skupštini na nadležno odlučivanje. Ako ima nekih pitanja, tu sam, ali mislim da je ovo striktno tehnička stvar. Hvala.

Predsjedavajući:

zahvaljujemo premijeru. Materijale ste dobili uz poziv za sjednicu. Predlagač je dao uvodne napomene. Da li predstavnici radnih tijela žele riječ? Ima li pitanja? Zastupnica Bibija Kerla ima pitanje. Izvolite.

Poslanik/zastupnik Bibija Kerla:

mene samo interesuje da li se radilo po prioritetu dodjele ovih stanova i da li postoji ikakva zakonska prepreka za implementaciju što je moguće prije svega? Hvala lijepo.

Premijer Edin Forto:

predsjedavajući da odgovorim na pitanje zastupnice Bibije Kerle. Nema zakonske prepreke, zakonska je standardna procedura, ovo je dostavljeno u prethodnom periodu Skupštini na nadležno odlučivanje.

Predsjedavajući:

nema više pitanja. Otvaram raspravu. S obzirom da se niko ne javlja za raspravu, zaključujem je. Zastupnice Kerla šta vam znači ovo prioritet, kao da vam premijer nije odgovorio.

Premijer Edin Forto:

poštovani, evo mogu, izvinjavam se zastupnici Kerli. Postoji određeni, ne postoji nikakav prioritet za bilo kojeg od ovih, ovo su standardne procedure, kako ovi ugovori od Pravobranilaštva dolaze na Vladu. Ovdje ima i ugovora koji su iz prethodne Vlade, iz prošle godine. Znači ovi ugovori kako dolaze, ne postoji nikakav prioritet kada koji dolazi na Skupštinu. Ako je zastupnica mislila u smislu dodjele ovih stanova, postoje kriteriji koje raspisuje i Ministarstvo i po kojima Fondovi dodjeljuju stanove i borcima i ove poticajne stanove za mlade. To je stvar koja je uvijek bila na snazi. Mi ćemo možda čak u budućnosti i mijenjati i te kriterije. Ali ako mislite na neku vrstu prioriteta kad šta dolazi, nema to, to samo kako dolazi mi vama šaljemo na Skupštinu.

Predsjedavajući:

Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O PRODAJI U STAMBENOM OBJEKTU "3B", IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (BEŠIREVIĆ SUAD)

Zaključujem glasanje, molim službu da objavi rezultate.

ZA JE GLASALO 23, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Nastavljamo dalje sa pojedinačnim izjašnjavanjem. Nakon zajedničke rasprave, sljedeća tačka šesnaest

AD –16.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O PRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (TUHČIĆ ALMA)

Zaključujem glasanje. Molim službu da objavi rezultate glasanja.

ZA JE GLASALO 23, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

AD –17.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “3D”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (RAŠČIĆ ENES)

Zaključujem glasanje. Molim službu da objavi rezultate.

ZA JE GLASALO 23, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka osamnaest:

AD-18.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-35, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (LOJO GRACIĆ NERKEZA I LOJO DŽEAMSDIN)

ZA JE GLASALO 22, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka devetnaest:

AD-19.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-35, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (LJEVO ADMIR I EMINOVIĆ-LJEVO ANISA)

Molim službu da objavi rezultate glasanja.

ZA JE GLASALO 25, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Kolege zastupnike i zastupnice bih zamolio da koriste računare a ne telefone, vjerovatno imaju tehničkih problema prilikom glasanja. Evo malo ćemo sačekati da otklonite ove probleme ako imate.

Prelazimo na tačku dvadeset:

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-35, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE,

DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (ČEDIĆ KEMAL I ČEDIĆ AMILA)

Zaključujem glasanje, molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i jedan:

AD-21.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-35, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (UDRUŽENJE KUPUJMO I KORISTIMO DOMAĆE-KVALITETNO I PROIZVEDENO U BOSNI I HERCEGOVINI)

Anketa je spremna, molim zastupnike da se izjasne.

ZA JE GLASALO 29, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i dva:

AD-22.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3D, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINA (KOVAČEVIĆ ELVEDINA I KOVAČEVIĆ ISMIR)

Zaključujem glasanje.

ZA JE GLASALO 28, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i tri:

AD-23.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (SULJANOVIĆ EDITA)

Zaključujem glasanje.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i četiri:

AD-24.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENO-POSLOVNOM OBJEKTU NIZ B, LAMELA B 2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM (BORANČIĆ DELVA)

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i pet:

AD-25.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (KARIĆ MELINA)

Zaključujem glasanje. Molim službu da objavi rezultate.

ZA JE GLASALO 28, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i šest:

AD-26.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-34, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (ZEHEROVIĆ ALISA).

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO. Evo sada zaključujem glasanje. U međuvremenu je bilo još dodatno dva glasa. Znači 29 je glasalo ZA, protiv i suzdržanih nije bilo.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i sedam:

AD-27.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO-POSLOVNOM OBJEKTU K-93, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA,

RATNE VOJNE INVALIDE, DEMOBILIZIRANE BORCE I PROGNA NE OSOBE, KAO PRODAVAC, ZAKLJUČITI SA KUPCEM NEKRETNINE (PAZELJA ERMIN)

Zaključujem glasanje.

ZA JE GLASALO 29, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i osam:

AD-28.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU DAVANJU SAGLASNOSTI NA NACRT UGOVORA O KUPOPRODAJI STANA U STAMBENO-POSLOVNOM OBJEKTU NIZ B, LAMELA B 2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM STANA (BILALOVIĆ EMINA)

Zaključujem glasanje. Molim službu da objavi rezultate.

ZA JE GLASALO 28, PROTIV I SUZDRŽAN NIJE BILO. Evo imamo još jednog. 29 je ZA glasalo, protiv i suzdržanih nije bilo.

KONSTATUJEM DA JE SKUPŠTINA DONIJELA OVU ODLUKU.

Tačka dvadeset i devet:

AD-29.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA I GARAŽE U STAMBENO-POSLOVNOM OBJEKTU NIZ B, LAMELA B 2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM (KAMENICA KORJENIĆ AMAR)

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka trideset:

AD-30.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINA U STAMBENO-POSLOVNOM OBJEKTU NIZ B, LAMELA B 1 I 3, DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (MUSIĆ SULEJMAN)

Zaključujem glasanje. Molim službu da objavi rezultate.

ZA JE GLASALO 30 zastupnika, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka trideset i jedan:
AD-31.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINA U STAMBENO-POSLOVNOM OBJEKTU NIZ B, LAMELA B1, DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (ČORBO RUŠID).

Za je glasalo 26 zastupnika. Prije nego što pročitam rezultate zaključujem glasanje.

ZA JE GLASALO 26, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka trideset i dva:
AD-32.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-34, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (SKENDER ESAD)

Zaključujem glasanje. Molim službu da objavi rezultate.

ZA JE GLASALO 28, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka trideset i tri:
AD-33.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (ALAĐUZ NIZAMA).

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka trideset i četiri:
AD-34.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO-POSLOVNOM OBJEKTU 3A, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU

STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (SMAJLOVIĆ MUHAMED)
Zaključujem glasanje. Molim službu da objavi rezultate.
ZA JE GLASALO 28, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka trideset i pet:
AD-35.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA I GARAŽE U STAMBENO-POSLOVNOM OBJEKTU NIZ B, LAMELA B 2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM (KADRIĆ DŽANA)
Zaključujem glasanje. Molim službu da objavi rezultate.
ZA JE GLASALO 30, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka trideset i šest:
AD-36.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO-POSLOVNOM OBJEKTU NIZ B, LAMELA B1, DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE „TI - TERMOENERGETSKI INŽINJERING“ D.O.O. SARAJEVO
Molim zastupnike da se izjasne. Zaključujem glasanje. Molim službu da objavi rezultate.
ZA JE GLASALO 28, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka trideset i sedam:
AD-37.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO-POSLOVNOM OBJEKTU NIZ B, LAMELA B3, DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (HANJALIĆ SABINA)
Zaključujem glasanje. Molim službu da objavi rezultate.
ZA JE GLASALO 28, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka trideset i osam:
AD-38.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (BEĆIRBAŠIĆ DANIJELA)

Zaključujem glasanje. Molim službu da objavi rezultate.
ZA JE GLASALO 25, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka trideset i devet:
AD-39.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-34, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (HODŽIĆ ZEHRA)

Zaključujem glasanje. Molim službu da objavi rezultate.
ZA JE GLASALO 28, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka četrdeset:
AD-40.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINA U STAMBENOM OBJEKTU K-34, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINA (HODŽIĆ AMILA)

Zaključujem glasanje. Molim službu da objavi rezultate.
ZA JE GLASALO 28, PROTIV I SUZDRŽAN NIJE BILO.
KONSTATUJEM DA JE SKUPŠTINA DONIJELA OVU ODLUKU.

Tačka četrdeset i jedan:
AD-41.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O

DDAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU LAMELA B, IZGRAĐENOM U NASELJU BUĆA POTOK, OPĆINA NOVI GRAD SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (FAZLIĆ NIHAD).

Zaključujem glasanje. Molim službu da objavi rezultate.

ZA JE GLASALO 30, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka četrdeset i dva:

AD-42.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR, SARAJEVO, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (EMIN BANDIĆ).

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka četrdeset i tri:

AD-43.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (TULEK AZIZ).

Zaključujem glasanje. Molim službu da objavi rezultate.

ZA JE GLASALO 27, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU..

Tačka četrdeset i četiri:

AD-44.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENO-POSLOVNOM OBJEKTU NIZ E, LAMELA E4, DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (PILIĆ ALEN).

Zaključujem glasanje. Molim službu da objavi rezultate.

ZA JE GLASALO 28, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Ovim smo završili pojedinačno izjašnjavanje na jedinstvenu raspravu. Prelazimo na tačku četrdeset i pet.

AD-45.

PRIJEDLOG ODLUKE O DAVANJU SAGLASNOSTI ZA ZAKLJUČIVANJE OKVIRNOG SPORAZUMA I UGOVORA O ZAKUPU ZEMLJIŠTA ZA ODLAGANJE PRIVREMENO ODUZETIH MOTORNIH VOZILA ZA PERIOD 2021. – 2024. GODINA IZMEĐU UGOVORNIH STRANA MINISTARSTVA UNUTRAŠNJIH POSLOVA KANTONA SARAJEVO KAO ZAKUPCA I „BOSMAN“ D.O.O. SARAJEVO, KAO ZAKUPODAVCA, KOJI JE IZABRAN PUTEM JAVNOG POZIVA PROVEDENOG NA OSNOVU ČLANA 10. STAV (1) TAČKA E) ZAKONA O JAVNIM NABAVKAMA BIH

Materijal ste dobili uz poziv za sjednicu. Molim premijera ispred Predlagača da podnese uvodne napomene.

Premijer Edin Forto:

zahvaljujem predsjedavajući. Imajući u vidu da je ministara Katica opravdano odsutan, na bolovanju. Ono što želim reći samo da je ovo bila standardna procedura po javnom pozivu. Napravljen je okvirni sporazum za odlaganje vozila koja MUP mora negdje odložiti u smislu kada nakon oduzimanja i drugih pravnih radnji. Mi smo imali godinama da je to neriješeno pitanje. Još 2019 smo pokrenuli proceduru da se to javnim pozivom riješi. I ovo je neka vrsta rješenja koja je pred vama. Radi se o najboljem ponuđaču za plac uz čuvanje. Hvala.

Predsjedavajući:

zahvaljujem premijeru. Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za raspravu, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČIVANJE OKVIRNOG SPORAZUMA I UGOVORA O ZAKUPU ZEMLJIŠTA ZA ODLAGANJE PRIVREMENO ODUZETIH MOTORNIH VOZILA ZA PERIOD 2021. – 2024. GODINA IZMEĐU UGOVORNIH STRANA MINISTARSTVA UNUTRAŠNJIH POSLOVA KANTONA SARAJEVO KAO ZAKUPCA I „BOSMAN“ D.O.O. SARAJEVO, KAO ZAKUPODAVCA, KOJI JE IZABRAN PUTEM JAVNOG POZIVA PROVEDENOG NA OSNOVU ČLANA 10. STAV (1) TAČKA E) ZAKONA O JAVNIM NABAVKAMA BIH

Zaključujem glasanje. Molim službu da objavi rezultate glasanja.

ZA JE GLASALO 23, PROTIV I SUZDRŽAN 1.

KONSTATUJEM DA JE SKUPŠTINA DONIJELA OVU ODLUKU.

Tačka četrdeset i šest:

AD-46.

PRIJEDLOG ODLUKE O DAVANJU SAGLASNOSTI ZA ZAKLJUČENJE UGOVORA O ZAKUPU POSLOVNOG PROSTORA – BOLNIČKI KOMPLEKS BIVŠE KLINIKE ZA KOŽNO – VENERIČNE BOLESTI "DR. ERNEST GRIN", ZA 2021. I 2022. GODINU IZMEĐU UGOVORNIH STRANA: KLINIČKOG CENTRA UNIVERZITETA U

SARAJEVU KAO ZAKUPODAVCA I KANTONA SARAJEVO (MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE, MINISTARSTVA ZDRAVSTVA I KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA") KAO ZAKUPCA

Materijal ste dobili uz poziv za sjednicu. Molim predstavnika Predlagača da podnese uvodne napomene

Zoran Ministarstvo za rad.:

Ispred ministarstva za rad, socijalnu politiku, raseljena lica i izbjeglice Zoran (nerazumljivo). JKU Dom za socijalno zdravstveno zbrinjavanje osoba sa invaliditetom i drugih osoba obavlja djelatnost u poslovnom prostoru bolničkog kompleksa bivše klinike za kožno-venerične bolesti "Dr. Ernest Grin". Na osnovu ugovora o zakupu poslovnog prostora između ugovornih strana KCUS kao zakupodavaca i Kantona Sarajevo odnosno Ministarstva za rad, socijalnu politiku, raseljena lica i izbjeglice, Ministarstva zdravstva i KJU Dom za socijalno zdravstveno zbrinjavanje osoba sa invaliditetom i drugih osoba kao zakupca. Ustanova svoju djelatnost u ovom prostoru obavlja odmah nakon okončanja rata od 1996. obzirom da se važeći ugovor o zakupu poslovnog prostora zaključuje na određeno vrijeme u trajanju od dvije godine počevši od 01.01.2019 godine do 31.12.2020. godine to je ministarstvo pokrenulo aktivnosti na zaključivanju novog ugovora o zakupu. Odlukom UO KCUS data je saglasnost za zaključivanje novog ugovora o zakupu poslovnog prostora bolnički kompleks bivše klinike dr.Ernest Grin za period 2021 i 2022 po cijeni zakupa od 12 KM/m2, odnosno pod istim uslovima kao i za period 2019 i 2020. ova je cijena je bez PDV. Sa PDV je to 14 KM. Shodno članu 15 Zakona o Pravobranilaštvu resorno Ministarstvo se dana 22.12.2020.godine obratilo Pravobranilaštvu Kantona Sarajevo sa zahtjevom za davanje pravnog mišljenja na prijedlog Ugovora o zakupu ovog poslovnog prostora za 2021. i 2022 godinu. Pravobranilaštvo Kantona Sarajevo nije imalo primjedbi na ovaj ugovor i obavijestilo je Ministarstvo da je prije zaključenja ugovora o zakupu potrebno dobiti saglasnost Skupštine Kantona Sarajevo. Također, u skladu sa pravilnom o proceduri za izradu izjave o fiskalnoj procjeni Zakona, drugih propisa i akata, planiranja na Budžet, resorno ministarstvo je dana 22.12.2020.godine uputilo Ministarstvu finansija Kantona Sarajevo na mišljenje izjavu o fiskalnoj procjeni ovog ugovora koje je aktom od 30.12.2020.godine budući da tada još uvijek Budžet nije bio usvojen konstatovala da se budžetska sredstva u vrijeme privremenog finansiranja mogu trošiti srazmjerno utrošenim sredstvima u istom periodu i da se ne mogu započeti novi ili prošireni programi i aktivnosti. Cijeneći gore naprijed navedeno, te da je donesen Budžet Kantona Sarajevo za 2021 godinu i da su za tu namjernu obezbijedena sredstva, predlaže se Skupštini Kantona Sarajevo da na prijedlog Vlade Kantona Sarajevo donese odluku o davanju saglasnosti na zaključenje ovog ugovora. Želim samo napomenuti jš jedno, budući da je ovaj objekat u kome se trenutno obavlja djelatnost neuslovan, Ministarstvo će preduzeti u međuvremenu aktivnosti na obezbjeđenju sredstava za izgradnju ovog objekta za ovu ustanovu. Zahvaljujem.

Predsjedavajući:

Da li predstavnici radnih tijela žele riječ? Ima li pitanja? Otvaram raspravu.

S obzirom da se niko ne javlja, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČENJE UGOVORA O ZAKUPU POSLOVNOG PROSTORA – BOLNIČKI KOMPLEKS BIVŠE KLINIKE ZA KOŽNO – VENERIČNE BOLESTI "DR. ERNEST GRIN", ZA 2021. I 2022. GODINU IZMEĐU UGOVORNIH

STRANA: KLINIČKOG CENTRA UNIVERZITETA U SARAJEVU KAO ZAKUPODAVCA I KANTONA SARAJEVO (MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE, MINISTARSTVA ZDRAVSTVA I KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA") KAO ZAKUPCA.

Anketa je postavljena i molim vas da se izjasnite.

Zaključujem glasanje. Molim službu da objavi rezultate.

ZA JE GLASALO 31, PROTIV I SUZDRŽAN NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka četrdeset i sedam:

AD-47.

PRIJEDLOG ODLUKE O DAVANJU SAGLASNOSTI NA STATUT O IZMJENI I DOPUNI STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene.

Premijer Edin Forto:

poštovani predsjedavajući. Ministar Vranić je opravdano odsutan. Radi se o izmjeni koja omogućava ne mogu se sjetiti tačno, imate u materijalu, izmjena omogućava da imaju dole radiologiju u Hitnoj pomoći. Ali ne mogu se sjetiti, očekivao sam ministra Vranića, ali on je opravdano odsutan. Ako možete samo iz materijala da vidite ovo je tehnička izmjena, ništa se suštinski toliko ne mijenja.

Predsjedavajući:

Zahvaljujemo premijeru. Da li predstavnici radnih tijela žele riječ? Ima li pitanja? Evo imamo pitanje Neira Dizdarević zastupnica, izvolite imate riječ.

Poslanik/zastupnik Neira Dizdarević.

Hvala predsjedavajući. Pa evo samo ću kratko s obzirom da nije ministar Vranić tu. Za premijera bih samo jedno pitanje. U materijalima stoji da nisu potrebna dodatna budžetska sredstva pa me samo interesuje u smislu kadrova, znači ima dovoljno kadra za ovaj (smetnje).

Premijer Edin Forto:

Evo sekretarka Ministarstva zdravstva može odgovoriti na ovo pitanje.

Predsjedavajući:

Hvala. Možete se samo predstaviti imate riječ. Niste upalili mikrofona. Sekretar Ministarstva zdravstva, nije vam mikrofona upaljen, ne čujemo vas ništa. Evo neko iz stručne službe će otići do kancelarije sekretara Ministarstva zdravstva da tamo upali mikrofona jer ne čujemo ništa. Morate sve ponoviti nismo vas ništa čuli, ali evo budite kratki.

Amra Isić, sekretar Ministarstva zdravstva:

može, može samo izvolite. Radi se o donaciji Švedske Vlade, Kraljevine Švedske i saradnje UNDP koji su Zavodu za HMP donirali jedan RTG aparat kako bi se retestirala ova vrsta djelatnosti u bolničkim i kliničkim kapacitetima te da bi se RTG aparat stavio u funkciju i uopšte moglo pristupiti ponovnom vršenju RTG usluga od strane Zavoda za HMP koja je

inače i prije rata bila u sklopu ove ustanove potrebno je da se izvrši proširenje djelatnosti odnosno izmjena osnivačkih akata ove ustanove. Sistematizacijom radnih mjesta i upošljavanja kadra predviđeno je samo povećanje kadra u dijelu RTG medicinski tehničar.

Predsjedavajući:

hvala vam. Otvaram raspravu. S obzirom da se niko ne javlja, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENI I DOPUNI STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO.

Stručna služba je postavila anketu. Molimo vas da se izjasnite. Molim službu da objavi rezultate glasanja.

ZA JE GLASALO 26 ZASTUPNIKA, PROTIV I SUZDRŽANIH nije bilo.

KONSTATUJEM DA JE SKUPŠTINA DONIJELA OVU ODLUKU.

Kolegica Dizdarević želi kratko da se obrati, nismo vidjeli u grupi kada se prijavila za diskusiju.

Poslanik/zastupnik Neira Dizdarević:

uvaženi predsjedavajući zaista sam se javila na vrijeme u trenutku dok je bila otvorena rasprava, vjerujem da to možete i provjeriti. Ja imam potrebu kratko da se javim po ovom tački dnevnog reda iz razloga što je formiranje RTG službe u HMP inicijativa stara više od dvije godine. Lično sam je pokretala u Skupštini Kantona Sarajevo. Naravno na prijedlog zdravstvenog savjeta Naše stranke a iz potrebe da se ta vrsta usluge obezbijedi građanima Kantona Sarajevo odnosno da Hitna pomoć ne bi bila samo taksi služba do Opće bolnice i Kliničkog centra. Direktor Zalihić me je uvjeravao u svojim odgovorima, sve to možete naći na stranici Skupštine, da je potreba izmjena federalnog pravilnika koji po njegovom tumačenju ne predviđa odjel za tu vrstu dijagnostike. Sada vidim da ipak te izmjene federalnog pravilnika se nisu desile a imamo formiranje.

Predsjedavajući:

(nerazgovijetno) Bišćević-Tokić. Izvolite.

Poslanik/zastupnik Jasmina Bišćević-Tokić:

zahvaljujem predsjedavajući. Pa evo s obzirom da pratimo i na TV i mobitelima izlaganje skupštine Kantona Sarajevo definitivno smo zaključili diskusiju i raspravu ne znam na osnovu čega ste sada dali riječ kolegici Neiri Dizdarević, zanima me koji član Poslovnika to omogućava? Zahvaljujem.

Predsjedavajući:

zahvaljujem kolegice Bišćević-Tokić. Kao što sam kazao zaključio sam raspravu međutim kolegica Dizdarević se javila prije za diskusiju, kazao sam kratko obraćanje. Ukoliko bude imala diskusiju prekinut ću je. Zastupnice Neira jeste li završili?

Poslanik/zastupnik Neira Dizdarević:

samo još jedna rečenica .hvala rekla sam sve što sam htjela. Dakle nisu bile potrebne izmjene nikakvih akata već jednostavno malo dobre volje i hvala ministru Harisu Vraniću koji je konačno omogućio da imamo RTG službu u Hitnoj pomoći. Toliko hvala.

Predsjedavajući:
nastavljamo dalje. Tačka dnevnog reda četrdeset osam.

AD – 48.

IZVJEŠTAJ O RADU I FINANSIJSKOM POSLOVANJU JAVNE USTANOVE ZA 2019. GODINU:

- a) Narodno pozorište Sarajevo;
- b) Sarajevska filharmonija;
- c) Pozorište mladih Sarajevo;
- d) Kamerni teatar ' 55 Sarajevo;
- e) MES - Međunarodni teatarski festival - Scena MESS;
- f) Muzej Sarajeva;
- g) Historijski arhiv Sarajevo;
- h) Biblioteka Sarajeva;
- i) Bosanski kulturni centar Kantona Sarajevo ;
- j) Muzej „Alija Izetbegović“ Sarajevo;

Predlažem također da obavimo jedinstvenu raspravu a da izjašnjenje o finansijskim izvještajima ovih institucija imamo pojedinačno.

Molim službu da pripremi anketu i zastupnike da se izjasne o jedinstvenoj raspravi ovih izvještaja.

Zaključujem glasanje molim službu da objavi rezultate.

ZA JE GLASALO 24, PROTIV I SUZDRŽANIH NIJE BILO.

KONSTATUJEM DA JE PRIHVAĆEN MOJ PRIJEDLOG DA VODIMO JEDINSTVENU RASPRAVU A DA SE IZJAŠNJAVAMO POJEDINAČNO O SVAKOJ USTANOVI.

Molim Predlagača ministra Avdića da nam da uvodne napomene.

Ministar Samir Avdić:

dobar dan predsjedavajući, dobar dan svi uvaženi zastupnici i naši gledaoci pored malih ekrana. Dnevna tačka reda je Izvještaj o radu i finansijskom poslovanju JU za 2019 godinu, kako ste pobrojali redom. Tako da su na vezi svi naši direktori JU kulture i oni će podnijeti izvještaje kako slijedi. Hvala.

Predsjedavajući:

zahvaljujemo se ministru Avdiću. Imam zahtjev dopredsjedavajućeg Skupštine Vibora Handžića za pauzom od 20 minuta.

PAUZA 20 MINUTA.

NASTAVAK NAKON PAUZE

Predsjedavajući:

nastavljamo dalje sa 33. sjednicom Skupštine Kantona Sarajevo. Nakon uvodnih napomena koje je dao ministar Avdić, pozivam direktora JU Narodno pozorište da podnese izvještaj o radu. Molim sve direktore koji budu podnosili izvještaj da prije nego što krenu sa izvještajem da se predstave zbog stenograma. Imamo li nekog drugog direktora iz ustanove? Evo imamo. Gospodine Bajrović mi vas vidimo. Gospodine Lokvančiću niste vi sada na redu, sačekajte

malo, prvo ide direktor Narodnog pozorišta. Ne možete govoriti, sačekajte malo.
Kolegica Bibija Kerla ima poslovničku intervenciju, izvinjavam se. Zastupnice Kerla ništa vas nismo čuli.

Poslanik/zastupnik Bibija Kerla:

ja predlažem isto kao i za prošlu tačku dnevnog reda, da radimo pojedinačno izjašnjavanje a pitanja i diskusije da idemo.

Predsjedavajući:

zastupnice Kerla, to smo već uradili, niste pratili. Izglasali smo jedinstvenu raspravu. Hvala. Gospodine Bajroviću izvolite, imate riječ.

Direktor JU NP Izudin Bajrović:

hvala lijepo. Pozdravljam sve zastupnike, premijera, ministrice, ministre, gledaoce. 2019 godina je bila godina kao što znamo za sada posljednja u kojoj se radilo u nekim normalnim uslovima i evo ja pred sobom imam izvještaj hronološki kako smo mi radili naše predstave. To je bilo osam premijernih predstava, nabrojat ću ih. Kao što znate NP ima tri segmenta, to su drama, opera i balet. Jedino takve vrste u BIH. Imali smo osam premijera. Idem hronološkim redom:

Kavkaski krug kredom-dramska predstava

La boem – opera, sedam dana kasnije drama

Uspavana ljepotica-balet

snijeg – dramska predstava,

(nerazumljivo) – dramska predstava

Ples sa Mocartom – balet u dva čina

Don Karlo – opera.

U toku 2019 godine drama je imala 58 predstava u kući, gledalaca 14.132. drama predstava na gostovanju 16, gledala 4.970. Opera predstava u kući 18 gledalaca 5.068, balet predstava u kući 19 gledalaca 5.355. Ukupno svega predstava u kući 95, gledalaca 24.555. ukupno gostovanja 15 gledalaca 4.970. ukupno svega predstava 110 gledaoca 29.525. što se tiče prihoda ukupno je naplaćeno u toku 2019 godine 433.000, 13 KM. Prihod od ulaznica 127.439, prihod od gostovanja 49.501, prihod od iznajmljivanja prostora 62.451 KM, prihod od sponzorstava 48.968, transferi 87.566, donacija 13.700, naplaćeni prihodi iz 2018 43.388. dakle ukupno 433.013 KM. TO je ukratko dakle poslovanje NP za 2019 godinu. Ukoliko ima nekih pitanja, tu sam, spreman da odgovorim.

Predsjedavajući:

direktor Sarajevske filharmonije.

Direktor Samir Lokvančić, direktor Sarajevske filharmonija:

dobar dan svima. Hvala. Još jednom pozdrav svim prisutnim na Skupštini Kantona Sarajevo. Što se tiče izvještaja za 2019 godinu, Sarajevska filharmonija je uspjela da realizira u potpunosti plan i program tako i finansijski plan i program. Znači, ukupno je 54 projekta urađeno u 2019 godini, od toga koncerti, operske i baletne predstave u kojima učestvuje SF. Što se tiče 2019 godine može se zaključiti da je bio niz gostujućih solista i dirigenata poput Ive Pogorelića, Antonia Serana, Lipovšeka, Džihata Aškina, Luke Ljubasa, Alena Bjelinskog, Ivo.itd. Što se tiče ostalih kulturnih programa SF je učestvovala i u festivalima kao što je Sarajevska zima, Sarajevske večeri muzike, Ajvatovica, majske muzičke svečanosti. Istaknuo bih da smo u 2019 godini realizirali jedno značajno putovanje i koncert u Dohi u Kataru, što je bio prvi put da se naš orkestar predstavi na tim prostorima. Zatim, projekta BH-Američke akademije nauke i umjetnosti. Imamo razmjenu, tj muzičare koji dolaze i po godinu dana

stažiraju u SF. 2019 smo imali dva muzičara iz Amerike. Učestvovali smo i u jednom projektu europskom (nerazumljivo) kojem SF četverogišnje partnerstvo realizirala projekte i programe sa akademijom Santa (nerazumljivo) iz Barselone, sa Mariborom, Podgoricom, Lilom itd. Zatim cijeli plan i program smo uspješno realizirali sa operom i baletom NP. Tako da imali smo medijsku podršku BHTV i TVSA. I u 2019 godini smo imali kadrovsko jačanje kapaciteta sa 6 zaposlenika u orkestru koji su dobili ugovor na godinu dana i sada je tim umjetnicima istekao ugovor i čekamo novo raspisivanje konkursa i prijem istih. Što se tiče finansija SF u 2019godini imala planiran budžet od 2.037.530 KM. Zatim smo rebalansom budžeta u 20199 godini budžet je povećan na 2.045.223 KM. Da bi na kraju godine ukupno potrošili 2.076.496,17 i procentualno izvršenje budžeta u odnosu na plan je 101, 53%. mi smo imali 168.350 KM prihoda tako da smo imali može se reći pozitivno poslovanje i u realizaciji plana i programa i u finansijama. Toliko, ako bude nekih pitanja ja vam stojim na raspolaganju.

Predsjedavajući:

zahvaljujemo se direktoru Lokvančiću. Sljedeći direktor Pozorišta mladih Sarajevo. Imamo li prisutnog direktora Pozorišta mladih Sarajevo kako bi podnio izvještaj? Direktor Kamernog teatra '55 da li je spreman?

Vedran Fajković, Kamerni teatar '55:

Dobar dan, Vedran Fajković, dramaturg Kamernog teatra'55. Direktor KT gospodin Emir Hadžihafizbegović je na putu pa nije mogao prisustvovati današnjoj Skupštini. Tako da mogu ja ukratko podnijeti ovaj izvještaj. Dakle u 2019 KT je ostvario svoje programske ciljeve. Imali smo održan Festival Dani Jurislava Korjenića koji se održava svake godine, koji je regionalnog tipa. Imali smo prisutne predstave iz Slovenije, hrvatske, Crne Gore i Makedonije, kao iz iz BIH. Pored toga uradili smo premijeru predstave Sjećaš li se Doli Bel, po tekstu Abdulaha Sidrana. A u režiji Klokana Mladenovića koja je u veoma kratkom vremenu koliko je trajala od premijere do početka pandemije ostavila zaista neizbrisiv trag u cijelom regionu. U tom periodu je osvojila preko 40 teatarskih nagrada čime je postala najnagrađivanija predstava Kamernog teatra i jedna od najnagrađivanijih predstava u cijelom regionu. Pored predstave Sjećaš li se Doli bel, radili smo koprodukciju za predstavu Slavna Florens, koja je također uvrštena u redovan repertoar KT. Što se tiče finansijskog poslovanja KT u 2019 godini ukupno smo imali prihoda 276.361,98 KM pri čemu prihod od karata i ostali prihoda koji su javi prihodi su bili 91.551,00 KM, vlastiti prihodi ostvareni po osnovu sponzorstva marketing usluga su 77.323,50 KM. Prihodi koji se zovu primljeni transferi iz inostranstva su iznosili 51-387,48 KM. Primljeni transferi od Općine Centar i Općine Stari Grad su 20.000 KM, to je podrška za festival Dani Jurislava Korjenića, ua 2019 godinu. Zatim u okviru toga 7.000 KM za nabavku opreme i 1000 KM kao podrška za 50 godina umjetničkog rada našeg glumca u penziji Mikija Trifunova. Zatim imali smo 11.000 KM donacije od Fondacije za muzičke scenske i likovne umjetnosti, kao pomoć za festival Dani Jurislava Korjenića. I pored toga u realizaciju festivala Dani Jurislava Korjenića uključeno je i Ministarstvo kulture i sporta Kantona Sarajevo sa iznosom od 50.000 KM. Eto to što se tiče KM za 2019. ako imate pitanja, koliko sam u mogućnosti stojim na raspolaganju.

Predsjedavajući:

sljedeći je na redu direktor MESS-a Međunarodni teatarski festival.

Direktor MESS Nikad Kreševljaković:

čujemo se, jel? Znači što se tiče Izvještaja za 2019 godinu festival Mess je realizirao u skladu sa planom i programom sve svoje aktivnosti koje uključuju organiziranje teatarskog festivala, program modul memorije, kao i segment produkciji festivala, to je Scena MESS. Svi

programi realizirali u okviru tog plana realizirani su u skladu sa budžetom Festivala MESS. S tim što bih posebno naglasio činjenicu da usvojeni su naravno od UO i sve, s tim što bih naglasio činjenicu da mimo ovih spomenutih aktivnosti da je Festival Mess nosilac projekta Kreativne Europe, granta koji je dobio za period 2018-2020 godinu za program ŠIF KI, za koji je od EU dobio grant u iznosu od 199.407 eura i to je program koji je još uvijek u toku. U svakom slučaju, program 2019 godine kao što sam rekao realiziran u skladu sa planom i programom te sa budžetskim uvjetima koji su bili za tu godinu. To je to. Ako ima nekih pitanja.

Predsjedavajući:

zahvaljujemo se, bit će sigurno pitanja. Ali evo sada jedinstvenu raspravu vodimo. Predstavnik Muzej Sarajevo. Da li imamo predstavnika? Historijski arhiv Sarajevo da li ima predstavnik? Evo ako imam predstavnika Muzej Sarajeva, dajemo mu prednost, s obzirom da smo ga prije prozvali. Izvolite, samo se predstavite.

JU Muzej Sarajeva Mirsad Avdić:

pozdravljam vas predsjedavajući i predstavnike u Skupštini našoj. Što se tiče izvještaja za 2019 godinu Muzej Sarajeva je, to je specifična godina bila za Muzej obzirom da se slavilo 70 godina svog rada i postojanja. Te godine smo što se tiče tematskog plana ostvarili 20 izložbi i raznih produkcija. Naš budžet je bio 837.000 od toga smo imali vlastitih prihoda 160.000. tako da pismeno imate svi ispred sebe detaljno sam plan, odnosno sam izvještaj tako da ne bih sada jedno po jednu tačku rješavao. Uglavnom, eto, naš budžet je bio 837.000 od toga 163.000 smo imali vlastitog prihoda i realizovali smo pored svih tekućih i stalnih poslova i 20 izložbi. I još bih naglasio obzirom da je bilo 70 godina muzeja posebno bih istaknuo gostovanja muzejskih velikih izložbi u Švedskoj. Mada ostao je žal obzirom da nismo imali podršku generalno na samu našu godišnjicu nismo imali nikakva posebna sredstva niti smo imali poseban grant, ali smo uspjeli tu godinu obilježiti tih naših 70 godina. Eto toliko, hvala. Ja se izvinjavam jel' se čulo šta?

Predsjedavajući:

jesmo, završili ste. Pozivamo predstavnika Historijskog arhiva. Hvala vama. Možete se predstaviti.

Fuad Ohranović direktor JU Historijski arhiv Sarajevo:

Moje poštovanje, uvaženi predsjedavajući, uvaženi zastupnici Fuad Ohranović direktor JU Historijski arhiv Sarajevo.. kada je u pitanju Izvještaj za 2019 godinu, eto vrijedi napomenuti da je to bila zadnja godina u kojoj su sve ustanove kulture manje ili više radile normalno prije nego što je u 2020 godini započela ova pandemija korona virusa. U 2019 budžet JU Historijski arhiv Sarajevo iznosio je 934.241 KM,. Od toga je utrošeno 857.562 KM. Imate pred sobom izvještaju otprilike gdje je išla potrošnja. Ono što je važno napomenuti jeste da je u skladu sa programom rada za 2019 godinu održano aktivnosti u okviru programskih sadržaja. Održano je ukupno šest izložbi arhivskih izložbi i jedna promocija arhivskog izdanja urađenog u saradnji sa Institutom za istoriju UNSA. U 2019 godini ona je bila specifična jer u toj godini je došlo do određenih promjena na čelu JU Historijski arhiv Sarajevo, prva polovina godine jeb io jedan direktor, druga polovina godine je bio drugi, imate dakle priliku da vidite u izvještaju o radu šta se tačno dešavalo u toj godini. Od kapitalnih projekata nismo imali nekih posebnih dešavanja u toj godini upravo zbog promjene na čelu JU Historijski arhiv Sarajevo. Dakle ja sam tu ukoliko ima nekih pitanja. Ali evo to bi bilo to otprilike kada je u pitanju prezentacija rada u 2019 godini. Također vrijedi napomenuti da je ovaj izvještaj rađen po službenoj dužnosti u julu 2020 godine s obzirom da JU Historijski arhiv Sarajevo nije nakon 18.01.2020 isticanja mandata v.d. direktora koji je imenovan sredinom jula 2019

nije imala direktora punih šest mjeseci, što je zaista dovelo do velikih poteškoća u funkcionisanju ove JU. Tako da je ovaj izvještaj urađen i pripremljen po službenoj dužnosti tokom jula 2020 godine. Zahvaljujem.

Predsjedavajući:

zahvaljujemo se predstavnik Biblioteke Sarajevo. Da li imamo predstavnika Biblioteka Sarajevo? Predstavnik BKC? Predstavnik Muzej Alija Izetbegović Sarajevo? Evo imamo predstavniku BKC, možete li nam se predstaviti? Ne čujemo vas, uključite mikrofona? Sada vas čujemo.

v.d. direktora JU BKC Edina Arnautović:

dobar dan svima, ja sam Edina Arnautović v.d. direktora ispred JU BKC, u prilici sam uslovno rečeno da branim izvještaj iz 2019 godine ispred naše ustanove u vrijeme kada je ovdje bio jedan drugi direktor, koji više nije tu, ali svakako sam ja neko ko je tu u ustanovi, ko radi, i s te strane ako ništa, pozvana sam da nešto kažem o izvještaju našem iz 2019 godine. Znači u izvještajnom periodu JU BKC za 2019 održano je ukupno 61 manifestacija, koncerata, akademija, predavanja, i različitih drugih programskih sadržaja. U principu ono što je karakteristično za 2019 godinu a za BKC se veže jesu aktivnosti na adaptaciji objekta odnosno prevashodno prizemnog dijela a potom i naše velike koncertne dvorane. Većina našeg angažmana, angažmana tadašnjeg direktora bila je usmjerena na adaptaciju prostora, cjelokupnog tog prizemnog prostora i velika i koncertne dvorane što je svakako i završeno možda ne samo u okviru te kalendarske godine, a li je svakako taj posao završen. Kada govorimo o samim manifestacijama, rekla sam da ih je bilo 61 manifestacija ukupno, a pojedinačni programi kroz sve te manifestacije ukupno ih je bilo oko 146 od čega je 130 programa realizirano u vlastitoj produkciji ili koprodukciji što je svakako značajno uvećanje u odnosu na prethodnu godinu 2018. obzirom da mi imamo jako mali broj uposlenika koji rade na realizaciji programskih sadržaja. Na pripremi i realizaciji programa uzelo je učešće cirka 3500 ljudi, manifestacije je posjetilo cca oko 100.000 posjetilaca, odnosno gledalaca. U izvještajnoj godini, znači 2019 godini ostarili smo oko 50.000 KM vlastitih prihoda. Ono što bih posebno naglasila za ovaj izvještajni period, jesu ove donacije i grantovi koje je JU BKC ostvarila putem saradnje sa međunarodnim partnerom UN, projektima UNDP, gdje smo zahvaljujući toj saradnji ugradili lift za invalidna lica u BKC. To ukratko za 2019 godinu. Ja ukoliko budem u mogućnosti, budem znala odgovore, svakako sam na raspolaganju uvažanim zastupnicima i svima prisutnim da odgovorim.

Predsjedavajući:

mislim da je s nama predstavnik Pozorišta mladih Sarajevo.

v.d. direktora JU Pozorište mladih Ismir Fazlić

Dobar dan. Pozdrav vama predsjedavajući i svim članovima Skupštine. Izvinjavam se ako ste prozivali u ranijem periodu.

Predsjedavajući:

sve je u redu, samo ako možete predstavite se.

v.d. direktora JU Pozorište mladih Ismir Fazlić:

Ismir Fazlić, trenutno obnašam funkciju v.d. JU Pozorište mladih. Također, kao što je navela kolegica iz BKC ja sam imenovan na funkciju v.d. u decembru 2019 tako da nisam krojio plan i program za 2019 ali također mogu ukratko da vam kažem da Pozorište mladih ima zaposlenih 42 uposlenika, da je realizovalo u toj godini pet programa, pet premijernih programa, imalo oko 120 repriza. Budžet Pozorišta mladih za 2019 iznosio oko 1,4 miliona.

Jedan veliki dio 80% budžeta otpada na, plate i naknade, to jeste taj neki hladni pogon, komunalije, za produkciju 2019 godinu Pozorišta mladih je imalo oko 160.000 KM. Direktorica bivša koja je obnašala funkciju JU PM na njenu inicijativu podnijela je ostavku u novembru 2019 tako da je ostalo upražnjeno mjesto i ja sam na prijedlog Sindikata uposlenika PM kao dugogodišnji uposlenih imenovan na tu funkciju. Na žalost u prošloj godini nismo imali upravljačke strukture UO i NO, tako da se nije išlo u imenovanje direktora, tako da zadnji put kada smo dobili v.d. UO u februaru oni su potvrdili moj ostanak do imenovanja i raspisivanja konkursa. Također, stojim na raspolaganju uvažanim zastupnicima za bilo kakva pitanja. Moram još naglasiti da sam dugogodišnji uposlenik PM od 2001.godine.

Predsjedavajući:

da li imamo nekoga od predstavnika Biblioteka Sarajevo i Muzej Alija Izetbegović? Imamo predstavnike ove dvije ustanove.

Čujemo se možete se predstaviti i ispred koje ustanove dolazite.

Direktor Muzej Alija Izetbegović – Nađa Berberović:

Dobar dan. Moje ime je Nađa Berberović -Dizdarević, i ja sam direktorica Muzeja Alije Izetbegović. Ja sam imenovana na ovu poziciju 24.12.2019.godine tako da ja lično nisam pravila plan i program za 2019 međutim mogu vam ukratko predstaviti izvještaj za 2019 godinu i ukratko vam reći nešto o našim aktivnostima. Za nas je ta godina bila izuzetno produktivna s obzirom da smo tada radili u normalnim uvjetima. I nije bilo pandemije. Imali smo veliki broj manifestacija. Obilježili smo sve značajne datume za 2019 godinu. Imali smo vrlo redovne radionice za učenike srednjih i osnovnih škola. Organizovali smo veliki broj izložbi, veliki broj okupljanja, promocija knjiga itd. Neke od najznačajnijih aktivnosti za 2019 godinu je bila organizacija izložbe fotografija Dani nezavisnosti BIH, u organizacijom sa galerijom Općine Novi Grad Sarajevo . To je bilo u februaru. U istom mjesecu organizovali smo tradicionalnu manifestaciju Mladi ljiljani. Izložbu dječjih radova Alija Izetbegović, Dan nezavisnosti, uz dodjelu nagrada i obilježavanje Dana nezavisnosti. U martu smo imali objavljivanje rezultate konkursa za učenike osnovnih i srednjih škola za najbolji literarni rad, štampanje kataloga Mladi ljiljani. Manifestacija buđenje. U aprilu 2019 godine izložbu fotografija iz arhiva muzeja o korpusima ARBIH, prikazivanje dokumentarnog filma povodom Dana Armije BiH. Izložbu predsjednik izbliza u Zagrebu. Također obilježili smo Međunarodni dan knjige sa radionicom za učenike srednjih škola bosanskom jeziku u saradnji sa Institutom za jezik UNSA. U maju smo obilježili Dane Kantona Sarajevo prikazivanjem dokumentarnih filmova i radionicama iz historije u prostoru Muzeja AI. U maju smo također u organizaciji sa Kantonom povodom Dana Kantona Sarajevo imali promociju zbirke citata Alije Izetbegovića, "Poruka sebi". Obilježili smo međunarodni dan i europsku noć muzeja. U augustu smo imali Dane otvorenih vrata Muzeja AI. Također tradicionalno svake godien Muzej organizuje u Počitelju međunarodnu likovnu koloniju "Moj bijeg u slobodu" kada se okuplja veliki broj domaćih i stranih likovnih umjetnika. U septembru smo imali promociju foto monografija Alija Izetbegović te izložbu "Predsjednik izbliza" u Kazahstanu. O oktobru 2019 godine smo tradicionalno obilježili godišnjicu smrti Alije Izetbegovića svečanom akademijom, i u Sarajevu i u dijaspori u Njemačkoj i Austriji. Također povodom ove godišnjice smo organizovali 6. biciklistički maraton Alija Izetbegović. A u decembru smo organizovali donatorsku izložbu djela s međunarodnih likovnih kolonija "Moj bijeg u slobodu" u Gradskoj vijećnici Sarajevo i ovom prilikom smo prikupili gotovo 34.000 KM koje smo donirali Udruženje "Srce za djecu oboljelu od raka". U decembru 2019 godine smo učestvovali na sajmu knjiga u Bursi te u Holandiji i Belgiji i ovom prilikom smo predstavili i promovisali izdavačku djelatnost Muzeja. To su ukratko onako neke od glavnih aktivnosti koje su obilježile 2019 godinu. Pored toga smo imali veliki broj mobilnih izložbi koje su bile predstavljene u gradovima BIH, R Hrvatskoj, R Turskoj, R Kazahstan imali smo veliku

izložbu dječjih radova povodom Dana nezavisnosti BIH. I Izložbu umjetničkih radova sa međunarodnih kolonija “Moj bijeg u slobodu” u Mostaru, Sarajevu i Počitelju. Te ovu donatorsku izložbu koju sam već spomenula na koju smo zaista naročito ponosni. 2019 godinu obilježio je veliki broj radionica i časova historije sa učenicima srednjih i osnovnih škola i ovom prilikom moram istaći da sam ponosna što učestvuje čak 5 škola s prostora BIH. Organizovali smo kreativne radionice za učenike srednjih škola. Zatim školu slikanja u Muzeju za učeike također srednjih i osnovnih škola. I zaista ne znam, imamo jako jako mnogo toga ali ne bih sada da vas sve zamaram, znam da smo svi zauzeti i da imamo mnogo posla. Tako da je to ukratko to što se tiče naših aktivnosti.

Predsjedavajući:

hvala lijepo. Još nam je ostao samo predstavnik ili predstavnica Biblioteka Sarajevo. Ne znam da li su danas s nama? Koliko vidim nema niko. Da li predstavnici radnih tijela žele riječ? Ima li pitanja? Evo neko se javlja za pitanje? Otvaram raspravu. Prva se javila zastupnica Segmedina Srna, imate riječ izvolite.

Poslanik/zastupnik Segmedina Srna Bajramović:

hvala predsjedavajući. Pozdravljam sve prisutne. Pa evo nakon ovih uvodnih izlaganja želim reći da moja diskusija danas pod tačkom institucija kulture neće biti formalna u smislu analize dokumenata koje razmatram nego u retrospektivi kojom zapravo želim podsjetiti sve nas kako nas poslovničke procedure i političke forme vrlo često odvoje od životne suštine i uloge stvari koje razmatramo. Kultura može istvoreneno i dijeliti i povezivati, tako da nisam sigurna da li mi danas imamo jednostavan odgovor na shvatanje kulture kao sredstva ili kao cilja. A imali smo ga prije 25 godina i više od toga. Ratna sarajevska kulturna scena bila je više od zbira umjetničkih događaja, jer se ne pristajanjem na život u ratnom stanju slala poruka, kako barbarizam onih koji su uništavali glavni grad BIH nikada neće biti mjera stvarnosti. I taj rekla bih specifični vid otpora taj nezabilježeni prkos kojim su građanima Sarajeva i njegovi umjetnici odbijali prihvatiti ideologiju destrukcije ostat će upamćen kao nešto neviđeno i nevjerovatno. Održavale su se izložbe, koncerti, išlo se u kino. I oni brižni hroničari i istraživači opsade grada pažljivo su bilježili činjenice, zato dozvolite mi da podsjetim na neke brojeve od kojih sam se ja naježila zapravo. Tokom opsade u Sarajevu realizovano je 3102 umjetnička događaja, 48 koncerata Sarajevske filharmonije, objavljene 263 knjige. Postavljeno 177 likovnih izložbi, 182 teatarske premijere sa više od 2000 izvođenja predstava, snimljena 156 dokumentarnih filmova itd. Dakle 182 premijere zahvaljujući kojima su Sarajlije opstale kao mislena bića prkoseći tim kulturnim otporom. U vihoru tih najpotresnijih scena rata, iako danas nije na dnevnom redu izvještaj SARTRA imam potrebu ovo da kažem i u želji da pobjegnem od stvarnosti i daju ljudima dostojanstvo o volju da prežive u maju 92 teatarski umjetnici osnovali su SARTR uprkos granatama odlučili su da igraju, i prva ratna teatarska predstava podsjetit ću bilo je Sklonište koju je režirao Dubravko Bibanović, producirana je upravo u SARTRU. U Kamenom teatru izvedeno je 28 premijera, izvođena su djela Beketa, Joneska, Čehova, pa onda sjetiti ćemo se i Sarajevske kose kojom su protiv rata umjetnici borili porukama mira i ljubavi. O tom festivalu MESS koji je u to vrijeme vodio Haris Pašović, veličanstvena premijera predstave Suzan Zontag “Čekajući Godoa” odigrana je u opkoljenom Sarajevu te 93. i svaka predstava, svaki događaj je predstavljao je zapravo duhovnu hranu za gladne građane a neke od predstava odigrane su i u bolnicama. Ako se ne varam u oktobru 92 osnovan je PEN Centar BIH, no ono što je puno važnije od toga jeste da nikada više ljudi nije čitalo knjige, razmjenjivalo ih, pričalo o njima. Svi su u Sarajevu u to doba išli u pozorište, čak i vojnici. Direktno s prve linije fronta u Kamerni teatar, Pozorište mladih ili negdje drugo, išli smo na sve te događaje jer su nas kultura i umjetnost razlikovali od čudovišta koja pucaju s brda oko grada, a šta se dešava danas 25 godina kasnije? Šta se to u međuvremenu dogodilo s nama? Koliko danas imamo svijesti o tome koliko je zapravo bila

grandiozna sarajevska kulturna scena? Bojim se da i ljudi koji su tada učestvovali u tzv kulturnom otporu već odavno nemaju osviješteno koliko je vrijedno i veliko to što su radili. I to ne bilo kako radili već kao da to rade u idealnim uslovima. Te generacije nama su ostavile u naslijeđe izuzetno važne stvari koje su napravili. A kada su već ovo napravili kako treba, bilo bi super da više slušamo te priče, jer nam nedostaje priča o dobroti i vrijednostima koje bi nam postale uzorak, o kojima ćemo se svi mi ponašati. Na pitanje danas o statusu domaće kulturne politike većina profesionalaca odgovorit će kako takva zapravo i ne postoji. Govorit će se o nepostojanju strateškog dokumenta i da sami često ne znamo šta hoćemo u odnosu politike i kulture. Redovno imamo priliku slušati javne kritike o opštim mjestima u smislu klijentelizma dodjele javnih sredstava na lokalnim nivoima, dodjele sredstava kroz grantove, koji su prema kriterijima pa rekla bih najblaže rečeno nekulturni. Nalazimo se stalno u procjepu između realnosti tržišta i muka politike što se može oslikati kao jedna vrsta pervertirne miroljubive egzistencije na dugoročnu štetu kulturne scene. Ministarstvo nadležno za kulturu Kantona Sarajevo je bankomat domaće kulturne politike, između ostalog zaduženo je za programe institucija i legislativnu promjenu Zakona većinom po difoltu političkih vjetrova tržišne politike s tim da imam osjećaj da zaboravljamo kulturne vrijednosti iz prošlosti. A bauljamo kroz sadašnjost kulturnog preživljavanja u poprilično nejasnu budućnost kulturne scene. Na kraju, želim naglasiti kako je odgovornost kulturnih javnih institucija između ostalog i u retoričkom instrumentu hrabrog kritičkog susreta paralelnih realiteta kulturne vlasti i kulturnih radnika, problemi se gomilaju, a minimalna politička buntovnička artikulacija izostaje, neki rade jer mogu, drugi jer moraju. I zbilja je vrijeme da kulturna scena prodrma ovu političku scenu i zaustavi taj galopirajući bauštelski princip tržišne kulturne politike. Na to ima puno pravo, a tradicija je dokazala da je to radila najbolje u najtežim trenucima a mislim da ova današnja vremena traže upravo hrabru kulturnu scenu, kao odgovor na društvene devijacije, koje istina nisu ratne, ali su duhovno možda kompleksnije i izazovnije. Kultura je, ponoviti ću to, proces kojim čovjek postaje sve ono za šta je stvoren da može postati. No bojim se da živimo u vrijeme u kojem je nekulturna daleko jača od kulture, pa nešto ozbiljno moramo mijenjati. Suprotstavljajući se tržišnim šablonima i formama u kojima smo se svi zajedno zaledili. Barem tamo gdje trošimo javni novac, toliko, hvala.

Predsjedavajući:

zastupnica Bibija Kerla je sljedeća prijavljena za diskusiju. Izvolite imate riječ.

Poslanik/zastupnik Bibija Kerla:

moram istaći da smo do sada, bar ovih zadnjih šest godina olako prelazili preko izvještaja kulture ali je kultura veoma bitan segment našeg društva. Ali s obzirom da je ovo izvještaj za 2019 godinu Klub DF će jednoglasno podržati sve izvještaje iz kulture i zaželjati direktorima i uposlenicima ovih ustanova da hrabro izdrže ovo teško vrijeme. Nadam se da će Vlada zajedno sa nama zastupnicima ove Skupštine dati punu podršku ovim ustanovama za 2021 godinu, hvala lijepa.

Predsjedavajući:

zastupnik Vedran Jakupović javio se za diskusiju, izvolite, imate riječ.

Poslanik/zastupnik Vedran Jakupović:

zahvaljujem predsjedavajući nisam se javio ispred radnog tijela, mi smo održali sastanak skupštinske komisije za zaštitu kulturno-historijskog naslijeđa, i obavili razgovore sa direktorima i predstavnicima svih javnih ustanova iz oblasti kulture. I kao i uvijek do sada iskoristiti ću priliku kroz diskusiju da se osvrnem na ono što su nam svi direktori rekli. I drago mi je da smo prekjučer izmjenom ovog tzv korona Zakona dokinuli član 12 koji je u prethodnoj godini predstavljao veliki problem za normalno funkcionisanje ustanova iz oblasti

kulture jer i najmanji najbanalniji trošak svih ustanova je morala da odobri Vlada, što istovremeno zatrapavalo Vladu a direktori nisu bili u prilici da faktički rade svoj posao. Ponavljam evo već ulazimo u treću godinu, ponavljam probleme, ti su problemi od ranije već poznati. U međuvremenu se multipliciraju naravno normalno. Osnovni problemi su problemi ljudskih resursa, ugovora o djelu. Nadam se da će ova Vlada smoći snage da finalizira procese koje je Vlada šesterke pred kraj svog mandata uradila potpisivanjem kolektivnog ugovora. Da se kadrovi koji su već dugi niz godina zaposleni i po ugovoru o djelu i po nekim drugim osnovama, bili na određeno da tako kažem, a već godinama rade u tim ustanovama, da se riješi njihov status obzirom da svjesni smo da ti ljudi ostaju tu i dalje a istovremeno da nađemo prostora, mada možda u ovom trenutku i nije popularno govoriti o troškovima jer nemamo ni budžeta na nivou na kojem bi smo željeli da imamo da se naše mogućnost za zapošljavanje dodatnog kadra i u svim ustanovama je takva situacija, da krenemo od Pozorišta, dosta ljudi je otišlo u penziju, recimo u Muzeju grada Sarajeva neke funkcije se ne mogu ni obavljati, Muzej Jevreja konkretno nakon odlaska u penziju kustosa veliki su problemi da se obavi normalan rad. Naravno Historijski arhiv evo već iz godine u godinu ponavljam ima problem sa prostorom i da naglasim ovo nije samo pitanje kulture, kada je riječ o Historijskom arhivu, riječ je o ozbiljnoj instituciji. I za druge oblasti od MUP od administracije jer sve stvari koje se arhiviraju pretrpavaju prostor, u ovom slučaju Historijskog arhiva, tako da ja sam predlagao da se i druga Ministarstva uključe u realizovanje problema prostora Historijskog arhiva koji je već dugi niz godina u neuslovnom objektu u Čadordinoj ulici. Nadam se evo da ćemo vrlo brzo obzirom da su upravni odbori, upravljačke strukture već dobrim dijelom i riješene. Ono što je ostalo da se riješi, bit će vrlo brzo riješeno i da se nastavi sa imenovanjima. Kolegica Segmedina Srna je govorila o važnosti kulture u jednom mogu reći slobodno sličnom vremenu a evo ne bih možda i poredim vrijeme agresije i opsade Sarajeva i sa ovim što nam se sada dešavalo ali čak po svim standardima, mentalno zdravlje, borba za opstanak i ostanak ovog stanovništva normalnim, može iskoristiti sve potencijale kulture koje imamo u Sarajevu. Ja bih zamolio da posmatramo i s te strane i da ustanove iz oblasti kulture maksimalno iskoristimo , a da bi smo ih iskoristili moramo ih podržati sa svim njihovim zahtjevima i da se ovo što da kažem stanovnici koji su navikli posjećivati primarno pozorišta a zbog epidemiološke situacije nisu, da pokušamo naći način da se aktivnosti i tokom ove godine obavljaju na zadovoljstvo svih nas. Ja ću samo na kraju podsjetiti i na ustanove iz oblasti kulture koje su na nivou države. Koje su zapostavljene od strane države i da podsjetim i zamolim ministra, mada znam da je on već i posjetio veliki broj tih ustanova da se od strane Kantona Sarajevo riješi njihov status i na kraju, da još jednom podsjetim na jednu inicijativu da zamolim Ministarstvu da se objelodane svi rezultati javnih poziva u zadnjih četiri pet godina, kao što su objavljeni rezultati iz oblasti sporta, da rezultati javnih poziva iz oblasti kulture imamo priliku da vidimo na web stranici. Hvala vam.

Predsjedavajući:

zahvaljujemo se zastupniku Jakupoviću. Koliko vidim nema više prijavljenih za raspravu. Zaključujem raspravu i idemo na pojedinačno izjašnjavanje izvještaja o radu i finansijskom poslovanju JU redoslijedom kako su navedene.

a)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „NARODNO POZORIŠTE SARAJEVO“ ZA 2019.GODINU.

Molim službu da pripremi anketu za glasanje. Zaključujem glasanje, molim službu da objavi rezultate glasanja.

ZA JE GLASALO 13, PROTIV NIŠTA I SUZDRŽANIH 16.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

b)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU SARAJEVSKA FILHARMONIJA ZA 2019.GODINU.
Zaključujem glasanje. Molim službu da objavi rezultate.
ZA JE GLASALO 13, SUZDRŽANO 16, PROTIV NIŠTA.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

c)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „POZORIŠTE MLADIH“ ZA 2019.GODINU.
Zaključujem glasanje. Molim službu da objavi rezultate.
ZA JE GLASALO 27, PROTIV ništa I 2 SUZDRŽANA ZASTUPNIKA.
KONSTATUJEM DA JE SKUPŠTINA USVOJILA OVAJ IZVJEŠTAJ

d)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM JU KAMERNI TEATAR '55 SARAJEVO ZA 2019.GODINU
Zaključujem glasanje. Molim službu da objavi rezultate.
ZA JE GLASALO 26, PROTIV ništa I 2 SUZDRŽANA ZASTUPNIKA.
KONSTATUJEM DA JE SKUPŠTINA USVOJILA OVAJ IZVJEŠTAJ

e)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „MES - MEĐUNARODNI TEATARSKI FESTIVAL - SCENA MESS“ ZA 2019.GODINU
MOLIM SLUŽBU DA PRIPREMI ANKETU.
Zaključujem glasanje. Molim službu da objavi rezultate.
ZA JE GLASALO 27, PROTIV ništa I 2 SUZDRŽANA ZASTUPNIKA.
KONSTATUJEM DA JE SKUPŠTINA USVOJILA OVAJ IZVJEŠTAJ

f)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „MUZEJ SARAJEVA“ ZA 2019.GODINU.
Zaključujem glasanje. Molim službu da objavi rezultate.
ZA JE GLASALO 13, PROTIV ništa I 14 SUZDRŽANA ZASTUPNIKA.
KONSTATUJEM DA SKUPŠTINA NIJE USVOJILA OVAJ IZVJEŠTAJ

g)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „HISTORIJSKI ARHIV SARAJEVO“ ZA 2019.GODINU
Zaključujem glasanje. Molim službu da objavi rezultate.
ZA JE GLASALO 12, PROTIV ništa I 17 SUZDRŽANA ZASTUPNIKA.
KONSTATUJEM DA SKUPŠTINA NIJE USVOJILA OVAJ IZVJEŠTAJ

Molim predstavnike ustanova da se ne izjašnjavaju da ne glasaju u ovoj tabeli.

h)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU „BIBLIOTEKA SARAJEVA“ ZA 2019.GODINU

Zaključujem glasanje. Molim službu da objavi rezultate.
ZA JE GLASALO 12, PROTIV NIŠTA I 17 SUZDRŽANA ZASTUPNIKA.
KONSTATUJEM DA SKUPŠTINA NIJE USVOJILA OVAJ IZVJEŠTAJ

i)
MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I
FINANSIJSKOM POSLOVANJU JU „BOSANSKI KULTURNI CENTAR“ ZA 2019.
GODINU.

Zaključujem glasanje. Molim službu da objavi rezultate.
ZA JE GLASALO 10, PROTIV NIŠTA I 16 SUZDRŽANA ZASTUPNIKA.
KONSTATUJEM DA SKUPŠTINA NIJE USVOJILA OVAJ IZVJEŠTAJ

j)
MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I
FINANSIJSKOM POSLOVANJU JU MUZEJ „ALIJA IZETBEGOVIĆ“ ZA 2019.GODINU
Zaključujem glasanje. Molim službu da objavi rezultate.
ZA JE GLASALO 21, PROTIV NIŠTA I 5 SUZDRŽANA ZASTUPNIKA.
KONSTATUJEM DA JE SKUPŠTINA USVOJILA OVAJ IZVJEŠTAJ

Prelazimo na sljedeću tačku četrdeset i devet po redu:
AD –49.

IZVJEŠTAJ O RADU I FINANSIJSKOM POSLOVANJU JAVNE USTANOVE
KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG
NASLIJEĐA, SARAJEVO ZA 2018. GODINU

Materijal ste dobili uz poziv za sjednicu. Molim predstavnika Predlagača da podnese uvodne
napomene.

Ministar Samir Avdić:
hvala predsjedavajući po tačkom 49 današnjeg dnevnog reda Skupštine Kantona Sarajevo
imamo Izvještaj o radu i finansijskom poslovanju JU Kantonalni Zavod za zaštitu kulturno-
historijskog i prirodnog naslijeđa, Sarajevo za 2018. godinu.

Predsjedavajući:
ministre Avdiću jel možemo dalje ići?

Ministar Samir Avdić:
možemo. Jesam završio sam, najavio tačku dnevnog reda, možemo ići dalje. Vi pozovite.

Predsjedavajući:
Da li predstavnici radnih tijela žele riječ? Ima li pitanja? Otvaram raspravu.
S obzirom da se niko ne javlja za riječ, zaključujem raspravu.
MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I
FINANSIJSKOM POSLOVANJU JAVNE USTANOVE KANTONALNI ZAVOD ZA
ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO ZA
2018. GODINU
Molim službu da pripremi anketu. Zaključujem glasanje. Molim službu da objavi rezultate.
ZA JE GLASALO 12, PROTIV 4 I SUZDRŽANIH 12.
KONSTATUJEM DA SKUPŠTINA NIJE USVOJILA OVAJ IZVJEŠTAJ

Prelazimo na tačku pedeset:

AD-50.

IZVJEŠTAJ O RADU I FINANSIJSKOM POSLOVANJU JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministar Samir Avdić:

predsjedavajući evo kao što ste rekli tačka pedeset dnevnog reda IZVJEŠTAJ O RADU I FINANSIJSKOM POSLOVANJU JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO ZA 2019. GODINU. Zamolio bih direktora gospodina Nermina Dacića da podnese izvještaj.

Direktor kantonalnog Zavoda za zaštitu kulturno-historijskog prirodnog naslijeđa Nermin Dacić:

zahvaljujem se predsjedavajući. Pozdravljam vas i uvaženo rukovodstvo Skupštine Kantona Sarajevo kao i zastupnike u Kantonu Sarajevo, kao i gledaoce koji se nalaze. Ja sam Nermin Dacić trenutno direktor Zavoda za zaštitu kulturno-historijskog i prirodnog naslijeđa Kantona Sarajevo. Moje je bilo izjašnjavanje vezano za izvještaj o radu i finansijskom poslovanju Zavoda za 2019 ali bih prije toga htio da malo skrenem pažnju i vama i zastupnicima da se institucijama kulture, Zavod je institucija kulturne baštine. Nije kulture koja je u rangu Narodnog pozorišta ili Pozorišta mladih. Izvinite molim vas. Zavod je radio na osnovu plana i programa rada za 2019 i realizirao je određeni dio projekata koji su predviđeni tim. Ono što treba napomenuti u 2019 koji se po prvi put dešava u ovom Zavodu da je Zavod uspio na osnovu Zakona o zaštiti kulturne baštine obezbijedi preko Ministarstva finansija dodatnih 500.000 za uređenje fasada u užem gradskom jezgru grada Sarajeva. Zavod ima velike ambicije da se urede ulice Mula Mustafe Bašeskije, Zelenih beretki i da se glavna šetnica Starog Grada, Ferhadija sa Štrosmajerovom, dovede u stanje gdje ima najviše turista. Međutim zbog nepostojanja u kontinuitetu pravljачke struke Zavod nije mogao da izvrši projekte koji su stali. Tako da nije mogao ni da osposobi projektnu dokumentaciju za jedinu tvrđu koja nije objavljena u BIH a to je Bijela tabija zajedno sa Vratničkim bedemom. Tako da su ta sredstva nisu mogla iz 2019 prenijetu u 20, i ta sredstva su otišla (nerazumljivo). Finansijska sredstva koja je trošio Zavod (nerazumljivo) budžetom, oko 70% budžeta. Budžet je iznosio sa kapitalnim projektima koje smo mi planirali 1.520.000. OD toga je 684.000 išlo na plaće za uposlene radnike. Ono čim sam ja došao u ovom Zavodu zatekao sam jedan turistički način rada u ovom Zavodu, (nerazumljivo) dolazili u 9 i 10 sati, popili kafu, vidjeli šta se dešava i malo tračali, čast izuzecima, a onda su išli na teren i onda su dolazili tek narednog dana. Normalno da sam ja svojim dolaskom uveo da poštuje osmosatno radno vrijeme, a onda uposlenici Zavoda su radili na svojoj ličnoj promociji Zavoda. Ono što je poražavajuće za ovaj Zavod, mislim i za Kanton Sarajevo da u poslijeratnom periodu ni jedan objekat nije zaštite na području Kantona Sarajevo. Svi objekti koji su zaštićeni dešavalo se prije ratnih dešavanja, i jedini objekat koji je pravno zaštićen u Kantonu Sarajevo na prijedlog ovog Zavoda je Tunel D_B koji je bio žila kucavica Kantona Sarajevo. Ne bih želio puno da ulaziš u detalje vezano za Izvještaju o finansijskom poslovanju. Samo mogu reći da finansijsko poslovanje ovog Zavoda prolazi (nerazumljivo) koji je pratio rješavanje u

Ministarstvu kulture i sporta. Treći filter je bilo Ministarstvo finansija i na kraju i FIA je pečatom odobravalala i dala je do znanja da su sva novčana sredstva urađena u skladu sa Zakonom. Za sada vam toliko mogu reći. Pretpostavljam da će biti pitanja pa sam spreman odgovarati na sva pitanja zastupnika. Hvala vam.

Predsjedavajući:

OK, hvala. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO ZA 2019. GODINU

Zaključujem glasanje. Molim službu da objavi rezultate.

ZA JE GLASALO 11, PROTIV 1 I SUZDRŽANIH 16.

KONSTATUJEM DA SKUPŠTINA NIJE USVOJILA OVAJ IZVJEŠTAJ

TAČKA 51. JE POVUČENA.

Prelazimo na tačku pedeset i dva:

AD-52.

IZVJEŠTAJ O POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2019. GODINU

Materijal ste također dobili uz poziv za sjednicu. Molim predstavnika Predlagača da podnese uvodne napomene.

Premijer Edin Forto:

Predsjedavajući mislim da je na linku direktorica TVSA pa molim vas da joj date riječ.

Predsjedavajući:

direktorice Jurišić imate riječ. Da li nas čujete?

Direktorica TVSA Duška Jurišić:

da li me čujete? Samo trenutak jedan, evo ja ću sada uključiti video. Dobar dan.

Predsjedavajući:

Dobar dan direktorice, imate riječ.

Direktorica Duška Jurišić:

Dobar dan. O poslovanju TVSA u 2019 godini mogu govoriti samo na osnovu izvještaja službi i drugih radnih jedinica preduzeća koje su ga zapravo sačinile jer osoba koje su obnašale dužnost direktora u vrijeme izvještaja nije bilo. TVSA u 2019 imala tri direktora, tri uprave, tri NO, i dvije Skupštine. Na mjesto direktora preduzeća imenovana sam 18.11.2019. primopredaja je izvršena 02.12.2019.godine a sudska registracija tek početkom februara 2020.godine kada sam u potpunosti preuzeća prava i obaveze direktorice preduzeća. Ukupni prihodi u 2019 godini bili su 4.103.912,38 KM ukupni rashodi u 2019 godini bili su 4.004.080,25 KM. Ukupna neto dobit bila je 88.193,20 KM. U 2019 godini ostvareni prihod bio je 3.350.000 subvencije a 60..567,00 KM grant za nabavku programa. Vlastiti prihod

iznosio je 693.345,38 KM od čega je 510.226,54 KM od marketinških, oglašivačkih i drugih usluga, 28.530 najma repetitora i opreme, te 154.588, 84 KM ostalih prihoda. Uglavnom to su odloženi prihodi iz prethodnih godina. Prema evidenciji pravne službe u 2019 godini na TVSA bilo je zaposleno 112 uposlenika ne računajući 5 vanjskih saradnika. Dnevna proizvodnja programa bila je zasnovana na jutarnjem informativno zabavnom programu, informativnim emisijama od kojih je glavna dnevnik u 18,30 minuta, te proizvodnji informativno obrazovanih sedmičnih sadržaja. Značajan programski dio čine direktni prenos i sjednica Skupštine Kantona Sarajevo te posebni cjelodnevni programi povodom državnih i vjerskih praznika, kao i godišnjice obilježavanja značajnih događaja iz bliske istorije. Od sedmičnih emisija tu su magazini od kulture, sportu, biznisu, zdravlju, i poljoprivredi. Dužna sam naglasiti u 2019 godini Poreska uprava FBiH izvršila je kontrolu obračunavanja i plaćanja poreznih obaveza za period od 01.01.2014 do 31.08.2019. godine i utvrdila poreski dug u iznosu 568.762, 44 KM. Najveći dio duga nastao je u periodu 2014-2018 godina kada je zaključivan najveći broj ugovora o djelu za obavljanje poslova iz djelatnosti TVSA. Nakon što je žalba Ministarstva finansija FBiH odbijena, uprava je u 2020 godini odlučila uplatiti dug u iznosu od 415.817, 66 KM. Na taj način preduzeće je oslobođeno plaćanja zatezne kamate u iznosu nešto više od 183.000 KM. Rok za otpis zatezne kamate nastale po osnovu duga do 2016 bio je 31.12.2020 i zato smo se odlučili za otplatu duga. Vlada Kantona Sarajevo je na ime povrata poreskog duga odobrila dodatna novčana sredstva u iznosu od 307.000 KM a preostali dug u iznosu od 108.000 KM, TVSA namirila je iz sopstvenih sredstava. Moguće je da učinak u 2019 godini izgleda skroman. To je ipak samo posljedica nedostatka kontinuiteta u radu upravljačkih struktura za uspostavu kolektivnog produkcijskog procesa potreban je kontinuitet a direktorima koji do tada nisu bili uposlenici TVSA bilo je neophodno upoznavanje i kapacitiranje ljudskih resursa i tehničke opremljenosti. Česte promjene u upravljačkim strukturama odrazile su se u prethodnim godinama i na marketinški prihod. Marketinški klijenti zahtijevaju oslonac, garanciju za ispunjavanje preuzetih obaveza u onome s kim su ugovore zaključili. Okolnosti u 2019 godini bile su prilično dramatične i obeshrabrujuće za svakoga ko bi se prihvatio rukovodilačke pozicije. Naime, direktorici Edini Fazlagić zapaljen je privatni automobil na parkingu ispred zgrade u kojoj stanuje. U toku je sudski postupak protiv počinioca, bivšeg uposlenika TVSA. Toliko za uvod. Stojim vam na raspolaganju za vaša pitanja. Hvala.

Predsjedavajući:

zahvaljujemo se direktorici Jurišić.

Da li predstavnici radnih tijela žele riječ? Ima li pitanja? Zastupnik Mahir Dević se javio. Izvolite zastupniče Dević.

Poslanik/zastupnik Mahir Dević:

zahvaljujem. Da li se čujemo predsjedavajući? Imam dva pitanja. Možda je malo i nezgodno da direktorica koja nije bila svega nekoliko mjeseci u ovom periodu da da na njih odgovor ali vjerovatno je ona upoznata s obzirom da je dugogodišnji radnik, vrlo iskusan u ovom poslu. Pitanje broj jedan, zašto je ustvari ukinut BH dnevnik koji se pokazao na TVSA kao jedan od boljih projekata koji je realizirala ta televizija? I drugo pitanje dali TVSA, i naravno sve je vezano za ovaj izvještaj za 2019, ispunjava uslove navedene u licenci koje je dobila od strane RAK-a kada je u pitanju proizvodnja dječijeg i obrazovnog programa prije svega? Evo to su ta dva pitanja u uvodu od mene? Zahvaljujem predsjedavajući.

Predsjedavajući:

hvala kolega Deviću. Za pitanja se prijavila zastupnica Jasmina Bišćević-Tokić. Izvolite imate riječ.

Poslanik/zastupnik Jasmina Bišćević-Tokić:

hvala predsjedavajući. Pa evo koliko sam shvatila direktoricu TVSA gospođu Jurišić rekla je da je bila par mjeseci evo iz izvještaja vidim da je mandat gospođe Ljevak istekao 18.11.2020 godine. Zanima me koliko ste vi tačno radnika uposlili od 18.11.2019.godine, na koji period i koliko ste angažirali ljudi po ugovorima o djelu, znači za vrijeme vašeg perioda? Zatim imam pitanje za ministricu Brčić ako je prisutna zbog čega nije odobrila angažman na određeno za pravnika po zahtjevu bivše direktorice dok ste odmah odobrili zahtjev za angažman po zahtjevu direktorice Jurišić i to na neodređeno? I imam još jedno pitanje, također u 2019 godini u pravnoj službi bile su angažovane dvije osobe, tačnije radi se o pravniku i pripravniku, što nije navedeno u izvještaju i da li se velikim brojem ovakvih dodatnih upošljavanja probio Budžet TVSA za naknade i plate' evo vidimo da je i nova Vlada Kantona Sarajevo vam je dala subvenciju javnih preduzećima koji su 3,5 miliona KM. Zahvaljujem.

Predsjedavajući:

nema više pitanja i zamolio bih zastupnice i zastupnike da vode računa da postavljaju pitanja u okviru tačke Dnevnog reda Izvještaj o poslovanju JP TVSA za 2019 godinu a ne da se postavljaju nakon 2019. s obzirom da nema više pitanja direktorice Jurišić izvolite, imate riječ.

Direktorica TVSA Duška Jurišić:

samo da uključim video. Evo. Bilo je postavljeno pitanje zašto je ukinut BH dnevnik, ja to zbilja ne znam. A ono što je činjenica jeste da smo vrlo, skoro u februaru mjesecu uveli dnevnik 2 u program TVSA. Drugo pitanje je bilo da li ispunjavamo uslove iz licence za proizvodnju koju je postavio RAK odnosno Regulatorna agencija za komunikacije. Mi do sada nismo imali nikakve primjedbe RAK-a. Ako je vaše pitanje usmjereno da li bih željela da li imamo potrebu da proizvodimo više domaćeg i obrazovnog dječijeg programa, da. Da li postoje uvjeti za to, ne. Zato je potreban i veći broj uposlenika, riječ je o vrlo složenoj produkciji, koja ne zarađuje, uglavnom troši, ali je neophodna za nekoga ko ima status javne stanice odnosno javnog servisa. Odgovor na drugo pitanje vezano za ugovore o djelu. Ni jedan ugovor o djelu nije zaključen, osim na početku 2020 dobili smo odobrenje za zaključenje ugovora o djelu za šminkera. Taj ugovor o djelu smo raskinuli sredinom godine nakon što smo dobili izvještaj revizije u vezi ovog izvještaja koji smo dobili o poreskom dugu, odnosno Poreske inspekcije da ugovori o djelu u kontinuitetu bez obzira što je riječ o nesistematiziranom radnom mjestu nisu preporučljivi. Preporuka je bila da se promijeni sistematizacija radnih mjesta i mi na tome radimo. Pitali ste također da li je probijen Budžet? Budžet nije probijen. I kada je riječ o zapošljavanju, ono što vam moram reći prošle godine najmanje troje ljudi je napustilo TVSA ili po osnovu pronalska novog radnog mjesta ili po drugim osnovama, da, mi smo aplicirali kod Službe za zapošljavanje za prijem po osnovu programa Posao za sve i tu smo na određeno vrijeme primili sedam osoba. Također je u radni odnos primljen jedan urednik na neodređeno vrijeme. I primljena su dva snimatelja. Između ostalog, zato što je dvojica snimatelja već duži vremenski period nalaze na bolovanju. Obojica su od nadležnih komisija u međuvremenu dobili odobrenje za premještanje na druga radna mjesta zbog svog zdravstvenog stanja i zbog toga su zaposleni ovi snimatelji. Nadam se da sam uspjela odgovoriti na vaša pitanja. Hvala vam.

Ministrica Lejla Brčić:

predsjedavajući mogu li ja sad odgovoriti na pitanje koje upućeno? Dobar dan i lijep pozdrav svima. Jedno pitanje je ukoliko sam dobro evidentirala upućeno prema meni od strane uvažene zastupnice Bišćević-Tokić a tiče se toga da je Ministarstvo odnosno da ja kao resorna ministrica u određenom periodu sam odbila prijem jednog pravnika a onda naknadno sam odobrila. Ja se zaista ne mogu sjetiti svih razloga prihvatanja ili odbijanja određenih

odobrenja od 2019 godini. Ali vrlo rado ću pogledati u arhivu Ministarstva, pripremiti pisani odgovor i dostaviti zastupnici. Ono što podsjećam da odgovori na zastupnička pitanja, makar ispred Ministarstva pravde i uprave se postavljaju i na web stranicu Ministarstva pravde i uprave pa ni javnost neće biti uskraćena na odgovor na ovo pitanje. Hvala vam.

Predsjedavajući:

za pitanja nemamo više prijavljenih. Otvaram diskusiju. Zastupnik Samir Suljević se prvi prijavio za raspravu. Izvolite zastupniče Suljević.

Poslanik/zastupnik Samir Suljević:

izvolite zastupniče Suljević. Zahvaljujem predsjedavajući da li me čujete? Hvala. Pozdravljam sve koji učestvuju u današnjem radu Skupštine kao i goste. Imajući u vidu da sam ovaj izvještaj KTV ua 2019 studiozno pročitao naglasio bih nekoliko stvari. Kao što e direktorica maloprije napomenula to je 2019 godina, tu su bile tri različite uprave, tako da ovdje imamo dosta interesantnih stvari. Prvo u periodu januar- decembar 2019 maloprije direktorica rekla bio je prihod 4.103.000 a rashod 4.004.000 odnosno skoro 100.000 bruto prihod a neto 88.193. interesantno je da od ovih sredstava da 83% ili 3.410.000 je odnosilo se na sredstva koja su dolazila iz dotacija Kantona Sarajevo. Ali ono što malo brine, brine da je vlastiti prihod KTV u 2019 godini iznosio 694.000 što je 216.000 manje u odnosu na prethodnu godinu, odnosno 2018 kada je 910.000 bio prihod. Ono što mi je još interesantnije od planiranih sredstava 51.400 je potrebno za nabavku programa što znači da je za nabavku programa odvojeno samo 42,83% od plana. Pretpostavljam da je nedovoljno ulaganje u nabavku programa bilo i važno da je ovaj vlastiti prihod koji sam maloprije pomenio bio mnogo, mnogo manji nego što je trebao da bude. U tom periodu koliko sam vidio iz izvještaja saradnju su sa KTV raskinuli dugogodišnji klijenti TVSA AKOVA; Studio Moderna, Oktalfarma, Poliklinika Svjetlost itd. Kroz ovo sve pokazuje se da je u tom periodu bio vrlo, vrlo loš rad. Informativni program hajd i nekako. Specijalne emisije su uglavnom bile vezane za vjerske praznike. Ali ono što je interesantno sportski program je bio isto vezan samo za pernose određenih manifestacija kao što EYOF, džudo kup, doček Amela Tuke, vaterpolo turnir itd. Mislim da je programu ovom periodu bio nedovoljno kvalitetan. Što se tiče još 2019 godine imamo interesantnu stvar što je direktorica maloprije pomenula bila kontrola obračunavanja poreza, ne bih se oko toga previše zamario, jer to je direktorica studiozno prenijela ali završio bih da ne bih dužio sa jednom rečenicom koja mi stvarno para i uho i oko. Zadnja rečenica izvještaja kaže ovako: sa poreskim dugom u visini od 1/6 subvencije Kantona Sarajevo manjim vlastitim prihodom, zbog ekonomskih posljedica po privredu, zbog sigurnosnih mjera tokom pandemije korona virusa bez zapošljavanja stručnih kadrova i usavršavanja dovedeno je u pitanje dalji razvoj TVSA. Koliko se ja sjećam 2019 nije bilo na našim prostorima COVID-a ili je za loše poslovanje uglavnom kod nas za sve kriv COVID. I imaju u vidu da KTV ima veliki broj dobrih i novinara i uposlenika interesuje me zbog čega je došlo do velikog odliva kadrova, naročito iz informativnog programa, pretpostavljam da su ili otišli na bolje ili su imali određenih problema. U svakom slučaju, ovaj izvještaj za 2019 godinu govori da KTV u tom periodu nije dobro poslovala. Hvala.

Predsjedavajući:

zahvaljujemo se kolegi Suljeviću. Sljedeći zastupnik koji se prijavio za diskusiju Haris Zahiragić.

Poslanik/zastupnik Haris Zahiragić:

poštovanje kolega Okeriću da li se čujemo? Hvala vam. Prije svega svjestan činjenice da je ovo izvještaj o radu za 2019, a nisam htio kroz pitanja da ne bi gospođa Jurišić morala odgovarati, htio bih samo kratko da se referišem na iznošenje ovog izvještaja i na par

momenata koji se trenutno dešavaju. Dakle prije svega drago mi je da je gospođa Duška Jurišić na čelu TVSA kao jedne od najznačajnijih medijskih kuća od prije agresije pa poslije i prije čak perioda agresije do danas. TVSA je možda jedna od najznačajnijih TV u BiH kao takva zaista je pod vodstvom gospođe Jurišić podigla visoko svoje profesionalne standarde a specifično poboljšala programske sadržaje i učinila da TVSA bude aktuelna i da u pravo vrijeme na pravom mjestu govori o aktuelnim političkim temama. Mi kao zastupnici putem TVSA možemo zaista objektivno, pravovremeno obavještavati komunicirati s javnošću. S druge strane, bez želje da budem shvaćen kao kritičar a također bez želje da kao zastupnik pokušavam zadirati u program i programsku šemu TVSA, želio bih samo najdobronamjernije se referisati na jedan prilog koji sam vidio i koji mi je tada zasmetao i čekao sam priliku, nisam htio da tada uznemiravam dodatno javnost. To je primjer da kada je rađen prilog o nabavci vakcina, TVSA kao građanska televizija mora da kritikuje vlasti svih nivoa i to ona vrlo dobro radi. I mi kao takvi zbog toga njih finansiram. Oni moraju biti naš korektiv i glas građana. Međutim, profesor jedan koji je sa UNSA da ga ne bih imenovano, koji veze nema sa medicinom, sa vakcinama, sa javnim nabavkama je u jednom prilogu optužio Vladu FBiH da svjesno ubija penzionere kako bi rasteretili Fond PIO. To je bilo toliko strašno, mene su ljudi penzioneri iz moje porodice zvali da li je to moguće. U tom prilogu nije ponuđena druga strana. I to je poprilično širenje panike i u tom smislu, vjerujući da gospođa Jurišić nema nikakve veze sa kreiranjem priloga, samo apelujem da se povede računa da kada se tako ozbiljne tvrdnje iznesu da ukoliko se već prenose i emituju javno, da se barem druga strana uzme, jer to su vrlo teške i ozbiljne kvalifikacije. No, međutim s obzirom daje izvještaj 2019 da se vratimo na tu temu. Prije svega drago mi je zaista što je gospođa Jurišić spomenula da je tadašnju direktorici zapaljeno auto i na žalost tada ja nisam bio zastupnik u Skupštini, kao građanin sam po društvenim mrežama i u sredstvima informisanja pokušavao apelovati na tadašnje vlasti, čini mi se da je na čelu Vlade tada bio gospodin Forto da reaguju. Na žalost nije to na adekvatan način osuđeno, a auto joj je zapalio prema dokazima koje imaju, čovjek je uhvaćen sa kanisterom benzina, jedan od aktivista i članova čini mi se kantonalnog odbora jedne od stranaka tadašnje šestorke, današnje četvorke ili trojke koliko vidim iz posljednjih medijskih istupa. U tom smislu, ne mogu sada a da se toj gospođi koja je tada bila zaista žrtva radi svog profesionalnog rada, kako je gospođa Jurišić je kazala, da joj se ja u svoje lično ime i u ime ovoga organa izvinem što nije bilo adekvatne reakcije na tako jedan opasan i gnusan čin paljenja auto direktorici javne televizije. I u konačnici, ona tema koja je mene toliko zaboljela da sam čak optuživan i davani su mi razni epiteti tada kada sam apelovao i ukazivao na opasnost te teme tada a evo kako je sudbina htjela danas sam ja zastupnik baš kada se raspravlja o Izvještaju za 2019 godinu. A to je godina kada je sa našeg javnog emitera, sa TVSA, na 11. juli emitovan film koji na jedan vrlo suptilan i bezobrazan način negira genocid u Srebrenici. Dakle nakon cjelodnevnog programa, nakon komemoracije, nakon dženaze i ukopa, nakon svih tužnih scena, građani Sarajeva, građani Kantona Sarajevo, građani cijele BiH na čijoj teritoriji se emituje TVSA su imali priliku da budu poniženi od javnog emitira i da im se servira niskorazredni, nisko budžetni bugarski film, koji na jedan vrlo sofisticirani i vrlo opasan način negira genocid u Srebrenici. Ja tada sam bio u tolikom šoku da nisam mogao nekoliko dana normalno funkcionisati. Tada su naknadno kada su saznali da je emitovano, i kada je kontekst tog filma shvaćen na ispravan način, reagovali majke Srebrenice, udruženja žena raznih iz Srebrenice, žrtve genocida, pojedinci i udruženja, komandanti odbrane, svi su tada reagovali ko ji su pozvani na tu temu, čak IZ. Reakcija ovog organa, Skupštine Kantona Sarajevo, reakcija tadašnje Vlade na čelu sa Edinom Fortom i uprave TVSA ne samo da je izostala, nego je bila u potpuno obrnutom smjeru gdje se pokušavalo nas koji to kritikujemo da širimo neku mržnju. Ja želim da pitam vas drage kolege zastupnici i svi koji ovo gledate, šta bi se desilo, možete li zamisliti.

Predsjedavajući:

kolega Zahiragiću ispravka krivog navoda Elvedin Okerić.

Želim da vas ispravim kada je u pitanju izostajanje reakcije vladajuće strukture i tadašnje Vlade, pogledajte kroz medije da je tada Narod i pravda tražila da se tadašnja direktorica smijeni. Toliko samo da vas ispravim da to nije izostala reakcija niti upravljačkih tadašnjih struktura niti tadašnje većine Vlade Kantona Sarajevo. Eto toliko samo možete dalje nastaviti.

Poslanik/zastupnik Haris Zahiragić.

Kolega Okeriću kada ste me ispravili želim da vam kažem da NiP koja jeste reagovala nažalost nakon 20 dana, nakon što sam ja lično deset puta pouvao da reaguju nisu organi ni Skupština ni Vlada. Institucionalna reakcija je izostala. Tada su kolege moje drage, vi ste bili u Skupštini, mogli ste s ove pozicije, s pozicije Vlade reagovati. Bila je politička ali nije bila institucionalna reakcija. Molim vas gospodine Suljević ako možete isključiti mikrofona. Želim da vjerujem da ovo prekidanje nije namjerno. Zbog ovog svega navedenog, moram se vratiti, niste mi dali prekinuti ste me, zamislite da u Tel Avivu glavnom gradu Izraela da se emituje film na dan holokausta koji negira holokaust. Pa te TV kuća bila ona privatna, javna, strana, ne bi više mogla minute postojati. Tadašnja Vlada Izraela koja bi to dozvolila ne bi više dana mogla ostati Vlada. To bi bio skandal na kojem bi cijeli svijet brujao, i dan danas bi mi zato znali. Mi smo dozvolili da u Sarajevu od naših para, od para Srebreničana koji mahom žive i žrtava genocida, koji žive danas u Kantonu Sarajevo, i njihovi članova porodice se ta TV finansira. I oni su dočekali da sa te televizije nekakav bugarski film pokušava na jedan sofisticiran način prikazati da je presuda onima koji su učestvovali u genocidu bila zasnovana na osnovu laži i lažnih svjedočanstava. To je skandal od presedana. I evo sudbina je kako kažem da ja danas ovdje sjedim da pokušamo ispraviti nepravdu prema žrtvama genocida koji nisu preživjeli, prema žrtvama genocida koji su preživjeli, prema njihovim članovima porodice, prema svim dostojanstvenim građanima, ne samo Sarajeva nego cijele BiH i cijelog civiliziranog svijeta. Da dok se u UN u parlamentima civiliziranih zemalja donose deklaracije o osudama, dok postoji na globalnom nivou koncenzus, evo danas vidite kakav uspjeh pravi film gospođe Žbanić koji prikazuje pa eto hajmo reći istinu o genocidu u Srebrenici, dok je kandidat za Oskara. Mi smo u Sarajevu to emitovali. I to smo branili nekim uvjerljivim odbranama. Nije problem emitovati. Hajmo reći da se mogla desiti greška, mada nam se često greške dešavaju takve vrste, više ne vjerujem da su to greške, ali da nakon toga niti jednom jedinom riječju, pokajanja, izvinjenja, poniznosti, nismo dobili od tadašnjeg premijera Forte, od ministara, od zastupnika institucionalno govorim pojedinačno znam da su pojedini reagovali, ja ću danas ispred Kluba SDA svima nama a pogotovo vama čijim političkim odlukama se desilo da gospođa Ljevak u njenom mandatu to uradi ili ljudi koji su to radili u njeno ime, dati šansu da se ispravimo. Nije problem pogriješiti, problem je ne priznati grešku. Ja ću danas kolegama zastupnicima ispred Kluba SDA predložiti zaključak koji glasi sljedeći: Skupština Kantona Sarajevo najoštrije osuđuje skandalozno emitovanje filma „Tužilac, branilac, otac i sin” a kojeg je emitirala TVSA 11. jula 2019 u večernjim satima, a nakon cjelodnevnog programa posvećenog obilježavanju 24 godišnjice genocida u Srebrenici.

Član II

Skupština Kantona Sarajevo također osuđuje izostanak adekvatne reakcije od strane tadašnje uprave TVSA ali i tadašnje Vlade Kantona Sarajevo.

Član III

Skupština Kantona Sarajevo se najiskrenije i najponiznije izvinjava svim žrtvama genocida u Srebrenici, njihovim porodicama ali i svim dobronamjernim građanima BIH i svijeta, a ko je je taj skandalozni čin emitovanja navedenog filma opravdano uznemirio, duboko povrijedio u konačnici ponizio.

Želim da vjerujem da ćete kolege bez obzira što su to bile posljedice vaših političkih odluka, smoći toliko empatije, toliko dostojanstva, toliko ponosa, i da se niko neće usuditi od 35 kolega u Skupštini da glasa protiv ovog zaključka. A ukoliko se neko usudi da glasa protiv ovog zaključka, iako njime osuđujemo premijera Fortu i Vladu koja nije reagovala, nemojte kasnije govoriti kako mi stavljamo mete na glavu, kako mi pravimo spiskove, kako mi se bavimo populizmom. Gospodo draga, nakon emitovanja ovog filma to je bio prelazak Rubikona. Imamo sve što se dešava.

Predsjedavajući:
kolega Zahiragiću vrijeme.

Poslanik/zastupnik Haris Zahiragić:
imamo čak da toliko, evo u ime Kluba govorim. Imamo čak toliko drskih političkih poteza stranaka koje su tada učestvovali u toj Vladi koji su imenovali tu upravu koja je dozvolila i nije se ogradila od toga da su počeli smatrati legitimnim političkim ciljem raditi i krasti glasove bošnjačkih dijaspore i žrtava genocida i davati ih ukradene takve.

Predsjedavajući:
hajte molim vas kolega Zahiragiću vratite se na temu. Molim vas vratite se na temu. Koristite svoje vrijeme da pravite predstavu. Vratite se na temu.

Poslanik/zastupnik Haris Zahiragić.
Kakve predstave. Toga sam se bojao. Ovo nije predstava. Ovo je tema svih tema. Što prije shvatite to, nadam se da to shvatate, jer ste vi ozbiljan čovjek čestit, koji ja znam da ove stvari bole kao i mene, samo za razliku od vas, evidentno ja nemam politički nikakvih kompromisa sa ljudima i temama koje su trebale biti crvena linija našeg dostojanstva kolega Okeriću. Ako ovo prođe neopaženo, i ako ovaj zaključak ne bude usvojen, meni je žao što on sada dolazi skoro dvije godine zakašnjenja, ali neka zna svako ko se usudi da takvo nešto uradi a da poslije toga negira svoju krivicu i nije spreman da se izvine da će ga kada tada stići institucionalan odgovor građana čija dostojanstvo, čiju istinu i čiju bol smo mi na tako grub način povrijedili, pa čak i mene lično. U tom smislu kolega Okeriću pozivam vas prvog pa vaš Kolegij i onda sve kolege u Skupštini da pronađu snage demokratskih kapaciteta da taj anticivilizacijski, gnusni čin u Sarajevu jasno osudimo, kako nikada više ovu temu ne bi smo vraćali ni u Skupštinu Kantona Sarajevo, ni u političku debatu ni u javni diskurs. U suprotnom ko god glas protiv bit će trajno obilježen, a ja ću se to lično potruditi, pa vi to nazovite kako god hoćete. Hvala vam.

Predsjedavajući:
replika, zastupnik Zvonko Marić.

Poslanik/zastupnik Zvonko Marić:
zahvaljujem predsjedavajući. Dakle, pošto se prvi put javljam, pozdravljam sve srdačno. Pozdravljam i građane koji prate ovu sjednicu. Vrlo kratko, nisam mislio zaista govoriti i suzdržao sam se i da govorim uopće u Izvještaju TVSA iz mnogo razloga, ali sam sada morao reagirati zbog istine, zbog preciznosti onoga o čemu govori moj prethodnik. Dakle, tamo jeste bila direktorica Kristina Ljevak i to nije sporno. Međutim, postoji tamo institucija, s obzirom da sam ja tamo radio i znam kako je to postavljeno, postoji direktor programa. Dakle on je nadležan za sve ono što se emitira, prevashodno on. Direktor je menadžer koji se brine da funkcioniра televizija u svakom drugom smislu. U programskom direktor programa. I taj direktor programa je u kontinuitetu. Nekoliko puta je bio v.d. itd. I čudi me da to je elementarna stvar da se ne osvrnemo i ne preciziramo stvari a ne da upućujemo samo Kristini

Ljevak na neki način kritike itd. Dakle iz objektivnih razloga moramo znati te činjenice i zato sam na neki način reagirao. I hvala vam. Neću, suzdržat ću se i da govorim o izvještaju, iz nekoliko razloga, a prevashodno iz principijelnih. Hvala vam.

Predsjedavajući:
odgovor na repliku Zahiragić.

Poslanik/zastupnik Haris Zahiragić:
kolega Okeriću da li sam dobio ja riječ' hvala. Kolega Mariću slažem se s vama da gospođa tadašnja, nije bitno uopšte njeno ime, ne želimo da sataniziramo ni jednu osobu, nije učestvovala u kreiranju tog programskog sadržaja ili odabira. Možda jeste, možda nije, to apsolutno nije tema ovog zaključka. Mi nismo nikoga imenovali, osudili smo cijelu upravu, a čini mi se da je ta funkcija koju vi spominjete sastavni dio uprave TVSA. Ono što dodatno potvrđuje, nisam htio da idem u detalje, a evo sada kada ste spomenuli, kazat ću vam, postoji u TVSA, ispravite me ako griješim, programsko Vijeće je postojalo. To je bilo nezavisno tijelo koje je trebalo da unutar TVSA kao javne televizije zastupa interes i stavove građana. To Programsko vijeće nakon emitovanja, nakon javnih reakcija osudilo to emitovanje. Znači šta je naredno što se desilo u TVSA? Nadzorni odbor kojeg je također imenovala šestorka, je smijenio to Programsko vijeće, odmah nakon što su oni reagovali. U tom smislu, apsolutno ne treba teretiti gospođu Ljevak, niti ja imam tu namjeru, niti satanizirati. Možda ena apsolutno ništa nije kriva za emitovanje. A svi su krivi što nakon što su saznali šta su emitovali svi sve nisu javno i jasno ogradili. Ne samo to, nisu se ni izvinuli, a otišli su do kraja kada su smijenili ovo Programsko vijeće koje je to osudilo. To je već kako se kaže u pravu, u krivičnom pravu ima jedno djelo kaže produženo krivično djelo. E to je jedno produženo potvrđivanje jedne jasne namjere da se te stvari na žalost adekvatno ne iskomuniciraju i ne sankcionišu barem politički. Hvala vam ne želim raspravu o ovoj temi. Ovo nije politička tema, ovo bi trebalo da bude svima nama, bez obzira kako se ko zvao i prezivao ona trunka dostojanstva, koju ako izgubimo, nemamo više razloga da postojimo mi kao Skupština Kantona Sarajevo. Hvala.

Predsjedavajući:
kolega Marić odgovor na repliku Zahiragiću.

Poslanik/zastupnik Zvonko Marić:
dakle, ni ja ne želim da polemiziram i suviše je bolna tema o čemu se govori, međutim, ja sam samo zbog korektnosti i preciznosti htio da kažem gospođu Ljevak, ona je bila direktorica tada i naravno ja ne isključujem mogućnost da je ona presudan utjecaj izvršila na direktora programa, ali to direktora programa ne amnestira od odgovornosti i u potpunosti ste u pravu kada kažete, on je i sada koliko znam direktor programa. Zašto nije učinio svojim ne činjenjem i pristajanjem na tako nešto. Ja nisam amnestirao ni gospođu Ljevak ali sam htio da kažem ne bi trebali da je osuđujemo, međutim znam kako su stvari postavljene u TVSA, a možda se neko ne podražava toga. Prema tome samo to i ništa drugo. Nema amnestiranja od odgovornosti, direktora programa. Pa zašto je direktor programa. Zna se šta je direktor. Ja sam tamo radio i jako poznajem te akte unutarnje itd i znam, moguće sada ako se direktor umiješao da je to miješanje u programsku politiku, ali to im je dopušteno. No ne amnestira upravo direktora programa. Hvala vam.

Predsjedavajući:
replika Zahiragiću od zastupnika Damira Nikšića. Izvolite imate riječ.

Poslanik/zastupnik Damir Nikšić:

ovo je odlično rečeno, stvarno, kolega Zairagić je potpuno u pravu kada bis e tako nešto desilo u nekim drugim zemljama, sa nekim drugim narodima koji su doživjeli genocid i holokauste, da bi bilo stvarno bila bi velika reakcija. I ja se isto tako pridružujem osudi tog izostanka reakcije i Skupštine, i svrhu, te javne reakcije. Ali bih nadopunio, rekao bih čitave Skupštine, kako pozicije tako i klubova opozicije jer ako se ne varam ova ista inicijativa se mogla napisati i predložiti 2019 godine a ne dvije godine nakon toga. Pohvalno što kolega Zahiragić se sjetio toga, ali moramo osuditi reći da se niko iz Kluba SDA tada nije sjetio tako da bih dodao ovo inicijativi da osuđujemo korpus svih nas, svih klubova, i zastupnika Skupština uključujući i SDA klub. Znači SDA klub je također čekao 2 godine da se sjeti. No, isto tako bih rekao kada već osuđujemo ljude, da ne bi ispalo da ih razapinjemo, da pravimo neki javni linč ili hajku, mislim ljudi su kažnjeni, napravljeno je, neki su koraci poduzeti, ali već kada ovako javno osuđujemo, ja bih volio da se napravi neka istraga. Jer da vidimo da slučajno, kažem slučajno postoji mogućnost da je možda recimo taj film Kristini Ljevak mogao biti podmetnut. Da neko od radnika urednika mogao namjerno da podmetne baš taj film na taj dan da bi se riješili nove direktorice, pošto je tada bilo nakon dugo vremena koliko sam shvatio da je opozicija postavila nekoga. Ja bih volio da se pretrese to zašto direktor programa nije, isto što i uvaženi kolega Marić kaže zašto nije reagovao prije, ne znam o kome se radi, ja pojma nemam kakvi su odnosi tamo, možda je on podmetnuo svojoj direktorici, ne znam. Jer vidite ovo, znači te podvale namještaljke, pakovanja, to očekujemo, to će biti u buduću. Međutim ako se one dešavaju sa ovakvim stvarima, ako se slučajno desilo da je neko podmetnuo nekome, ja bih volio da mi napravimo i tu odluku i tu osudu da nikome više ne padne na pamet da svoja prepucavanja partijska pravi preko leđa žrtava genocida u Srebrenici. Da nikome to ne padne više napamet. Ali da baš radi toga napravimo neku istragu da vidimo dokle to ide i šta je iza svega toga i šta je prava istina jer ja ne bih volio sada da pravimo hajke. Da ne bude tako povodljiv. Zna li ono ne smije niko da vas bije. Ne volim da budemo toliko emotivni, treba biti hladne glave, razmisliti i prvo napraviti istragu jer moguće je da mogu biti neke manipulacije i podmetanja. I to treba istražiti. Hvala.

Predsjedavajući:

nisam siguran, kolega Zahiragić ima odgovor na repliku Damiru Nikšiću, jesam li u pravu?

Poslanik/zastupnik Haris Zahiragić:

jeste, jeste drago mi je da kolega Nikšić, ja nisam očekivao ništa drugačije, ja bih podržao. On je to sada malo pokušao raširiti i depolizirati možda na jedan način koji do kraja nije adekvatan. Mi ovdje nismo kolega Nikšiću u zaključku, pročitajte ga, optužili niti jedan klub zastupnik niti jednog zastupnika. Mi smo optužili Vladu Kantona Sarajevo za izostanak reakcije i upravu TVSA, tadašnju cijelu, sa svim ljudima koji su bili, bez obzira kojoj stranci oni pripadali, i koji bili njihovi politički uzusi itd. Sa druge strane, nije istina da Kluba SDA je tada u Skupštini diskurirao na tu temu. Mi smo tada kao Kantonalni odbor SDA reagovali. Evo kaže kolega Okerić da je NIP tada reagovao politički. Naši zastupnici reagovali međutim Skupština možda nije imala ni priliku do ovog izvještaja, pošto je izvještaj tek sada radi svih političkih prepucavanja i promjena struktura došao na dnevni red. Ovo je prilika Skupštini da sa sebe skine odgovornost. A ako vi insistirate možemo mi Skupštinu uključiti. A podsjećam vas tada je na čelu Skupštine također bili kadrovi iz četvorke, čini mi se da je predsjedavajući bio gospodin Konaković itd. Ništa nećemo postići sa ovim. Nemote molim vas da problematiziramo. Niste krivi ni vi kolega Nikšiću, a pogotovo nije kriv Klub Sda koji nije uopšte učestvovao u toj Vladi, u toj većini, nije kriv niti jedan pojedinačni zastupnik. I mi da smo željeli da crtamo mete, da smo željeli da politiziramo ovu svjetlu stvar mi bi smo stavili imena. Međutim s obzirom da koje ova tema veća od političkih prepucavanja, veća od svih nas pojedinačno, veća i od predsjedavajućeg tadašnjeg Skupštine i Kolegija i svih zastupnika,

pozivam sve vas da glasanjem iako se osuđuje Vlada na čelu s Edinom Fortom, tada za izostanak reakcije, da glasate a premijer Forto ima priliku da već sada nakon ove tačke se javi i da prihvati da je možda napravio previd. I kada ste kazali istragu, niko nikoga ne krivi što je to pustio. Može se desiti propust. To su skroz druge teme. Nisam možda ni ja relevantan da govorim o filmskih ukusima koliko neki uposlenik TVSA ili bilo ko treba da poznaje tematiku genocida da bi mogao gledajući film procijeniti da taj film sofisticirano negira genocid. Možda to ne bi mogli puno obrazovaniji ljudi od njih. Evo ima nas koji smo to primijetili, sad svi znamo. Kada su svi to saznali, najveći problem je izostan reakcije. Ne čak nužno, nismo mi tražili nužno ni smjene, ni političke sječe glava, a mi smo tražili, a specifično nakon što su majke Srebrenice reagovale i svi ti ljudi koji su predstavnici žrtava genocida, da barem se dostojanstveno sazove pres konferencija u programu TVSA da se svi koji su upravi sjednu i kažu molim izvinite nismo znali, primite naše izvinjenje, pogriješili smo. To se nije desilo kolega Nikšiću. Da ja koji nisam bio ni zastupnik sam kroz domaće i međunarodne televizije bio optuživan da sam nacionalista da stavljam mete na glavu, da mi smeta nečije ime. Evo koristim i ovu priliku da to demantujem, da to od sebe odbacim na jedan vrlo ružan način. Jer ne može...

Predsjedavajući.

Vrijeme kolega Zahiragiću.

Poslanik/zastupnik Haris Zahiragić:

evo kolega Okeriću završavam. Dakle i sada će vjerovatno nakon Skupštine biti komentara Zahiragić zloupotrebljava, Zahiragić nacionalista. Ako neko smatra da je ovo nacionalna tema samo, da ovo nije univerzalna, ljudska tema, onda taj neko treba da preispita svoje političko djelovanje i svoje bivstovanje na ovom civiliziranom svijetu. Hvala vam da neće biti daljnje diskusije. Nisam želio ni ovoliko diskusije, očekivao sam da ćete svi glasati uprkos činjenici da se osuđuje tada vaša, tada najbolja Vlada.

Predsjedavajući:

moram vas prekinuti. Odgovor na repliku zastupnik Nikšić Zahiragiću.

Poslanik/zastupnik Damir Nikšić.

Ovako, ja bih vidim da niste pomenuli čitavu Skupštinu, i evo ne moramo ulaziti u čitavu Skupštinu, i evo ne moramo ulaziti u čitavu Skupštinu, nećemo prozvati nas same, vidim da ste se pametno ogradili od toga, ali već kada nešto tražimo od Vlade ja bih volio da se inicijativa dopuni da tražimo od Vlade, ili ako treba napisat ću, evo ja bih volio da ako ćemo glasati za to da ćemo glasati u paketu, da Vlada istraži ovo, i da se naloži Vladi da istraži, pošto asocirate da ista Vlada Forto tada – Foto sada, da Forto istraži, da saslušamo sve ljude, da vidimo da nije bilo neke namještaljke, a što se tiče, e ne znam da li sada to spada u član 169. a to je da se onda izjasnimo na sljedećoj Skupštini kada Vlada se očituje po tome. To ne nam, evo ostavljam predsjedavajućem da razmotri. A što se tiče ovog nacionalizma i to, pa dobro i meni su govorili da brojim krvna zrnca, da zastupam etnički princip, da sam etno nacionalista kada sam insistirao da treba troje iz reda srpskog naroda da bude u ovoj Vladi. To nije ništa novo ne morate se sikirati. I mene kao ljevičara razapinju zbog toga, a ne vas kao desničara. To je sasvim normalno. Hvala toliko.

Predsjedavajući:

evo imam i ja potrebu da repliciram kolegi Zahiragiću. Kolega Zahiragiću vi ste naš mlađi kolega u Skupštini Kantona Sarajevo i razumijem da želite na neki način da nadoknadite sve propuste svojih kolega iz prethodnih mandata kada niste vi bili. Očekivao sam da ćete uz ove zaključke osuditi i nabavku trafike od strane tadašnjeg imenovanog direktora od strane SDA,

zatim nabavku vertikalnog transporta na Bjelašnici koja je koštala 16 miliona građane Kantona Sarajevo. Zaista bih volio da pričamo u 2021 živimo u vremenu pandemije kada građani Kantona Sarajevo proživljavaju teške trenutke. Vi nas vraćate dvije, tri godine unazad kako bi nametnuli teme sa kojim se mi također slažemo da su određene osobe uradile nešto što nije dobro i kada je u pitanju NIP osudili smo postupak tadašnje direktorice. Često koristite sljedeću stvar, a evo želim ovako da vam skrenem pažnju a to je miješanje ponekad malo isitne i jako puno neistina kako bi dobili na efektu, kako bi ta predstava izgledala ubojitija. Međutim, nemojte zaboraviti da se djela cijene prema namjeri. I nemojte osuđivati one koji nisu to radili. Volio bih da se vratimo na Izvještaj za 2019 godinu. Naravno vaše je pravo kao zastupnika da podnosite zaključke i da se skupština izjašnjava o njima, međutim, vodite računa. Živimo u teškom vremenu, teškim okolnostima, nemojte da populistički populiziramo svaku moguću tačku. Gledaju nas građani Kantona Sarajevo sramota je da svaku Skupštinu Kantona Sarajevo provodimo sa replikama, ispravkama krivih navoda. Evo ja po prvi puta vama repliciram, ali evo želim jedan dobronamjeran, krajnje dobronamjerno želim da vam skrenem pažnju.

Replika Zahiragić Nikšiću, pa onda pretpostavljam i meni.

Poslanik/zastupnik Haris Zahiragić:

da ne bih uzeo više vremena ja ću u jednom javljanju pokušati dvije replike kazati ako nije problem. Kolegi Nikšiću vrlo kratko, da se slažem sa njimi da što se mene tiče evo neka napiše da se istraži, evo ne moram ni zaključivati, pozivam Vladu da istraži. Ja bih volio da znam kako se to desilo. Ovdje je sada tema što nije empatije i prilike i političke volje da se izvini. Kada je kolega Okerić u pitanju i njegova diskusija, kolega Okeriću ja ne znam da li ste svjesni, ja vas poznajem, puno vas cijenim, lično, ne politički, lično vas cijenim čak znate vi naš odnos koliko je dugo godina trajao i kakve mi imamo odnose i koje međusobno poštivanje. Ja ne znam Elmedina Edu Okerića koji ovako poredi neki trafiku, neki vertikalni transport sa genocidom u Srebrenici i njegovim negiranjem na njegovu godišnju sa javne televizije. Ja želim da vjerujem i čak vjerujem da vam je to neko napisao. Taj ko vam je napisao tu reakciju i taj potpuno, taj salto mortalno politički koji ste zahvaljujući toga napravili, nije vam prijatelj. Ja osuđujem svaki kriminal kolega Okeriću, vi to znate, ja nisam sjedio tada u Skupštini. Doći će teme kriminala i naših ljudi, i vaših. I vas kada ste bili u SDA i vas kada ste izašli iz SDA. Ne kažem vas nego kadrova koje ste vi postavljali koje smo svi mi postavljali. I vi znate da oko toga ja i vi lično imamo koncenzus. A neke kolege možda nemaju. Ali ta tema i porediti trafiku neku. Dalo bi se govoriti ko je stavio u plan javnih nabavki, jel Muzur ili Hubijar, to ćemo pričati, utvrdit ćemo i tu istinu konačno. Ali to porediti sa ovom temom na izvještaju TVSA za 2019 nije se vratilo. Nije zakašnjelo Edo zato što sam ja tek ušao u skupštinu i zato što su kolege moje čekale izvještaje za 2019. Da smo na prošloj sjednici, pretprošloj, prošlo je šest sjednica nisam spomenuo to. Jer nije bilo vrijeme ni mjesto, nije bila tema. Kada je izvještaj za 2019 u pitanju, to je prava tema i neka se zna da je ovo samo početak borbe za institucionalni poštivanje i žrtava i kulture sjećanja, jer sve drugo kolega moj dragi, a vi to znate, dobro to znate, ja znam da znate, je put ka poniženju. I nemojte molim vas praviti političke kompromise sami sa sobom, jer kako kažete, djela se vrednuju prema nijetu. Molim vas, pratite svoj nijet, a nemojte čitati poruke kolega političkih eksperata za komunikaciju, koji totalno fulaju temu i vidjet ćete poslije Skupštine šta će vam vaši glasači reći. Hvala.

Predsjedavajući:

replika kolegi Zahiragiću. Građani će naravno prosuditi moj rad dugogodišnji u Skupštini Kantona Sarajevo da li je populistički, da li od njega pravim predstave kao pojedini, naravno nikad ni u promisli nisam ovo kazao što ste vi sada kazali, da se porede ove stvari. Još jednom ponavljam osudili na vrijeme, tražili smjenu. Vi i vaše kolege niste nikada niti jednom riječju,

niti na Fejsbuku a ne nekom portalu, ne kao zastupnici u zakonodavnim tijela niste osudili kriminal, korupciju koju su počinili kadrovi SDA.

Replika Suljević Zahiragiću.

Poslanik/zastupnik Samir Suljević:

izvinjavam se imao sam malo tehničkih nekih problema. Nisam želio da ulazim u ovu diskusiju ali stvarno sam bio prinuđen da kažem nekoliko stvari kolegi Zahiragiću. Molim vas kolega Zahiragiću, nemojte odlaziti od teme i nemojte nam spočitavati određene stvari koje su vezane na najsitnije i najljudskije dostojanstvo pozivajući nas na način ko ne podrži zaključak bit će, otprilike karikiram, protiv žena Srebrenice, protiv ovoga. Nemojte se igrati s time da nas prozivate na patriotizam i ići rezonom ko nije za nas, on je protiv. To nije istina. Imali ste godinu dana Vlade kada je srušena četvorka, sve sto mogli putem i Skupštine ako treba i da imate tematsku sjednicu na tu temu. Ja vas molim nemojte više odlaziti od teme, nemojte stalno ljude dovoditi u situaciju da okrećete od onoga što je bitno. Ovdje je tema Izvještaj kantonalne TV. Molim vas da se držite toga i da završimo ovu stvar. Još jednom vas molim, nemojte politizirati svaku sjednicu, i dovoditi nas u situaciju da nam se ljudi smiju zbog vašeg nastupa. Hvala.

Predsjedavajući:

zastupnik Mahir Dević replika.

Poslanik/zastupnik Mahir Dević:

da li se čujemo predsjedavajući? Kolega Zahiragić je vrlo jasno i precizno pročitao zaključke Kluba SDA koji su došli u momentu kada je tačka dnevnog reda Izvještaj navedene institucije za 2019 godinu. Vrlo jasno jer se to desilo u 2019 godini. Naravno da smo mi ovaj čin osudili prije. Ali da se ne bi utrkiivali da lije to uradila ova stranka ili je ona stranka, kolega Zahiragić je predložio zaključke u ime svih nas, u ime institucije koja se zove Skupština Kantona Sarajevo, da po ovom pitanju stavimo tačku uz puno uvažavanje žrtava genocida u Srebrenici. I naši zaključci su vrlo jasni i pozivamo vas da ih podržite. Ono što je za vas specifično kolega Okerić nije sve kriminal što vama šef napiše da je kriminal, i što je vaša percepcija politička da je kriminal, ni vaša prozivanja ni vaša dehumaniziranje zastupnika i direktora itd. Kriminal je ono što procesuiraju sud i presudi sud u svim procesima. A ne ono što vi pričate. I tema kriminala je svakako tema koja je važna i uvijek ćete imati našu podršku da se to istraži ali ne na način da vaš šef i vi putem poruka presuđujete ko je kriminal i ko nije kriminal i da dehumanizirate ljude u javnom prostoru u zadnjih 10 godina u Kantonu Sarajevo. Ovdje je tema genocid. Na ovim zaključcima smo trebali uz puno uvažavanje samo da glasamo da uopće o politici ne pričamo. Prema tome mi vas pozivamo da svi jednoglasno ovo usvojimo da ovu ljagu koja nam se desila, iz nekih razloga, vi ih istražite koji, ništa protiv nemamo, da to skinemo sa sebe. A o temama kriminala i ostalih stvari to ostavite kao važnu temu, izuzetno važnu temu o kojoj ćemo raspravljati u budućnosti. Ali ne način da šef napiše poruku koja ...

Predsjedavajući:

ispravka krivog navoda. Zastupnik Stojanović.

Poslanik/zastupnik Igor Stojanović:

hvala predsjedavajući, nadam se da me čujete. Dakle ispravka krivog navoda odnosi se na konstataciju zastupnika Devića da je tema genocid. Tema nije genocid nego je tema Izvještaj o radu JP TVSA. Dakle tema nije genocid nego je Izvještaj o radu TV. Pa bih vas zamolio da se na tu temu i vrati kada komentariše sve ovo o čemu govori, hvala.

Predsjedavajući:
kolega Deviću jeste li završili pošto ima replika?

Poslanik/zastupnik Mahir Dević.

Samo jedna rečenica. Ja sam obrazložio zaključke Kluba SDA. Zaključak iz tri stava vrlo jasno napisan i pozivam vas sve da mi kao Skupština Kantona Sarajevo jednoglasno podržimo takav zaključak. Hvala.

Predsjedavajući:
zastupnik Marjanović replika Deviću.

Poslanik/zastupnik Damir Marjanović:

ja vam se zahvaljujem. Evo prvi put se javljam danas i pozdravljam sve ko ji prate ovu našu diskusiju. Vjerujem pomalo i sa nevjericom u cijelom ovo konceptu u kojem se nalazimo i šta nam se sve dešava, u svim onim informacijama koje nas danas okružuju. Ali postoje neke bolne teme u istoriji BIH koje očigledno moraju s vremena na vrijeme da se nikada ne zaborave da se o njima pričamo ali nikako ih ne smijemo politički zloupotrebljavati i iskorištavati. Ne govorim, ova replika ide gospodinu Deviću, nije čak ni replika za ono što je rekao, nego ja nisam dobio te zaključke još uvijek u pisanoj verziji i moram priznati da ću ih dobro pročitati i vidjeti na koji način ću se izjasniti o njima ali nas uvodi u pitanje između ostalog ako sam ja dobro shvatio da se osuđuje neka Vlada neke šestorke tada koja je to uradila u isti kontekst, ako već idemo u tom pravcu, trebalo bi se osuditi i Vlada koja je poslije došla i većina koja je poslije to mogla na neki način mogla korigirati, a propustila je da to korigira, mislim da je kolega Zahiragić jako lijepo objasnio vezano za neke pravne termine, koji se odnose čak i kada nešto ne uradite a mogli ste da uradite. Tako da bojim se da ovaj put ipak idemo malo previše da politiziramo o nečemu o čemu ne bi smjeli politizirati, o nečemu što sve nas boli. Posebno one koji su već svoj patriotizam više puta pokazali i tokom rata i poslije rata, nemojte ljudi da žrtve osjete da se sve ovo koristi samo da bi se osudilo neko ko je tada bio Vlada i zato što je sada Vlada, ali evo hajte da pročitam te zaključke i možda ću čak imati i neke amandman na te zaključke ako se odlučimo da glasamo. Posebno za one dijelove koji se tiču kontinuiteta i propusta recimo prethodne Vlade koja je isto to možda mogla da uradi. Hvala velika.

Predsjedavajući:

imam jaku želju da repliciram kolegi Deviću. Kada su u pitanju nalozi šefova, lično sam svojim integritetom dokazao i pokazao u slučaju Memić da ne slušam naloge šefova niti političkih stranaka. I javnost je o tome upoznata. Ja bih volio kolega Deviću da nam vi pokažete svoj jedan slučaj kako vi ste odbili naloge šefova. Javnost je upoznata pogotovo kroz zadnje dvije tri godine, pored svih preporuka, pored svih mišljenja, na koji način, pored svih zdravo razumskih promišljanja, provodite naloge šefova. A spomenuli ste da navedemo jedan primjer kriminala i korupcije a koji vi niste osudili. Evo da vam kažem kolega Deviću. Direktor Direkcije za puteve, gospodin Drnda, tzv 3%, je prvi imenovani dužnik koji je nakon rata presuđen za korupciju, i to sporazumno. Znači priznao. Ni vi, ni vaše kolege, ni vaši šefovi, niko se nije ogradio niti je osudio vašeg kolegu kojeg ste vi imenovali. Evo naveo sam vam dva primjera. Naveo sam vam jedan od mojih primjera kako ja živim svoj život. A evo vi mi navedite kako vi živite svoj život i kažite mi zbog čega nije bila osuda niza koruptivnih radnji koje su počinile kolege vaše na žalost koje dolaze iz SDA. Kolega Dević replika meni.

Poslanik/zastupnik Mahir Dević:

zahvaljujem. Da li se čujemo? Naravno ad osuđujem ono što su uradili organi, Tužilaštva i

sudovi. I to je osuđeno i na organima SDA možda vi niste bili informisani ali evo koristim i sada priliku da takve slučajeve naravno uvijek osudimo. Ali isto tako da osudim insinacije koje vi vrlo obilato koristite u radu vaše stranke već duži vremenski period i inkriminirajući razne kadrove koji vama politički neodgovaraju. Te stvari također osuđujem. Ali i jednu i ovo drugo sada što sam kazao da osuđujem dokazani kriminal i vaš nedokazani kojeg vi verbalno predstavljate javnosti Kantona Sarajevo zadnjih desetak godina a cijelo vrijeme ste tu bili vlast. U ime SDA to su teme o kojima ćemo razgovarati svakako i uvijek stojimo na raspolaganju. A naši zaključci su jasni i mi smo ih poslali u grupu. Mi smo te zaključke prosljedili, vjerovatno nije došlo do njega. On neka ih pročita. Ja ću vas zamoliti sve kao kolegice i kolege da se o tim zaključcima izjasnimo. Zahvaljujem.

Predsjedavajući.

Hvala kolega Deviću. Replika meni zastupnik Zahiragić.

Poslanik/zastupnik Haris Zahiragić:

kolega Okeriću da li sam ja pošto kasni ton? Pošto ste spomenuli i mene u diskusiji, u replici kolegi Deviću, ja sam imao potrebu da se javi. Čestitam ja vama na hrabrosti u tom slučaju Memić. Vi znate da ste npr moju ličnu podršku u tome imali. I prije toga i tada ja lično sam bio kao predsjednik Studentskog parlamenta na tim protestima svaki put do posljednjih izbora. Lično predsjednik Studentskog parlamenta tražio ostavku tadašnjeg komesara itd. I ne mogu dozvoliti da se konfrontira taj slučaj koji mene boli, ja sam tog dečka znao, na srcu mi stoji, ne mogu dozvoliti da se na taj način konfrontira spram mene i spram mojih kolega u Klubu jer vi dobro znate da svima nama u Skupštini Kantona Sarajevo istina o tom slučaju ono što želimo da saznamo više nego bilo šta drugo. Na tom tragu uvijek ćete imati našu podršku i ako treba fizičku a političku u svakom slučaju. I molim vas nemojte tom temom i tu temu koja sve nas boli kao malo koja tema konfrontirati sa ovom drugom temom. Kolegici Arijani, evo ona je sa nama na Skupštini, ja želim svu snagu svu podršku ima. Imala je tada moju javnu, dolazio sam kao fizičko lice i nemojte da nas konfrontirate. Kada je kriminal u pitanju, isto tako znate da svaki kriminal evo ja lično svaki put osudim, čak i nedokazani. Dajem sebi za pravo da možda se ponašam nekada kao i vi možda i pređem mjeru isto kao i vi u tome jer želimo svi bolje društvo. Ali to nije tema. Nemojte da pravimo kompromise i da konfrontiramo (nerazumljivo) kriminala ili tu strašnu tragediju ili taj strašni pravosudni cirkus koji su napravili u tom slučaju i sve zloupotrebe sa ovom temom. Ja vjerujem da će naša kolegica Arijana glasati za ovaj zaključak, i vi isto, i svi mi a na sve te druge teme moramo svi zajedno se izboriti da Kanton Sarajevo i cijelo društvo budu mjesto ugodnog življenja, pošteno, gdje će svaki čovjek dobiti svoje pravo. Gdje će svaki kriminal biti kažnjen ili neće biti prostora za političke montirane ili pravosudne zloupotrebe bilo kojem slučaju. Hvala kolega Okeriću i molim sve kolege da ne idemo i ne širimo temu. Ja sam ovaj zaključak toliko izbalansirao, toliko je on politički korektan da sam dao svima vama mogućnost da glasate za njega. Da smo željeli bilo šta drugo, mogli smo ga skroz drugačije koncipirati da vi ne možete za njega glasati pa mi kasnije kažemo glasali su protiv. Nije nam to bio nijet, i nije nam to bila namjera. Hvala vam.

Predsjedavajući:

replika zastupnica Jasna Duraković.

Poslanik/zastupnik Jasna Duraković.

Da li se čujemo predsjedavajući. Pa evo ja bih replicirala kolegi Zahiragiću obzirom da je on predložio ove zaključke. Dakle ja apsolutno podržavam sve ovo što ste rekli kolega Zahiragiću međutim ono što me uznemirava jeste vaš nastup. Dakle vaš krajnje agresivan nastup i izrečene prijetnje. Ako želite vratite stenogram da čujete. Dakle prosto jeza me neka

uhvatila kako ste vi to sve nas zapravo osudili na neki stavili na neki stub srama. A ne smijete zaboraviti pri tom da su i vaše kolegice i kolege iz Kluba SDA tada bile u Skupštini kada se to dešavalo. Ne smijemo nikoga ovdje osloboditi odgovornosti i kao što reče kolega Marjanović mislim da u krivičnom pravu ono što nije procesuirano tada, presuđeno tada ne amnestira sve ove nasljednike odnosi se ovo naravno na Vladu koja je nakon Vlade šestorke preuzela. Dakle zašto tada niste o tome govorili. Zašto tada javno niste osudili i tražili od svih nas da se izjasnimo po ovom osnovu. Evo toliko. Ja stojim zaista na raspolaganju da prihvatim ove zaključke ako se prihvate ove neke dopune koje ćemo možda mi evo u pismenoj formi i poslati. Toliko hvala.

Predsjedavajući:

zastupnik Haris Zahiragić odgovor na repliku Jasni Duraković-

Poslanik/zastupnik Haris Zahiragić.

Ja se najdublje izvinjavam kolegici Duraković ukoliko je moj nastup, koji jeste bio malo emotivan, nju na neki način kako je kazala uplašio. Evo ja se izvinjavam, ja se trudim džentlmenski. Ja sam s njom kolega, ona je akademskoj zajednici radila i ja sam bio na Senatu dugo godina i na UNSA u tom smislu koristim priliku da se izvinim ako je uopšte ona tako to shvatila. Ja sam samo kazao da će oni koji ne glasaju za ovaj izbalansirani, vrlo osjetljivo napisani, bez imalo političkih momenata zaključak da ću se ja lično potruditi da bude na stubu srama. A kada je u pitanju glasanje za, i prilika da se svi ogradimo. Ja sam svima dao priliku da mogu glasati za ovaj zaključak bez i jedne jedine riječi ili slova politikanstva i jednog imena, i jedne stranke, bilo čega. Sve su to opšta mjesta ali kao poruka značajna da mi kao organ smo evo sada kada je izvještaj o radu te TV. To se moglo uraditi ili neposredno odmah tada kada je to bila tema ili sada kada je Izvještaj o radu. Kada se nije uradilo na vrijeme evo sada imao svi šansu evo i ja lično iako tada nisam bio zastupnik prihvatam kolegice podijeljenu odgovor, evo i ja sam kriv što možda tada Skupština. Nije to apsolutno bitno. Sada smo predložili izjasnili se, i nemojte da politiziramo, molim vas. Ako nastavi diskusija u politiku, otvorit ćemo skroz drugu temu i prvobitna namjera ovog zaključka neće biti ispunjenja a to meni zaista ne bi bio cilj. Molim vas nemojte shvatiti moju diskusiju pogrešno, kada je ova tema u pitanju, kada su ove osjetljive teme u pitanju. Dugo sam posmatrao procese u Kantonu Sarajevo sa klupe za rezervne igrače, kada sam ušao imam potrebu da razgovaramo o tome i evo dajem svima vama šansu da učestvujete u tome. Hvala vam.

Predsjedavajući:

replika Vildana Bešlija zastupniku Harisu Zahiragiću.

Poslanik/zastupnik Vildana Bešlija:

hvala predsjedavajući. Evo koristim, s obzirom da se prvi put javljam danas, sve da pozdravim. Zaista mi je moram priznati teško i nelagodno po ko zna koji put od kako imamo novog kolegu u Skupštini se vrtimo u krug. Da se pred nas stavljaju određene ucjene i način na koji funkcioniše ova Skupština. Ja ću vas podsjetiti ustvari još jednom šta je tačka dnevnog reda. Tačka dnevnog reda je usvajanje izvještaja. Potpuno se otišlo od teme ne umanjujući uopšte značaj ovog problema koji je kolega ustvari istakao. Međutim ja želim samo da skrenem pažnju još jednom, evo našla sam i dok sam slušala ove razne rasprave, da je 24.07 se direktorica tadašnja lično se obratila javno javnosti, dala obrazloženje o svemu što se tu dešavalo i može se sve tu pročitati. I ne vidim uopšte razloga da se vraćamo što je bilo tada, što je javno obznanjeno i otvoreno sa svih mogućih strana. Ova diskusija je upućivana tendenciozno i ovaj zaključak je pokušaj da se stvarno skrene pažnja sa jedne od najlošije upravljanje firme tokom dugog niza godina, koja je služila ustvari kao političko glasilo SDA. I evo čuli smo i direktoricu Jurišić da je ostalo iza takvog lođeg upravljanja dosta neriješenih

nekih računa. Sačekala je kazna za ne plaćanje poreza, doprinosa, sa gomilom nelegalnih ugovora. Ne treba zaboraviti da je u suštini ranijih godina u toj TV stanici su se namještale nagradne igre. Da je tom prilikom određene osobe uhvatila i kamera i za posljedicu su takvi ljudi čak bili eventualno i unaprijeđeni. Znači još jednom samo molim i kažem. Nije u redu, ni etički ni bilo kako drugo, nije uopšte korektno služiti se skupštinom za ličnu promociju na ovakav prljav način ucjenama i na svaku temu navlačiti, odnosno na ovakvu temu navlačiti na srebrenički teren. Još jednom pozivam vas da Srebrenicu zaista ne koristite za političku promociju. Zaista je degutantno jer to je zaista sramotno. Pozivam vas još jednom da se vratimo na temu i da pređemo na glasanje. Hvala vam.

Predsjedavajući:

hvala zastupnice Bešlija. Replika Zahiragiću zastupnik Stojanović.

Poslanik/zastupnik Igor Stojanović:

hvala predsjedavajući. Tema ove tačke je Izvjetšaj o radu TVSA i najbolje pokazuje posljednjih 45 minuta rasprave kakav je javni diskurs u BIH da od teme o radu dođemo na genocid. I otprilike se to dešava već posljednjih 25 godina o kojem treba uvijek razgovarati o nekim temama koje proizvode i mnogo reakcija i puno strasti, sa razlogom. Sa velikim razlogom zbog čega to proizvode na takav način. Ali moram reći nekoliko stvari koje kolega Zahiragić iznio, ili koje nije iznio a bitne za su ovaj cijeli slučaj i za prijedlog njihovih zaključaka. Ja ne želim ulaziti uopšte da li je kriva Kristina Ljevaković ili je kriva Amra Zolj kao žena bivšeg premijera, koja je bila urednica programa u tom periodu o odobrila da se taj film. Neću uopšte da ulazim ko je više a ko je manje kriv, ni da li je. Ja čak nisam film ni pogledao. Sve što znam o filmu da je on prikazan na modulu memorije, dakle na festivalu MESSA koji je upravo nastao kao događaj koji treba da govori o genocidu o ljudima koji su stradali i o svemu onome što je negativno za taj pojam. I prikazan je na tom festivalu i kao takav je došao na TV. To je ono što ja znam iz medija. I sada odjednom je nakon 2,5 godine mi donosimo neki zaključak koji treba da se tiče isključivo jednog filma a pri tome treba da se osude svi ljudi. I ovo je kako je rekla, kada kažem svi ljudi, mislim na Vladu na zastupnike, na Skupštine, na tadašnje stranke koje su bile u vlasti i to sa vrlo prijetećim tonom kako reče moja kolegica Duraković. Da vam kažem ja lično to doživljavam kao uvredu. Treba to da bude sada znate kao da smo bili neka četnička Vlada pa smo protiv i negiramo genocid. Tako sam ja ova poruku neku shvatio otprilike od strane od SDA. I to me strašno vrijeđa i neću to dozvoliti znate na jedan način. A opet sa druge strane kolega Zahiragić kaže da on želi da Sarajevo bude mjesto ugodnog življenja. A da istinski želi da Sarajevo bude mjesto ugodnog življenja, onda bi ovaj zaključak trebao da se preformuliše da sve TV emisije, da sve ulice, škole i sve ono što vrijeđa bilo kojeg čovjeka u gradu Sarajevu treba da se ukine i da se donese konsenzus i da svi građani budu sretni i ponosni na ono što se dešava, jer nemojte da zanemarimo škola. Vi znate za inicijativu SDP da se ukine ime škole i ulice Mustafa Busuladžić koji je pisao afirmativno o progonu Jevreja o genocid. Jel mislite da ne vrijeđa Jevreje? Jel mislite da ne vrijeđa antifašiste u Sarajevu? Dakle nije ugodno mjesto življenja ako... vrijeme. Evo završava. Dakle nije ugodno mjesto življenja ako ćemo osuditi jedan genocid a drugi nećemo. Dakle moramo imati obzira na sve stanovnike u Sarajevu i nadam se da će u skladu sa tim i ovaj zaključak se preformulisati. Ako se ne preformuliše ja ću ponuditi jedan zaključak koji će biti u ovom tonu. Hvala.

Predsjedavajući:

ispravka krivog navoda. Zahiragić.

Poslanik/zastupnik Haris Zahiragić:

ispravka krivog navoda jeste da je Mustafa Busuladžić pisao afirmativno o progonu Jevreja u

Sarajevu. Imali ste na Skupštini izvještaj i mišljenje Institut za historiju koje je dalo svoj pozitivan stav prilikom toga. To je zloupotreba teme i pozivam vas da napravimo tematsku Skupštinu na tu temu kao i na sve teme. A danas je izvještaj TVSA za 2019 godinu. Ovaj se film pustio 2019 godine i s tim u vezi ovaj zaključak je isključivo vezan za njega. A svaki naredni zaključak, svaku narednu temu i diskusiju možete ili kroz tačku dnevnog reda ili kroz tematsku sjednicu, bit će mi čast da branim čast ljudi koje vi satanizirate već godinama u ovoj Skupštini Kantona Sarajevo. Hvala vam.

Predsjedavajući.

Odgovor na repliku Stojanović Zahiragiću.

Poslanik/zastupnik Igor Stojanović:

pa dakle upravo je u vašem obraćanju kolega Zahiragiću problem. Vi mislite da ne postoje ti tekstovi a kada bude ta tematska sjednica za koju se ja zalažem ja ću također donijeti da vidite šta je pisao gospodin Busuladžić o svemu tome. I to smo mogli vidjeti od više istoričara, tekstovi koji su izašli kada je u pitanju genocid o Jevrejima. Ali nije to tema. Nego se radi upravo o vašem obraćanju u kojem vi kažete da je on u redu iako vrijeđa ogroman broj ljudi što je pokazalo i glasanje na Skupštini da je čak 15 zastupnika tražilo promjenu naziva i ulice i škole. Radi se o jednom odnosu prema ljudima koje to vrijeđa. Ja mislim da moramo imati ako želimo imati ugodno mjesto življenja kao što ste rekli moramo imati obzira prema svemu tome. I slažem se nije to tema također za ovu tačku dnevnog reda. I nadam se da ćemo rješavati i ove probleme koji vrijeđaju sve ljude u Sarajevu da ćemo ih riješiti u dogledno vrijeme i za vrijeme ovo mandata. Hvala.

Predsjedavajući.

Zastupnik Jakupović replika Zahiragiću.

Poslanik/zastupnik Vedran Jakupović:

zahvaljujem predsjedavajući. Za razliku od kolegice jasne Duraković, mena a garantujem nikoga iz NIP, ove prijetnje, podignuti prsti, neće uplašiti. Zamolit ću kolegu da ne komunicira na taj način sa nama. Zamoli ću kolegu koji je vrhunski majstor spina, izuzetno inteligentan, i jasno nam je danas imamo neka dešavanja koja nemaju veze sa skupštinom, a koja bi trebala biti tema danas, želimo da izbacimo iz fokusa javnosti i da pričamo danas o ovome. Sa zaključcima koje je podnio se slažem bez ikakvih problema osim što bih možda u zaključku 2. dodao i Skupštinu Kantona. Vi ste rekli upravu TVSA, tadašnju Vladu Kantona, ja bih rekao i skupštinu. Ako vi kažete da nije niko reagovao, mada ste dobili informaciju da je reagovao i NIP, da smo osudili i da smo tražili ostavke. I ja sam za to. Ono što ću samo kratko, pošto sam rekao da je gospodin Zahiragić majstor spina, kolega Okerić je pomenuo kriminal u Kantonu Sarajevo, na šta je ovaj odgovorio da se ne može porediti genocid i kriminal. Kolega Okerić nije konfrontirao kriminal genocidu. Genocidu se ne može ništa konfrontirati. Kolega Okerić je na suptilan način htio da kaže da zaštitnici, vjere i države, tzv patriote, ne pljačkaju svoj narod i da troše javni novac na zabranjen ili da budem precizniji, da me bolje razumijete, na (nerazumljivo) način.

predsjedavajući,

ispravka krivog navoda zastupnik Dević.

Poslanik/zastupnik Mahir Dević:

ispravka krivog navoda ustvari je samo prilika da kažem mi se slažemo u potpunosti da se doda i riječ Skupština. Tadašnji predsjedavajući je bio (nerazumljivo jer govore dva zastupnika istovremeno). Slažemo da se doda da tu odgovornost svi zajedno podijelimo.

Toliko.

Predsjedavajući:
nastavite kolega Jakupoviću.

Poslanik/zastupnik Vedran Jakupović.

Gospodin Dević me prekida krivim navodom, koji nije krivi navod, molim vas da obratite pažnju i kolege molim vas da budete korektni. Znači kolega Okerić nije konfrontirao genocid u Srebrenici kriminalu nego, sada ćete mi dati još malo vremena da ponovim, zaštitnici naroda, vjere, države ne pljačkaju svoj narod. To je ono što je gospodin Okerić htio da kaže. Zaštitnici vjere naroda i države ne pravdaju kriminal, zaštitnicima vjere, naroda i države kriminal je antidržavni čin. I antivjerski čin. Ne bih imena. Druga stvar.

Predsjedavajući:
ispravka krivog navoda kolegica Duraković, oprostite kolega Jakupoviću.

Poslanik/zastupnik Jasna Duraković.

Ja se izvinjavam zaista, neću, vrlo ću biti kratka možda sam trebala napisati da hoću repliku s obzirom da zaista nisam imala namjeru prekinuti kolegu Jakupovića. Međutim hoću samo da kažem da ja apsolutno sam uplašena niti bilo šta vezano za ono što ste rekli. Tu vas ispravljam. Ja sam samo rekla da je zastrašujuće čuti onakav stav, onako agresivan nastup i one prijetnje koje su izrečene. Dakle evo samo u toj mjeri da vas ispravim, da je to nedopustivo po meni. Evo kolega Zahiragić je već rekao svoje tako da se nećemo na to vraćati. Hvala.

Poslanik/zastupnik Vedran Jakupović:

ali evo upravo ja sam se referirao na ono da ste se vi uplašili možda kolegice pa da kažem da mi sigurno nismo. Znamo na koji način djeluju, na koji način stave metu itd. Ali se mi ne bojimo toga. I druga stvar kada je riječ o slučaju Memić, kolega Okerić nije kako je gospodin Zahiragić rekao konfrontirao slučaj Memić genocidu, nego je govorio o ličnom integritetu svom, i o tome da ne sluša šefove. Evo možda je ružno da ja branim kolegu Okerića pokušavam da despinujem ovo što kolega Zahiragić stvarno majstorski uspijeva da spinuje. Hvala vam puno.

Predsjedavajući:
zastupnica Arijana Memić replika zastupniku Harisu Zahiragiću.

Poslanik/zastupnik Arijana Memić:

zahvaljujem predsjedavajući. Ja se izvinjavam ali morala sam se javiti obzirom da je već evo više puta pomenut slučaj ubistva moga brata. Apsolutno je neprimjereno da ne kažem degutantno slučaj ubistva moga brata koristiti u dnevno političke svrhe. A pogotovo nakon što su kolege nekih od onih koji ga sada spominju onomad napustili sjednicu kako ne bi morali glasati protiv pozitivne ocjene Tužilaštva Kantona Sarajevo. Dakle kolega Zahiragiću nikada vam se ne obraćam, ali vas sada molim prvi, a nadam se i posljednji put, da ne koristite ime moga brata zbog ličnih političkih ciljeva. Što se tiče Elvedina Okerića, on ima pravo puno govoriti o ovom slučaju, obzirom da svi znamo koliki je njegov doprinos u ovoj borbi koju moja porodica vodi već pet godina. I nadam se da se više ovo neće spominjati i koristiti u vaše političke ciljeve. I toliko od mene za sada.

Predsjedavajući:
replika zastupnik Zahiragić zastupnici Memić.

Poslanik/zastupnik Haris Zahiragić:
kolegice Memić ja vašu bol jer imam mlađu sestru, i vašu borbu cijenim više nego što vi možete zamisliti. I nemojte molim vas govoriti da sam ja to spomenuo, to je kolega Okerić spomenuo a ja sam podržao i potvrdio da je on bio među ljudima koji je taj proces pokrenuo ali isto tako kazao da sam ja bio jedan od onih koji je njega u tome podržavao a i mimo njega podržavam vašu borbu, i nemojte molim vas vi da kažete da ja spomenuo nego je Okerić je to spomenuo a ja samo ne želim da diskutujem. Ja vas smatram više od kolegice jer imam mlađu sestru, i molim vas na tom fonu da ostane naš odnos. Hvala vam.

Predsjedavajući:
zastupnik Vibor Handžić replika Zahiragiću.

Poslanik/zastupnik Vibor Handžić:
zahvaljujem predsjedavajući. A obzirom da se javljam prvi put, dobar dan svima, srdačno pozdravljam sve prisutne. Pa evo prvo ću reći da mi je zaista žao što danas ne pričamo o temi koja je na dnevnom redom, dakle izvještaju i poslovanju rada televizije. Što ne govorimo o nekim stvarima o vraćanju nekih dugova koji su godinama bili nagomilavani tamo od strane bivših menadžmenta. Što ne govorimo o tome da se sa dolaskom neke nove uprave po prvi put od kako je te TV ljudi se uposleni tamo šokirani bili kada su vidjeli da se opozicija počela pojavljivati u prostorijama TVSA kao da su bijeli medvjedi. Jer nikada ljudi u životu opozicije vidjeli na toj TV: e sada se to više ne dešava. Međutim evo kada je ova tema u pitanju zaista da ne bi bilo samo puko glasanje morat ću se kratko referirati. Zaista je kolega Zahiragiću vaš ton kojim ste se nama obratili bio i te kako diskutabilan i preteći da ćete nas stavljati na stub srama itd. I moram reći da mene kao nekoga, mrzim zaista što o ovom pričam ali evo moram s obzirom da tu temu potencirate, kao neko ko je ovdje rođen i cijeli život tu, proveo ko je i bio tamo nekolicinu puta, ne samo tamo nego i Prijedoru, Foči i drugim stratištima, i koj i ima jasan stav spram toga šta se tamo desilo zaista tim prijetnjama tendencioznim mene ne možete niti jednu jedinu trunku pokolebati u tom smjeru. Zašto ja mislim da je vaša namjera ovdje i te kako ispolitizirana i tendenciozna.- da ste vi recimo predložili zaključke 1 i 3 u kojem zaista trebamo osuditi nešto što se tamo desilo, a nije bilo u redu i da se svi zajedno trebamo ispričati i izvinuti bilo kome koga je to zaista povrijedilo, ja nemam ništa protiv. Apsolutno podržavam. Međutim, zaista da imputiram bilo kojem pojedincu kao članu Vlade da ima neki kontra ili problematičan odnos spram te teme i da je kriv po bilo kom osnovu po tom pitanju zaista te stvari nisu prihvatljive. A da je ta priča s vaše strane tendenciozna i ispolitizirana, evo najbolje mi je u svom dijelu komentara rekao kolega Dević koji na poziv kolege Jakupovića da ubacimo i Skupštinu u ovaj zaključak, kaže može, super, tada je kolega Konaković bio na čelu Skupštine. Dakle jasno je meni šta je ovdje cilj, sve mi je jasno. Zahvaljujem.

Predsjedavajući.
Prva diskusija, zastupnik Igor Stojanović.

Poslanik/zastupnik Igor Stojanović:
hvala predsjedavajući. Dakle, kroz svoju diskusiju osvrnut ću se i na zaključke Kluba SDA koje smo dobili i koje sam uspio sada pročitati. Ali gospodine Okeriću prvo bih vas zamolio da na ovu temu date riječ i direktorici Jurišić kako bi nam mogla nešto više reći ako može o ovoj temi koja očigledno izaziva polemiku. Evo ja mogu shvatiti i uvrede unutar Kluba SDA i također premijera. Ja bih volio da čujem i premijera vezano za ovu temu da nam kaže nešto o čemu se radi. Moja diskusija će se odnositi prije svega o radu JP TVSA. Ja moram reći da bez

obzira na neću ulaziti u sadržaj programa da li mi se neka emisija više ili manje sviđa ili da li neke televizije imaju nešto što ja manje više gledam, sigurno ukusi su različiti, ali ne bih o tome diskutovao, ali moram reći nešto što je kolega Handžić spomenuo. To je jedna činjenica da se menadžment TVSA barem od kad aje počeo ovaj mandat trudi da sve političke stranke dobiju dovoljno prostora da iskažu svoje stavove na TV a moram reći da to nije bio slučaj u proteklih 20 godina. I s tog aspekta ja izuzetno cijenim da svi imamo priliku, i pozicija i opozicija i bez ikakvog izuzetka ko je u poziciji, opoziciji da ima priliku da bude i gost i da kaže svoj stav, svoje mišljenje i da svaki gledalac na jedan objektivan način iz rada TVSA zaključiti šta je to ispravno, šta nije i na kraju krajeva da donese neki konačan stav. Kada su u pitanju zaključci Kluba SDA, ne mogu da prihvatim da treba satanizirati toliku grupu ljudi, Vladu i Skupštinu i sve oko ljude zato što je prikazana jedna emisija koja vrijeđa grupu ljudi, koja vrijeđa nekoga o genocidu i sada da snose svi ljudi odgovornost za to. Ja mislim danije namjera i da nećemo dobiti ništa što ćemo satanizirati. Jer ako počnemo satanizirati i osuđivati ono što je česta praksa u političkom životu, neće biti napretka ni za grad Sarajevo ni za BIH. Samo osuđivanje generalno nikome neće donijeti ništa dobro. Ja mislim da treba osuditi sve emisije koje negiraju genocid i da to bude stav da ni jedna emisija na TVSA koja u bilo kojem pogledu vrijeđa nekoga, neće dobiti priliku da se objavi na bilo kojem mediju. I da u sklopu toga treba i Skupština da djeluje, da ima jedan stav naspram fašizma, naspram genocida po svaku cijenu. A sada obračunavati se politički koristiti jednu emisiju, koja evo ponovo ponavljam je došla na repertoar na način da je urednica programa bila žena koja je žena bivšeg premijera koji je dolazio ispred SDA, biula je urednica programa. Da li je namjerno podmetnuta, nije li, je li se napravila neka priča i da mi sada diskutujemo na tu temu šta se ustvari desilo. Pa ja mislim da je to bespredmetno. Pogotovo kada uzmemo u obzir da Modul memorije, festival MESS-a koji je posvećen uprava žrtvama genocida i Srebrenice prikazao ovaj film. Dakle sada ko smo mi da na taj način govorimo o nekom filmu da li je namjerno podmetnut, nije li, ko je ovdje napravio neku grešku, a ko nije i da osudimo i na kraju krajeva da ne pronađemo odgovornu osobu za koju bi mogli reći da je tim potezom uvrijedila jednu grupu ljudi i sada ćemo osuditi generalno sve ljude. Nemojte se ljutiti, ali ja se uopšte ne osjećam krivim zato što je film objavljen. Niti utičem na uređivačku politiku TVSA, možda je to bila praksa u nekim prijašnjim vladama kada su stranke uređivale politiku TVSA. Ali ja to ne radim i ne osjećam odgovornost za ovu vrstu filma. Ali se slažem da zaključak 1. i 3. ko ji osuđuju sve ono što vrijeđa bilo kojeg čovjeka u Kantonu Sarajevo ne smije se ponoviti. I ja bih to podržao. Međutim, Vlada nemojte sada da tražimo pojedinačne krivce da li je Vlada, da li je predsjednik Skupštine kriv za film, da li je direktorica programa ili je direktorica Televizije kriva, ili ko je kriv. Dakle to treba da utvrdi neko da bi smo ovaj zaključak podržali i zato vas molim da ovaj zaključak broj 2. izuzmete kako bi eventualno bio usvojen i na neki način kako bi dobio pravu neku snagu Skupštine i stajao ispred svih zastupnika. U suprotnosti je on jedan isključivo politički obračun, koji se jednim populizmom pokušava iskoristiti na tački javnog poslovanja TVSA. Hvala. Molim vas predsjedavajući da čujemo direktoricu Jurišić premijera vezano za ovu tačku jer mislim da su oni najrelevantnije osobe u ovom trenutku iz izvršne vlasti koje mogu reći nešto o ovome što se desilo. Hvala.

Predsjedavajući:

kolegice Duraković je li možemo dati prije vas riječ direktorici Jurišić i premijeru ili nakon?

Poslanik/zastupnik Jasna Duraković.

Evo ja ću biti vrlo kratka ako dozvolite. Na istom tragu ovo što je rekao kolega Stojanović. Ako možete evo minutu jednu. Zahvaljujem vam. Evo javila sam se za diskusiju upravo iz razloga što je mislim ova sada diskusija pošla u nekom potpuno pogrešnom pravcu. Ja bih vas zamolila da se evo pokušamo vratiti na temu a to je izvještaj TVSA za 2019 godinu. Dakle ja ću samo napomenuti da ovim nemilim filmom koji je prikazan, meni je žao zbog

toga što se to tako desilo ne smijemo umanjiti značaj i profesionalan radi i dostojanstvo svim onih uposlenika na kantonalnoj TV i ako se sjećate možete vratiti, dakle svake godine, ta ista TV o kojoj danas evo raspravljamo, zaista na jedan krajnje kvalitetan, profesionalan i dostojanstven način obilježava godišnjicu u Srebrenici od genocida. Dakle i ne smijemo zaista sada da se rukovodim nekim stvarima koje su se dešavale prije. Evo i zaključci stoje, i sve to stoji, međutim hajmo se molim vas vratiti na tačku dnevnog reda. Isto tako kao i moj kolega Stojanović tražim da date riječ direktorici Jurišić i da nam se premijer Forto evo obrati sa nekim kratim obrazloženjem po ovom pitanju. Hvala toliko.

Predsjedavajući.

Direktorica Jurišić, izvolite, imate riječ.

Direktorica JP TVSA Duška Jurišić.

Hvala lijepa. Ja prije svega želim da se izvinem svim svojim kolegama i kolegicama na TVSA koji časno i pošteno obavljaju posao, ne samo za 11. juli, ali posebno za 11 juli za Dan sjećanja na genocid u Srebrenici. Među njima ima i šehidske djece, i RVI i demobilisanih boraca i velikih profesionalaca i vrlo radišnih ljudi koji grade godinama ovu TV i koji imaju razloga da budu frustrirani ovom diskusijom i koji imaju razloga da budu vrlo tužni i frustrirani činjenicom da je u sedam godina TV promijenila sedam direktora. I da se sada na ovaj način razgovara o TVSA koja nije samo za vrijeme u ovoj ili prošloj godini kada smo imali vanredno stanje, nego svih proteklih godina nastojala časno i pošteno da odgovori na neke izazove. Između ostalog i kada su specijalni programi u pitanju povodom istorijskih događaja. Bilo je nekoliko upita, ja moram ispraviti krivi navod oko programskog vijeća. Molim dozvolite, programsko vijeće nije smijenjeno radi toga. Drugo, mislim da tadašnji kolega a sadašnji uvaženi zastupnik Zvonko Marić krivo cilja kada govori o izvršnom direktoru, ali to je već stvar Skupštine da se odredi o tome hoće li se po ovom pitanju voditi istraga. Ja zaista ne bih željela da u kontekstu jednog filma dođe u pitanje rad TVSA za 2019 godinu. Jer vi tu ne ocjenjujete samo upravu nego ocjenjujete rad svih 112, odnosno u tom trenutku nešto malo više uposlenika računajući i na vanjske saradnike. Ukoliko dozvolite nadalje, u međuvremenu sam dobila informaciju, bila sam upitana u vezi BH dnevnika. Ja ću i uvaženu zastupnicu Jasnu Duraković podsjetiti da je i ona sa grupom intelektualaca protestirala zbog određenih spornih sadržaja u BH dnevniku koji je zbog tih sadržaja bio sankcioniran od strane RAK-a. Gospodine Suljević je postavio pitanje pada marketinga, odnosno prihoda marketinga, ja mislim daje to odlično pitanje za Službu marketinga sa kojim treba raditi, educirati, možda osvježiti itd. Dakle to bi ukratko odgovor na ova pitanja. Hvala što ste mi dali riječ i što ste napravili izuzetak, ali ja vas molim da ocijenite jedan Izvještaj za 2019 koji je kao što je gospodin Suljević rekao, pisan u 2020, naravno sa određenom dozom zabrinutosti kako ćemo vratiti dug. Ali evo 2020 godine mi smo to uspjeli da saniramo i da nastavimo dalje, tako da ja vas evo kada je riječ o uposlenicima, dakle ocjenjujete molim vas Izvještaj u cijelosti. Televizija je funkcionirala pod specifičnim okolnostima. Znae kada se na ovaj način priča o TVSA onda i taj vlastiti prihod pada. Dakle pada njen ugled. Sada su došli neki drugi ljudi i molim vas da se neke stvari ne vade iz konteksta jer sutra se može svakome dogoditi greška. Ovo je složen mehanizam, vrlo osjetljiv medij. Dajte molim vas podršku da gradimo TVSA kao javni servis svih građana Kantona Sarajevo onih koji daju novac i za ovu kuću i za vaš rad. Hvala vam lijepa.

Predsjedavajući:

zastupnik Marić replicira direktorici Jurišić.

Poslanik/zastupnik Zvonko Marić:

zahvaljujem predsjedavajući. Direktorice Jurišić, ja sam radio tamo četiri godine. Čak i da

nisam bio rukovodilac sigurno bih za to vrijeme upoznao principe rada i nadležnosti svih pojedinih ljudi koji rade i rukovode tom TV. Ja nisam krivo gađao bilo šta i molim vas nemojte da me sada primoravate na neki način da ja objašnjavam šta je vaša nadležnost kao direktorice, šta je izvršnog direktora program, šta je personalne službe, šta je urednika informativnog programa i drugih segmenata i cjelina. Zato nemojte vi meni govoriti. Ja sam pogodio u sridu, kako kažu alkari Sinjski alkari. I nemojte mi to govoriti jer bojim se otići ćemo predaleko i bolje da se zaustavimo na ovome i da me na neki način ne podučavate šta je čija nadležnost u TVSA. Nije dobro, nije kolegijalno. Ako sam ja toliko korektan i prešutio puno toga, to ako šutim ne znači da ne znam, ali iz pristojnosti i nekih principijelnih razloga nisam govorio ni o jednom segmentu vašeg izvještaja. I ta moja korektnost, ako bude protumačena na taj način kao što vi to činite, i kažete da sam krivo ciljao, pa ja ću vam reći, da se nešto desi, prevashodno zna se čija je nadležnost. Nije vaša, vi ste menadžer, zna se ko je direktor programa, ko je direktor za personalne poslove, zna se ko je glavni i odgovorni urednik. Također imate tu poziciju. Jel tako? Naravno da imate. Imate i urednika informativnog programa. Drugo je program, drugo je menadžer biti. Ne znam ako neko drugi, ako neko smatra da to tako ne treba onda treba promijeniti kroz interna akta te televizije. I nemojte molim vas, bolje da se zadržimo na ovome i da vi ne polemizirate sa mnom ja sam ipak zastupnik, kako vi volite da kažete, i otišao sam eto sticajem okolnosti u politiku. Vi ostanite u novinarstvu i budite to što jeste. Hvala.

Predsjedavajući:

druga diskusija zastupnik Zahiragić izvolite.

Poslanik/zastupnik Haris Zahiragić:

čujete li me kolega Okeriću? Trudio sam se da ne repliciram i ne ispravljam krive navode jer nisam želio, da kako kolege govore, odvedemo diskusiju potpuno pogrešnom smjeru a kakvom je na žalost otišla. Zahvaljujem se kolegici Duški koja je prije mene ja sam zapisao stala u zaštitu časti uposlenika TVSA koji vrijedno rade i svaki dan nas servisiraju. I dok ova Skupština govori zahvaljujući njima imamo prenos. Ovdje nije bitno, spominjali su tuđe žene, imena prezimena, ko je bio, dakle mi nismo željeli imena navoditi baš iz tog razloga. Ja lično sam dobio informaciju tada od većine uposlenika TVSA koji su bili zgroženi s tim filmom. Kada je u pitanju ovaj sam film vrlo suptilno i kulturno je gospođa Jurišić prilazni grešku, i ona se evo koja veze nema sa tim izvinula i shvatila i ona je to znala vjerovatno na početku je bila greška. Sve što je bilo potrebno da mi danas o ovome ne bi govorili, da tadašnja uprava TVSA da prizna grešku i samo da se izvine. Niko to nikada ne bi spomenuo. Međutim evo nakon dvije godine, skoro godinu i po, mi se moramo time baviti. Kolega Igor s kojim ne želim da diskutujem, je kazao da je OK dio koji osuđuje vrijeđanje grupa ljudi. Nije ovo vrijeđanje grupe ljudi kolega Igore, ovo je vrijeđanje svakog civiliziranog čovjeka. Nisu samo Bošnjaci uvrijeđeni time, nego i vjerujem da ste i vi kao patriota, kao borac kako sami kažete, kao čovjek koji je rođen u Sarajevu, uvrijeđeni, ili bi ste barem trebali biti uvrijeđeni. Uvrijeđen je cijeli civilizirani svijet. Uvrijeđena ja Anđelina Đoli koja majke Srebrenice naziva herojima i govori da trebaju dobiti Nobelovu nagradu. Spomenuli ste Modul memorije i MESS, to je druga tema skroz. Međutim meni je ocjena ne moja, pregledao sam više puta taj film u detalje, kao pravnik kažem da je vrlo sporan. A ni moja ocjena nije bitna, a ni ocjena MESS ni ocjena bilo koga. Meni je najbitnija ocjena ljudi koji su žrtve genocida u Srebrenici. Oni su jasno vrisnuli, povrijedili ste nas, negirate ozbiljnost, istinitost presude tim filmom. Izvinite se. Niko ništa. Šta više, da vas podsjetim, u prvoj diskusiji sam kazao, bilo je programsko vijeće koje se usudilo z redova TVSA, koje čine uposlenici TVSA kao tijelo nezavisno koje zastupa interese građana, oni su to osudili. Reakcija na to je bila smjena njihova od strane odbora a u čijim redovima je bio i hajde nemojte da imenujem ko je bio i šta je bio. Ne želimo stavljati mete. Dajte da usvojimo zaključke koji su totalno izbalansirani.

Ovaj zaključak nije usmjeren protiv TVSA, šta više, skida ljagu sa meni najdraže TV, oni to dobro znaju ja sam jedan od rijetkih zastupnika koji dok ima priliku govoriti po regionalnim televizijama u prajm terminima uvijek prvo odem na TVSA jer poštujem da je to naša televizija, sviju nas i svih građana. Poštujući TVSA poštujete građane u čijem oni interesu rade. Ali ovo je baš suprotno. Ne napad na TVSA, nego skidanje ljage sa TVSA zbog toga što ljudi koji su tada to vodili nisu bili svjesni ozbiljnosti greške koju je gospođa Jurišić, hvala joj na tome, priznala i izvinula se maloprije. Nadam se da neće diskusija dalje trajati. I nemojte politizirati temu jer sve vrijeme je vi politizirate. Molim vas najpristojnije u ime svih nas dajte da ovo, uključili smo prijedloge da stavimo i Skupštinu, stavili smo i Skupštinu evo ako hoćete i ja ću preuzeti dio odgovornosti, stavit ću i sebe. Samo se izjasnite. Molim vas to je najmanje što možemo uraditi.

Predsjedavajući:
vrijeme kolega Zahiragiću.

Poslanik/zastupnik Haris Zahiragić:
smo sekundu, završavam. Ukoliko ovakvi rubikoni se budu prelazili bez pažnje, bez dužnog osuđivanja, vjerujte mi da je pitaje dana kada će se neko drznuti da ponovo tako nešto pokuša uraditi. Ovaj put mu ako Bog da neće uspjeti ali baš zbog toga moramo kulturu sjećanja i istinu o tako krupnim stvarima braniti po cijenu života. Hvala vam.

Predsjedavajući:
zastupnik Damir Nikšić diskusija.

Poslanik/zastupnik Damir Nikšić:
Hvala vam. Htio sam reći, evo zove se „The monster next door”. Na Netflix su sam gledao prije par večeri jedan dokumentarac o jednom Ukrajinu koji je dugo radio u Americi i onda da bi se na kraju ispostavilo da je bio u Treblinku u logoru, da je bio ložac i da je puštao gas i sistematski ubijao jevrejski narod. I dokumentarac pravi suđenje u Jeruzalemu tog čovjeka, tog monstruma i ne mogu da mu dokažu identitet. Zaključak dokumentarca je bio taj da u Jeruzalemu advokati su napravili neku osnovanu sumnju da se očevici dobro ne sjećaju njega i onda nisu mogli dokazati identitet. Dakle nije se vjerovalo očevicima, nije se vjerovalo ljudima koji su preživjeli genocid, koji su žrtve bili, koji su svjedočili svemu, i to je taj slučaj spada u jednu od najvećih uvreda. Bez obzira što kasnije su Nijemci pokušali dokazati, onda je ovaj umro u nekoj mjeri preko dokumenata da je on bio taj čovjek. Ali su sami Nijemci na kraju priznali nismo Nijemci mi sudimo na osnovu dokumenata. Vi ste Izrael kod vas su očevici, vi ste trebali vjerovati svojim očevicima niste ga trebali pustiti. I to je najveća uvreda za očevice i za preživjele genocida. I napravljen je taj dokumentarac koji, to kada gledate, jedno vrijeme vjerujete, jedno vrijeme ne vjerujete da li je taj čovjek ili nije, tako je izbalansiran dokumentarac. Ja ovaj nisam gledao, ali ako je imala namjera da slično, da napravi malu neku tenziju da dovede u pitanje jesu li očevici ili nisu, ako nije dobro izbalansiran kao što je u ovom dokumentarcu gdje na kraju mi zaista zaključujemo koliko je bitno šta očevici kažu. Koliko je bitno saslušati ljude. Ja mislim da mi ne bi smjeli puštati takve sumnje. A ono što želim reći..OK.

Poslanik/zastupnik Vedran Jakupović:
ja se izvinjavam kolegi Nikšić lijepa priča ali tema diskusije bi trebala da se odnosi na izvještaj. Da ne idemo dalje. Znači konkretno Izvještaj TVSA za 2019. da ne idemo dalje u ovu priču. Ako nije replika, pošto je diskusija. Hvala.

Poslanik/zastupnik Damir Nikšić.,
shvatam. Razumijem. Ali lijepo da izađemo iz ovoga na neki način. Ja sam napisao želim da vas obavijestim da sam napisao svoju neku dopunu, ako treba ispred našeg Kluba ću dati verziju zaključka na drugi način, na jedan bolji način, primjereniji način, bez toliko ostrašćenosti na jedan građanski, fini, civilizovani i profesionalan način, formulišemo taj zaključak. Pa tako da gledaoci znaju da su zastupnici svi dobili, ako treba da pročitam. Hoćete li da pročitam taj prijedlog kako sam ispravio. Dakle ja sam napravio u zaključku da se Skupština Kantona Sarajevo ograđuje od neodgovornog čina emitovanja. Da recimo sa žaljenjem konstatuje izostanak adekvatne reakcije njenog aktuelnog sastava uprave TVSA ili tadašnje Vlade Kantona Sarajevo. Zatim da se ispričava svih žrtvama genocida u Srebrenici koje je taj čin emitovanja navedenog filma uznemiro, povrijedio i ponizio, ali isto tako da najoštrije osuđuje, pod 4. svako emitovanje bilo kojeg sadržaja koji iz bilo kojeg razloga uznemirava, vrijeđa i ponižava bilo koga od korisnika TVSA i građana čitave BIH. Ne samo Kantona Sarajevo, nego da mi ovdje ne pravimo sadržaje koji vrijeđa tamo nekoga znate već koga. I to da uključimo. Pa eto, da vidimo hoćemo li staviti to na glasanje. Hvala vam.

Predsjedavajući:

nemamo više prijavljenih za diskusiju. Zaključujem raspravu. Neko je tražio izjašnjavanje na ove zaključke. Prije izjašnjavanja potrebna je pauza. Neko je tražio. Zastupnica Bibija Kerla pauza 30 minuta.

PAUZA 30 MINUTA

NASTAVAK NAKON PAUZE

predsjedavajući:

nastavljamo dalje sa 33. Radnom sjednicom. Ostalo je da se izjasnimo, da se Skupština izjasni na zaključke koje su dostavili dva zastupnika. Zastupnik Damir Nikšić i zastupnik Mahir Dević. Još samo jedno pitanje ako može kolega Dević da odgovori, s obzirom da ste imali neku malu izmjenу ovih zaključaka, znači čitamo ovaj drugi zaključak koji ste dostavili, ako sam dobro razumio. Možete li potvrditi?

Poslanik/zastupnik Mahir Dević.

Čujemo li se predsjedavajući. Mi smo dodali samo riječi Skupština da ne bilo sada da neki način, to je bila čini mi se intervencija kolege Jakupovića da se doda riječ Skupština, mi smo to prihvatili tako da taj zaključak čitate.

Predsjedavajući:

Mislite na zaključak 2. koji kreće: Skupština Kantona Sarajevo također ... jel na to mislite ili?

Poslanik/zastupnik Mahir Dević:

na kraju je dodato, na kraju čini mi se drugog stava, gdje je bilo samo u pitanju.

Predsjedavajući.

Vlada i Skupština Kantona Sarajevo?

Poslanik/zastupnik Mahir Dević:

tako je.

Predsjedavajući.

OK; to je taj.

Poslanik/zastupnik Mahir Dević.
Dostavljeno vam je korigovano.

Predsjedavajući.

To je taj. Samo još jednom da provjerim želite da se izjasnimo o cjelokupnim zaključcima odjednom bez..OK

Poslanik/zastupnik Mahir Dević:

ukoliko budete pogriješili kada budete čitali ja ću tražiti poslovničku intervenciju.

Predsjedavajući.

Naravno, kao i uvijek. Još samo jedno pitanje za kolegu Nikšića koji je također dostavio svoje zaključke. Kolega Nikšiću vi također ostajete pri izjašnjenju kompletnih dostavljenih zaključaka odjednom, bez razdvajanja?

Poslanik/zastupnik Damir Nikšić:

ja sam poslao svoje zaključke ispred Kluba, idu 1 i 2 zajedno. Ali bih volio i jednu poslovničku intervenciju odnosno jedan uvod u tim zaključcima.

Predsjedavajući:

dakle ovo je vrlo ovako jedna opipljiva i ozbiljna tema. Bitno je reći javnosti da mi možemo politički osuditi neki autorski igrani, umjetnički film, rad. Kao političke partije, kao klubovi određenih partija. Ali predsjedavajući, Skupština ne bi smjela sebi dozvoliti da ulazi u kritiku nekog autorskog umjetničkog djela, naročito ako ga nismo pogledali, ako ga nisu svi zastupnici pogledali. Predsjedavajući bi trebao to izjašnjavanje ostaviti za narednu sjednicu po tački eto da se pozovemo na tačku član 169. jer ja lično moram reći da ne mogu glasati, jer nisam uopšte pogledao film tako da ne znam za šta glasam, protiv čega glasam, šta optužujem i ne želim biti natjeran, prisiljen, ucijenjen. Želim donijeti informisanu odluku. Što znači da moramo pogledati film do naredne sjednice kako bi bilo šta osudili onako lično kao zastupnici. Morali bi sačekati, morali bi upriličiti online gledanje za nas zastupnike da budemo sigurni da su svi zastupnici pogledali, da ne glasaju po direktivi. Neka nam službe pošalju link ili organizuju sesiju gledanja tog filma. Isto tako uvjerenja sam, političkog, ljudskog, građanskog, da i onda kada skupštinski zastupnici pogledaju ovaj film, koji je napominjem, autorski film, igrani film, umjetnički film, film koji je preporučio direktor MESS i evo saznajem da uopšte nije dokumentarni film. Znači ne pretenduje da bude dokumentarni, a ko ji je višestruko nagrađivani antiratni film i koji je gle čuda zabranjen u Srbiji, kako sama autorica filma Igljika Trifonova kaže u izjavi koju imam. Znači film je zabranjen u Srbiji i mi sada hoćemo da ga čak i kada ga pogledamo i ako se složimo da taj nam film se uslovno rečeno ne sviđa, mislim opet da nije naš posao niti posao Vlade da politički osuđuje umjetnička djela i TVSA zbog njihovog emitovanja, već da je to isključivo posao RAK-a. Posao je RAK-a da razluči, odluči, kazni TVSA zbog emitovanja neprimjerenog sadržaja. To se nije desilo nikada. Zato mislim da je sramota što je Kristina Ljevak smijenjena zbog nečega što RAK nije našao spornim a da istovremeno TVSA plaćala kazne novce poreznih obveznika zbog istupa nekih političara na dnevnicima koji doduše nisu tada bili zastupnici ove Skupštine, ali evo sudbina je htjela da budu i da mi o tome večeras diskutujemo. Želim reći, ako mi želimo da idemo tim putem, da glumimo totalitarnu diktaturu da glasamo za nešto, jer vjerujemo da je to moralno, a da istovremeno nismo ni pogledali film, kao što ga ja nisam pogledao. Evo priznajem, kakvo je to glasanje i kako ga okarakterisati? Na neviđeno. Ja to sebi ne mogu nikako moralno opravdati. Zato ako sada budete glasali za ovo, samo naprijed. Ali bez mene. Ja ću glasati kada pogledam film. Ja

predlažem da ovo izjašnjavanje iz objektivnih razloga pričeka narednu sjednicu kada pogledam i formiram svoje mišljenje. A ne da slijedim hajku i budem dio neke linč rulje, jer to nije u skladu sa mojim političkim i ljudskim uvjerenjima. A i prestar sam da se sada prepuštam stihiji. Zato sam napisao zaključak svoj ispred Kluba samostalnih zastupnika u kojem se pod 1. mi kao Skupština ispričavamo svim žrtvama genocida u Srebrenici, njihovim porodicama, gledateljima TVSA ali i svim dobronamjernim građanima BIH koje je bilo koja TV emisija uvrijedila ili ponizila. I pod 2. najoštrije osuđujemo svako emitovanje bilo kojeg sadržaja koji iz bilo kog razloga uznemirava, vrijeđa i ponižava bilo koga od korisnika TVSA i građana BIH. Što je nešto što mi možemo izglasati i što vjerovatno dugujemo gledaocima i građanima kao vlasnik i osnivač TVSA. Hvala.

Predsjedavajući.

Jel to u redu kolega Nikšiću, jel možemo krenuti dalje.

Poslanik/zastupnik Damir Nikšić.

Pa možete, znači imaju te dvije tačke. Ja predlažem.

Predsjedavajući:

obrazložili. Evo ja mogu sada krenuti sa čitanjem, izjašnjavanjem.

Poslanik/zastupnik Damir Nikšić.

Hvala vam velika.

Predsjedavajući.,

zaključak zastupnika Nikšića glasi: "Skupština Kantona Sarajevo se ovim zaključkom ispričava svim žrtvama genocida u Srebrenici"...

Poslanik/zastupnik Mahir Dević:

Predsjedavajući, mi smo prvi predložili zaključke molim vas da pročitate po redoslijedu podnošenja. Zaključci su se uvijek tako čitali. Ukoliko se izjašnjavamo o njima. Mi smo prvi podnijeli zaključke. Hvala.

Predsjedavajući.

To Poslovnikom nije kolega Deviću uređeno, međutim evo ispoštovat ćemo vas da stavimo prvi zaključak koji je stigao iz Kluba SDA.

Evo prije izjašnjenja imamo zastupnike koji traže riječ. Zastupnica Bibija Kerla izvolite, imate riječ.

Poslanik/zastupnik Bibija Kerla:

s obzirom da sam ja tražila pauzu ja ću vam sada reći da sve jedan prijedlog nama kao Klubu DF prihvatljiv. Sve i jedan osuđuje svaki vid negiranja genocida u Srebrenici. Ali tri prijedloga ne samo za nas zastupnike nego i za naše građane previše. Zato molim predlagača da usaglase prijedloge i da izađemo sa jednim zajedničkim prijedlogom. U suprotnom će DF ostati sudržan po pitanju politikanstva bilo kojeg predlagača. Mislim da smo mi dovoljno svjesni težine značenja genocida, i da imamo toliko savjesti da nađemo zajedničko rješenje za ove probleme. Zato molim da se podhitno usaglase ova tri prijedloga i pretoče i u jedan konkretan za koji ćemo glasati svi redom. Toliko hvala lijepa. Predsjedavajući: hvala. Zastupnik Zvonko Marić također se javio za riječ.

Poslanik/zastupnik Zvonko Marić.

Zahvaljujem predsjedavajući. Međutim sličnosti ima u ova dva prijedloga ali meni nikako nije jasno u ovom prijedlogu drugom, drugi dio Skupština Kantona Sarajevo ovim zaključkom najoštrije osuđuje svako emitiranje bilo kojeg sadržaja koji iz bilo kojeg.. znači mi osuđujemo nešto što se nije desilo. Apriori. Prejudiciramo. Ili možda neko zna da se u ovom trenutku nešto emitira i mi to osuđujemo što vrijeđa neke ljude ili građane itd. Prema tome, meni je ovo apsolutno neprihvatljivo, možda u smislu neke preporuke da TVSA u buduću ne dopusti tako nešto ili slično. Ali da vi osuđujete nešto nešto što, ja ne znam da se trenutno nešto emitira na TVSA što mi trebamo kao Skupština da osudimo. Ja mogu da prihvatim ovaj prvi dio ali nikako ovo. Što se tiče ovih zaključaka, ja moram kazati ako može da se napravi kompilacija, odnosno da se iz ova dva zaključka izvuče jedan o kojem ćemo se usuglasiti. A osuđivati nešto što je apriori. Pazite. Apriori prije nego što se desilo ili trenutno se dešava a mi to ne znamo. Iz bilo kojeg razloga od korisnika i građana BIH to uznemirava. Šta to znači? Pa to se nije desilo i nadam se da se više nikada neće desiti. O tome ser adi. Ovo je puno nejasnoća, konfuzno poprilično i prema tome ja ne znam, mogu da se izjasnim i da podržim ovaj prvi dio i što se tiče ovog prvog prijedloga, ovo ostalo ovo je meni na neki način i besmisleno. Hvala.

Predsjedavajući:

Pauza 10 minuta koju je najavio kolega Nikšić.

PAUZA 10 MINUTA

NASTAVAK NAKON PAUZE

Predsjedavajući:

pozivam kolege da se vrate i nastavimo dalje s radom. Dobili smo hajd da kažem izmijenjeni prijedlog zaključka zastupnika Nikšića, koji je usvojio sugestiju zastupnika Zvonke Marića. Evo prvo idemo sa zaključkom zastupnika Devića. Zastupnik Zvonko Marić traži riječ.

Poslanik/zastupnik Zvonko Marić.

Zahvaljujem predsjedavajući. U redu, uvažena sugestija međutim evo poslušajte me, rogobatno zvuči „Skupština Kantona Sarajevo ovim zaključkom najoštrije osuđuje svako dosadašnje emitiranje” kaže „bilo kojeg sadržaja koji iz bilo kojeg razloga uznemirava”. Valja iz bilo kojih razloga je uznemirio, vrijeđao.

Poslanik/zastupnik Damir Nikšić.

Ispravio sam, ima novija verzija, nisu vam poslali. Ispravio sam : uznemiravao, sve u past tensu, u prošlom vremenu. Shvatio sam i to. Hvala vam.

Poslanik/zastupnik Zvonko Marić:

hvala vam.

Predsjedavajući:

dobro evo samo ćemo u prošlom vremenu pročitati i to je to. Dobro.

Idemo prvo na izjašnjavanje. Molim službu da objavi anketu dok ja čitam zaključke. Izjašnjavanje Skupštine o zaključcima Kluba SDA:

I

Skupština Kantona Sarajevo najoštrije osuđuje skandalozno emitovanje filma „Tužilac, branilac, otac i sin” kojeg je emitirala TVSA 11.07.2019.godine u večernjim satima nakon cjelodnevnog programa posvećenog obilježavanju 24. godišnjice genocida u Srebrenici.

II

Skupština Kantona Sarajevo također osuđuje izostanak adekvatne reakcije od strane tadašnje uprave TVSA, tadašnje Vlade Kantona Sarajevo, ali i Skupštine Kantona Sarajevo.

III

Skupština Kantona Sarajevo se najiskrenije i najponiznije izvinjava svim žrtvama genocida u Srebrenici, njihovim porodima i svim dobronamjernim građanima BIH koje je taj skandalozni čim emitovanja navedenog filma opravdano uznemiro, povrijedio i ponizio.

Molim zastupnice i zastupnike da se izjasne. Zaključujem glasanje. Molim službu da pokaže rezultate.

Za je glasalo 10, protiv ništa, suzdržano 17. konstatujem da ovaj zaključak nije dobio potrebu većinu.

Prelazimo na drugi zaključak. Evo upravo čitamo, pojedinačno izjašnjavanje tražio je zastupnik Dević. Molim sekretara da prozive zastupnike.

Sekretar Aida Zeković:

dobar dan svima. Molim da se izjasnite:

1. Aljović Hamed ZA
2. Bešlija Vildana SUZDRŽANA
3. Bišćević-Tokić Jasmina ZA
4. Čampara Aljoša ODSUTAN
5. Čelik Mirza OPRAVDANO ODSUTAN
6. Delalić Sabahudin ZA
7. Dević Mahir ZA
8. Dizdarević Neira SUZDRŽANA
9. Duraković Jasna SUZDRŽANA
10. Handžić Vibor SUZDRŽAN
11. Hasagić Amra ZA
12. Hasanović Senad ZA
13. Hodžić Admela ODSUTNA
14. Jakupović Vedran SUZDRŽAN
15. Junuzović-Kaljić Amra SUZDRŽANA
16. Kerla Bibija obzirom da sam ja tražila usaglašavanje sva tri prijedloga, ja u ovom slučaju sam dogovorila sa svojim klubom da mi budemo suzdržani zato sam i ja SUZDRŽANA
17. Konaković Elmedin SUZDRŽAN
18. Krstić Danijela SUZDRŽANA

19. Marić Zvonko ZA i jedno i drugo mi je prihvatljivo i glasat ću tako
20. Marjanović Damir SUZDRŽAN
21. Mekić Amel SUZDRŽAN
22. Memić Arijana SUZDRŽANA
23. Milavica Sead SUZDRŽAN
24. Nikšić Damir SUZDRŽAN
25. Okerić Elvedin SUZDRŽAN
26. Pecikoza Fahrudin ZA
27. Pleho Haris ODSUTAN
28. Poturak Dževad ZA
29. Srna- Bajramović Segmedina SUZDRŽANA
30. Stojanović Igor SUZDRŽAN
31. Suljević Samir SUZDRŽAN
32. Šahman Bilsena ZA
33. Viteškić Smiljana ZA
34. Vreto Elvis SUZDRŽAN
35. Zahiragić Haris ZA

Predsjedavajući:

za je glasalo 11, suzdržanih 20, protiv ništa. Konstatujem da ovaj zaključak nije dobio potrebnu većinu.

Zaključak zastupnika Damira Nikšića, Kluba samostalnih zastupnika:

čitam zaključke:

I

Skupština Kantona Sarajevo se ovim zaključkom ispričava svim žrtvama genocida u Srebrenici, njihovim porodicama, gledateljima TVSA, ali i svim dobronamjernim građanima Bosne i Hercegovine koje je bilo koja tv emisija uvrijedila ili ponizila.

II

Skupština Kantona Sarajevo ovim zaključkom najoštrije osuđuje svako dosadašnje emitovanje bilo kojeg sadržaja koji iz bilo kojeg razloga uznemiravao, vrijeđao i ponižavao bilo koga od korisnika TVSA i građana Bosne i Hercegovine.

Molim službu da pripremi anketu, zastupnike i zastupnice da se izjasne.

ZA JE GLASALO 25, PROTIV NIŠTA, SUZDRŽANO 3.

KONSTATUJEM DA JE SKUPŠTINA KS USVOJILA OVAJ ZAKLJUČAK.

S OBZIROM DA SMO ZAKLJUČILI RASPRAVU, MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2019. GODINU

Molim službu da pripremi anketu za glasanje. Zaključujem glasanje, molim službu da objavi rezultate glasanja.

ZA JE GLASALO 20, 6 PROTIV, SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prelazimo na pedeset treću tačku:

AD-53.

IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Direktor Zavoda Velija Nuhanović: UVODNO IZLAGANJE

Predsjedavajući:

Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2019. GODINU.

Zaključujem glasanje.

ZA JE GLASALO 21 ZASTUPNIKA, PROTIV NIŠTA I SUZDRŽANO 1.
KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka pedeset i četiri je na prethodnoj sjednici povučena.

Tačka pedeset i pet:

AD – 55.

IZVJEŠTAJ MINISTARSTVA SAOBRAĆAJA KANTONA SARAJEVO O BROJU DOPUNSKIH TAKSI OZNAKA U KANTONU SARAJEVO U 2020. GODINI

Materijal ste dobili uz poziv za sjednicu. Molim predstavnika Predlagača da podnese uvodne napomene.

Premijer Edin Forto:

Poštovani predsjedavajući ja ću umjesto ministra Štete koji je opravdano odsutan samo dat uvodne napomene. Radi se standardnom zaključku kojim se ministarstvo saobraćaja proglašava da li ima ili ne dopunski taksi oznake kao i već od 2004 godine do danas isti je izvještaj. A to je da u Kantonu Sarajevo da u skladu s mjerilima i u skladu sa Zakonom o taksi prijevozu nema dopunskih taksi oznaka. Sve druge detalje imate u izvještaju. Tu smo za neka pitanja ali ovo je redovna tačka. Hvala.

Predsjedavajući:

Hvala premijeru. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU MINISTARSTVA SAOBRAĆAJA KANTONA SARAJEVO O BROJU DOPUNSKIH TAKSI OZNAKA U KANTONU SARAJEVO U 2020. GODINI

Molim službu da pripremi anketu, zastupnike da se izjasne. Zaključujem glasanje. Molim službu da objavi rezultate glasanja.

ZA JE GLASALO 21 ZASTUPNIK, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVAJ IZVJEŠTAJ.

I tačka pedeset i šest, posljednja večeras:

AD-56.

INFORMACIJA O PROCESU REFORME OBRAZOVANJA U KANTONU SARAJEVO

Materijal ste također dobili u dopuni. Molim predstavnika Predlagača da podnese uvodne napomene. Ministrice izvolite.

Ministrica Naida Hota-Mumunović: UVODNO IZLAGANJE

predsjedavajući:

zahvaljujemo se ministrici Hota-Muminović. Da li predstavnici radnih tijela žele riječ? Ima li pitanja? Za pitanje se javio zastupnik Damir Marjanović.

Poslanik/zastupnik Damir Marjanović:

ja se zahvaljujem. Zahvaljujem se ministrici na ovom kratkom uvodu. Ono što mene konkretno zanima jeste, danas nam je 24.03. rekli smo da sredinom aprila očekujemo početak javne rasprave. Da li mi možete reći kada ste zaprimili te kurikulume i otprilike zašto, da li postoje neki tehnički problema zbog čega se čeka evo do aprila da se počne ta javna rasprava? To je prvo pitanje. I drugo pitanje zanima me, s obzirom da je dolazilo do ovih svih promjena, kao što ste spominjali bila je skupštinska komisija formirana, međutim došlo je onda do promjene Vlade. Tadašnja Vlada nikada nije aktivirala taj koncept i tu priču oko sastanka te komisije. Da li ste vi kao ministrica koja otprilike je preuzela na sebe u okviru djelokruga svoga djelovanja da li se pokrenuli neku inicijativu prema premijeru, Vladi ili prema Skupštini da se ta komisija sastane i da se između ostalog na neki način započne zajednički rad i da li ste članovima te komisije eventualno dostavili dokumente vezano za kurikularnu reformu? I treće pitanje je i na neki način sugestija, bilo bi jako dobro ako možete da nam kažete, evo bar, kada možemo očekivati prema skupštinskoj komisiji za obrazovanje i nauku da se dostave svi materijali koje ste dobili glede kurikularne reforme i kurikuluma koji su gotovi? Hvala velika na odgovorima.

Predsjedavajući:

zastupnik Zvonko Marić ima pitanje.

Poslanik/zastupnik Zvonko Marić:

zahvaljujem predsjedavajući. Pa mene interesira, budući da je ministrica govorila o tom kašnjenju u svakom pogledu, čak i o dilemama vezano za sastav tog ekspertnog tima, može li mi kazati samo da li je ekspertni tim uopće, da li imaju predstavu ko će biti onda u ekspertnom timu i u kom segmentu će izmijeniti, prema kojim kriterijima taj sastav i kada će napokon početi operacionalizirati sve to što treba da urade, iz prosto razloga što je preostalo jako malo vremena i ne znam zašto se sada toliko čekalo? Koji su to osnovni razlozi, kriteriji, i na koji način se koordinira sa ljudima koji predstavljaju ekspertni tim? Na koji način i da li su oni počeli da rade, jer prekratko je vrijeme kao što kaže i kolega Marjanović. Hvala vam.

Predsjedavajući:

za pitanje se također prijavio i zastupnik Vedran Jakupović.

Poslanik/zastupnik Vedran Jakupović:

zahvaljujem predsjedavajući. Prvo pitanje ko imenuje inače predsjednika radne grupe? Mogu slobodno pitati ko je imenovao predsjednika koji je nedavno dao ostavku? Drugo pitanje, koliko je novca potrošeno, jesu li pravdani? Jel poznat tok novca koji je potrošen u zadnjih godinu dana? I evo kolege su već pitale i ja bih postavio isto tako kada možemo očekivati imenovanje ili novog predsjednika ili na koji će način to biti riješeno? Hvala.

Predsjedavajući:

nemamo više pitanja. Ministrice, evo imamo još jedno pitanje prije nego što damo ministrici riječ za odgovore. Zastupnik Mahir Dević ima pitanje.

Poslanik/zastupnik Mahir Dević:

zahvaljujem predsjedavajući da li se čujemo? Kratko pitanje jedno za ministru. Naravno ona je nova, bit će prilike da se upoznamo i da razgovaramo na ovu temu. Pitanje radi javnosti, da li ministrice smatrate da je svrsishodno provoditi kurikularnu reformu na području jednog Kantona? Hvala.

Predsjedavajući:

uvažena ministrice možete dati odgovore na postavljena pitanja. Izvolite.

Ministrica Naida Hota – Muminović:

hvala lijepo. Pitanja uvaženog zastupnika Damira Marjanovića zašto se čekalo toliko dugo? Dakle, riječ je o tome da smo dokumente zaprimili 31.01. iako su dva mjeseca dugo u odnosu na prethodni period kašnjenja od 2016 godine, ja se evo duboko ispričavam za to. I mi 14.04 ćemo imati dokumente u javnoj raspravi kako sam naglasila. Kada ćemo dostaviti ekspertskom timu ove dokumente. Ministarstvo će prvo revidirati sastav ekspertskog tima, predložiti Vladi određene izmjene, tu postoje određene nejasnoće na koji način su koncipirana sva ova imena. Riječ je o širokom timu ljudi, 20 ljudi eksperata je tu imenovano, evo jedan tehnički razlog. Dakle i ja sam bila imenovana članicom tog ekspertskog tima. Tu se trebaju stvari nešto drugačije posložiti. Pitali ste i po kojim kriterijima. Gledat ćemo svakako da budu zastupljeni svi nivoi obrazovanja koji prolaze reformu. Naravno, tu će biti ugledni prepoznati ljudi koji se bave obrazovanjem profesionalno i koji dobro razumijevaju društvene procese. Kada će skupštinska komisija dobiti materijale? Nisam imala da tako kažem informacije da trebamo dostaviti i skupštinskoj komisiji posebno materijale. Možemo ih dostaviti u što skorijem roku iz Ministarstva. Uvaženi zastupnik Zvonko Marić postavio je pitanje sastav ekspertskog tima, kako će biti izmijenjen. Prije svega treba pristupiti određenoj redukciji, dakle to je jedno veliko tijelo, 20 je ljudi je zaista puno, previše, a evo prethodno sam odgovarala i zastupniku Damiru Marjanoviću o određenim kriterijima koji će biti primijenjeni. Pitanje uvaženog zastupnika Vedrana Jakupovića ko imenuje predsjednika. Ja nisam razumijela predsjednika ekspertskog tima? Nije definisano to pitanje zaključcima Skupštine. Dakle, u zaključcima Skupštine navedeno je samo da se formira posebno ekspertsko tijelo koje će u koordinaciji sa Ministarstvom obrazovanja, nauke i mladih u naredne tri godine rukovoditi reformskim procesima u obrazovanom sistemu u Kantonu. Ko je imenovao prethodnog?

Poslanik/zastupnik Vedran Jakupović:

ja se izvinjavam mogu li samo da dopunim? Ispravno je pitanje, po pravilniku ERGA ko

imenuje predsjednika ne znam imate li tu informaciju?

Ministrica Naida Hota – Muminović.

Tu ću vam informaciju dostaviti naknadno. Riječ je o jednom procesu koji je potpuno mogu reći vođen van i mimo nekadašnjem Ministarstvu za odgoj, obrazovanje nauku i mlade. Tako da u tom smislu postoji niz različitih odluka o pokretanju i formiranju različitih tijela. Pitali ste recimo ko je imenovao prethodnog voditelja ERGA? U Ministarstvu nismo uspjeli pronaći rješenje o imenovanju voditelja Ekspertske radne grupe, koja je rukovodila ovim procesima. Ali evo, očekujemo da će nam sam prethodni voditelj koji je podnio ostavku u međuvremenu dostaviti rješenje. Moram priznati da je naglašavam ovaj proces vođen u vrlo nezavidnim okolnostima zbog toga što je i sam PPZ bio potpuno izgubio vremenom postepeno a onda potpuno izgubio mnoge svoje funkcije zbog kojih je osnovan i onako kako je Zakon propisao njegove nadležnosti. Tako da ne čudi zasita što je u svim ovim procesima pristupalo se tu i tamo nekim proizvoljnim rješenjima kroz imenovanje različitih grupa koje bi na ovaj ili onaj način vodile reformske procese. Bitno je istaći da ovo Ministarstvo i ja kao ministrica nastojat ću da preuzmem punu odgovornost za ove procese i da ćemo taj proces zaista voditi u ministarstvu, tamo gdje evo ustavna nadležnost za kreiranje nastavnih planova i programa. Također je bilo pitanje uvaženog zastupnika Mahira Devića o tome da li bi se nastavni planovi trebali donositi samo na nivou Kantona. Stvari su tako postavljene ustavom, postojale su ranije tendencije svojevrstnog ujednačavanja, posebno kroz zajedničku državnu agenciju koji bi definirali zajedničke jezgre nastavnih planova i programa. Od te priče u prethodim godinama ili decenijama nije se daleko odmaklo tako da je to iako prijeko potreba, ta standardizacija kako na nivou Kantona ali i na nivou BIH, u smislu entiteta i Distrikta Brčko. To je dakako daleko i mi nećemo moći čekati da se raspetlja jedna zamršena ustavna pozicija obrazovanja, tako da ćemo iskoristiti priliku i u narednom periodu zaista ubrzati procese po pitanju obrazovanja jer Sarajevo treba da bude lider u mnogim sferama pa tako i u oblasti obrazovanja i odgoja. Nadam se evo da sam uspjela odgovoriti na postavljena pitanja.

Predsjedavajući:

prva rasprava zastupnik Damir Marjanović.

Poslanik/zastupnik Damir Marjanović.,

ja vam se zahvaljujem predsjedavajući. Zahvaljujem se ministrici na odgovorima i zahvaljujem se na dosadašnjoj suradnji i između ostalog iskoristiti ću priliku zahvaljujem se zato što je prvi put nakon tematske sjednice upravo ova ministrica ispunila jednu od jako važnih i bitnih stvari i bitnih odluka te tematske sjednice da se periodično podnose informacije o procesu reforme obrazovanja. Sjetit ćete se svi te tematske sjednice, donijeli smo mnogo bitnih zaključaka. Jedan od prvih zaključaka je bio da reforma obrazovanja generacijski projekat i da je malte ne prioritet broj 1 u Kantonu Sarajevo. Na žalost u međuvremenu se dešavalo mnogo toga, između ostalog ove pandemijske okolnosti ako smijem to tako kolokvijalno nazvati, koje su nas dovele u poziciju da obrazovanje je ustvari na neki način stub koji najviše trpi u našem društvu. Zbog svih ovih stvari zbog svega ovoga što se dešava sami smo svjesni da mnogo prije zatvaranja kafana, kadionica i svega ostalog mnoge škole su ostale su zatvorene ili poluzatvorene ako smijem tako reći. Normalno sistem obrazovanje se i dalje nastavlja primarno zasnovana na velikom naporu prosvjetnih radnika i kolega koji daju sve od sebe u takvim uvjetima kakve imaju ali moramo biti svjesni da obrazovanje ovakvo kakvo jeste sada i onako oskrnavljeno onim što nam je donio Dejtonski sporazum, tragom ovoga što je kolega Mahir rekao da je spušten na kantonalne nivoe, dodatno je napadnuto pod navodnicima u ovim novim uvjetima i mislim da nije namalo lako ni prosvjetnim radnicima ni ministrima iz te oblasti da se snalaze u svemu ovome. Zato uvaženoj ministrici se zahvaljujem na njenom trudu na neki način malo podsjeća mi na

zaključke te tematske sjednice koji su bili poprilično jasni po pitanju mnogih stvari, također podsjeća na neke na neke stvari koje ova nova Vlada preuzela prilikom kreiranja svoga plana i programa. Jedna od tih stvari jeste osnivanje Instituta za preduniverzitetsko obrazovanje, kolegica ministrica je dobro primijetila, na žalost zadnjih desetljeća PPZ je nerijetko način bio žrtva pojedinih političkih prepucavanja i na neki način se prećutno gasio. Sada smo tu gdje jesmo i u novim idejama, novim programima ove vladajuće većine i onome što je ova Vlada i preuzela na sebe otprilike je rečeno da upravo jedan dio te bitne uloge kolege iz PPZ zajedno sa mnogim drugim kolegama sa velikim pojačanjima iskusnih profesora i prosvjetnih radnika koji trebaju da e pojave u tom Institutu za preduniverzitetsko obrazovanje, trebaju upravo da ostvaruju kroz tu novu instituciju. Koliko se sjećam negdje u junu 2019 je donesena odluka da se jedna takva institucija osnuje. Recimo da se desila tranzicija vlasti, da prethodna vlast nije baš bila pretjerano zainteresirana za takvo što, barem nije pokazala konkretno interesovanje vezano da realizira tu odluku, a s druge strane, recimo i da čini mi se u procesu kurikularne reforme nije baš adekvatno i brzo odgovarala na zahtjeve ljudi koji su radili u toj Ekspertnoj radnoj grupi. Zato sam i postavio pitanje, možda ministrica nije baš najbolje shvatila moje pitanje. Mene nije pretjerano zanimalo ova dva mjeseca, lako ćemo mi za dva mjeseca od dostavljanja tog materijala pa do stavljanja u javnu raspravu, mada moram priznati da može i taj dio da ide brže. Međutim nije nimalo lako sada u ovim uvjetima novoga Ministarstva da se sve to organizira kako treba, no mene je zanimalo zašto u 2020 se dosta dugo čekalo da se odgovori na zahtjeve te ekspertne radne grupe. Zašto u nekim prijašnjim mandatima zato mi je bilo da čujem, da li ima informaciju o tome kada su dostavljeni neki materijali, kada su potpisivani određeni ugovori, kada su potpisivane određene obaveze koje su se morale realizirati vezano i za kreiranje platforme, itd. No što je tu je. Kao i sve što se dešava ovdje u BiH, i ovaj obrazovni sistem i ova reforma obrazovanja spala je na kantone i ja ću reći na moju veliku žalost tako je kako jeste, ali to što je spalo na kantone nije uopće izgovor da se ona ne realizira. I ohrabruje me stav ministrice, Ministarstva i Vlade što ipak evo čini mi se nakon ovog perioda snalaženja i prilagođavanja, najavljuju neke konkretne stvari u tom pravcu. Ono što je do sada urađeno nikako ne smije zanemareno, mislim da je to izuzetno dobar start. Mnoge kritike na to, i pozitivne i negativne kritike na tu temu govori da se radi o jako dobrom materiju, koji su koliko sam ja mogao primijetiti koliko imam informacije radili ljudi eksperti iz tih oblasti ali ne na osnovu nekih svojih samo viđenja, nego na osnovu onih parametara koji kako su nam pojasnili, više puta kroz prezentacije tih podataka oni učenike stavljaju u centar cijele priče a ne ono što bi trebalo da opteretimo učenika nekih suhim činjenice i eventualno da definitivno sada decentralizujemo neke stvari a centralizuju dobrobiti učenika, i njegovog znanja i snalaženja koje je neophodno za 21 stoljeće. Zato ono što ohrabruje i na neki način sugeriram i ministrici i Ministarstvu da budu proaktivniji, da budu prisutniji sa informacijama o reformi obrazovanja, da budu agilniji. Kao što rekoh postoje zaključci tematske sjednice koji su obavezujući za bilo koju Vladu koja dolazi, ova prethodna možda nije baš bila agilna u tom pravcu pa možda i to jedan od razloga što je bila prethodna. Sada imamo novu Vladu i očekujem da bude mnogo agilnija u tom pravcu. I s druge strane vezano za ovu skupštinsku komisiju, dobro se sjećam njenoga formiranja i razloga njenog formiranja u datom momentu. Koliko se sjećam nalog za njeno formiranje je dala Skupština a koordinirala Vlada. Bilo bi jako dobro evo i sugeriram od srca napraviti evo iniciram jedan sastanak na relaciji skupštinska komisija, premijer, ministrica da raspravimo o tom konceptu da vidimo na koji način i u kojem pravcu razmišlja ministrica glede te komisije. Da li nam je ta komisija sada više potrebna takva jeste ja osobno mislim da jeste. Jer trebamo jako mnogo eksperata iz regiona koji su već sprovodili reformu obrazovanja u svojim državama. Ali da što prije pokrene se taj koncept i ta priča zajedno sa institutom za Preduniverzitetsko obrazovanje. Vremena više nemamo odavno. Obrazovanje više ne može čekati. Ovo bi se moglo sa pitanjem kolege Mahira Devića složiti i ono mi je jako logično. Da li racionalno počinjati na kantonalnom nivou. Ja ću reći sa stanovništva normalnog poimanja

jedne države, totalno je neracionalno. Ali s druge strane na žalost to je jedina naša realnost i logičnost jer kao što vam je poznato na federalnom nivou je dosta osporen dio nadležnosti federalnog Ministarstva odlukom Ustavnog suda. A mi svi znamo kako se odluke Ustavnog suda moraju poštovati i sprovoditi. Tako da u svakom slučaju ostalo nam je da na kantonima počnemo to raditi i već vidimo određene pozitivne pomake, koliko mi je poznato, još barem dva druga Kantona su izuzetno zainteresirana za materijal te radne Skupštine, otprilike ta pozitivna lančana reakcija i pozitivan pravac preljevanja nekih pozitivnih trendova se upravo sada dešava. Dakle ministrice želim da izrazim punu potporu vašim daljim aktivnostima, moram da izrazim žaljenje što je kolega koji je predvodio tu cijelu priču podnio ostavku. On je i pojasnio određene razloge. Ono što osobno znam jeste nedostatak komunikacije prvenstveno sa prethodnim ministarstvom i kašnjenje u nekim procesima koje je nastalo upravo zbog tog nedostatka komunikacije, koliko mi je poznato, a ne zbog nerada kolega u toj radnoj grupi. Želim vam da okupite ponovo najjači tim. Sugeriram da dobro iskomunicirate sa ljudima koji su to već radili i sa svim ljudima koji su tu na raspolaganju i kao što rekoh radujem se eventualnom budućem sastanku glede definiranja ove komisije koju ste spominjali koja na žalost nikada nije zaživjela jer je došao ovaj momenat u kojem su se vlasti smijenile pa i ta Vlada nije htjela da ide u tom pravcu. U svakom slučaju meni nećete zamjeriti ja ću insistirati kao što j rečeno prema onim zaključcima tematske sjednice, koliko se sjećam barem jednom kvartalno čini mi se da je rečeno da nam se dostavljaju te informacije. A na žalost, ustvari ne znam da li ću vas pretjerano pritiskati ali planiram da vam ne vršim nikakav pritisak da imate previše obaveza ali ono što će komisija za obrazovanje insistirati je da često malte ne na svakoj sjednici ipak dobijamo poneku informaciju i vidimo gdje smo i šta smo. Radujem se sredini aprila i pozivam sve ljude, ne da to bude neka uska javna rasprava, neki uskim periodima. Pozivam sve ljude da se maksimalno uključe u raspravu glede reforme obrazovanja jer reforma obrazovanja podrazumijeva reformu države, života i svega ostalog i garantujem vam da smo imali dobar obrazovni sistem zadnjih 20 godina, mi bi danas imali vakcinisano preko 60% naše populacije jer loš obrazovni sistem stvara loše kadrove koji ne znaju rješavaju probleme. Hvala vam ministrice još jednom zahvaljujem se na informacijama i nadam se što skorije, ako smijem tako reći, progresu u oblasti postavljanja ovog Instituta i svih institucija koje će napraviti da postoje institucije koje će sprovoditi kontinuiranu reformu obrazovanja jer vi to dobro znate od vaših kolega, i ja sam naučio to, reforma obrazovanja nije jednokratni proces koji se jednom desi i onda je sve završeno. To je kontinuirani proces. Zahvaljujem se, evo urpavo završavam. Hvala velika predsjedavajući.

Predsjedavajući:

hvala zastupniče Marjanović. Sljedeći zastupnik ko ji se javio za diskusiju Mahir Dević.

Poslanik/zastupnik Mahir Dević:

zahvaljujem predsjedavajući. Da li se čujemo? Hvala. Naravno ja sam dobio jedan odgovor od ministrice koji je u jednom segmentu razumljiv, u drugom segmentu naravno nije ono na što cijelo vrijeme pokušavam da upozorim, od početka ovog mandata 2018 kada smo krenuli mi smo slušali raznorazne hvalospijeve koji će se desiti u oblasti obrazovanja: bit će sretni, presretni, desit će se to tada, imat ćemo ovu reformu. Očigledno je da je u ovoj Skupštini Kantona Sarajevo djelovanje davno obesmišljeno a ono što pričamo kolokvijalno kazano je postalo nešto što je važno. Praktično rečeno: nije bitno šta radimo nego šta pričamo i zato se nalazimo u ovakvo ozbiljnom problemu. Pošto mi je ovo uža specijalnost, prije svega osnovno obrazovanje, ulaziti u dvije reforme obrazovanja, jednu s državnog nivoa kada se uvodilo devetogodišnje obrazovanje, a desetak godina poslije toga pokretati ovako ozbiljna pitanja, na način da to pokušavate provesti na nivou jednog Kantona, je vrlo opasno i izuzetno opasna stvar. A ovo što sam maloprije od ministrice, ako sam dobro čuo, naravno ne okrivljujući nju ni za šta jer ona je tu mjesec dva dana, da je ovaj proces na neki način vođen

vaninstitucionalno bez da glavni ljudi tog procesa imaju ili nemaju rješenja o svojim postavljenjima sa jasnim zadacima, me dodatno naravno zabrinjava. U tim pričama koje smo mi slušali i hvalospijevima obrazovanju u Kantonu Sarajevo mi nikada nismo imali lošiji sistem, sistem bez ozbiljnih rezultata. PPZ nije bio nikada u lošijem stanju. To je isti onaj koji je ova sada kako se već zove, od danas trojka, je predložila da će se osnovati neki Institut, pa smo mi govorili zašto osnivate taj institut, imate taj PZZ pokrenute procese i sada dolazim do podataka i ako sam dobro čuo ministricu, na neki način da je ovo ipak sve vaninstitucionalno. Naravno to je za mene strašno. Ja ću se jako uključiti u ovu vrstu priče, bojim se da smo došli do kraja mandata na neki način, bez jasne vizije. Koliko jke meni poznato, RS je još usvojio novi Zakon o obrazovanju osnovnom čini mi se i srednjem i na neki način djelimično izašao iz ovih zajedničkih jezgri. Koje su bile ipak standardizacija i postignuće te državne Agencije. A izgleda da prvi Kanton koji treba da iskorači iz tog državnog okvira po ovome sada će biti Kantona Sarajevo. I što je još gora stvar, mi svi na neki način deklarativna govorimo da to nije dobro, da smo mi lideri procesa, ali gdje. U dezintegraciji obrazovanja, a ne u integraciji obrazovanja. Zašto Kanton Sarajevo nije lider integracije obrazovanja u FBiH i državni BIH? Zašto nemamo eksperte koji će, umjesto što ćemo se zatvoriti u 20 km kantona i provoditi kao fol neku reformu koja će dodatno vjerovatno napraviti probleme u funkcionisanju obrazovanja na nivou Kantona, zašto tu energiju nismo uložili da pokrenemo takve inicijative na Federaciji, na državi itd.? Obrazovanje je preozbiljna stvar da bi se na ovakav način stvari provodile. Mi možemo naravno pričati da se nešto dešava, da je nešto istorijski uspjeh. Hvaliti sami sebe to je na neki način nama svima vrlo jednostavno za uraditi, međutim, na sličan način smo vodili devetogodišnje obrazovanje. Ono je išlo s državnog nivoa. Znae sami kolike smo poteškoće prišli uvodeći to devetogodišnje obrazovanje iako je iza njega stajala i država i entiteti i kantoni, itd. Praviti ovakav iskorak samo u Kantonu Sarajevo po meni od starta sam to naravno govorio, da ne bude da imam neke različite stavove, je nešto što je vrlo opasno za Kanton Sarajevo i za državu BIH. Nadam se u narednom periodu da ću moći sam sebi kazati da nisam bio u pravu, da sam pogriješio, međutim evo ga, tri godine je mandata u Skupštini Kantona Sarajevo bojim se da sve ono što smo pričali da ćemo napraviti u oblasti osnovnog i srednjeg obrazovanja nismo uradili. Napravili smo na neki način neka neustavna Ministarstva. U proteklom periodu PPZ je u najlošijem stanju. Ministarstvo je kadrovski devastirano, najkompetentnije ljude u Ministarstvu tjeramo političkim putem sa pozicija. Dovedi smo škole na neki način pred kolaps u svakom smislu te riječi. I bojim se da sada ulazimo u neku završnu fazu, ukoliko nesmotreno uđemo u sve ovo možemo dodatno devastirati i uništiti naše obrazovanje u Kantonu Sarajevo. Nadam se da griješim ovo sve što govorim ali bojim se da idemo u tom pravcu jer nakon tri godine rezultate ove Vlade, prethodne Vlade, i ponovo ove Vlade mi nemamo nikakvih ozbiljnih pomaka kojim bi se pohvalili. Nismo uspjeli riješiti čak ni školovanje djece sa poteškoćama u razvoju, ka jedno od gorućih pitanja u Kantonu Sarajevo. Nismo bili kadri da to uradimo ni kao Skupština, ni kao ministri, ni kao Vlada. A sada ćemo kao napraviti kurikularnu reformu. Strah me da idemo pogrešnim putem. Toliko predsjedavajući. Zahvaljujem.

Predsjedavajući:

replika Marjanović zastupniku Deviću.

Poslanik/zastupnik Damir Marjanović:

zahvaljujem se predsjedavajući. Hvala kolegi Deviću na ovoj jako konstruktivnoj diskusiji. Izuzetno me raduje njegova najava da će jako aktivno uključiti u proces reforme obrazovanja. Jeste u pravu ste, već smo u trećoj godini mandata, vi ste već tri godine zajedno sa mnom u komisiji za obrazovanje i nauku, i bit će mi jako drago da vas ponovo vidim malo češće na tim sastancima kada budemo pričali o reformi obrazovanja. A ono što morate znati kolega Deviću, provjerio sam informaciju. Stvarno su provjerene vezano za ove jezgre o kojima ste

pričali. Informacija koju ja imam jeste da su jezgre u potpunosti usklađene sa onim jezgrama predloženim na državnom nivou i upravo šta više mislim da je čak to i državna Agencija potvrdila i preporučila da se otprilike radi u tom pravcu. I upravo ste tu pogodili, svaka vam čast, obrazovanje mora biti integrirajući faktor, i obrazovanje jeste integrirajući faktor. Kolege koje su radile to u Kantonu Sarajevo su upravo tako i nastupale i kao što rekoh, ono što me raduje, prema mojim informacijama, doduše još uvijek neformalno, ali morat ću potražiti zvaničnu informaciju pa ću vam proslijediti i pojedini drugi kantoni su zatražili način i model ovog rješenja kako se to sprovedo u Kantonu Sarajevo da bi podijelili i da bi se upravo igrali te lančane pozitivne integracije o kojoj pričate. Na žalost mi reformu obrazovanja možemo ponijeti sa ovog kantonalnog nivoa jer na državnom nemamo Ministarstvu, a na federalnom kako sam već rekao vjerujem da vam je poznato, imate jako ograničene odgovornosti postojećeg Ministarstva. Pa koliko ja znam čak je i ideja bila ove nove Vlade koja nikako federalne da se konstituiše da čak to Ministarstvo na neki način spoji i još ga više reducira, ali to ćete vi bolje znati pošto na Federaciji pak većinu čine kolege iz vaše stranke. Druga stvar, PPZ, da samo malo pojasnim ljudima koji ovo prate, ako još uvijek prate ovu cijelu priču, nije urušen u zadnjih par mjeseci tom nekom odlukom da se formira taj institut za preduniverzitetsko obrazovanje. Već 2010, 11 započeo je taj proces. Ja sam bio ministar 2012 već tada smo zatekli poprilično podkapacitirani PPZ. Kada kažem pod, ne govorim o kvaliteti tih ljudi, tamo ima izuzetno kvalitetnih ljudi, ali brojčano i već tada se govorilo da se mora pronaći način. Pa je bilo više ideja. Upravo jedna ideja je bila kreiranje ovog instituta koja nije nova, i nije pretjerano vezana samo za ovu Vladu. A druga ideja da se napravi jedan odjel samog Ministarstva koji bi bio zadužen za kvalitetu obrazovanja i kontinuiranu reformu obrazovanja. Tako da taj proces traje boga mi već desetak godina. Kada malo analiziram pa čini mi se u najvećem dijelu tih 10 godina mandat je pripadao u obrazovanju kolegama iz vaše stranke. Tako da drago mi je da ste samokritični u ovoj cijeloj priči. I na kraju, koliko je meni poznato, a dozvolit ćete ako griješim, sam proces reforme obrazovanja na kantonalnom nivou počinje tamo negdje iz juna 2018 godine kada imate to rješenje. To rješenje je potpisao prethodni ministar Kazazović. Ja sam nu na tome čestitao. Koliko mi je poznato predsjedavajući koordinator ove grupe isto ima rješenje Ministarstvo. Evo samo sekundu. Možete provjeriti u Ministarstvu ministrica Bogunić je imenovala ovu ekipu, i ove radne grupe. Znači ništa se nije dešavalo vaninstitucionalno nego baš zbog toga što još imamo taj međuprostor bez PPZ, ustvari bez jako kapacitiranog PPZ a bez novoformiranog instituta ljudi su se tako snalazili. To je trebao da bude nukleus koliko sam ja shvatio ideju kreiranja tog novog Instituta za preduniverzitetsko obrazovanje. Tako da hvala vam na komentaru izvinjavam se ako sam prešao svoje vrijeme u replici.

Predsjedavajući:

replika Mahir Dević Marjanoviću.

Poslanik/zastupnik Mahir Dević:

ne bih ulazio u ove neke političke kvalifikacije naravno da postoji ozbiljna odgovornost SDA i ja sam se referirao na ovaj mandat evo kada sam ja u Skupštini Kantona Sarajevo. I rekao sam da doživljavamo već duži vremenski period jednu dekadencu. Naravno da i SDA ima udjela u svemu tome. Ja što kažem na neki način sam kritikovao takvu vrstu odluka koje smo imali u proteklom periodu. Međutim sama činjenica evo da kolega Marjanović pokušava da moderira i da se postavlja u neku poziciju suprevizora kada je ovo obrazovanje u pitanju dovoljno govori gdje se mi nalazimo. Znači ja sam se referirao na izlaganje ministrice, ako sam je dobro razumio da je kazala da su neke stvari išle vaninstitucionalno. Čak je spominjala da određeni kadrovi nemaju rješenja o svojim postavljenjima. Nakon toga kolega Marjanović odgovara da je to sve OK. Mislim da to na najbolji način ustvari govori u kakvom se stanju mi nalazimo. I ja ponovo upozoravam, mi možemo ovdje držati hvalospijeve, možemo pričati

lijepe priče, možemo se vraćati na to pa kazati da PPZ je počeo da doživljava dekadencu već duži vremenski period, možemo probati to svaliti na teret SDA, držati neke populističke govore na način da ono kao nismo političari ali da ipak to malo to svalimo na SDA i to je naravno legalno, legitimno pravo svakog zastupnika u Skupštini Kantona Sarajevo, da se tako ponaša, međutim evo ja sada postavljam svima nama konkretno pitanje. Mi smo prije više od godinu dana žustru raspravu imali vezano za PPZ: tada su stavovi SDA bili jasni, kapacitirati PPZ, ne otvarati novi institut koji je trebao u suštini da dovede eksperte i da se kurikularna reforma, ako se dobro sjećam. Šta imamo nakon godinu i nešto dana? I dalje podkapacitiran PPZ; koji formalno još postoji iako smo ga tada nekim odlukama Skupštine ili zakonima kao ugasili, s druge strane skoro da nismo se pomakli s mrtve tačke kada je u pitanju taj institut. I to je ono što ja govorim. Mi lijepo pričamo a u konkretnoj situaciji se ne mičemo. Ukoliko je takvo stanje oko kurikularne reforme nemam sve podatke, oko toga, aktivno učestvujem naravno u onim stvarima za koje se zalažem i smatram da su ispravne. A moji stavovi po ovom pitanju su vrlo kontinuirani od samog početka. Ali evo ja opet kažem vrijeme je pred nama ono najbolje će suditi pa ćemo vidjeti u kom će pravcu ovo sve na kraju otići. Izvinjavam se predsjedavajući za vrijeme.

Predsjedavajući:

replika Marjanović Deviću.

Poslanik/zastupnik Damir Marjanović.

Kratka, kratka replika. Zahvaljujem se kolegi Deviću opet na ovoj diskusiji. Samo se plašim da me neko pogrešno ne razumije. Ja definitivno nisam moderator nego imam obavezu da podijelim sve informacije koje imam jer Deviću koliko ste vi u ovom procesu i ja sam, i to ne isključivo sa vaše pozicije, nego baš sa one koja otprilike može da mi da za pravo da posmatram neke stvari malo i izvan kutije. I obzirom, nemojte me pogrešno razumjeti, nisam uopšte htio da svalim nešto na SDA, ne znam kako ste to izvukli ja sam spomenuo da je protekli ministar Kazazović pokrenuo tu priču. I za mene je to pohvalno. I čak mislim da sam spomenuo da mu se zahvaljujem na tome. Tako da to nema nikakve veze sa svaljivanjem neke ili prebacivanjem neke odgovornosti. I spomenuli ste tu tematsku sjednicu koju smo imali prije godinu dana. Ona se baš nekako poklopila sa onim periodom kada je došlo do smjene vlasti. U potpunosti se slažem sa vama, stvarno u proteklih godinu u ovom periodu te smjene vlasti nije mnogo urađeno u ovom pravcu i zato me je prijatno iznenadila ovo što je kolegica upravo preuzela obavezu na sebe da referira nas gdje smo šta smo, što pokazuje da je uvažena ministrica ozbiljno shvatila ono što je Skupština Kantona Sarajevo jednoglasno izglasala te svoje obaveze vezano za reformu obrazovanja. Kao što ste dobro rekli, vrijeme će pokazati sve. Ono što je bitno, reforma obrazovanja je pokrenuta i taj točak, bilo bi lijepo da je na državnom, ali evo mi pričamo o jednoj nabildanoj MZ koja se zove Kanton Sarajevo. Na kantonalnom je nivou i zato mu treba puna potpora i pozicije i opozicije bez obzira ko je kada u kojoj poziciji. Hvala vam velika na diskusiji. Hvala predsjedavajući.

Predsjedavajući:

replika Dević – Marjanoviću.

Poslanik/zastupnik Mahir Dević:

kratko. Bilo je na neki način malo što bi kazali ovim fudbalskim rječnikom iz kornera prebacivanja na SDA, iako ja naravno uopće ne amnestiram SDA od njene odgovornosti u oblasti obrazovanja. Sama činjenica kolega Marjanoviću da nam vi referirate na ovu temu, da nam držite govore na ovu temu kao zastupnicima ili kao široj javnosti, je s jedne strane naravno pozitivno. Što znači da vi pratite neke trendove, neke procese u oblasti obrazovanja. Međutim, ponavljam još jednom, maloprije sam čuo od ministrice, ako sam dobro čuo, ili

nisam dobro čuo da je ovaj proces bio malo vaninstitucionalan. Ako je to tako to je onda strašno. Ili ja nisam dobro čuo. Znači da provodimo reformu temeljnog obrazovanja van sistema. Ja sam to tako razumio, ne znam da li sam dobro čuo. I da imamo ljude koji rade na tome a da nisu imali neka rješenja o postavljenjima. Bez obzira ko je bio ministar, bez obzira ko je koju funkciju obnašao. Ako je to tako onda je to strašno. Eto toliko.

Predsjedavajući:
kolega Zvonko Marić.

Poslanik/zastupnik Zvonko Marić.

Zahvaljujem. Nisam zaista mislio govoriti ali slušam ove rasprave i ovu polemiku, ali zaista ovoga smo se naslušali u proteklom periodu. Vrlo me zabrinjava kada ova ekstenzivno se raspravlja. I ja razumijem donekle profesionalnu deformaciju profesora koji predaju i sam sam radio u srednjoj školi pet godina, i znam da je to svojstveno upravo profesorima. Ali volio bih da konkretnije razgovaramo i da pristupimo nečemu što će biti vidno. Ja znam ministrice nije vam lako, na vaša, mogu reći s obzirom da ste novi u tom segmentu, sigurno se već povijate pod raznim pritiscima nepostojećeg sindikata, koji dobija legalizaciju upravo u Skupštini Kantona Sarajevo i Vlada mu tako daje. I naravno finansira ga, imate dojam da je to vladin sindikat a ne zaposlenika u obrazovanju. I znam koliko želi dominaciju i presudan uticaj na svemu onome što se radi pa kada je riječ i o reformama. Ali ja bih volio evo kolega Marjanović je rekao da je to sve usuglašeno s agencijom s državnog nivoa. Lijepo je to čuti. Ali ja bih volio da na neki način pokrenemo jednu inicijativu ili moj prijedlog za razmišljanje da prije nego što odu ovi materijali u javnu raspravu, da se razvrstaju i upute se prema visoko školskim matičnim ustanovama. Odnosno prema oblastima. I da se da to sve na mišljenje. Jer to visokoškolske ustanove izbjegavaju da se uključe u taj proces koji do sada prema mojim saznanjima potrošeno preko milion KM. U svakom slučaju ministrice želio bih da na bilo koji način, bilo koje vrstu podrške da dobijete kako bi ste se izborili sa svim tim nedaćama i problemima. Uključujući, a ciljano sam vas ovo pitao kako i na koji način ćete reducirati to kako ste rekli to glomazno tijelo, taj tim ekspertni, to je pretenciozno nazvan čini mi se iz prostog razloga što sam veoma upoznat. Ti ljudi su, čak i taj koji je dao ostavku, obećavali da će uraditi posao za tri, pa za šest, pa nisu, pa su dobili. Pa ih je ministar Krivić logisticirao na sve moguće načine i da održavaju te sastanke i da angažiraju čak i neke suradnike iz tih oblasti itd. A nisu uradili posao, i da bi sigurno će vama doći i reći prošli ministar nam nije davao podršku i to nismo radili. Koliko im je vremena trebalo. Pa ako ih zovete da su eksperti pa oni bi trebali taj posao da završe a ne kao što sam vidio u materijalima koji su jako loši, morate imati to u vidu. Iz prostog razloga što se recimo iz geografije proučava rijeka Bosna do granice sa RS. Zato sam pomenuo ovo što je kolega Marjanović rekao da je sve usuglašeno sa Agencijom na državnom nivou. Dobro povedite računa, upozoravam, imate podršku, kakav je kvalitet tih materijala, uključite one ljude čija je to nadležnost. Jer očigledno oni su inertni u tome, tri godine. Pa znamo taj sastav tog ekspertnog tima je imenovan još u vrijeme ministrice Bogunić. I neki su radili, neki davali ostavke, neki nisu bili sposobni, neki su htjeli iz ovih ili onih razloga možda radi neke promocije, to je njihov motiv da budu u tom timu. Ali šta je u konačnici učinak njihov, pa nemojte sada da vam ponovno naplate ono što su naplatiti u vrijeme ministra Krivića. Oni su možda spremni i na tako nešto. Dajte da konačne rezultate vidimo, i molim vas, to je vrlo ozbiljan i odgovoran posao i potpuno smo svjesni toga i pričamo godinama kurikulumi, šta ja znam. Evo to je šansa. Pa onda upadamo u razne krize. Pa kažete kriza je naša šansa mi ćemo to uraditi itd. Pustite se. Dajte konkretne stvari, operativce ljude koji će raditi, koji će konkretne stvari uraditi a ne tamo koje-kakve protokolarne sastanke i ekstenzivno neko raspravljanje o starima koje su potpune nebuloze i potpuno nepotrebne sistemu obrazovanja. I molim vas, još jednom, hoću da skratim, nisam mislio da govorim, ne dozvolite ministrice da vam kompromitiraju nastojanja. Ne dozvolite,

ima njih, jako je puno, na žalost, nije vam lako, znam teško vam je zapravo, ali se mora iskoračiti, napraviti se neki iskorak i uraditi sve konkretne stvari i razmislite o ovoj mojoj inicijativi vezano za razvrstavanje materijala kako bi se uputili prema matičnim oblastima, matičnim ustanovama. Pa neka daju svoje mišljenje pa onda dajte to u javnu raspravu neka se provjeri a ne da se proučava rijeka Bosna i onda integrativni. Ko je pomenuo integrativni faktor u obrazovanju? Jel to integrativni faktor. Neću više. U redu, hvala vam.

Predsjedavajući:

zastupnik Vedran Jakupović se javio za diskusiju.

Poslanik/zastupnik Vedran Jakupović

zahvaljujem predsjedavajući. Zahvaljujem ministrici na uvodnoj riječi odgovorima na pitanja. Naravno ima apsolutno podršku u ovome što radi i načinu na koji to radi. I posebno mi se svidjela konstatacija da nama treba obrazovna reforma, kako je rekla, a ne samo kurikularna reforma. Kada je riječ o ovome, namjerno sam postavio to pitanje, i kolega Dević se uhvatio za odgovor, ERG je imenovan u novembru mislim 2016 godine i na osnovu pravilnika i načina na koji je izabran tada je profesor Marjanović izabran i imenovan od strane tadašnjeg ministra, nije bitno iz koje stranke. Ono što se desilo nakon poslije ministrica Zineta Bogunić odmetnula od Vlade šestorke ona je preuzela kompletnu priču i ne znamo kada i kako je imenovan, na osnovu kojeg rješenja gospodin Amir Ibrahimović. To je ono što sam pitao. Naravno počela je korona, počela je Vlada Petak 13, sa istim efektom na obrazovanje i evo da im damo otprilike i neko opravdanje, da ne kažem imunitet za ono što je rađeno prošle godine zbog kompletne situacije u kakvoj smo živjeli tokom 2020 godine, složit ću se s kolegom Marićem da bi trebalo da se razmisli o konsultacijama s matičnim oblastima, matičnim fakultetima. I ja imam istu informaciju koja me je šokirala, da je u kurikulumu za geografiju da se rijeka Bosna izučava do Doboja jer prelazi granicu Federacije. Što je šokantno, ja bih volio provjeriti tu informaciju. Upravo kada je kolega Dević spomenuo taj integrativni faktor, a par puta ga je pomenuo, mora imati u vidu da koliko sam ja upoznat na nivou države Ministarstvo koje se bavi ovom problematikom trebalo se baviti nabavkom vakcina za stanovništvo BIH, a vidimo kakvi su rezultati. Kada govorimo o federalnom Ministarstvu obrazovanja, pitanje ustavno koliko i kako je riješen status tog Ministarstva ali mislim daje puno veći problem da je ministrica Dilberović otišla na poziciju ambasadora u Švedskoj tako da pitanje opet kapacitiranja tog Ministarstva. I mi možemo opet čekati da se desi nešto na nekom nivou. Istovremeno imamo situaciju da RS usklađuje svoje programe sa Srbijom, da je tako dogovoreno. Mi smo u Kantonu Sarajevo ne iz namjere da pravimo republiku Sarajevo, nego iz namjere da rezultati testova na svjetskom nivou kakve smo imali ne budu takvi, nego da budu bolji, da funkcionalno naša djeca budu obrazovanija, i krenuli u sve procese o kojima je riječ. PPZ je kako je kolega Marjanović rekao puno ranije urušen i sa ovlastima i sa kapacitetom, nego što je to bilo nakon osnivanja Instituta u vrijeme Vlade šestorke naravno. Ono što me malo začudilo jedno pitanje koje postavio, odnosno možda konstatacija koje je postavio kolega Dević a odnosilo se na političko kako je rekao tjeranje nekih najkompetentnijih ljudi u obrazovanju, ne znam na koga se to odnosi. Imamo konkretan primjer gospođa Nihada Čolić, se vratila pozicije u PPZ na poziciju pomoćnika ministra opet na kojem je i bila. I mislim da ne idemo u personalizaciju ili da kažem stranačko ili bilo kakvo prepucavanje, ne želim da gubimo vrijeme na ovome, ja ću ponoviti još jednom. Apsolutna podrška. Ono što se desilo prošle godine razumijemo dijelom, i očekujem ja sam siguran da će ministrica Hota-Muminović odgovoriti ovom zadatku i da ćemo definitivno dobiti reformu obrazovanja u ovom vrijednosnom smislu. Kažem evo da ponovim još jednom da ako je moguće da se obave konsultacije kako je kolega Marić rekao sa određenim oblastima iz kojih su rađeni kurikulumi, da se provjeri još jednom tekst. I da krenemo u javnu raspravu ako je moguće naravno sredinom aprila. Ako ne bolje je i odgoditi ali dati kvalitetan materijal. Hvala

vam.

Predsjedavajući:
replika Mahir Dević.

Poslanik/zastupnik Mahir Dević:
vrlo kratko. Kada sam govorio o ovim kompetentnijim kadrovima, mislio sam na kolegu Sifeta Kukuza koji se smatra sigurno jednim od kompetentnijih ljudi u oblasti visokog obrazovanja za koga ste vi kolega ako se dobro sjećam kazali da će te ga poslati u komunalnu. Ako sam dobro citirao. Pošto ste pitali na koga mislim evo da kažem na koga mislim. Hvala.

Predsjedavajući:
oprostite prije najave prve diskusije zastupnika Zahiragića, imamo repliku Jakupović Deviću.

Poslanik/zastupnik Vedran Jakupović:
nisam odgovarao na objave laži i blačenja koja sam doživljavao nakon vaše konstrukcije gospodine, ne govorim samo o vama nego o kompletnoj SDA uključujući i gospodina Kukuza samog. Ne znam po čemu je gospodin Kukuruz ekspert za visoko obrazovanje. To je jedan službenik, obični pravnik. Tako da u tom obimu posla može raditi u bilo kojem Ministarstvu. Ministarstvo komunalne privrede jako bitno i ne vidim nikakvu uvredu u tome. A da kažem, ponavljam opet, ne znam po čemu je ekspert. Hvala.

Predsjedavajući:
replika Marjanović.

Poslanik/zastupnik Damir Marjanović:
ja se izvinjavam iskoristit ću institucije replike samo da dvije stvari. Prvo neka mi ne zamjeri kolega Mahir Dević što se ja ovoliko interesujem za oblast obrazovanja. Pa vi ste me imenovali za poziciju predsjednika Komisije skupštinske, odgovaram Skupštini vezano za obrazovanje i zato nekako se osjećam obaveznim da radim u tom pravcu mimo svega ostalog. S druge strane, zanima me ovo kolega Zvonko Marić ili kolega Vedran su rekli vezano nešto za rijeku Bosnu do Doboja itd. Ja koliko ja znam u kurikulumima ovdje koji su urađeni nije bilo priče ni taj dokument ne sadrži ne govori o sadržaju, nego govori o ishodima. Možete li molim vas samo da mi provjerite gdje tačno se nalazi taj podatak za kurikularnu reformu da li imate taj neki dokument vezano za ishode iz oblasti geografije koji su predviđeni. Ne negiram nego samo me zanima pošto ja ne mogu da ga pronađem u tim dokumentima. Hvala velika.

Predsjedavajući:
prva diskusija zastupnik Haris Zahiragić.

Poslanik/zastupnik Haris Zahiragić:
pa prije svega pažljivo sam slušao diskusiju kolega na ovu temu.

Predsjedavajući:
oprostite kolega Zahiragiću imamo repliku Zvonke Marića.

Poslanik/zastupnik Zvonko Marić:
zahvaljujem predsjedavajući. Pa vrlo kratko. Ta informacija je iznutra. I ja sam iskreno da vam kažem da dođe to u javnu raspravu i onda da raspravljamo o tome ali htio sam na neki način da pomognem ministrici da se pozabavi ad pita i neka provjeri ali 100% ta informacija je iznutra i nije izmišljena. I kolega Jakupović je vjerovatno dobio iznutra tu informaciju. I

prema tome budite sigurni u tako nešto. Mogu oni sada povući ali to jeste u materijalima i kažem vam iznutra informacija jer se neki nisu slagali s tim pa su smatrali za potrebnim i da to na neki način daju takvu vrstu informacije, možda meni ili kolegi Jakupoviću ili još ko zna koliko njih ima. Ali vjerujte mi nepobitna je to istina. I zato sam se i javio da to kažem jer sam se dvoumio da li da pustimo da dođu ti materijali sa takvim sadržajem u javnu raspravu. Kolega Marjanoviću i vi provjerite, nemojte zdravo za gotovo. Vidite da se poklapaju informacije i mene i kolege Jakupovića potpuno na istom segmentu. Hvala.

Predsjedavajući:
Marjanović Mariću.

Poslanik/zastupnik Damir Marjanović:

hvala vam velika kolega Mariću evo nećete mi zamjeriti, uvažena ministrica mi neće zamjeriti, nadam se da ne rušim nikakav poslovnik u ovoj cijeloj priči. Zamolit ću je kao predsjedavajući komisije, skupštinske komisije za obrazovanje i nauku da taj dokument koliko znam posjeduje, to je oblast geografije posjeduje Ministarstvo, zamolit da u toku sutrašnjeg dana meni kao predsjedniku komisije dostavi, ja ću odmah dostaviti svim članovima komisije. Baš me zanima taj podatak pošto mi se ne poklapaju dvije stvari. To o čemu vi govorite mi više ide ka nekom sadržaju a ovo što tretira što je završeno u kurikularnoj reformi koliko ja znam to nije dio te priče. Ali uzimam mogućnost da griješim. Hvala vam na toj sugestiji i vrlo rado ću to provjeriti. Ministrice bio bih vam prezahvalan kada bi ste mi poslali taj dokument. Hvala velika.

Predsjedavajući:
diskusija Haris Zahiragić.

Poslanik/zastupnik Haris Zahiragić:

da li se čujemo? Prije svega ja bih svoju diskusiju podijeli na dva dijela u prvom dijelu ću se referisati na samu situaciju i ustavnu krizu koja je u Kantonu Sarajevo trenutno, koja je na žalost radi nepromišljenosti radi bahatosti vladajuće većine dovela i obrazovanje pa i osnovno i srednje obrazovanje u situaciju kakva danas jeste. U narednom dijelu diskusije ću govoriti o samoj suštini ovoga predmeta rasprave. Za početak Ustavni sud je kao što svi znamo je objavio presudu koju je donio i oglasio da je Zakon o organizaciji uprave u Kantonu Sarajevo a koji je razdvojio Ministarstva između ostalog i ova dva, i Ministarstvo obrazovanje zapravo osnovnog i srednjeg obrazovanja stvorio da je neustavan taj Zakon. Samim tim taj Zakon je stavljen van snage što ste vi potvrdili da ste za narednu sjednicu zakazali ponovno usvajanje tog Zakona. Što znači da taj Zakon trenutno nije na snazi. Analogno tome, trenutno uz dužno poštovanje gospođi Hota-Muminović prema kojoj apsolutno ništa nemam, čak i dobio sam par komentara njenih kolega i srednjeg obrazovanja koji su hvalili njene reference i njen rad, ona trenutno nije ministrica, jel. U tom smislu na žalost to ministarstvo danas ne postoji. Zbog toga smo mi apelovali više puta da što prije sjednemo za sto i da riješimo ovu ustavnu krizu u koju ste doveli Kanton Sarajevo, usvajanjem ovako bitnog Zakona na hitnoj sjednici po hitnoj proceduri itd. Sve aktivnosti koje se provode, ja znam da su određene obustavljene, a one aktivnosti Vlade u kojima učestvuju pa evo i ova informacija koju nam je uvažena ministrica prenijela iznijela zapravo, sve su to ozbiljne stvari koje mogu snositi sankciju. Ja pozivam ministricu Hotu-Mumunović da ne dozvoli Vladi Kantona Sarajevo na ovaj način izlaže jer ona nije ministrica dok se ne usvoji ponovo Zakon i dok ponovo ne bude imenovana. Ali to je tema o kojoj ćemo zasigurno u narednom vremenu dok se to ne vrati govoriti. Kada je u pitanju sama kurikularna reforma i sam proces reforme obrazovanja u Kantonu Sarajevo, ima

tu mnogo toga da se kaže, što je svakako malo za jednu informaciju. Ono što je najviše zabrinjava od svega, jeste, da nevladin sektor i ljudi iz nevladinog sektora duboko involvirani i i dobro su pojedine kolege kazali u vaninstitucionalnu reformu, mislim da je to i gospođa Hota kazala. Vaninstitucionalnu reformu najbitnijeg segmenta svakog društva. U tom smislu i na tom tragu ćemo u narednom periodu predložiti niz rješenja da bi smo spriječili da se ikada više desi da nevladine organizacije koje finansira pa evo neću nikoga da imenujem nikoga posebno, organizacije koje nisu lojalne ovoj državi, nego nekim drugim državama, ne mogu imati nikakve apsolutno nikakve veze sa reformom obrazovanja osim eventualno neke savjetodavne koja mora biti najtransparentnija moguća.

Predsjedavajući.-

zastupniče Zahiragić ne čujemo vas.

Poslanik/zastupnik Haris Zahiragić:

... a ne da iza zatvorenih vrata budu involvirani duboko u reformu. Niti čak ove komisije ekspertne koje su formirane nisu ni na koji način uključeni profesori sa UNSA, sa matičnih odsjeka koji su možda najreferentniji, najrelevantniji da govore o tome. Čak niti jedan dopis, niti jedno obavještenje matični odjeli i odjeci na UNSA i na fakultetima njihovim nisu dobili i ni na koji način nisu uključeni u reformu najbitnije oblasti u društvu. S tim u vezi kada riješimo sve ove neustavne stvari, kada i ako budemo imali Ministarstvo i ministricu ovoga osnovnog i srednjeg obrazovanja, želim da vjerujem da ćemo čitav proces koji je od početka pogrešno rađen pregledati i izvršiti njegovu reviziju na jednim potpuno novim temeljima. Ponovo uraditi uključujući struku po svakoj specifičnoj oblasti. Uz dužno poštovanje prema određenim kolegama iz akademske zajednice oni su u Skupštini, ne postoji doktor opći nauka. Ja uvažavam da su pojedine kolege eksperti u usko specijaliziranim oblastima. Međutim njihova reference u tim oblastima nisu dovoljne da se sa svojim autoritetom i znanjem uz pomoć bilo koga drugog a ne institucija Kantona Sarajevo i UNSA bave ovako bitnom temom. Dakle morat ćete ko god bude ministar obrazovanja kada se to konačno riješi morat će uključiti akademsku zajednicu na jedan vrlo specifičan i usko specijaliziran način. Strah me na šta je ova, ja sam bio dobro informisan putem kojim je krenula ova reforma, i na žalost strašno stvari sam imao priliku da čujem ove koje su kolege prije mene iznijele nisu ni blizu opasne koliko su neke druge stvari koje su pokušavali imputirati i podvesti pod kurikularnu reformu. Vjerovatno zbog toga što veliki broj ljudi čak i ne zna šta to znači a često je volimo spominjati, jel. I u konačnici osim reforme nastavnih planova i programa i kurikuluma moramo podhitno, možda nije ovo najadekvatnija tema ali jeste jer se govori o stanju, napraviti sistem u kojem će radnici u obrazovanju, pogotovo u osnovnom obrazovanju prestati biti kursor. Prestati svake pola godine godinu dobivati, konkurisati ići iz jedne škole u drugu školu. Gdje će djeca u jednoj generaciji promijeniti deset učiteljica zbog toga što se nekada neko odlučio da na taj način može držati te ljude, pa neću da ih kvalificiram ružno. To su ljudi kojim moraju odgajati nove generacije. Oni su kreditno nesposobni. Oni brinu za svoju egzistenciju. I kako će ljudi koji nisu egzistencijalno riješeni koji svakih pola godine mijenjaju škole, (smetnja). I svakih par mjeseci nove konkurse. (smetnje). S tim u vezi na tragu toga ćemo tražiti da se plate u osnovnom obrazovanju i cijelom obrazovanju dignu na nivo koji zaslužuju da budu. Da ti ljudi imaju svi stalno zaposlenje. Mora postojati sistemski načina onda prilikom kurikularnih reformi i generalno reforme obrazovanja koja je neophodna u našem društvu ćemo morati sprečavati, nadam se da ćemo tu naći koncenzus ili barem većinu u ovoj skupštini za neke druge teme kao ona maloprije što je bila, nismo u stanju. Da ne dozvolimo da kroz nastavne planove i programe i kroz kurikulume i kroz ishode učenja kako to popularno se kaže našoj djeci u škole ubace neke stvari koje nisu svojstvene ovom području, i neke teme koje nisu svojstvene ovim građanima. I neki način obrazovanja koji nije u redu za ljude koji su ovdje godina. Mi smo uvijek imali dobro obrazovanje, na

žalost na međunarodnim testovima posljednjim koji su bili Piza nisu zadovoljavajući rezultati. Međutim to ne znači samo da su loši kurikulumi. Ima tu puno to je jedna široka oblast koja ima puno uzroka a ti rezultati su samo posljedica. Međutim oni ne smiju biti isprika da se stvari poput bh jezika, poput historije, geografije, čak zamislite šta se dešava, ali ni biologije i prirodnih nauka prave prema nekim agendama i prema nekim nevladinim organizacijama koje puno milione maraka i dolara ulažu ovdje da bi u tim namjerama uspjeli. Ja ovim putem poručujem svima koji imaju te planove, neću detaljnije govoriti, da ćemo ih mi u tome spriječiti. I želim da dam podršku ministrici Hoti-Mumunović samo želim da ona bude ponovo ministrica. S tim u vezi požurite vratite u ustavne okvire, mijenjajte Zakon pa onda ponovo imenujte. A dok ne imenujete ponovo nemojte ženu zloupotrebjavati i tražiti od nje da podnosi informaciju, da radi posao i da učestvuje u radu Vladu jer ona nije kriva zbog toga što je ova skupštinska većina nije imala sluha za naše apele, nije željela da razumije kakve će posljedice proizvesti po Kanton Sarajevo, i u konačnici će neko za to, ukoliko posebno koliko se nastavite ovako bahato ponašati prema toj presudi morati možda čak krivično odgovarati. Hvala vam.

Predsjedavajući:
replika Marjanović Zahiragiću.

Poslanik/zastupnik Damir Marjanović,;
odlična diskusija. Hvala kolega Zahiragiću. Odlična diskusija u potpunosti ste u pravu. Mi već 20 godina dozvoljavamo da nam reforme obrazovanja vode nevladine organizacija. Dozvoljavamo da nam reforme obrazovanja finansiraju kojekakve institucije koje dolaze iz drugih država iz jednog prostora razloga što država nije htjela da radi svoj posao. I evo sada po prvi put od 2018, ponavljam odlukom prethodnoga ministra, odlučeno je da se konačno na jednom nivou vlasti, ako već ne može državni i federalni, bar kantonalni započne sa tom kurikularnom reformom i evo sada po prvi put, to je bilo 2018, mislim da je bio profesor Kazazović, nakon toga je došla kolegica Bogunić, pa kolega Krivić, i evo sada i kolega Hota. Po prvi put ozbiljnije država odlučila da taj najbitniji stub jednoga društva, bh sarajevskog, sada bih ga nazvao zato što govorimo o Kantonu Sarajevo, uzmu u svoje ruke. I to je taj pravac. I jako mi je drago što ćete se zalagati i evo pozivam vas da se zajedno zalažemo da sljedeće godine još više uložimo u tu reformu obrazovanja. Jer u reformu obrazovanja se mora ulagati. I u pravu ste u potpunosti u reformu obrazovanja moraju biti uključeni prosvjetni radnici ali i najbolji stručnjaci sa UNSA: i koliko mi je poznato u radnim grupama, a provjerit ću vam i tu informaciju sudjeluju profesori sa UNSA, i to čini mi se najviše njih sa pedagoškog odjela, sa Fakulteta. Tako da puna potpora tom konceptu i drago mi je da smo vidjeli kako ćemo oteti taj dio od nevladinih organizacija. Ne oteti zato što oni nešto loše rade, možda vi i ja tu ne moramo ni složiti, nego zato što to država mora da radi jer su to vladin proces, to je državni proces i mi smo ga odlučili pokrenuti. I onom tematskom sjednicom u obrazovanju smo ga zapečatili da je to najbitniji državni proces. Treba sada da se desi neka sljedeća tematska sjednica pa da neko kaže eto to više nije bitan proces. Tako da vraćam se na prvu rečenicu jako dobra diskusija i vidim da smo na istoj talasnoj dužni. I i siguran sam da će se nastaviti ova reforma obrazovanja. O njoj, o sadržaju u pravu ste, ne treba da diskutuje ni jedan genetičar, ni jedan pravnik. O sadržaju trebaju da diskutuju ljudi iz te struke. Ali definitivno jedan genetičar i jedan pravnik dobrih namjera u Skupštini Kantona Sarajevo treba da budu jedan motor koji će politički poduprijeti reformu obrazovanja. Kada kažem politički ne mislim kroz dnevnu politiku, obrazovanja, nego kroz obrazovnu politiku. Hvala vam, jako dobra diskusija.

Predsjedavajući:
replika Jakupović.

Poslanik/zastupnik Vedran Jakupović:

zahvaljujem predsjedavajući. Istovremeno vrlo kratko informacija kolegi Marjanoviću riječ je o predmetu Društvo za V razred. A kada je riječ o kolegi Zahiragiću složio bih se sa njim, vidim da se mogu složiti sa njim u nečemu. Evo ovdje se slažemo. Vjerovatno nije dobio informaciju da smo zakazali sjednicu na kojoj ćemo rješavati problem presude Ustavnog suda. I nadam se vrlo brzo riješiti taj problem. I pošto smo svi zabrinuti očigledno vaninstitucionalnim djelovanjima očekujem da će do početka aprila, najdalje do sredine aprila ministrica Hota-Muminović nastaviti i uspješno vratiti kompletan proces unutar institucija. Hvala.

Predsjedavajući:

jasmina Bišćević-Tokić replika.

Poslanik/zastupnik Jasmina Bišćević-Tokić ;

zahvaljujem predsjedavajući. Evo moram replicirati svom kolegi Harisu Zahiragiću iz razloga pošto je rekao kada se usvoji taj novi Zakon koji se planirali u aprilu opet na hitnoj sjednici, ja se ne bih složila. Po presudi Ustavnog suda vi morate vratiti taj Zakon u stare okvire, što znači morate imenovati jedno Ministarstvo a sad imamo dva, jer ste ih odvojili i na taj način staviti jednu ministricu kako bi ispoštovali stari Zakon koji je još uvijek na snazi jer ovaj vam je osporio novi Ustavni sud. Tako da bi krenuli u proces novog Zakona na novoj Skupštini morate vratiti sve na početak na staro i imenovati Vladu samo sa jednim Ministarstvom. Evo zahvaljujem predsjedavajući.

Predsjedavajući:

Zahiragić replika.

Poslanik/zastupnik Haris Zahiragić:

replika je kolegici Bišćević-Tokić . Pa otprilike je i ona kazala ono što sam ja i kazao samo se nismo razumjeli na način da trenutno sada ne postoji Ministarstvo za predškolsko, osnovno, i srednje obrazovanje. Ne postoji Ministarstvo za visoko obrazovanje, nauku i mlade. Ne postoji Ministarstvo komunalne privrede urbanizma građenje, zaštite okoliša itd. Ta tri Ministarstva tj Zakon koja je ta tri Ministarstva, ili izmjene Zakona ne postoje više. Ustavni sud je oglasio neustavnim i stavi vam snage s tim u vezi danas bi morali Vlada Kantona i skupštinska većina vratiti u prijašnje tanje bez obzira imali oni ili nemali ministre. U organizacijskom smislu kada su radnici, npr kada se kolega Vedran Jakupović spomenuo kolegu Kukuza, gospodina Kukuza koji je prema mom mišljenju nije obični pravnik, nego jedan od najboljih pravnika, jedan od najčasnijih ljudi u državnoj službi u Kantonu Sarajevo, on je prema mom mišljenju danas, a potvrdit će to sudovi svi, pomoćnik ministra za visoko obrazovanje. Jer to ministarstvo je danas pravno na snazi ma koliko su se akata donijelo i koliko se pojedinačnih rješenja donijela na osnovu onog Zakona. Sve posljedice onog Zakona da ne bih dalje mučio gledaoce, Zakon o Ustavnom sudu i u postupku pred Ustavnim sudom jasno definiše te stvari. Sve ono što je iz tog Zakona proizašlo je nevažeće i kolega dok ne usvoje Zakon , imaju sada dva Ministarstva u Vladi a ne tri. I u tom smislu kolegice jasmina mislim da smo se razumjeli samo ja vjerovatno nisam upoznat sa tehnikom i političkom voljom vladajuće većine na koji način oni to žele da riješe. Ali uglavnom situacija je delikatna. Mi bi smo puno glasnije o tome govorili, mi bi smo već podnijeli određene krivične prijave, zbog suspenzije i zbog banalizacije, i pogrešnih poređenja ove sa nekim drugim presudama Ustavnog suda. Nismo uradili iz jednog jedinog razloga jer želimo da ova Vlada na čelu sa Edinom Fortom, bez obzira što je njen sastav i pošto je ta odluka o imenovanju

Vlade i svih ministarstava jedinstven pravni akt i što bi i ona kao takva moglo se tumačiti da je neustavna mi ne želimo da dovodimo cijelu Vladu u takvu situaciju jer je pandemija korona virusa, jer su brojke katastrofalne, jer je privreda na koljenima. I u tom smislu kolegice ja sam na tom tragu diskutovao ali mislim da se ipak u konačnici razumijemo i slažemo. Hvala.

Predsjedavajući:

Vildana Bešlija izvolite imate riječ.

Poslanik/zastupnik Vildana Bešlija:

hvala predsjedavajući. Pa evo zaista moram reagovati zato što ovo je ustvari replika kolegici Bišćević-Tokić idemo javno u eter, gledaju nas građani, iznose se određene kvalifikacije koje nisu tačne. Znači sjednica koja treba da se desi je redovna sjednica na kojoj će se raspravljati o postupku onoga što je rekao ustvari Ustavni sud. Dakle ne morate toliko praviti neku kao to je hitna sjednica, pa opet ćete biti. Pa to je kao neki užasno toliko veliki problem. Znači ide se u redovnu proceduru. Inače evo opet da se vratimo ne znam opet koji put danas da se vratimo na tačku dnevnog reda. I uopšte ne vidim problem evo sada i kolega Zahiragiću što je ministrica u suštini iznijela hronologiju onoga što se dešavalo. Žena je iznijela ono što se dešavalo i prije nje i za vrijeme dok ne ona tu. Radi se o informaciji.

Predsjedavajući.

Ispravka krivog navoda Zahiragić.

Poslanik/zastupnik Haris Zahiragić:

kolegice Bešlija dva kriva navoda sam želio da ispravim. Prvi navod je da je kolegica Tokić kazala da je to hitna sjednica. Nije ona kazala da je hitna sjednica nego da ste danas na Kolegiju utvrdili da će se taj Zakon ponovno mijenjati po hitnoj proceduri. Treba te, vi ste dugo zastupnik, treba da znate razliku između hitne sjednice i donošenja Zakona po hitnoj proceduri. Mi smo posljednji put kada.

Poslanik/zastupnik Vildana Bešlija:

ispravka krivog navoda.

Poslanik/zastupnik Haris Zahiragić.

Imam još ne možete ispraviti moj krivi navod dok ja ispravljam vaš. I druga ispravka krivog navoda nazvali ste gospođu Muminović -Hota ministricu. Ja vam kažem da ona danas nije matrica. Evo iako bih ja želio da jeste. Jer sam čuo mnogo9 dobrih stvari o gospođi ali radi dilentatizma neznanja i mišića vladajuće većine proces kojim je ona došla do ministrice je neustavan i taj Zakon više nije na snazi gospođu Bešlija. Ja ne želim da idem od teme ali to je tema svih tema. Ne možemo govoriti o reformi obrazovanja ako smo radi neznanja i grubog kršenja svih pravila doveli u situaciju da nemamo dva Ministarstva obrazovanja da niste vratili i poništili one akte koji su razdvojili ta dva Ministarstva. Hvala vam.

Predsjedavajući:

možete nastaviti zastupnice Bešlija.

poslanik/zastupnik Vildana Bešlija:

ja bih zamolila predsjedavajući da u buduću kada se javim i ja sa ispravkom krivog navoda isto onako promptno kao što date ovom kolegi Zahiragiću da tako i meni date riječ. Jer zaista više ne želim na ovaj način ..

(istovremeno govore predsjedavajući i zastupnica Bešlija)

predsjedavajući:

ne možete ispravljati ispravku krivog navoda, kada završi kolega onda možete.

Poslanik/zastupnik Vildana Bešlija.

Da pa evo nije ni on sačekao da ja završim. Znači da se vratimo na temu. Tema današnja je informacija o onome šta se dešavalo. Apsolutno nikakve veze nema s tim ni da li je Ministarstvo uopšte imenovano kako treba ili nije. Imamo zakazanu sjednicu p tom osnovu. Sve će se uraditi po proceduri. Nemojte zaista da se bavimo više vrtite ovdje priču neku koja apsolutno nema nikakve veze sa onim o čemu se raspravlja. Znači imamo informaciju. Ja vjerujem da smo je primili k znanju i nadam se da ćemo uspješno konačno završiti ovu sjednicu. Hvala vam.

Predsjedavajući:

ispravka krivog navoda zastupnik Zahiragić.

Poslanik/zastupnik Haris Zahiragić:

uvažena kolegice Bešlija nisam zaista želio ali moram dva navoda ispraviti. Kolega Okerić meni nije dao riječ zbog toga što sam ja, vi ste imali diskusiju a ja ispravku krivog navoda. I tu me ne možete prekinuti ponovnom ispravkom krivog navoda. Evo ponovo vam moram objašnjavati poslovničke odredbe vi ste puno duže nego ja zastupnik, i molim vas.

Predsjedavajući.

kolega Zahiragiću budite konkretni uzet ću i vama riječ.

Poslanik/zastupnik Haris Zahiragić.

I drugi navod da je kolegica kazala da ja govorim stvari koje nemaju veze sa tačkom. A status Ministarstva osnovnog i srednjeg obrazovanja i te kako ima veze sa tačkom informacija o reformi obrazovanja. Hvala vam predsjedavajući na korektnosti.

Predsjedavajući:

Jasmina Bišćević-Tokić replika zastupnici Bešlija.

Poslanik/zastupnik Jasmina Bišćević-Tokić:

zahvaljujem predsjedavajući. Ja ne znam uopšte zašto je kolegica Bešlija uznemirena. Ne bitno je kolegice Bešlija da li je sjednica Skupštine hitna. Važno je kakav je postupak kojim se neki Zakon donosi. Vi ste donijeli Zakon koji je neustavan i digli ste isto ruku. Bitno je to što je ministricino prisustvo danas o informaciji predstavljalo van institucionalno djelovanje. Zahvaljujem predsjedavajući.

Predsjedavajući:

zaključujemo raspravu.

INFORMACIJA SE PRIMA K ZNANJU.

KONSTATUJEM DA JE SKUPŠTINA INFORMACIJU PRIMILA K ZNANJU

Obzirom da smo iscrpili sve tačke današnje sjednice zaključujem rad na 33. Radnoj sjednici i zahvaljujem se uvaženim kolegicama i kolegama.